

10 85

A V. 19

Nos animorum nostrorum
Medico multum egere
video. S. Franc. Lav.
l. 2. ep. 4.

Handwritten text, likely bleed-through from the reverse side of the page. The text is mirrored and includes the following lines:
1. *... ..*
2. *... ..*
3. *... ..*
4. *... ..*
5. *... ..*

C
M

M

D

...

...

...

...

Co

CAROLI SCRIBANI

E SOCIETATE IESV

MEDICVS

RELIGIOSVS

DE ANIMORVM MORBIS

ET CVRATIONIBVS.



MONASTERI VVESTPHALIAE,

Apud Michaëlem Dalium.

ANNO M. D. C. XX.

Cum Sac. Caf. Maieftatis Priuilegio.

Congr. Eremitar. Samatoulen

*Ex lib. Montis Reg.
ad Pommern*

IN PRÆNOBILIS
BRABECKIORVM
FAMILIÆ INSIGNIA.



I.

Nobilium ostentant si prisca Insignia mores,
Quaę latent animis condita pacta notant:
Quis Brabeckiadum manifestior arguet index
Pectora, quàm præsens arguit ista stylus?
SPES & AMOR, caliq; FIDES innixa columnis,
Debentur Supero terna trophæa Patri:
Sed tribus hac Vncis tria soluit nomina BRABECK,
Et trahitur curuo dente, trahitq; Deum.

II.

Terram homo corpus habet, sed mentem calitis aura,
Terram illud, calum hac, pro statione petit.
Quã graphicè in BRABECK utrūq; abluditur Vncis,
Dum petit una solum, pars petit una polum.

ADMODVM REV^{do}, PRÆNOBILI,
ET AMPLISSIMO DOMINO,

D. ENGELBERTO
à BRABECK,

CATHEDRALIVM ECCLESIA RV M
MONASTERIENSIS ET SPIRENSIS

CANONICO,

VETERIS D. PA V L I

PRAEPOSITO,

SERENISS. PRINCIPI

FERDINANDO

MARCHIEPISCOPO ET ELECTORI

COLONIENSI,

EPISCOPO MONASTERIENSI,

UTRIVSQUE BAVARIAE DVCI, &c.

à CONSILIIIS,

DOMINO ET PATRONO SVO COLENDISS.

Q Vi se ad magna natos autumant
Admodum Reu^{de} & Prænobili-

lis Domine, magna auent, ambiunt,
rapiuntque interdum antequam
concedantur, dumque ruptis legum
repagulis, ferro dictatore, & insoles-
centis victoriæ arbitrio cuncta ex-
pediunt, nimis inimica Rebus publ.
consilia præcipitant, victis pauen-
da, victori verò etiam poenitenda.
Multa hæcenus tali catastrophæ in-
ter colluctantes populos fatali quo-
dam æstu quassantur & gliscunt im-
peria, & pertæsa tranquillitatis re-
gna mutuis funeribus & cladibus
tremiscunt, omnem medelam dedi-
gnata, nisi ensibus fatigatis, nisi san-
guine ruinâque sepultris qui exitium
aluerunt. Et tamen bella bellis, en-
ses ensibus, phalanges phalangibus
medicina sunt; cumque docta ratio
succubuerit, sæpe vis & fortitudo
militaris detumescentes animos ro-
bore, ingenio, stratagematis & belli-
ca virtute quasi medica quadam ar.

te

Bien A V. 19

te triumphat. Et ne qua virtuti laus
desit, hæc ipsissima est Nobilium
gloria, quæ etiamnum per tot sæcu-
lorum traduces ad seram posterita-
tem manat ac pertinet, heroicarum
mentium & fortiter ac præclarè fa-
ctorum testis. Cum regnis simili
quodam fato religiosorum familiæ
quandoque fatiscunt: quæ initio
quidem omni opinione maiores, de
extrita vitiorum rubigine, de edo-
mitis affectibus illustre trophæum
statuebant, suo illo gubernandi mo-
do vel ipsis regnis potiora: Verùm
vbi Affectus postliminio rerum po-
tiri occeperint, & triumphatæ ha-
ctenus Cupidines ad negatas habe-
nas, quasi per cuniculos, lentè subre-
pserint, erubescit inter distortos
mores pietas, & euigoratus procliui
mollitæatque ignavia animus, dif-
ficiliaque quæ pulchra exosus, sen-
sim lentescit. Tantusque ipsam me-

dicinarum tabernam morbus fune-
stat, ne dicam incesstat, vt vix nedum
medicam manum ferat, vel vno lau-
dabilis, si contra præsides melioris
notæ calcaneum leuare erubescat.
Huic inimico malo, de tenuiculis
& leuiculis quibusque initijs protu-
beranti, & in atrox Catholicæ Rei-
publicę vlcus maturescenti, saluber-
rimis consiliis occurrit hoc libro R.
P. Carolus Scribani, vir de palæ-
stra Catholica iuxta ac literaria pro-
lixè & optimè meritis: cui cùm ad
desideratum suum finem hosce
meos opitulares typos authorarem,
debito obsequendi studio Tuam
Reuerendam admodum & Prænob.
Dominationem huic libro Patro-
num iure ac meritò destinaui. Vide-
bam enim sedere Te ad gubernacula
Reipub. quam pro tua singulari pru-
dentia consiliis quotidianaque sol-
licitudine curādam suscepisti; mul-
tis

ne-
um
au-
ris
at.
lis
tu-
ei-
er-
R.
la-
ro-
ad
ce
m,
am
ob.
ro-
de-
ula
ru-
ol-
ul-
tis

tis patriæ incommòdis medicam
manum feliciter admouere : bona-
rum artium messem , quæ animo-
rum medelæ sunt, tua insigni libera-
litate patriæ oppignorasse: pendere
ab ore tuo Reuerendos & Prænobi-
les Collegas Tuos, nihilque Tibi ad
Nestoris prudentiam , nisi triplica-
tam ætatem deesse. Ne igitur ab offi-
cio, debitaque obsequendi volunta-
te exerrarem , libellum hunc Medi-
cum, nobiliori medico, & consul-
tissimæ prudentiæ orsum, Tibi tan-
quam alteri Nestori nostræ Reipub.
humiliter offero ac dedico. Non vt
clarissimo tuo Nomini & nobilissi-
mæ familiæ Brabeckianæ hac modi-
ca face lucem adferrẽ , sed vt sub tui
Magnifici patrocinijs tutelâ, plus exi-
stimationis Medico huic Religioso
in vulgus accederet, & Tuo grauissi-
mi Viri testimonio multi cederent,
multiq̃ue Te inhortante cupidius

voluerent, qui vitam moresque
suos in exempla cæterorum trahi
meminissent. DEVS Reueren-
dam admodum & Prænobilem Do-
minationem Tuam diu sospitem
velit. Monasterij è Typographia
26. Martij, ipso D. Ludgeri Proto-E-
piscopi Monasteriensis festo, Anno
1620.

*Admodum Reuerenda & Prænobilis
Dominationis Tue*

humillimus cliens

Michaël Dalius Typog.

A D.

ue
hi
n-
o-
m
ia
E.
no

ADMODVM REVEREND
D O M I N O
AC PATRI
A N T O N I O
D E V V I N G H E,
ABBATI LÆTIENSI
ORDINIS S. BENEDICTI.



li

Popondi. non fallo fidem. &
non Christianum tantum, sed
& Religiosum Medicum mit-
to, animorum morbos, dama-
na, remedia narrantem. Ride-
bit aliquis ab hesternâ schola, nupera arte-
ria Medicum tironem. at mihi satis est, votis
Tuis Tuorumque respondisse. Et nescio, an
non maior, promptâ parentiâ, quàm pru-
dentis imperij laus sit. etiam incertum osten-
tasse decus, si imperaveris. & non clarior
gloria, infantiam quàm eloquentiam pro-
didisse ad imperia? in illa, è solo obsequendi
studio, sperari laus potest, contemptus ab
infantia: in hac facilis obedientia est, quæ
laudem imperat, nec magnum est, in amico

g.

D.

S S im-

imperio ceruices submisisse gloriæ, magnū
est contemptui submisisse. hoc volui, illud
non potui. laudem an merear, iudicij erit tui.
Hoc dicam: parui, & imprudentiam prodi-
di. De morbis scripsi, non inexpertus mor-
borum, remediorum ignarus. addidi tamen
remedia: non quæ ægros alienos animos ex-
pleant, aut medeantur malis; sed quæ agræ
scriptoris huius mēti commoda arbitrabar.
Et sanè in morborum varia implicatione a-
liiquid mihi largiendum, cū morborum
genus omne pectore hoc circumferam. dē-
sius his obsessus, quàm audax de genu pu-
gnantis Magni Macedonis, in Sudracarum
oppido, clypeus, totam hostilium telorum
siluam circumferens. vt non iniuriā fides ha-
beri possit morborum experientissimo, &
ex se magistro, remedia ab alijs, ac magno in-
primis Claudio Aquaiua veriùs quàm à me
didici: vt cui crudi adhuc stent morbi. cer-
tiora à Tua Tuorumque manu expectabo;
& Blossianis, non Galeni aphorismis. quod si
feceris, & margines libelli huius, expertissi-
ma manu tua medicamentis oppleueris; nā
ego fortunatus, qui pellendis his animæ
meæ morbis, testata medicabula repererim,
cer-

certam valetudinem promittentia. Bea me
hoc munere, & in omnem posteritatem ha-
bebis Tuum, nouo hoc Tibi munere æter-
nū pigneratum. Vno hoc volumine tres
libros clausi. primus Superiorum morbos,
secundus inferiorum, tertius vtrique com-
munes amplectitur. Nemo indignetur. me-
os non alienos, enarraui morbos, famæ hu-
ius dominus, famam prodegi. & quis veter
morbos suos omnium in circo oculis spe-
ctandos, emendandos, præbere? non eru-
besco ad aliorum aures, qui non erubui ad
oculos magni Dei. nec pudet aperire, quod
non puduit perpetrare. noxia enim vere-
cundia est, quæ malū in interitum celat. felix
confessio quæ in medelam mala prodit. hoc
feci. & toto hoc volumine mentem legen-
dam tradidi. nihil excuso. nec si velim, pos-
sem. habeo nimis oculatum testem & iudi-
cem pectoris huius, morborum, vulnerum,
quibus saucia mens hæc Samaritanum ex-
spectat, vinumque & oleum, è paterna ma-
nu, matris vberibus; vt & vini acrimonia fa-
niem tergat, & oleum fundentia vbera de-
mulceant. vt nouus homo, post vulnera,
morbos, mortem rediuius; valentia mem-

bra, sanguinis, coloris, & succi boni plena,
diuinæ gloriæ, proximorumque salutis sacræ.
precibus hoc Tuis Tuorumque spero. nec
difficile erit, è diuite Blossiana nube, in e-
marcidos hos animæ meæ campos fœcun-
dum imbrem depluere, & è locuplete illius
apotheca nobilissima medicamenta, valetu-
dini in integrum restituendę depromere. Ita
facite magni Patris magna soboles, dignis-
simi omnes tanti Parentis educatione; & ca-
lidis vestris ad Deum orationibus animæ
huius morbos pellite, valetudinem reddite,
ita æternum vos tueatur magnus Deus: spi-
ritumque noui Eliæ vestri Blossij, in nouos
vos Elisæos, dupla felici fœneratione dif-
fundat.

AMICO

AMICO LECTORI.



Orbos enarro. non quales annorum
 experientia doctus in alijs observa-
 ui, sed quales viri varijs retro secu-
 lis eruditione ac pietate non postre-
 mi multis sparsim voluminibus,
 pro re nata vulgarunt, qualesq; in vario Religioso-
 rum aliorumq; hominum genere succrescere posse
 arbitrabantur. quae omnia in vnum hunc librum,
 tanquam in vnum fasciculum conieci, quod prom-
 ptius ad manum cum essent mala, essent & reme-
 dia: neque tam mala cognoscerentur quae sunt. quae
 quae temporum procursu, & Religionibus ad acue-
 xam caniciem, tanquam ad capulare quoddam se-
 nium properantibus, suboriri possent. In futurorum
 ergo magis anteambulam precautionem, quam in
 praesentium subsidium haec scripsi. Sed neque in om-
 nes cadere haec mala possunt, neque eadem omnibus
 medicamenta admouenda. quaedam hic etiam in-
 ter curationes praescripta, quae cum non vltimarum Re-
 ligionum institutionibus pugnant; qualia sunt lo-
 corum ac Superiorum mutationes. multa deinde
 quae in solidum ignorata, ut sepositi designatiq; cer-
 ti per annum dies solis spiritualibus animorum ex-
 ercitationibus donandi, recollectiones, annua voto-

rum renouationes, binæq; per diem conscientiarum
disquisitiones, particulares etiam viciorum virtu-
tumue diurnæ disquisitiones, aliæq; generis huius non
paucæ. Enarrare tamen ista volui, vt quibus hæc nō
ignota, prod'esse possent in med. tam; quæ imitari e-
tiam possent, quibus in hanc diem ignorata. Nemo
verò morborum numerum miretur. quantos Hip-
pocrates, Galenus, aliq; medicorum, corporum mor-
bos tradiderunt? quanti q; super hac exurgunt in-
dies, veteribus, omnibus addeò retrò sæculis, ne no-
mine quidem cogniti? Non minores animorū sunt.
audeo. plures etiam, quo latior in animo quam in
corpore campus, ac patentior area est. Iam vt nemo
merito reprehendit medicos, morborum in vario
sexu genera remediaq; pertractantes, laudat poti-
us, cum in morborum nos cognitionem, sugam, me-
dicationem manu quasi ducant: nec quisquam in-
dignatur scribentibus, tanquam morborum sito-
rum denuntiatoribus; amat magis, vt periculorum
monitores. Sic neminem iure offendi posse arbitror,
si animorum mala non tam quæ sunt, quam quæ
subnasci possunt, remediaq; enarrauerim. nullorum
hic vulnere propalare animus fuit: sed in f. g. m. &
tutelam, quæ succrescere tanquam in fecundissimo
zizaniarum solo, possent mala, designavi, & anti-
dota venenis addidi, vt indignari nemo possit, cona-

tum

tum potiùs laudare ; & docto prudentiq³ suo cala-
mo, rudem hunc meum & imperitum , polire & e-
rudire . quod totis animis voueo , repositurus in be-
neficium , quidquid à quocunque amico calamo
subministratum fuerit . summa etiam plerumque
capita veriùs tetigi, ac malorum superficiẽ quan-
dam rasi, res per capillum veriùs trahens, quàm to-
to corpore pertractans . accedent docta manus , quæ
publico bono , gaudio meo , fassius hac certiusq³ pro-
spectanda dabunt . addentq³ e felici ingenio , fortu-
nataq³ experientia sua plura in cognitionem &
medelam . quo magis venerabor celamq³ aterna be-
neficium memoria , centupla in calis a Deo redhi-
bitioe remetiendum .

SYL

SYLLABVS CAPITVM

LIBRI PRIMI.

CAP. I	I	Ignoratio in Superiore muneris sui. fol. r.	
	II.	Ignoratio domesticarum rerum ac personarum.	7.
	III.	Ignoratio morborum subditorum suorū.	14.
	IV.	Ignoratio spiritualiter medendi.	21.
	V.	Neglectus in curandis suorū morbis.	29.
	VI.	Impatentia in inferiorum curatione.	36.
	VII.	Acerbior correctio.	41.
	VIII.	Paternæ gubernationis neglectus.	51.
	IX.	Exigua cura interni spiritus.	60.
	X.	Remissio in gubernando.	66.
	XI.	Facilitas & indulgentia nimia.	75.
	XII.	Dissimulatio in suorū malis.	85.
	XIII.	Studium placendi sibi subditis.	92.
	XIV.	Nimia in suorū aliquem fiducia.	99.
	XV.	Privatæ necessitudines & amicitie.	107.
	XVI.	Defectus boni exempli.	114.
	XVII.	Executionis defectus.	121.
	XVIII.	Discipline neglectus.	126.
	XIX.	Neglectus valetudinis suorū.	137.
	XX.	Nuntia in hospites passio.	145.
	XXI.	Inutilium personarum admissio & retentio.	154.
	XXII.	Negligens institutio nouitiorum.	160.

LIBRI SECVNDI.

I.	Auersio à Superioribus.	176.
II.	Neglectus obseruantie erga Superiores.	183.

† Cu-

SYLLABVS CAPITVM.

† Curiosior inuestigatio imperfectionum Superiorum.	736
III. Simulata & recta conscientia explicatio, & redditio.	189
IV. Curiositas in indagandis, quæ gubernationem tangunt.	203.
V. Obedientia neglectus.	202.
VI. Obedientia è solo metu profecta.	210.
VII. Excusationes.	217.
VIII. Intercessiones.	223.
IX. Laborum fuga, otij amor.	228.
X. Studiorum neglectus.	236.

LIBRI TERTII.

I. Orationis neglectus.	243.
II. Auiditas & in oratione distractio.	260.
III. Neglectus lectionis spiritualium librorum.	271.
IV. Examinis diurni neglectus, aut perfunctoria conscientia discussio.	278.
V. Tepiditas in ijs quæ spiritum tangunt.	290.
VI. Mortificationis neglectus,	313.
VII. Regularum etiam minimarum neglectus.	320.
VIII. Silentij transgressio.	331.
IX. Aberratio ab instituto in rebus pijs.	341.
X. Auersio aut vniuersum ab instituto, aut ab aliquibus instituti proprijs,	348.
XI. Aemulationes etiam in rebus pijs, & instituti proprijs.	354.
XII. Amor sui,	360.
XIII. Dictorum factorumq; suorum commendatio,	

SYLLABVS CAPITVM.

tio, reliquorum damnatio,	375.
xiv. Ambitio, speciosorum munium prosecutio, viliorum fuga & contemptus.	383.
xv. Delectus munium & locorum.	392.
xvi. Nimia in vnam alteramque nationem propensio.	400.
xvii. Nimię cum vno alterius familiaritates.	410.
xviii. Familiāritas & gratia quę sita externorum, Principumque virorum.	417.
xix. Affectus in parentes, in sanguine iunctos,	429.
xx. Commendationes ad Ecclesiasticas aut seculares dignitates & munia.	436.
xxi. Paupertatis neglectus,	443.
xxii. Singularia in cibo, potu, vestitu, reliquisque corporis commodis,	453.
xxiii. Neglectus munditiei & modestię religiosę.	459.
xxiv. Sæculares mores, risus, ioci, minusque religiosę recreationes.	467.
xxv. Conuiuiorum frequentia.	476.
xxvi. Munerum acceptatio & largitio.	489.
xxvii. Adulatio.	497.
xxviii. Politica agendi ratio.	505.
xxix. Aulici mores.	520.
xxx. Clancularia agendi ratio.	527.
xxxi. Simulatę amicitię, occulta odia.	534.
xxxii. Secretorum violatio.	540.
xxxiii. Infidus animus, alieni explorator & delator.	547.
xxxiv. Ingratus animus beneficiorū immemor.	557.
xxxv. Ni-	

SYLLABVS CAPITVM.

xxxv.	Nim a ad externa ditutio.	565.
xxxvi.	Castitatis neglectus.	575.
xxxvii.	Nimia fiducia sum in rebus agendis, feminarumque consuetudine.	583.
xxxviii.	Feminarum familiaritas quocunque prætectu, confessionum, instructionum spiritualium, boni temporalis, a gritudinum.	592.
xxxix.	Frequentes & proluxæ feminarum confessiones.	606.
xl.	Feminarum visitationes.	614.
xli.	Sociorum fuga & vitatio.	621.
xlil.	Indeliberata agendorum resolutio & excutio.	632.
xlili.	Diffidentia.	644.
xliv.	Dissensiones.	651.
xlv.	Detractiones.	664.
xlvi.	Delationes è suspicionibus natæ.	673.
xlvil.	Credulitas nimia in delationibus.	683.
xlviil.	Nimix commendationes & depressiones,	689.
xllox.	Apprehensiones & suspensiones,	696.
l.	Pusillanimitas.	709.
li.	Impatentia in aduersis.	727.

F I N I S.

CEN-

C E N S U R A.

Hic liber, *medicus animæ, affectionumq̃, cura-*
tor, ab Admodum R. P. Carolo Scribani So-
cietatis IESV per Flandro-belgicam Præposito
Prouinciali conscriptus, virtutes inferens, vitia ex-
tirpans, dignissimus est, qui typis excudatur, vt Re-
ligiosus quisque eum præ manibus, & ob oculos sem-
per habeat Quod censui 9. Nouembris, anno 1617.

Egbertus Spitholdius S. T. L. Ca-
nonicus & Plebanus Antuer-
piensis.



PRIVILEGIUM CAESAREVM.

EGo Ioannes Copperus Societatis IESV
ad Rhenum Præpositus Prouincialis,
iuxta Sacrę Cæs. Maiest. Priuilegium Socie-
tati nostræ concessum, Michaëli Dalio Ty-
pographo Monasteriensi facultatem con-
cedo recudendi *Medicum Religiosum R. P. Ca-*
roli Scribani nostræ Societatis Presbyteri.
Fuldæ 21. Februarij, Anno 1620.

Ioannes Copperus.

LIBER PRIMVS.
SUPERIORVM
MORBI
ET
CVRATIONES.
CAPVT I.

Ignoratio in Superiore muneris sui.



INC ingens illud malum, cum Superior non tam constitutum, regularum, ordinationumque instituti sui, quam iudicio suo gubernationem moderatur: vt non tam vocationis suæ, quam nouæ congregationis & Religionis institutio meritò videatur, è Superioris placitis nata. Variæ ex his principijs consuetudines nascuntur, liberior in non paucis, in alijs rigidior disciplina; in magnis sæpe grauibsq;

a

&

& à quibus Religionis nomen bonum pendet, laxior plerumque; in minimis noueque ferè excogitatis strictior feueriorque; vt iam à primæuo spiritu & vocatione vix aliud præter inane nomen reliquum fit: cùm quæcunque in speciem pia bonaque amplectimur tanquam instituti propria. Grauis error eoque magis, quò sub pietatis prætextu teneriores animas, simplicioresque aliorum ab instituto pellit.

Sanè vt non omnium morbis eadem medicamenta, nec omnium valetudini eadem victus potusque ratio; ita nec omnium vocationi eadem vitæ genera, aut pietatis exercitia muniaque conueniunt. Sancte sunt variarum Religionum exercitationes, sed non omnes omnibus Spiritu sancto dictatore præscriptæ aut imperatæ sunt. Sua cuique Religioni sunt munia, sui termini, quos egredi non sit consultum.

Et certè labetur sæpè Superior, qui instituti sui, munerisque sibi impositi ignarus, suo iudicio propositas difficultates decernet, & in grauissima se Religionemque discrimina conijciet, incertusque sæpe rerum,

du-

dubius hærebit, sollicitumque anxiumque pectus trahet; nec se explicabit sine insigni iactura nominis etiam sui, salutisque aliorum; mirabiturque se eò deductum, ut per præcipitia salus ipsi speranda sit, cum consueto se itinere exclusum viderit, seroque, & non profutura pœnitentia errorem suum ingemiscet, consequeturque ut aut imperiti, aut fatui, aut temerarij, aut improbi nomen obtineat, audietque non raro hostis Religionis, qui eam placitis è cerebro suo fabricatis, in alienam à veteri semitam conetur impellere.

Et sanè cum nihil stolidius sit, quàm ignoratæ artis scientiam profiteri, ut si quis curationum ignarus medicum se venditet; ita omnium stolidissimum est, Religionem, quàm ignores, præ te ferre. Neque enim in vno errore stabit hoc malum: error enim vnus errorem trahet, donec ad inextricabilem errorum labyrinthum deducatur, è quo se extricare nulla arte aut prudentia queat. Hinc est illud Gregorij: In Past. part. i. capit. primo. *Nulla ars doceri præsumitur, nisi intenta meditatione prius discatur. ab imperitis ergo*

pastoribus magisterium pastorale suscipitur in magna temeritate, quoniam ars artium est regimen animarum.

Plurimum deinde illi de sapientiæ opinionione decedet, atque hinc auctoritas illi apud suos minor, minorque veneratio erit: nec rarò erubescet, cùm rogatus hallucinabitur, aut ab inferioribus errorem suum difcet, non sine insigni ignorantiae suæ rubore.

Et quid vniuersim sperari ab eo boni possit, qui ignarus impositi tibi muneris est? quomodo illud, nomenque suum tuebitur, alijs imperabit, dubitantibus consullet, labantes eriget, ægris medebitur, afflicto solabitur, prospiciet tempori, præcauebit damna, irruentibus se malis opponet, aut propulsabit noxia, cùm ferè ab hoc nocitura potiùs metuenda, quàm profutura speranda sint? & si quid feliciter euenerit, fortuitis magis casibus, quàm certæ scientiæ tribuendum sit?

Iam quid expectare prudenter ab eo possumus? nihilo plus quàm ab imperito nauclero secundum cursum, ab ignaro auriga

te-

felicem ac inoffensum progressum, ab imperito medico valetudinem bonam, ab indocto architecto, penicillo, calamo, doctum, elegans, eruditum opus.

Et certè quicumque muneris sui scientia destituitur, etiam prudentia agendarum rerum regula destitui necessum est: qua qui caret, quantis necessariò se difficultatibus induat nemo non videt. unde fit, vt nihil certo consilio ac ratione; omniaque dubio euentu peragantur. perimentia proinde sæpè pro salutaribus, noxia pro profuturis, venena pro medicamentis propinantur. & cum contraria ferè contrarijs curentur, amica hîc amicis præbentur mala, tâquam si in fomentum, non in malorum depulsionem remedia porrigantur. Neque enim potest muneris sui ignarus, personarum, temporum, locorum, rerum, in omni prudenti gubernatione necessariarum rationem habere: sed de errore in errorem necesse est illum labi. Quo fit vt infortunatissimum ferè exitum sortiatur, cum tam fatuis mereque fortuitis consilijs agatur.

Remedia.

EX instituti accurata cognitione petenda. hæc verò ex frequenti constitutionum, regularum, tam communium, quàm singulorum officialium, ordinationum, instructionum, historiaeque instituti lectione paranda.

Iuuabit plurimùm conferentiarum frequens de rebus instituti proprijs iteratio: de quæ ijs maximè, quæ aut nocitura in primis, aut profutura videbuntur: de praxi etiam & executione rerum ad Religionis integritatem potissimùm necessariarum.

Proderit etiam frequenter cum ijs agere, qui aut longa rerum experientia, aut assidua lectione instituti vt peritissimi, ita amantiissimi sunt, illorumque sibi vitam imitandam proponere qui in omni virtutum genere, instituti que ac primæui spiritus amore, omni ætate floruerunt.

Magis etiam si in dies singulos, aut sanè alternos, seponat horam vnam, aut sanè mediam: qua & singulorum subditorum sibi
of.

officia, conditiones, mores, propensiones, virtutes, vicia, animique morbos & curationes, & impositi sibi muneris partes omnes, seriò secum tacitus perscrutetur: quid nimirum res, quid concreditæ sibi personæ depossant. quibus tueri augeri quæ res domestica; quibus foueri prouocari quæ primæuus Religionis spiritus; quibus pro instituti ratione promoueri proximorum salus possit. quorum omnium sedula ac non perfuntoria cogitatio, magnum Superiori lumen præbebit, ac in commissi tibi muneris cognitionem inducet.

CAPVT II.

Ignoratio domesticarum rerum, ac personarum.

Hinc ingentes agendarum rerum imprudentiæ nascuntur, & graues in gubernatione errores, quos nullo remedio corrigas, damnæque non in vnâ alterâue personam, sed in corpus vniuersum decurrentia; cum aut committuntur munia,

quibus non possunt, aut res deliguntur no-
xia.

Neque quisquam prudenter præesse po-
test, aut præcauere nocitura, aut profutura
deligere, cui non domestica omnia perso-
næq; perspectæ fuerint: errores enim ex hac
ignoratione necessum sequi grauissimos,
cum prioribus dissenteanea sæpe imperentur,
aut sanè minùs commoda, aut mutuo pu-
gnantia.

Ille securè procedit, nec facilè pœniten-
da committit, quem nihil domesticarum re-
rum fugit, & non magno negotio deuitat
mala, & prouidet nocituris, ac præoccupat
etiã antequam veniant, quem nullæ do-
mesticæ res latent; aut certè remedia illi prò-
pta & ad manum sunt, qui & suorum in hâc
aut illam partem propensas voluntates, vi-
res, eruditionem, ingenia, mores, domesti-
cæque res omnes perspectas habet. Neque
enim ille de facili committet aut non com-
mittenda, aut quibus non tutò potuit: scit
res personis, personas rebus metiri. contrà
qui hæc ignorauerit, in ingentia sæpe discrimina
suos conijciet, nomenque bonum

cor-

corporis totius: vt qui ad indignationes, æmulationes, potum, arrogantiam, carnem propenso ea imponet, quæ quasi apprehensa manu trahunt ad illa, ad quæ natura non modò ducebat, sed reluctantes etiam potenti trahebat impulsu, quasi si quis præcipitio proximum, & tantum non prolabentem protrudat. Bene de hac re Prosper. de vita contemp. lib. 2. cap. 2. *Præpositi speculatores sunt, quia speculantur actus hominum, & qualiter quisque viuat diligenter explorant: quos bonos probauerint, honorando confirmant; quos deprehenderint vitiosos, arguentes.* & Chrysostomus de sacerdotio: *Multa pastori opus est diligentia: sexcentis etiam, vt ita dicam, oculis, vt recte vndique humani animi habitum circumspicere possit.*

Certè vel minima etiam ignorasse grauium in gubernatione errorum causa est. ille prudenter præesse potest, quem nullæ domesticæ res latent. magnæ illæ aut paruæ sint, plurimum ad prudentem gubernationem conferunt: cùm minimæ etiam aliæ atque aliæ intercurrentes circumstantiæ, alia atque alia consilia deposcant; maximæque sæpè res, & à quibus plurimorum salus feli-

césque infelicesque exitus, à minimorum cognitione pendeant. Nihil ergo illum fugiat cui commissa aliorum gubernatio, si sapienter præesse velit. nec aliorum tantum industriae verbisque, solisque auribus suis fidat, oculos admoueat certissimos rerum testes, ac propè falli nescios. vnde fiet vt domesticos omnes serios sedulosque concreditorum sibi officiorum administratores consequatur, cum ferent sua omnia perspecta Superiori esse, nec falli illius aut circumueniri diligentiam posse. Quæ res incredibile est quàm leui negotio omnes in officio contineat. cum ita natura comparatum sit, vt nisi filialem aliquem metum amoris in gubernando admoueris, non magna de felici prudentique gubernatione sperare possis. amari in imperio magnum est. Sed ferè indulgentia amorem comitatur. iuge filialem timorem, & prudentis imperij leges expleueris. ac licet sua sit amoris veneratio, nisi altera à timore veneratio accedat, non postrema obsequendi promptitudo labascet, plurimumque de imperij felicitate decedet.

Personarum etiam ignoratio in immania præ-

præcipitia Superiorem adiget. quid enim
turò ignoto committet? aut quam rem pru-
denter illi credet, cuius vitam, mores, ani-
morum propensiones ignorat? non ad sin-
gula propè imperia trepidabit suorum igna-
rus, de quæ incerto dubiòq; perpetuò euen-
tu sollicitus? cui deinde fideret, cum ignoto fi-
dere stolidum sit, & ipse suorum ignoratio-
ne laboret? solus exequi omnia non potest;
ignotis sua Religionisque sapienter credere
non potest, externis domestica committere
non expedit: quò se vertet inter hæc consti-
tutus Superior? nisi ut anxiam semper men-
tem trahat, aut fortuitis omnia euentibus
committat. in utroque miser nam aut sem-
per timere, aut omnia fortuitis permittere
miserrimum & infelicissimum vitæ genus
est, quod infortunato plurimum exitu clau-
ditur.

Remedia.

Vigilans Superiorum cura, & in omnem
partem intentio, ut omnino nihil illum
fugiat. Consequetur hoc magna & intenta
a 6 suo-

suorum obseruatione, diligenti examine redditionis conscientia; aliorum etiam, maximè qui iudicio & solertia valent, auditio-
ne, sententiarumque inuestigatione. iudi-
ciorum enim variorum disquisitio in ma-
gnam inducet Superiorem suorum cogni-
tionem.

Conandum deinde, vt ea ferè per se Su-
perior peragat, quæ magnam adferre noti-
tiam solent; qualia sunt

Litterarum omnium, siue illæ mittantur,
siue ad suos dentur, accurata lectio.

Omnium qui ad portam euocant, cogni-
tio, ne externorum quisquam, quantum fre-
quentia, & loci ratio permittit, Superiore in-
scio, quenquam conueniat.

Ne ad vllius externi aedes, non conscio
antè Superiore, quisquam accedat.

Ne extra consueta tempora ad templum
euocentur inconsulto Superiore.

Credi non potest quàm ingenti rerum
harum cognitio Superiori, in omnem benè
gubernandæ familiæ rationem excubanti,
præsidio sit. Non magna quis hæc arbitrabi-
tur; sed ea tamen sunt, à quibus omnis pru-
dens

dens gubernatio dependet, quibusque neglectis, propè impossibile est, prudentem gubernatione posse subsistere, quibusque stantibus, facilis omnis gubernatio est.

Idem inuenies in omni repub. regno, militia; quorum salus in rerum personarumque accurata cognitione vniuersa vertitur. quæ res semper coëgit summos Reges, & prudentia, & rerum gestarum gloria claros, ad largissimas etiam pecuniarum profusiones in hostium consilijs dignoscendis. At verò non minùs necessariam esse domesticorum subditorumque cognitionem, quàm externorum consiliorum, nemo non videt; cum ab horum ignoratione, aut perspecta scientia, plus etiam rei publ. bonum, quàm ab hostili dependeat. Vt enim semper periculosiora domestica mala, quàm externa sunt; domesticum ferrum & venena, quàm hostilia: ita cognitio illorum magis etiam necessaria est, minoreque damno inimica, quàm domestica consilia ignorantur.

Curabit deinde Superior, vt omnium sibi subditorum officialium, muniùmque singulorum, accuratam cognitionem habeat.

Obeat ipse sæpè domum, ac infimorum etiam non rarò collustret operas, locaque muneribus illorum accommodata: temporarias etiam domus suæ rationes penitus perspectas habeat, vt nihil illarum earum fugiat, datique acceptique rationes omnes ipse dispiciat ac memoriæ imprimat, vt & iudicium de ijs ferre, & prospicere tempori possit.

Nemo facilè credat, quantum intentus sic in omnem partem Superioris oculus & domesticos in officio contineat, & damna præcaueat, & profuturis prospiciat, ac Superiorem quasi iuris sui faciat, ac extra quandam suorum tutelam ponat.

C A P V T I I I.

Ignoratio morborum subditorum suorum.

EX qua prouenit, vt aut malis adhibere remedia non possint, aut non adhibeant idonea, aut etiam contraria, plurimòsque in variorum munium impositione,

vitro, ignarique periculis obijciant vocatio-
nis & animarum. nam quæ remedia in mor-
borum ignoratione sperari possint, nisi for-
tuita, ægros plurimum perimentia? profutu-
ra nimirum, aut interemptura, prout fortui-
tò casus tulerit.

Proficiscitur hæc in Superiore ignoratio
è suorum neglectu, & ignavia quadam com-
missorū sibi cura, ex ingenti animi tempore, ac
languore spiritus, è pusillanimitate & animi
deiectione, & è quodam muneris sui frigo-
re; dum res nec seriò tractat, nec zelo in eas
fertur, & superficie quadam contentus, non
descendit ad interiora; quasi satis sit præ-
fuisse.

Nascitur non rarò eadem ex non ritè
reddita conscientie ratione. fit hoc, cum
minus confidenter inferiores Superioribus
se se aperiunt, vel quia duriores illos nacti
sunt, vel quia minus secretos, vel quia labo-
rū fugientes, & à quibus auxilia desperent.

Neque ultima ignorationis huius causa
è varia Superiorum occupatione nascitur;
vt cum adeo grauibus, tamque varijs disti-
nentur, vt totos illos alia negotia occupent.

qui-

quibus obruti, nec respirandi tempus habet, nec eis ratio suorum cognitioni incumbendi suppetit; cum nimirum vel ordinarijs concionibus vacant, vel toti scriptionibus inhaerent, vel externorum saluti, consilijsque dandis obruuntur, vel in ualitudine denique perpetua detinentur: quæ nisi in viros perpetuò sibi præsentēs, quiq̃ue oculos inter medias negotiorum aliarumq̃ue occupationum moles, in domesticos sibiq̃ue creditos, intentos semper teneant, inciderint; periculum omnino est, ne densissima suorum ignoratione laborent.

Et quam curationem morbis suorum adhibebunt tales, quibus ipsa ægritudo, ægritudinumq̃ue causæ in solidum ignoratæ sunt? pericula, damnaq̃ue, & valida morborum incrementa veriùs metuenda sunt, quàm noxiorum à talibus mitigationes aut depulsionēs sperandæ. Neque enim quicquam ignoratione morbi grauius, magisq̃ue meritò metuendum in curatione accidere potest, neque quod præsentius mortem acceleret.

Remedia.

VT in medico inualetudinem cognouisse propè curasse; ita ignorasse, agrum propè peremisse est. Prima proinde omnis periti medici cura est, morbum, causas, incrementa, statum intellexisse: è quibus medicationis spem non magno negotio concipiat, periculaque depellat. neque sanè longè petenda remedia: quæ ferè cuique experto ad manum sunt. Mali cognitio difficillima est. Hanc qui consecutus fuerit, facilem sibi ad reliqua viam sternet. Idem vsu venire solet in animorum morbis, cognouisse propè curasse est, imò sola non rarò explicatione fugantur morbi, vt verè Cassian. Coll. 2. ca. 10. *Illico vt patefacta fuerit cogitatio maligna, marcescit.* Nec difficile est Superiori viro humanarum rerum experto, cognita depellere, aut anteuertere quæ nouit mala: vt tota ferè curationis spes metusque à morbi cognitione aut ignoratione pendeat.

Hanc cognitionem partim seria longa-
que obseruatione suorum, partim aliorum
de-

denuntiationibus, partim ægri confessione discet Superior: nam & ipse intentum in omnem partem oculum habebit, mores, verba, socios, consuetudinem, propensionésq; observabit, maximè recreationum tempore, videbítque in quæ se profundat, quorum familiaritate ac narrationibus delectetur. pronior éne in cibum, potum, continétiam, mulierum consuetudinem, sæculi an religiosos mores, in fabulas aut serias piæ sive sermocinationes. Forè enim in illis in latentia pectoribus vitia se ac virtutes produnt. index animi oratio est.

E socijs deinde maturioribus facilè reliquorum mores intelliget. neque enim in aded mutué innexo contubernio, latere diu bona malæque possunt: cùm omnium plerumque oculis auribúsque intima quæque obijciantur. ad quæ si accedat ægri ipsius sincera, tanquam patri ac medico relectio, nulla difficultate, cuicumque etiam gravissimo occurri malo potest.

Prima proinde Superioris cura erit, suos paternis monitis factisq; , ad malorum tempestatúmque quibus premuntur ac
ia-

iactantur nudas explicationes excitare: vt & aperire audeant, & patris verique ac condolentis medici manum experiantur. Semel enim amicam dexteram, maternaque in Superiore vbera experti, faciles pronique ad omnem egritudinis confessionem decurrent. quod vbi Superior consecutus iuerit, ludus illi gubernatio erit: ingens enim ex hac mutua fiducię ostentatione amor nascitur. cum vix fieri possit, vt qui paternum in se Superioris animum senserit, non prono profusio- que in ipsum pectore feratur. neque quidquam promptius est, quam ad illius medici opem confugere, à cuius benigna doctaque manare remedia accepimus. Patrem proinde se & medicum exhibeat Superior, & ultro fatentem, malaque sua ingenti fiducia explicantem inferiorem experietur, & facilem ad curationem viam reperiet: cum & obsequentem ægrum suum habebit, & mali vim magnitudinemque intelliget. Paterna proinde in omnes adhibenda sollicitudo, quam etiam subditi persciscant, quò facilius morborum quibus iactantur genera, in Superioris, tanquam patris,

ac

ac benignissimæ matris ac medici, sinum deponant.

Maior autem in Superioribus paternorum affectuum ostentatio, si in eos fuerit, qui fidentiùs se suaque omnia, ægritudinumque genera aperuerint, occasionem causamque sinceræ refectionis reliquis præbebit.

Eminenda etiam seriò constitutio inferiorum, quales antè fuerint, quales in præsentiarum sint, quos morbos aliquando patiti, quæ medicamenta adhibita, quo successu.

Secreti demum infracta observatio, omnium eorum, quæ filiali à subditis affectu, apud Superiorem tanquam verum animarum parentem reposita sunt, plurimum hîc valebit. Dici non potest, quantam hæc res confidentiam excitet, prouocetque inferiores, ad vniuersos, quibus iactantur, morbos, cum quadam etiam animi voluptate relegendos.

C A P V T . I V .

Ignoratio spiritualiter medendi.

Ex

EX qua quàm ingentia & meritò timenda mala proficiſcantur, nemo paullo prudentior non videat. Nam quamuis magna pars ſperatæ valetudinis à morborum cognitione pendeat; curationis tamē igno- ratio, medicamentorumque inſcitia, inter prima ægrum perimentia adnumeranda ſunt. qua qui tenetur, nō rarò nocitura propinabit, exaſperabit malum, irritabit. non tollet noxios humores, interitumque accel- lerabit.

Atque hinc mœrores naſcuntur, & gra- ues in ægto melancholiæ, cū ſentit malis quibus opprimitur, non remedia, ſed malig- nitatem prouocantia adhiberi. quare impe- ritiam medici ſui damnat, malaque ex illa nata: inclementesque illius manu, & medē- di ignaras deteſtatur. nam licet forſ ab ani- mo clementis medici & patris proficiſcan- tur, ſi ab imperito & mederi neſcio veniant, à tyranni potiùs & iudicis quàm patris pro- uenire arbitrabitur. vnde ſaſtidia naſcuntur, & nauſcātis animæ infelix tepor, gemitus & lacrymæ, & dura imo ducta ſuſpiria, oblo- cutionumque paſſim ac querimoniarum

in-

ingentes acerui, medicum suum accusantes, nectam inscitiam in illo, quàm hostilem animum damnantes.

Quid quòd crescant in agro mala, cum ex vno plurimum errore enascantur alij, morbiq; è morbo, tanquam è fœcunda fontis vnus vena varij torrentes, profiliant: vt consultius sit ægritudinem vniuersam ignauo aut hostili etiã animo neglectam iacuisse, quàm ignaram medendi manum admouisse: minusq; peccet qui exuto omni patris affectu, leuiter vbique iudicis dexteram, ferrumq; & ignem adhibet, quàm qui medicationis imperitus fœrta, & in incertum casura, aut obfutura admouet. Contingit enim non infrequẽter vt imperitia medici, leuissimus morbus & paruo medicabilis, ad malorum extrema ægrum deducat: & qui sibi, naturaq; benignitati relictus, sola nonnunquam mora curari poterat, inscitia medici in vitimam desperationẽ protrudatur. tãtum in omnẽ partem peritia imperitiãq; valent; vt mors vitaq; in prudentis imprudentisq; medici manu posita sit. Quanti viuerent si in doctum medendi

in-

incidissent? quanti in Religione omni æuo
stetissent, si medendi peritum Superiorē na-
cti fuissent? ceciderunt, non tam mali ma-
gnitudine, quàm indocta illius manu. Quāti
in ipsa miseram sibi que alijsque vitam tra-
hant, nec mentis tantum, sed & corporis vi-
ribus prostrati iacent, ingloria morte inglo-
riam vitam signantes, sola imprudenti Su-
perioris medicatione, omni spe melioris va-
letudinis deiecti? ita in corpus etiam animo
medendi imperitia transit. cū illius ferē
mala in corporum se aegritudines profun-
dant, & hæ ex illis, tanquam è matris utero
nascantur. Hinc non rarò videmus in omnē
vitam, lentam plurimos animam, in corpo-
re mille morbis oppresso, trahentes: quos
vna Superioris medendi peritia leui attactu,
sub morborum initium, curare poterat. ac-
cessit imperita manus, & efferauit malum, &
evertit quidquid erat spei valetudinis bonæ,
& ad nulla ætate aut arte medicanda ægrum
suum deduxit. Nam licet peritior postmo-
dum accedat manus, eò tamen non infre-
quenter malum deductum est, vnde ad me-
liora reuocari nulla prudētia aut dexteritate

pos-

possit. principes nimirum partes insedit malum, & potissima quæque depastus est morbus, ut à nulla quantumvis docta manu sperari prudenter remedia possint.

Remedia.

E Serio diligentique meditationum studio, piorumque librorum frequentata lectione, vsuque rerum experientiaque peritia paranda. Optimus ferè ille est, qui ex se magister plurima tulit, de genu non semel pugnavit, hostemque post luores, vulnera, sanguinem, toto tulit corpore, ab arena & sanguine animos mutuatus: quique exemplo suo didicit non eadem omnibus pugnatum & victoriae genera præscribenda esse: alia enim atque alia pro varia hominum conditione documenta tradenda sunt. faciet hoc peritissime, qui ex se didicit curationum genera ex morborum diuersitate pensanda, sed & pro ratione constitutionum, ac temporum etiam discrimine aliarumque circumstantiarum, medicamentorum genera adhibenda. Neque enim eadem omni tempore,

re, & loco, omniq̃ue ætati, & constitutionibus, aut omnibus singulisq̃ue omnia conueniunt. Iam varia morborum qualitas varia etiam curationum genera postulat; cū ē varijs circumstantijs medendi ratio p̃deat, illæ autem innumeræ prop̃e sint. Necessum proinde Superiorem virum esse prudentem, prouidum, singula circumspectantem, disquirentem ægritudinum causas, morbum ipsum, ægri constitutionem, quæ etiam in eo sperari, quæ timeri possint. Prudenter in hanc sententiam post Nazianzenum Gregorius in proleg. Past. par. 3. *Non vna eademq̃ exhortatio cunctis congruit, quia non cunctos par morum qualitas astringit. Sæp̃e namque alijs officunt, quæ alijs profunt: quia & plerumque herbae quæ hæc animalia enutriunt, alia occidunt; & lenis sibilus equos mitigat, catulos instigat; & medicamentum quod hunc morbum immunuit, alteri vires iungit; & panis qui vitam fortium roborat, paruulorum necat.* Vt meritò inclamet in Past. par. I. cap. I. *Ars est artium regimen pastorale. quis autem cogitationum vulnera occultiora esse nesciat vulneribus viscerum? & tamen sæp̃e qui nunquam spiritualia præcepta cognouerunt, cordis*

se medicos profiteri non metuunt: dum qui pigmentorum vim nesciunt, videri medici carnis erubescunt.

Quid? quòd & ipse, in quo versatur, locus, domesticiq̃ue, & contubernales aliquid adferant momenti iustæq̃ue considerationis, vt omnia omnino Superioribus in remedium applicationibus accuratè expendenda, nihilq̃ue indiscussum relinquendum sit: & sæpe à tenuissimis rebus remedia petenda sunt. à locorum enim, sociorum, Superioris, muneris mutatione, alijsq̃ue longè his inferioribus, magna aliquando sperari possunt. plurimùm verò interest, temporis rationem habere, constitutionisq̃ue agrientis animi; ne turbata, nec satis composita mente, aut etiamnum exasperata, curatio admoueat. Componet illius priùs animũ Superior, furoresq̃ue primos, efferatasq̃ue procursiones vt ignarus prateriet: at vbi depulsis Aquilonib. resederint animo fluctus, quibus iactabatur, manum admouebit paternã, licet iudicis postea opus foret; in qua tamen nunquam patris personam exuet: vt dum æger patitur iudicem, sentiat patrem; plus-

plusque adeò semper medicamenta habeant patris, quàm iudicis, etiam cum iudicis nomen induendum erit.

Proderit etiam in primis magnos viros audisse, aut legisse, qui suo, aut aliorum exemplo edocti, varia ut morborum, ita curationum genera norunt. Habemus hinc momentem Chrysost. hom. 5. ad pop. Ant. *Contraria contrarijs curare medicorum filij iubent. ex crapula ergo nata est febris? inedia morbum corrigit. ex tristitia quis infirmus est? letitiam huic aptam medicinam esse ducunt. Sic & in anima aegritudinibus fieri oportet. Iram torpor excitauit? industria hanc repellamus. Habemus Gregorium homil. 32. in Euang. *Celestis medicus singulis quibusque vitiis obuiantia adhibet medicamenta. Nam sicut arte medicine, calida frigidis, frigida calidis curantur: ita Deus noster contraria opposuit medicamenta peccatis, ut lubricis continentiam; tenacibus largitatem; iracundis mansuetudinem; elatis preciperet humilitatem.**

Frequens deinde ac diligens per diem consideratio plurimum momenti adferet, qua dum commissum sibi gregem serio Superior voluit, variaque in singulis morborum

genera, varias etiam medelarum excogitat formas, nullis aut industrijs aut laboribus parcit, quò ægrienti subueniat, morbum leuet, monitis, precibus, lacrymis; durioribus etiam, si morbi genus duriora postulat: ad quæ tamen nonnisi mitioribus tentatis, & necessitate coactus descendat, memor se esse patrem.

Animos insuper ad curationem necessum adferre magnos, qui nec magnitudine, nec morborum difficultate terreantur: ut ingenti in Deum spe fixus, nusquam de ægroto desperet Superior. frustra enim medicinam cogitat, qui illam à desperatione inchoauit. Audere, victoriæ initium est.

In spiritalis denique medicamenti præscriptione conandum, ut quæ suauitate ac benignitate, quæ varijs in affectum amoremque prouocantibus æger medico concilietur, amareque incipiat, fidemque dictis adhibere. Sic fiet, ut morbi magnitudinem indicanti fidem adhibeat, & medicamenta, licet acerbiora, libens admittat; maximè cùm sibi persuaferit, ab amore hæc nata.

CAPVT V.

Neglectus in curandis suorum morbis.

NAscitur hic ex ignauo quodam Superiorum tepore, dum aut promouendi instituti, aut propagandæ Dei gloriæ, aut salutis ac protectionis subditorum zelo carent.

Ex emendationis quadam desperatione, dum aut robori suo diffidunt, aut de suorum virtute desperant, aut difficultatibus territi, manum curationibus ad mouere formidant: qua benignitatis specie nihil crudelius inueniri potest. augentur enim & recrudescunt per interualla morbi, & extremis periculis proximus est qui patitur. bene Sapiens Pro.
19. *Erudi filium tuum, ne desperes.* & alibi Prou.
29. *Correctio tribuit sapientiam.*

Quod remedia in omnibus molliora, & extremam tantum cutem tangentia ad moueant, nusquam verò ad malorum radices manum mittant, contenti palliata quadam medicatione, imitantes eos qui exteriori str-

bio & purpuriffa intus latentem fœditatem contegunt, quique cādido linteo, nulla alia medicatione obuoluunt vlcera, non cogitantes eruptura illa aliquando maiori dāno, aut vicina quęque ac intima demum corporis pestilenti sanie sua in similem malignitatem pellectura.

Hinc fit primò, vt inferiores dum non perſentiscunt mala, quibus in dies magis magisq; immerguntur, labantur in deterius, & antè lapsum, quàm periculum aut præcipitium ſentiant, ſera poſt ruinam medicatione.

Secundò, vt perſuadeant etiam ſibi inferiores, bene ſecum agi, & regia ſe incedere via, cū videāt nulla Superiorum accedere monita, cōmuni illa perſuaſione ducti, quæ pleriq; arbitrātur ea à Superioribus probari, quæ non improbātur; nec morbos iam eſſe, quibus nulla medicamenta admota, ſed ſigna aut veſtigia valetudinis bonæ.

Et non iam patres, ſed hoſtes tales eſſe, nemo non videat, qui cogitauerit ex hoc Superiorum neglectu, quæ priùs leui medicationis attactu curari poterāt, ita increſcere mala,

la, vt ferro & ignibus postmodum opus sit; & qui initio sui sine dolore, ac quasi inter somni delicias curari morbi poterant, mora ipsa exasperatos, omnem paternam manum magnitudine sua vincentes, non nisi iudicis vstione & sectione medicari posse. Hinc illi inter dura hæc medicamenta, eiulatus & lacrymæ, Superiorum suorum neglectum, barbaramque in nimia clementia indulgentiam acculantes. Sanè tales plurimis exitio fuere, & desertæ auctores vocationis; neque enim ad extrema hæc malorum venissent, si vigili cura morborum principijs seriò Superiores inuigilassent, & in semine suo, aut tenero adhuc frutice, paternis zizania manibus ab agro Dominico auertissent: at vbi incuria excrescere illa in validas arbores passi sunt, non nisi à securibus & flamma remedia speranda sunt.

Atque hinc magnorum sepè ingeniorum, non sine ingenti Religionis damno, excidia nata sunt: quæ quo maiora sunt, eo ferè validius admittunt noxia, imbibuntque altius & potentiùs; credas in fœcundum solum semina iacta fœneraria redhibitione. quib. si

manum admoueris, dum adhuc herbescunt zizania, semenque bonum pro maligno in-seueris; nullo negotio & illa viceris, & centupla fœneratione Domini aream horreaque beabis.

Et mihi ferè hi Superiores similes videntur ijs qui oceani tempestates, dum adhuc minantur; & eminus fluctus denuntiant, cōtemnant, nec antè de portu fugaque cogitant quàm vbi irata intumuisse maria, irasque fremitusque suos vomentia senserint; cum hinc tanquam sideribus collisuri iaculantur & excutiant, ibi immensi hiatu vado tanquam sepulcro recondituri præcipitant rateem; scopulis nimirum illius, de salute & fuga meditantur, tabulam circumspicientes, dum frustra iam portum littorâque neglecta sperât. antè oportuit, neglexerunt: rationem redditori Domino commissi ibi gregis, animasque pro animabus suorum posituri, seuerissima aliquândo Iudicis sententia ferendi. ita monet Prosper. de vita contem. li. i. c. 20. *Superior sancte vivere debet propter exemplum: certus quod ei nihil sua iustitia suffragetur, de cuius manu anima pereuntis exigitur. & quid ei proderit, non*

puniri suo, qui puniendus est alieno peccato?

Remedia.

A Seria Superioris in omnem partem intenti vigilantia petenda sunt; nulli parcendo, quàm monendo, quàm blandè suauiterque vulneris morborumque loca pertractando, leniendo, fouendo: grauiora & acriora, si qua necessitas exigat, medicamenta adhibendo; nusquam malis indormiendo, aut tenuitatem vulneris negligendo: certus à minimis iniurijs ad summa deueniri, & à tenuissimè vnguis frictu ad mortem properari. Bern. in sermone de S. Ioan. Baptista. *Nemo vitia palpet, peccata disimulet nemo. nemo dicat, Nunquid custos fratris mei ego sum? est enim consentire, filere cum arguere possis: & scimus quia similis poena facientes maneat & consentientes.* Bene Prosper. lib. 3. de vita contemp. c. 23. *Sic peccantem video, & non solum non arguo, sed etiam ei peccanti consentio, participem me eius damnationis efficio: & in omnibus peccantibus pecco, quando eos quos scio peccasse vel peccare, quodam crudelis animi malignitate non increpo.* In Superiore maximè hoc locum habet, qui non solius caritatis, sed iustitiæ legibus ad suorum monitionē

& correctionem tenetur. quo grauiorem etiam vindicem Domini manū vereri meritò debet. Hinc illud Augustini de Ciuit. lib. 1. c. 9. *Qua in re non vtiq^{ue} parem, sed longè grauiorem habent causam, quibus per Prophetam dicitur: Ille quidem in peccato suo morietur, sanguinem autem eius de manu speculatoris requiram.* Ad hoc enim speculatores, hoc est populi umpræpositi, constituti sunt in Ecclesiis, vt non parcant obuergando peccata.

Illud interim in curationibus caueat, ne à potentioribus illas ordiatur, cū à lenioribus remediatio inchoāda sit. quòd si quando, vt in obduratis morbis euenire solet, ad grauiora remedia decurrendum fuerit, meminerit illud Augustini ad Bonifac. *Molestus est medicus furenti phrenetico, & pater indisciplinato filio; ille ligando, iste cadendo, sed ambo diligendo.* Si autem istos negligant, & perire permittant: ista potius falsa mansuetudo crudelis est. & Gregorij in registro. *Qui non corrigit ressecanda; committit: & facientis culpam habet qui quod potest corrigere, negligit emendare.* Sanè si patrem in omni suorum correptione Superior se ostenderit, non grauati de manu patris etiam vltiones perferet filius, certus à paterna manu ignes ab amore nasci ad quos non nisi in

extremis, & post initissima tentata decurret. vbi viderit mali magnitudinē minora vincere, descēdet inuitus ad maiora: descender tamen. cū melius sit per hæc filium viuere quā sine his perire.

Pari deinde cum subdito conatu radicibus extirpandis manum admoueat, paternē tamen semper, nec nisi in extremis malis iudicis personam induat. certē, Prof. sup. c. 23. *si nō ex iactantia, sed ex misericordia, & cum quadam pietate compatiētis animi castigamus, & illi uos sentiant non minūs peccatis suis moueri, quā nostris; aut in bonum statum reformati, nobiscum Deo gratias agent; aut si adhuc eos in peccato tenet peccandi dulcedo, & salutem suam nobis curæ esse cernentes, malum reddere pro bono voluerint, malle debemus eorum inimicitias, quā noluerint emēdari, contrahere, quā Dei offensam, dum peccantes palpamus, incurrere.*

Frequētes deinde suas ad Deum preces iaculetur, lacrymas pœnitētijs misceat; orationes etiā suorum, tacito tamē nomine, maximē in morbis grauioribus, indicat; maioreq; semper cura & conatu internis animorum, quā corporum inualetudinibus incumbat.

CAPVT VI.

Impatientia in Inferiorum curatione.

QVæ res ad extrema morbum impellit, illiditq; afflictam hanc ratem, tentationum fluctibus quatlatam, in breuia & scopulos, aut inextricabile periclitanti profundum.

Et sanè non est prudentis medici, desperare de agitudine, nec destituere agrotum, etiam cum extremo spiritu luctantem; cum non ignoret salutem etiam, tantum non ab ultimo spiritu non ratò redditam. Et nautæ quoties inter celi navisque minas, naufragio etiam iam facto, colissa navi, totòque oceano fluctuante, tabulâ salutem reperrunt? Quominùs, decet Superiorem laboribus succumbere: etiam de genu pro filio pugnabit, si pater est; corpusque vitamque pro filij salute obijciat. nam sudorem lacrymâque spargere, vulgare est: sanguinem proinde lubens profunderet, si qua necessitas occupaverit, quando nimirum in illum locum de-

deductam rem viderit, vt aut percundum filio, aut sanguis parenti fundendus sit: cō- que magis, quo periclitantis de salute filij sollicitudo omni merito patri vitā carior esse debet. ab hac enim temporaria, & non multò post peritura, à filij spiritali vita, aut morte, æterna pendent.

Quod si oculos Superior ad se reflexerit, morboſque, quibus aliquando iactatus, aut iactari etiamnum posset, vota que sua, quibus illis leuari calidè exoptauit, maximè malis saeuientibus, & extrema minitantibus, medicamenta que ad quæ non frigidè respexit; facile poterit, exēplo suo doctus, ingenti non tantum commiseratione, omni indignatione seposita, sed & prompto alacri que animo benignam facilem que curationi manum ad mouere: memor votorum suorum, regulæ que illa communi ductus, qua monemur ea & sollicitudine, & amoris ac benignitatis ostentatione, curam ægrigentium habere, qua similibus malis presiti, nostri ab aliis haberi volumus.

Iuuabit etiam illa cogitatio, quod nihil stolidius omnium iudicio reperiatur, quàm

cum medicus paterque aegroto indignatur filio, & pro medicamento asperiora propinat verba. Quis enim non arbitretur, non patrium hoc, sed barbarum esse pectus, quod in mediis febrium ardoribus, malisque precordia exedentibus, pro consolatione & medela, exardescit in agrum filium? quasi non expleat feritatem illius morbi saevitia, nec satis indignationi suae litatum sit, nisi morbi asperitatem asperioribus etiam verbis augeat. Idem accidit Superioribus, qui interna feбри iactato filio minas & indignantia verba pro medicamento propinant: quod enim haec spectant, nisi ut crescat morbus, & precipitio proximum filium ultro impellat pater, qui eripere poterat?

Et Superiorum haec in suorum morbis indignatio, nihil est aliud, quam ingens mali exasperatio: nam ferè ad extrema ex hac profiliunt; & quod levi attractu, mollibusque frictionibus curari malum poterat, ignibus & securibus tentatur.

Accedit, impatientiam animum conturbare, prospectumque salutarium medicamentorum auferre; obuia proinde, ac
for-

fortuito oblata arripiuntur, nocitura plurimum magis quàm profutura; consequiturque non rarò medendi salutisque quædam desperatio, & ex hac totius curationis neglectus. Hinc est illud Sapientis Prou. 33. *Impatiens operabitur stultitiam.* Et Pro. 14. *Qui patiens est multa gubernatur prudentia; qui autem impatiens est, exaltat stultitiam suam.* Et Prou. 15. *Vir iracundus prouocat rixas, qui autem patiens est, mitigat fuscitatas.*

Sequuntur inde graues in inferioribus animorum à Superioribus alienationes, indignationes, oblocutiones, detractiones; animus ad imperata inuoluntarius, ad spiritalia nauscabundus, torporque spiritus totius, mœrores denique ac melancholiæ graues, ad certum interitum ducentes.

Ingens denique diffidentia nascitur, & cum de parentis affectu desperent, iudicisque aduersentur, ante immoriantur malis, quàm vt ea indignabundo iudici, imprudenti medico, inclementi patri aperiant: Bonau. de 6. alis c. 5. *neq; enim audent ei necessitatē suam aperire, nili in vltima desperatione, cum omnē manum medicā malum superat,*
cum

cū nihil iam superesset, præter mortem certam miserrimamque.

Audiant verò duriores hi Superiores in suorum malis, grauius querentem Dominum: Ezech. 34. *Quod infirmum fuit non consolidastis, quod ægrotum non sanastis, quod confractum est non alligastis, quod abiectum est non reduxistis, quod perierat non quesistis: sed cum austeritate imperabatis eis, & cum potentia. Audiant monentem: Num. 11. Porta illos in sinu tuo, sicut portare solet nutrix infantulum. Audiant etiam D. Bernardum Ser. 23. sup. Cant. *Vt quid grauatis iugum vestrum super ceruices discipulorum, quorum vos potius iugum portare debetis? ponite onera, producite vbera, pectora lacte pinguescant. Et Bona. de 6. alis, c. 5. cū sit proprium officium pastoris docere virtutes: si vitiosos negligit, quos docebit: si medicus fugit ægrotos, quos curabit? si seruis tiro declinat impetentes se, quomodo affequetur triumphum gloria? si negotiator negligit merces in quibus magna lucretur, quomodo poterit ditari?**

Remedia.

GLoriæ consideratio, quam è filij ereptione Superior apud Deum hominesque

neſque ſperare poteſt ac debet.

Obligationis, qua inferiori, tanquam filio parens, obſtringitur, cuius cura illi à Domino dem^andata, cuiuſque animam à Superiore ſeuere Deus exigit.

Vtilitatis, laborantis filij, & corporis vniuerſi ex illius curatione, ſperatæ.

Gratitudinis conſideratio, perpetuaque periculis crepti grata memoria & recordatio.

Quòd ſi ad ſe oculos Superior reflexerit, ad morbos, delictaque ſua; per facile ei erit, indignationem ponere, impatientiam exuere, clementiam & longanimitatem inducere. ſi enim iuſta alioqui dignaque in illum indignatione vſus fuiſſet Deus, quoties grauior aliqua offenſio interceſſit, in quib. non iam ignibus arderet? Vtatur proinde in delictis morbiſque ſuorū ea moderatione, patientia, benignitate, quam à parente & iudice Deo ſuo expectat: memor elegantis in hac re ſententiæ Auguſtini, hom. 4. inter 50. *Bonitas facit amabilem diſciplinam, & diſciplina efficit inculpabilem bonitatem. bonitas ſine diſciplina delictorum mater eſt: & diſciplina ſine*

sine bonitate tristis quædam amaritudo viuendi. scientiam autem sibi postulat Dauid, vt nouerit sapienter distinguere qui sint termini bonitatis, & quam debeat habere disciplina mensuram: ne fortè aut nimia remissionis vitio bonitas inconsulta sedetur, aut disciplina durior ipsâ sui austeritate crudel. scat. Memor etiam illius Sapientis Pro. 19. Iracundus prouocat rixas, & qui ad indignandum facilis est, erit ad peccandum procliuor. Quare modestè, Bona. de 6. alis, cap. 5. maturè & benignè ad singula respondeat, & impetum feruoris reprimat, ne in voce aut vultu, seu moribus impatientiam ostendat. tunc enim magis proficit per patientiam, & tandem deuincit, quos impetuosè agendo prouocaret. teste Sapiente. (Pro. 15. Responsio mollis frangit iram, sermo durus suscitaturorem.) vix enim commotio commotione sedatur. Impatientia enim Prælati & Superioris confundit quæ promouere poterat bona.

CAPVT VII.

Acerbior correctio.

Diui

Dui Gregorij Magni moral. libr. 20. ca. 3. verba sunt: *Qui praeest, ea se circa subditos mensura moderetur: quatenus & arridens timeri debeat, & iratus amari; ut eum nec nimia letitia vilem reddat, nec immoderata seueritas odiosum. sepe enim subiectos frangimus, dum plus iusto vigorem iustitiae tenemus: qui profecto vigor iam iustitiae non erit, si se sub iusto moderamine non custodit.* ut benè Iuo Epi. 82. *Immoderatus rigor disciplina quos corripit non corrigit, sed in laqueum diaboli precipitanter impellit. qui si frequentetur, obdurefcit subditorum animus, callumque seueioribus factis monitisque obducit: in consuetudinem deinde ac tanquam in naturam acrimonia vertitur, totusque homo denso quasi sopore aut nebula inuoluitur, ut nec profutura quidē videat.*

Speratus deinde fructus omnis perit, dū subditi sibi persuadent, ex indignatione quadam animi, perturbatione, alienatione, aut ad nato quopiam aut accersito odio monita nasci potiùs, quàm ex commiserantis, aut patris, aut benigni medici affectu, aut emendationis aut perfectionis studio.

Exurgit deinde melioris spei, aut rei,
aut

aut amoris loco, exacerbatio, & à Superioribus vehementior alienatio, querimoniis, oblocutionibus, ac non rarò etiam detractionibus permista.

Vilefcit denique Superior apud suos; plurimùmque illi de nominis æstimatione decedit, non apud suos tantùm sed & apud alios. neque enim imperiosior sæuiorque illa ratio domesticis limitibus continetur; decurrit per regna, nec rarò ad externos. quæ res non leuiter propagationi diuinæ gloriæ, religionis, ac proximorum salutis impedimento est. Semel enim concepta de Superiore opinio vbi inualuit, exscindi vix potest; vt iam non nisi cum muneris abdicatione deponi possit.

Et quid à tali Superiore sperari potest, omnium ab illo suorum animis alienatis? Sanè coacta imperia diu stare non possunt. minùs etiam incrementa sumere. illa ætatem sentiunt, diuitæque crescunt augmento, quæ amore ac beneuolentia continentur.

Et in coactis, seruorum ac mancipiorum more, imperantis oculo deseruient; mens
im-

imperia auerfabitur : ac si clàm esse res possunt, negliguntur. sin sæuiora imperia cogant, cum fastidio peraguntur, & tanquam de superficie imperata raduntur, nec vltra extremam præceptorum cutem itur.

Accedit, pudore posito, effrons iam animus, cuius teneram frontem acrior correctio indurauit, & depudere docuit, verecūdia omni exuta; nec vltrà publicè an palàm increpes, colorem mutabit; stabit interritus, saxo quàm homini similior; & ferè seipsum in duritiem animat; credes cataphræctum, & armis vndique cinctum : ita aduersus acriora imperia firmavit pectus. incudem arbitreris, malleis densè subactam, & repercutientem verbera, adeoque & verberare duriores, quasi ab illo robur mutetur.

Et grauis in Superiore error est, ab vstulantibus medicationem inchoare. à mitioribus curatio instituenda est, nec ad illa veniendum, nisi vis mali molliora respuat : ac tum etiam cautè & prudenter ad ignes aut nouaculam eundum : vt sentiat æger, non voluntate medici, sed mali necessitate ad illa

la trahi. conandumque quantum fieri potest, ut ipse æger non illibenter acriora patiat; non quod hæc amet, sed quod salutem, quam videt sine his non posse parari, desideret. quod ubi Superior tanquam medicus persuaserit, non magno negotio ultro incurrerit in duriora, ferrumque & ignes si non amabit, feret tamen salutis consequendæ.

Verum magna opus dexteritate & efficacia, potensque persuasione; ac nisi patris senserit manum, non domini, aut sævientis iudicis, ne quidquam sudabitur. quod si verum patrem senserit, induet filij affectum, nec quidquam illi iam atrox, quod à veri patris sibi venire persuaserit dextra; ac plus etiam ab amica huius manu amabit verbera, quam acriora à iudice verba, aut ab amarulento vultu indignantia monita, imò quam ab indignabundo ore e mentita oscula.

Vnde in omni correctione primò se amare, patrem esse, nec aliud quam filij salutem velle, inuitum deinde ad duriora venire ostendat; excitetque in subdito filialem affectum, & confidentiæ magnæ fortes

im-

imprimat aculeos: operam suam spondeat, commisceatur laboranti: quod si lacrymas ille profuderit; misceat, si potest, suas: ac quasi consilium petens, roget, quod ægro in tanto malo remedium occurrat: addat deinde aliquid de suo: ac si maiora ille proponat, moderetur & mitiget, & non magno labore rem omnem ad felicem exitum deducet. Bene in hanc sententiam Augustinus in c. 6. epist. ad Galat. Nunquam alieni peccati obiurgandi suscipiendum est negotium, nisi cum internis interrogationibus examinantes nostram conscientiam, liquidò nobis coram Deo responderimus, dilectione nos facere. quidquid enim lacerato animo dixeris, punientis est imperus, non charitas corrigentis. Dilige & dic quod voles. nullo modo maledictum erit, quod specie maledicti sonuerit, si memineras senserisq; te in gladio verbi Dei liberatorem hominis esse velle ab obsidione vitiorum. & alibi: de serm. Dom. in monte. Pie cauteq; vigilandum est, ut cum aliquē reprehendere vel obiurgare nos necessitas coegerit. primum cogitemus, vtrum tale sit vitium, quod nunquā habuimus, vel quo iā caremus. si nunquā habuimus, cogitemus & nos esse homines, & habere potuisse: si verò habuimus, & non

bab

habemus, tangat memoriam communis fragilitas, vt illam reprehensionem aut obiurgationem, non odium sed misericordia precedat: si autem cogitantes nosmetipsos inuenerimus in eo esse vitio, in quo est ille, quem reprehendere parabamus; non reprehendamus, neque obiurgemus, sed tamen congemiscamus, & non illum ad obtemperandum nobis, sed ad pariter cauendum inuitemus.

Remedia.

MOnemur à Magno Gregorio: Moral. lib. 13. cap. 12. Sunt nonnulli ita districti, vt omnem etiam mansuetudinem benignitatis amittant: & sunt nonnulli ita mansueti, vt perdant districti iura regiminis. vnde cunctis rectoribus vtraque summopere sunt tenenda, vt nec in disciplina vigore benignitatem mansuetudinis, nec rursus in mansuetudine districtiorem deserant discipline: quatenus nec à compassionē pietatis obdurescant, cum contumaces corrigunt; nec discipline vigorem molliant, cum infirmorum animos consolantur. regat ergo discipline vigor mansuetudinem, & mansuetudo ornet vigorem, & sic alterum commendetur ex altero. vt nec vigor sit rigidus, nec mansuetudo dissoluta. Et alibi: Pastor. par. 2. c. 6.

Ne-

Neceſſe eſt vt quiſquis ſanandis vulneribus præeſt, in vino (Samaritani exemplo) morſum doloris adhibeat, in oleo mollitiem pietatis: quatenus per vinum mundentur putrida, per oleum ſoueantur ſananda. Miſcenda ergo eſt lenitas cum ſeueritate, faciendum quoddam temperamentum ex vtroque, vt neque multa aſperitate exulcerentur ſubditi, neque nimia benignitate ſoluantur. ſit itaque amor, ſed non emolliens: ſit rigor, ſed non exaſperans: ſit zelus, ſed non immoderatè ſeuiens: ſit pietas, ſed non plus quàm expediat parcens: vt dum ſe in arce regiminis iuſtitia clementiaq; permisceant, is qui præeſt corda ſubditorum & terrendo demulceat, & tamen terroris reuerentiam demulcèdo conſtringat. & antè: Curandum vt rectorem ſubditis & matrem pietas, & patrem exhibeat diſciplina: atque inter hac ſollicita circumſpectione prouidendum, ne aut diſtinctio rigida, aut pietas ſit remiſſa.

Proderit in hac re frequentata hæc cogitatio; Memento regere, vt regi voles; nec quidquam in alio experire, quod in pari deſcripto in te nolles. Sepone perſonam iudicis, indue patris; amari malis, quàm timeri; neque quidquam metu peragas, quod amore poſſis, memor verborum Proſperi ſent. 163.

In domo iusti etiam qui imperant, eis seruiunt, quibus videntur imperare. quia non dominandi cupiditate imperant, sed officio consulendi: nec principandi superbia, sed prouidendi beneficentia. Benè Iliodorus lib. 5. de sum. bono. Qui delinquentem superbo vel odioso animo corrigit, non emendat sed percutit. quidquid enim proteruus vel indignus animus protulerit, obiurgantis furor est, non dilectio corrigentis.

Iuuabit diligens personarum & morborum consideratio, prudentium medicorum more; neque enim omnium conditio morbusque eadem medicamenta admittit. & grauissimus error illorum est, qui in omni populo, persona, etate, morbo, tempore, eadem medicamenta adhibenda censent. lenia enim quidam maximo admittunt fructu, dura noxio ferè euentu hauriunt; potèntioribus alij exstimulandi sunt, mollia contemnunt, adeoque exasperatur his suauibus malum & irritatur, frustraneo ac nocituro etiam euentu.

Magna proinde cautione, ac prouida in his circumspectione opus est: minus tamen vniuersum delictū est in mitioribus, quā in acro-

LIBER I. CAP. VII.

si

acrioribus peccare: & facilius in illis venia,
& promptior emendatio est. quod si quem
viderit conatum superandis malis adhibere,
manum illi porrigat qualem lapso sibi
aut labenti porrigi vellet, memor Sapientis
Ecclesi. 8. *Ne spernas hominem auertentem se à
peccato: neque improperes ei. memento quoniam omnes
in correptione sumus.* & Apostoli ad Galat.
1. *Si preoccupatus fuerit homo in aliquo delicto,
vos qui spirituales estis, huiusmodi instruite in spi-
ritu lenitatis, considerans teipsum, ne & tu tente-
ris.* talem nimirum, teste Bonauentura de 6.
alis, c. 7. *satisfactionem imponite, per quam agnoscat
pondus reatus sui; ita tamen clementer, sicut ti-
bimet velles alium cõpati, si tali peccato delinqueres.*

C A P V T VIII.

Paternæ gubernationis neglectus.

Illam nisi Superior quâ verbis & exter-
na benivolentiæ ostentatione, quâ rebus
potissimum ipsis ex sincero, non simulato
paterno affectu natis, ostenderit, ita ut infe-
rior reipsa patrium in se Superioris animum
perferat, sibi que penitus persuadeat,

tali in se Superiorem affectu duci; frustra filialem erga se suditorum amorem affectumque sperabit. vt certissima in inferioribus affectum regula è Superiorum affectu petenda sit: qui si per omnia patrius sit; filialem etiam in subditis expectet. si sæcularem, politicum & despoticum dominatum sapiat; similem in subdito affectum speret; famulitiamque potiùs obsequentiam, quàm filialem; mandatorumque executionem à timore magis, quàm ab amore natam. nam cum in Superiore non sentiat inferior patris animum, sed domini, fit vt seruilem, non filialem affectum reponat.

Atque hinc quanta nascantur incommoda & difficiles, nemo paulo prudentior non videat. Suboriuntur enim vtrinq; diffidentia, & dum solo exteriùs placendi studio subditus ad imperata rapitur, superficie potiùs tenus mandata exequitur: ac si celari facta sua posse putat, aliorsum potiùs, & ad ea, quæ à Superioris voluntate alienissima sunt, ducitur.

Sequuntur deinde vtroque pro re nata suspiciones variæ, animorum alienationes,

nes, murmurationes, tecta vtrunque confilia, ac simulationibus omnia plena. Quòd si pergat Superior in hoc neglectu, neglectum in inferioribus excitabit obseruantia ac venerationis in se debita. neq; enim hæc sperari potest, filiali amore à paternæ gubernationis neglectu extincto. Exurgunt deinde solertissimæ in inferioribus, minimorum ac abditissimorum in Superiore defectuum inuestigationes; carpendi nimirum ac reprehendendi in eo quem auersantur studio, prouocati. ita quæ beneuolentia, patriusque amor ac profusio, natusque ex his affectus tegere solet mala, indignatio auersioque è paterno neglectu, ac gubernandi duritie nata, palàm aperit, & omnium oculis obijcit, adeoque & in virtutibus ipsis improbanda numerat. ita subdola & ingeniosa omnis alienatio est, in laudibus damnanda reperit. decurriturque tandem in apertum obloquutionum ac detractionum campum: nec vsquam, nec vlli altissimè etiam defossæ rei parcitur; ac nec apud exteros quidem ac Religionis hostes. milleque excogitantur & inueniuntur modi, iugum à paterno imperio

alienum excutiendi. bonis artibus non licet, decurritur ad malas: cum satis sit dominum excussisse. nam cum sentiant se filiorum loco non haberi, non agnoscunt Superiorem patrem. & cum dominum nolint; nomenque hoc omne auersentur, ut qui in paternam se vltronea traditione tutelam, non in hominis imperia coniecerint; sit ut nullum molitionum finem faciant, donec se alienis in Superiore à paterna gubernatione legibus exemerint.

Denique frustra apertam conscientiae refectionem sperabit Superior talis. ignorabit suorum morbos, labeturque grauius in spiritualium medicamentorum applicatione, in personarum designatione, in munium distributione, ac in vniuersa commissi sibi gregis cura. nam cum interioris hominis ac conscientiae nuda quaedam sinceraque in subdito explicatio filialem confidentiam praesupponat, haec verò paternum in Superiore affectum; sit ut, si hoc Superior careat, nullis persuasionibus induci inferior possit, ut se tanquam patri filius aperiat, cuius patrium in se affectum non experitur. & cum semper ve-

rea-

reatur iudicem, aut dominum, non facile se æger ut patri, aut medico explicabit: teget potius omnia, & se animamque in perimentia discrimina conijciet, quàm ut in Superiore, iudici ac domino, vulnera & quibus iactantur pericula aperiat.

Nascitur verò hic paterne gubernationis neglectus, aut ex ambitiosa dominandi libidine; aut è mentis quodam fastu, dictorum factorumque suorum angusta æstimatione, aliorum contemptu & neglectu; aut ab innata quadã asperitate, morositate, fastidio, ac nauseantis animi tædio, dum nil alienum placet, displicent omnia, eoque magis quo magis domestica; aut ab animo humanarum miseriarum immemore, menteque commoueri nescia, & malorum in se ignara, aut cæco amore sui rerumque suarum abrepta, ut omnino optandum sit inferiori, Superiorem consequi probatum per omnia, qui & mala tulerit, & sub aduersantibus ingemuerit, de genu pugnauerit, mixtumque puluere sanguinem fuderit, remediaque ex se didicerit, factus ex seipso medicus, dux & magister; quo compati, mederi, anteuertere

mala, occurrere venientibus, aut illata pel-
lere sciat: quique è malis periculisque suis re-
liquos metiatur: qui nihil putet esse negli-
gendum, nulli securè indormiendum, nul-
lumque quocunque etiam ex cespite insur-
gentem hostem contemnendum, certus à
minimis ingentia damna dari, regnorumq;
etiam validissimorum interitum à minimo-
rum contemptu & neglectu nata; maiora-
que adeò à minimis illata damna, quo ferè
magis neglecta: cum pulso timore mala cres-
cunt, ac nimium securos sui inopinatos op-
primunt.

Remedia.

FRequens in Superiore cogitatio, paterni
in omnes affectus Dei. ut ad illius formã
& imitationem paternam in tibi commis-
sos gubernationem instituat; maximè cum
cogitauerit, præesse se illis, quos cælestis Pa-
ter in filios tibi adoptauit, coheredes vnige-
niti Filij sui, quæ dignatio meritò vnum-
quemque Superiorem in paternum affectũ
excitabit, omni despotico deposito, ac quasi
in exilium acto.

Suo

Suo deinde se Superior pede metiatur, videatque quales in se Superiorum suorum affectus optet, patrios an despoticos: excitetque in se tales, quales aliorum in se desiderabit. Certissima hæc bonæ ac religiosæ gubernationis regula est, qua fortiter sibi serioque proposita, non facile Superior à recto aberrabit.

Amarivelit, non timeri; cogitetque; imperata ab amore nata, ab amore peracta, diuturniora, sinceriora, tutiora, pacatiora, & laude etiam digniora esse.

Perpendat secum frequenter, quanto filialis amor seruli timori præponderet: illum verò sperari non posse, nisi ipse prius paternum in suos affectum induat.

Iuuerit etiam in primis, si vltro nea & non rogata beneficia, ac sollicitudinem in suorum necessitatibus impendat, idque infirmitatis potissimum tempore, siue ab animo illa, siue à corpore profecta fuerit. paternè compatiendo, remedia malis præscribendo, vltro compellando, excitando, ac in spem meliorum prouocando, opem suam operamque pollicendo, medicum in corporum mor-

bis consulendo, in omnem demum fiduciam, spemque paterni in se affectus inferiore excitando. doleat cum dolente, commisceatur patienti, ac in omnem se formam vertat, ut suorum salutem consulat; cogitetque se non tantum patrem, sed & pro rerum exigentia matrem; ut etiam vbera norit præbere sitientibus, mellaque vinaque ijs, quia-
maro ac tristi sunt corde: nec quicquam omnino intentatum relinquat, quod patrius, adeoque & matris suggerere in carissimorum filiorum ægritudine affectus solet. multa patrum matrumque exemplo perferat, quamdiu infirmitas ægrum filium tenet; nec facile ad grauiiores admonitiones accedat, quamdiu malum sæuit, febrisque siue illa animi siue corporis languentem filium possidet. pulso malo, tum demum seria, sed paterna tamen, si necessum, monitione agat: ita ut sentiat subditus, à paterno, non ab indignabundo & despotico affectu monita nasci.

Bon. de 6. alis, cap. 4. *Quòd si admonitiones paterna, & benigna instructiones frustra fuerint adhibite, imitandi erunt periti medici, qui non ex odio,*

odio, sed amore ferrum & ignes, aliaq; remedia in-
suauia agrotis adhibent.

Imitetur denique in suorum malis Apo-
stolum Bonau. suprà, cap. 4. pro Corinthiis sem-
per gratias agentem, pro Ephesiis genua flectentem,
pro Philippensibus omnibus semper in cunctis ora-
tionibus cum gaudio deprecantem, pro Colossensi-
bus non cessantem postulare & orare, Thessalonicen-
sium memoriam facientem in orationibus sine in-
termissione, atque cum eodem Paulo dicat: Gal. 2.
Filioli mei quos iterum parturio, donec formetur in
vobis Christus. sic enim fiet, vt in quam volet
partem ac virtutem suos ducat: maximè si
præcat ipse exemplo, ac dux facti fuerit. ne-
que durum erit filio patrem sequi, & gene-
roso, nec degenerare calcaui, æmulæque qua-
dam laude, antea ambula illius vestigia pre-
mere, vt vel solo etiã rubore secuturus sit fi-
lius si patrem agnouerit, paternumque in se
pectus ac sollicitudinem expertus fuerit. ne-
que enim credi potest quantum in omnem
partem intentus patris animus, ac de filij
profectu ac salute sollicitus, possit, quantum
ad ardua quæque audenda calcar addat, &
incitamentum præbeat.

CAPVT IX.

Exigua cura interni spiritus.

HInc paulatim succrescunt zizania, & dum cultura negligitur, siluescit ager, spinisq; ac sentibus repletur; fœcundusq; antè gratusq; Domino, sterilefcit; & quæ vuas solebat, labruscas vinea profert.

Nascuntur deinde pro spiritualibus fœcularia, & quæ priùs super niuem dealbata erat anima, nunc densa nocte tegitur: inuoluiturq; tetra ac inimica spiritualibus nube, quæ fulgoris sui radios longè antè lateq; multorum bono variè spargebat. sermo illi priùs, dum super grege suo excubabat Superior, cœlestis, diuinarumq; rerum grauidum pectus diuina profundeabat; nunc illius neglectu, nil nisi nocitura, & sæculum suum sonantia promit.

Tepescit inde Religiosus, & pro ardoribus, nausea quædam succedit spiritualium rerum, nec vltrà suauem sibi optatumq; cibum amplectitur anima; magis etiam fastidit ac spernit, & toxica illi videntur, mortè-
que

que acerbiora, quibus antè ingenti plenus gaudio lætus pascitur.

Et ut nulla ferè realia quàm culturæ neglectu perit ager, ita nulla realia magis quàm interni cultus neglectu Religiosus. Cum enim natura prona ad zizania simus, ut nihil præter tribulos, solis ignibus natos, relicta sibi natura proferat; fit, ut nisi assidua cultura, diligensque in omnem partem studium accesserit, frustra horreo Dominico reponendam messem speres. Quin adeò, nisi perpetuetur labor, hic putando, ibi vellendo, alibi radicitus excaudicando, ferroque etiam & ignibus non rarò sæuiendo; suffocabitur quidquid melioris seminis superieceris, miraberisque indolebisque serò, nihil messi, aut horreo seponendum relictum esse.

Deterius etiam est, quando non tantùm negligitur interni spiritus cura, sed contrarijs etiam nocituris distinctur; aut sæculariũ occupationum anxia sollicitudine tantùm non insepelitur animus, ut erigere ad superna, aut inflectere ad interna se nõ possit, mole aut tempore sæpe ipso exclusus, ut in defuetudinem planè interni cultus veniat.

fic enim fit, vt etiam dum volet, omni conatu ad spiritus culturam se attollere nequeat, negotijs tanquam molaribus aut rupibus oppressus: quæ vbitotum insederunt hominem, vertuntur quasi in naturam, & domestica fiunt, nec expellendi potestas reliqua: imò cum vna ferè ex alia occupatio ac negotiatio nascatur, ac velut in denso nemore arbores mutuo implicentur, aut tanquam hederæ parietem, sic animis innotetur, nulla aut arte aut industria repellas.

Deterius etiam, cum ex assuetudine sæcularium rerum, delectatio quædam subnascitur, quæ ipsa magnitudine ac multitudine sua si crescat, frustra cælestia cogitabis. oblectatione enim rerum humanarum animus captus, non meretur æterna, nec ceruices ad futura circumfert, nec ad illum perennem celorum solem, perpetua negotiorum nube nebulaque cinctus, oculos deflectit: inhaeret nimirum terræ, assuetus illi; omnemque cogitationem suam, & quid quid habet viri- am, profundit in sæculum, vt nullum supersit interno spiritui robur, quod omne pō- de- æ suo & oppresserunt & euigorarūt res alię:

ne;

neque duobus in solidum se dare mens humana, nisi singulari Dei munere, potest.

Iam ea externarum internarumque rerum pugna est, ut perquam difficile mutuo socientur, ac ferè altera alteram pellat, nec in vno stabulare soleant pectore. Quòd si quis contendat posse: ingens sanè illud necessum est esse & robore, & vastitate sua nobile. quod perrarò in hac vita concessum est homini, & è millibus vix vni aut alteri. Tam enim ex aduerso pugnantibus, & quæ ferè totum hominem depolcunt, incumbere, arduum omnino est, & quod humanas propè vires excedit. quantum enim plus vni concesseris, tantum alteri ademeris. crescunt secularia? decrescunt spiritualia, auctibusque illorum hæc minuuntur: mensque tota ab illis obsessa, vix cælestibus locum dare potest. non possumus nimirum simul mammonæ seruire & Deo. alter destituendus est. partiri obsequia dominorum disparitas non permittit. nec inimica signa aduersantia in vna sacramenta concedunt. vni qui se sacravit, alterius hostilitatem professus est. Dabit proinde se Religiosus Deo, diuinuq; se totū
man-

mancipabit, cuius rei potissima cura à Superioris vigili studio dependet: à quo commissi sibi gregis rationem deposcet Deus, animasque sanguinemque suorum, salutemque interitumque illi in primis ascribet, ut à cuius seria ac in omnem partem intenta excubatione, aut neglectu, tota ferè subditorum salus pendeat.

Remedia.

Seria in Superioribus inuigilatio in Spiritalem profectum suorum, diligensque observatio singulorum, quem quisque ex orationibus fructum, quem ex mortificationis studio referat; quam seriò singuli his incumbant; quo ardore ac zelo in proximorum salutem ferantur; quem in virtutibus progressum faciant.

Accurata conscientiae & non perfunctoria redditio, ut se totum aperiat inferior, quò nihil internarum rerum Superiorem lateat. in latentia pericula, meritò metuenda damna cognoscat, quò temperare moderarique externarum rerum curam possit, sciátque quibus illæ tutò, ac minori spiritus detrimento

mento committi possint. quam ille cognitionem nulla è re certiùs, quàm ex inferioris sincera refectione cognoscer.

Moderatio domesticarum recreationum, maximè in ijs quę sæcularitatem sapiunt, aut minùs religiosam consuetudinem ac modestiam.

Remotio ac resectio sæcularium negotiorum, quę spiritum atterere solent, languorèmq; torporèmq; inducere. seponat proinde, quātum licet, externa, quisquis interna amat. si ab obedientia ad illa agatur, quantum potest temporis animo suffuretur & Deo. non potest horas integras? potest medias. negantur mediæ? defuistare ex his modica potest. Neque vllę tam densæ ac implexæ occupationes sunt, quę frequentibus ad Deum aspirationibus iter claudant. etiam in medio foro, inter rostra & forenscs actiones euolare ad cælum mens potest. libera nimirum suspiria sunt: nec vllis cõpedibus, aut agendaum rerum molibus impediuntur: nulla hæc tyrannis aut exercitus intercludere possunt. quibus si assueuerit animus & familiares sibi aspirationes fecerit, etiam

in -

inter sæculi huius asperissima, coniuncta mēs
 viuet Deo. Quod si neglexerit salutaribus
 hisce mentem pascere, mirabitur non multo
 pōst exangue pectus, emedullatum cor, vi-
 talibus suis destitutum: serōque ingemiscet,
 & retrō respiciet, aut ad meliora manum
 protendet, ingenti vndique mole oppressus.

CAPVT X.

Remissio in gubernando.

NEque enim satis est, mala vitare: nam
 & seruus sciens voluntatem domini
 sui & non faciens, plagis vapulabit multis:
 & ferē ab eiusmodi Superioris remissione o-
 mnia mala nascūtur. vniuersa enim religiosa
 disciplina labascit: qua cadente, tanquam
 reserato vitiorum aditu, omnia simul subin-
 trant mala. nam cū natura proni in liber-
 tatem ferē trahamur; si deit obseruator, cē-
 sor, monitor, sponte innocitura toto impe-
 tu volumur, & iam licere arbitramur, quod
 Superiorum indulgentia permittitur.

Quid? quod non repressa vitia virtutis
 nomen sortiantur, abeūntque tandem illa
 in

in naturam, cum familiaria ac domestica facta fuerint. seroque Superior medicinam cogitat, cum vniuersum hominem domumque ægritudo occupauit; quod in Superiorum ignaua clementia fieri consuevit. Quare si aut naturæ quadam facilitate, aut noxijs illis opinionibus Superior ductus, quibus quidam arbitrantur omnia omnibus concedenda, nulli petita neganda, nunquam peccari posse clementiâ, nulla remissionis delicta esse, sola beneuolentia subditos in officio continendos; metum omnem, increpationes, monita graviora seueriaque abesse à religiosa domo debere; solius benignissimæ matris, ac de sinu & ubere lactantis ac ludentis personam induendam, numquam maturioris patris, minus etiam iudicis; minas proinde pœnasque ab hac domo ablegandas; quare ad quod quis ultro non properet ac propendeat, nunquam cōpellendum, sed neque generosioribus in quacumque ægitudine medicamentis vtendum, consultiusque esse ægrum inter dulcia & mellea perire, quàm per ignem & ferrum conualescere; si his inquam Superior tanquam certis

gubernationis regulis inhæserit, vniuersam religiosam domum euertet, peccabitque in ipso bonæ gubernationis limine. neque quidquam ad reuellenda omnia religiosa firmamenta potentius reperiri potest; quodque certiùs cum omnium religiosarum familiarum institutione pugnet. sperare enim singulos suo pre ingenio virtutum semitam decursuros, nec ad dextram aut sinistram declinaturos, nulli que incitamenti tanquam calcaribus impellendos, nullis cohortationibus grauioribus metumque incutientibus, ab omni omnino rectæ gubernationis regula aberrasse est. quò enim in omni Religione regulæ, constitutiones, monita, & allicite transgressoribus poenæ, si singula singulis permittenda, si nullius vultus contristandus, nemo mœrore afficiendus, nihil negandum roganti? imò quò Superior, & obedientia tota? neque enim aut Superioribus opus est, si cuiuscumque propensionibus obsequendum est; aut obedientiæ locus est, si omnium desideria Superiores expleant, permittantque singulis, quod cuiusque voluntas, aut pronus in quamcunque rem animus

mus suaferit:quin magis Superiores inferioribus obtemperant,& illorum in his veriùs, quàm horum obedientia est.

Accedit,quòd hæc Superiorum remissio, affinis interminatoriæ nauseantis Domini sententiæ sit, *'quia tepidus es,incipiam te euomere ex ore meo*, vt fastidire illum videamus languorem hunc, & tanquam nauseantis à tempore scdissimi vomitus protrimentum: eo magis, quo nocentior hæc Superiorum quàm inferiorum remissio sit; cùm illorum eat in exemplum, obambulet regna,ac in posteritatem etiam virus suum iaculetur. quo fit,vt quidquid delictorum ex hac remissione ortum fuerit, in Superioris caput redundet. Hinc est illud Gregorij Past.p.3.c.23. Admonendi sunt, *ne dum nimis humanam pacem desiderant, prauos hominum mores nequaquam redarguant; & consentiendo peruersis, ab auctoris sui se pace disiungant:ne dum humana foris iurgia metuunt,interni scederis discussione feriantur.*

Nolo tamen in Superiore nimium rigorem, nolo perpetuam seueritatem, vultum contractum, imperia sæculum redolentia: amorem volo & ex amore imperia nata:hic

patris, ibi matris, alibi medici, sed & iudicis, si qua necessitas occurrerit, personam indui. quin imò minùs noxia perpetua patris dextra, quàm matris vbera sunt, minoribusque periculis obnoxia rigidior quàm mollior semper manus; ut non tam certa præcipitia sint a serij semper obseruatoris fronte, quæque nusquam parcere didicit, quàm à molli materno sinu; neque toties in pœnitenda, ac nullo pòst ingenio aut arte emendanda cadet, qui nullâ maturitatem, grauitatem, seueritatem clementiâ, quàm qui nullâ clementiam seueritate temperat.

Et Dei exemplo discimus etiam in amicissimis, mollia seuerioribus miscere, neque semper mella propinanda; & asperioribus nonnunquam monitis Domini exemplo in Petro, etiam carissimos coercendos. nunquam crescet in virum, qui de materno semper collo pendet & vberibus. per aspera & dura ad magna contendimus. nunquam ad sui vitiorumque prauorumque affectuum cognitionem ac victoriam deueniet, quem remissus Superioris animus mollib. semper fouet, metuitque redarguere, aut maturioribus

bus monitis ab illicitis nociturisque reuocare. Sanè quem diligit Dominus, castigat, vt amoris indicium castigatio sit; & non castigasse, non amasse sit. Nunquam verò ne verborum quidem maturiore castigatione opus esse, à cælo, non à sæculo, sperandum est, quinimo vñtariissimũ in omni Religione est, optimos etiam viros, ob leuia & diurna delicta quædam, grauius fortiùsque supràque delicti magnitudinem moneri, nō tam delinquētium quàm aliorum causa, vt dum patientiam in nō promeritis intuentur, discant in meritis animum componere, & ad modestiæ normam dirigere.

Iam quid sperari potest à familia, cui Superioris remissio in omnem libertatem habenas laxauit, in qua cuique voluntas sua pro regula, affectus pro Superiore est? quid non timeri? exulat paulatim hinc omnis virtus, succedunt vitia, ad quæ natura quasi ob torto collo rapimur. sed & in ipsũ Superiorem insurgitur. sequitur remissionem venerationis neglectus ac cōtemptus, è quibus obloquutiones nascuntur ac detractiones. Nec priuatis hæc parietib. continentur, viciniam

com-

complent, vrbesque totas peruagantur, plurimumque apud externos de sanctimonie ac probitatis æstimatione detrahitur: à quibus initijs sperata animarum salus corrui, quam veneratio & auctoritas, & conceptæ probitatis opinio ferè tutatur & prouehit.

Petrus Chryso. in epist. *Hæc est illa remissio per quam vnus edificat parietem, & alius luit, per quam laudatur peccator in desideriis animæ suæ: imò per hanc canes muti non valentes larrare per consensus vniformitatem, faciem & similitudinem peccatorum assumunt, sicut scriptum est, Vsq̃uequod iudicatis iniquitatem, & facies peccatorum sumitis?*

Remedia.

FRequens recordatio commissi sibi à Domino gregis, seueraque exactionis concreditæ sibi villicationis.

Incommodorum, quæ ex hac remissione nascuntur, apud animum suum commemoratio, vt illorum magnitudine territus magis seriam excitatamque gubernandi rationem induat. De Heli D. Leo Epist. 75. *Meruit eorum delicta tolerando, diuinæ iustitiæ vnâ*

cum

*cum filiis sententiam experiri, propterea quod se-
ni indulgentia dissimulavit plectere peccatores.*

Istis tenaxque instituti observatio, frequensque in se prouocatio amoris vocationis suæ: sic enim fiet, vt cum seipsum tanquam discusso somno excitauerit, aut tanquam depulso frigore in amorem instituti sui inflammauerit; nihil omittat illorum, quæ ad Religionem sanctam rectam seruandam necessaria sunt, in omnem bene agendæ rei occasionem intentus. Neque difficile est, ad quæ amamus potenter ferri, & generoso ausu difficilia quæque transuolare, nulla magnitudine terreri, nullius vultum perterritescere, nec ferrum nec ignem perhorrescere, quando proposito tibi fini necessaria sunt, ducuntque ad rem amatam, nec alia via ad illam. Excitet verò se Domini verbis: 2. Para. 15. *Confortamini, & non dissoluantur manus vestrae: erit enim merces operi vestro.* Bonay de 6. alis, cap. 5. *Iste manus Prælati sunt instantia in agendo. & patientia in sufferendo, quod grauat. quæ si non dissoluantur per desidiam, seu intolerantiam, merces æterna ei cumulat ur.*

Diligens regularum omniumque con-

stitutionum observatio. faciet hoc omnis vocationis suæ amator, cui vigor & instituti valetudo bona cordi est, qui lacertos illius, robora, coloremque sanguinemque totiusque corporis habitudinem bonam amat. cumque illa in animi remissione stare non possit, excutiet torporem hunc, vigiliq; cura in exactam illarum observationem incumbet, nullis etiam acribus medicamentis parcendo, quando tuendæ valetudini necessaria sunt.

Proderit etiam, si tacitus secum sæpè cogitauerit, in omnibus omnino rebus humanis, nisi assidua cura indefessumque studium intercesserit, labascere quidquid magnum. videmus hoc in hortorum, nemorum, vinearum, agrorum cultu. quoties in illis nomia euellenda, putanda. quoties ferro opus & durior manu? quoties à radicibus sæuendum? nec summa tantum arborum secanda, quin & euertenda sursum deorsum omnia, visceraq; rimanda, si quod fòrs nociturum abditum latet fibris, si quæ sterilitas defixa inhaeret terris. sed & ab ignibus fecunditas petitur, & sterile solum flamma fecundatur.

vsque adeò saviſſe prodeſt. Idem in animorum hortis vſu venire diſcet, quiſquis euēta rerum maiorumque exempla ſerius inueſtigator luſtrauerit.

Neque interim deſperabit aut concidet animo Superior, ſi non omnia è voto ipſius ſucceſſerint. Neque enim *mirum, ſi non omnes conatus animarum rectoris non proficiant in omnibus*, cū nec Dei operatio proficiat in omnibus ad ſalutem ipſorum. Omnia enim quæ ſeminantur non conualeſcunt, & qui theſauros effodiunt, libenter multam terram eruderant, vt modicum auri vel argenti reperiant. Animare verò debet rectorem ad laboris tolerantiam, quòd non minus meretur in illis qui deſiciant, quàm in his qui maximè proficiunt. Plus laborat doctor in indocili, quàm in docili diſcipulo, & ideo apud iuſtum aſtimatorem laboris, plus meretur. In terra ſterili & ſaxoſa agricola plus laborat, & ſi fructus paucior, ſed fructus maior. Et quæ difficilius elaborantur, ſape carius venduntur.

CAPVT XI.

Facilitas, & indulgentia nimia.

d 2

Dun

DVM à recto bonoque, & instituti regula se patiuntur Superiores abduci, idque aut innata quidam morum lenitate, aut difficultatibus victi, aut molestiarum fuga, aut monitorum fastidio; aut quòd blandi facileque haberi velint, aut deniq; omnibus placendi studio: quas res omne Religionis robur exedere, nemo non videt.

Neque enim decrunt vnquam optimarum legum transgressores, qui si viderint Superiorum conniuentiâ impunè omnia peragi, ad deteriora paulatim descendunt, ad ea nimirum quæ ferro & ignibus indigeant. quod vbi accidit, merita cadit in Superiores querimonia, qui cum nullo negotio principis ob stare possent, maluerunt quæuis etiam permittere, ne quem suorum leui offensionis metu terrent, aut à se auerterent; quos postmodum eo patiuntur grauiores aduersarios, quo acrioribus in inueteratis malis eruendis, remediis opus est.

Et sanè non est hic amor, odium veriùs est, & hostile, non patrium pectus; cum quæ non magno negotio posset in filiorum morbis pellere, crudeli indulgentia ferrum iubet

bet expectare: dum dilata curatione compurrefcit membrum, & sola iam fectione & ignibus mederi malo potest. Sanè qui amat, qui pater eft, initijs medetur, peccantem filium corripit, non parcit. parcere odiffe eft, corripere amaffe eft. Hinc illud in exemplū omnibus Superioribus: Prou. 3. *Quem diligit Dominus, corripit, & quasi pater in filio cōplacet fibi.* Apud Apostolum Heb. 12. *Quem enim diligit Dominus, castigat, flagellat autem omnem filium quem recipit. In disciplina perſeuerate. tanquam filiis offert ſe vobis Deus: quoniam filius quē non corripit pater? quōd ſi extra disciplinam eſtis, cuius participes facti ſunt omnes, ergo adulteri, & non filij eſtis. omnis autem disciplina in præſenti quidem videtur non eſſe gaudiū, ſed mœroris: poſtea autem fructum pacatiſſimum exercitatis per eam reddet iuſtitia. Propter quod remiſſas manus & ſoluta genua erigite, & grefſus rectos facite pedibus veſtris, vt non claudicans quis erret, magis autem ſanetur. Quæ ſi negligant Superiores, nec ſe veros patres, nec inferiores filiorum loco habent, nec imitatores Dei ſunt, qui de ſe ipſo Apoc. 3. Ego quos amo, arguo & caſtigo; vt apud Dominum arguiſſe & caſtigaiſſe, amaf-*

non amasse, adeoque odisse sit. Hinc est illud Bon. de 6. alis cap. 7. *Qui parcat virga, odit filium, hoc est, qui sub specie pietatis peccantem non corrigit animam eius, ad interitum mittit.*

Neque quidquam in Religione malorum est, quod ex hac Superiorum indulgentia non nascatur, & magnis ubique auctibus ingentia incrementa non sumat. omnia enim vitia sub hac arbore tanquam matre succrescunt, pullulantque ab hoc semel sparso iactoque ignavo semine. Nam cum natura ferè prona ad vitia simus, si desit qui huic animarum horro seriam sollicitamque manum admoueat, veteris hominis reliquationes eruderet, surgentia euellat zizania, putationi incumbat, fecundioribus melioribusque syluestria inoculet, noxiorumque fructum, aridorumque radices ipsas excaudet; ylucescet, & in miricas exurget.

Iam cum indulgentem vndeque Superiorem viderit inferior, quid nisi malum adnectat? probare fors arbitrabitur, cum non improbet. in Superiore enim non improbasse, probasse videri potest; ut qui damna cum possit non fugit, amasse videatur; qui

qui nocitura non detestatur, laudasse censetur. omnia proinde quæ eueniunt aut subnascuntur mala, vni Superiorum indulgentiæ meritò adscribi possunt.

Familiale verò in primis est, ex hac indulgentia tanquam è semine ac radice, pululascere mutuas æmulationes, animorum alienationes, murmurationes & obloquia, sæculares mores, detractiones, laborum sūgam, regularum omnium neglectum, spiritus teporem, ac mentis quoddam frigus ac gelu; orationis omniumque propè spiritualium rerum nauseam, ac quandam quasi cælestium & spiritualium vomitum. nam sperare vt cūm quemque sibi reliqueris, singuli in solidarum virtutum studium incumbant, fatuæ cuiusdam fiduciæ est; maximè in iunioribus, quibus non exigua etiamnum vitiōrum inhærent vestigia, aut necdum in integrum domitis ijs ac consepultis; aut è tenera adhuc cicatrice, nouum è non vehemēti frictione, imò nō rarò è neglectu solo, vulnus timeri potest: adeoq; cinctib. adhuc tectus ignis, verius quā extinctus est, qui indulgentia hac, & Superioris conuiuentia ac

incuria, perfacilè in nouas exurgere potest flammæ; vt proinde perpetua opus Superioris vigilantia sit, & in omnem partem circumspeditione, ne vel noua exurgant, vel erumpant vetera.

Intentam proinde ad singula mentem, oculosque teneat, etiam ad infima fratrum munia. dici enim non potest, quantos hæc vigilantia curaque animos addat, quàm validè omnes in officio contineat, dum obseruari se, siue in remunerationem & laudem, siue in serias monitiones sentiunt; dumque ibi veri patrisfamilias in filios intuentur affectum, alibi medici anxiam de suorum valetudine sollicitudinem; modò pastorem commissò sibi gregi inuigilantem, modò Superiorem in subductionem rationum subditorum suorum incubantem; in omnibus denique serium inuestigatorem & obseruatorem, quemque nihil domesticarum rerù fugiat. semel enim cõcepta hæc opinio omnes in sedulâ commissarum sibi rerum executionē prouocat, dū in oculis, se suaque Superioris, perpetuo versari arbitrantur.

Et ferè qualis ipse est, tales inferiores ex-

pe-

perietur. negligens ipse & incurius est? socordes & ignauos expectet inferiores. vigilans & serius? excitatos promptoſque conſequetur. tantum in vtramque partem exemplum parentis, ducis, medici, Superioris valet, vt ab huius ferè moribus, de reliquis iudiciũ ferre queas, & bona ſperare, aut timere mala pollis. diligens ipſe, & vigilans, ac in omnem partem intentus? ſimiles expectietur inferiores. Quid ſi inter hæc deliquerit aliquis, & culpa pœnam mereatur, memor ſit Sapientis Prou. 19. *Pestilente flagellato, ſtultus ſapientior erit: ſi autem corripueris ſapientem, intelliget diſciplinam.* & alibi. Eccli. 10. *Vir prudens & diſciplinatus non murmurabit correptus.* Si murmurauerit, habemus eũdem interminantem: Prou. 29. *Virum qui corripientem dura ceruice contemnit, repentinus ei ſuperueniet interitus, & illum ſanitas non ſequetur.* & prudenter alibi monet Eccli. 7. *Melius eſt à ſapiente corripì, quàm ſtultorum adulatione decipi.* Hinc illud Pſalmiſtę votum: Pſalm. 140. *Corripiet me iuſtus in miſericordia, & increpabit me: oleum peccatoris non impinguet caput meum.*

Quod ſi errantes & ab inſtituto deſle-

d s

ctentes

Si negligenter Superior punire, audiat Bonauenturam de sexuali c. 3. Si non corrigit delinquentes, si permittit sub se vitia crescere, & consuetudines malas oriri, & iam exortas roborari & dilatari, si videt Ecclesiasticas obseruationes dilabi, & transgressiones multiplicari, & pro posse non obuiauerit tam presentibus malis, quam imminentibus; triplicem Deo reddet rationem. Primò, pro sua negligentia, quando non fecit ad quod officio tenebatur. nam ait: Sap. 6. Cum essetis ministri regni illius, non rectè iudicastis, nec custodistis legem iustitie, neque secundum voluntatem Dei ambulastis. Horrendè & citò apparebit vobis, quoniam iudicium durissimum his, qui presunt, fiet. Secundò, quòd omnia peccata subditorum, quæ poterat & debuerat correxisse & precauisse, imputantur ei. vnde dicit Ezechiel cap. 33. Si non fueris locutus, vt custodiat se impius à via sua, ipse impius in iniquitate sua morietur: sanguinem autem eius de manu tua requiram. Tertiò, pro abusione honoris & potestatis sibi collatæ, quam ad propriam gloriam & commodum retorsit, & non ad quod data ei. Tolle ab eo talentum, (ait Christus) & inutilem seruum eijcite in tenebras exteriores; ibi erit fletus & stridor dentium. Ostendat ergo bonus zelator, quantum

rum diligat Deum, in eo quòd beneplacitum eius in
se & in aliis promoueat: nec ab hoc zelo mollescat
per desidiam, nec labore lassetur, nec consiliis flecta-
tur, nec astutiis circumueniatur, nec amicitia, nec
blādimentis deliniatur, nec minis terreatur, nec per
diuturnam praua consuetudinis prescriptionem de-
speret, quin suum officium exequatur.

Remedia.

FRequens malorum, quæ ex hac indul-
gentia nascuntur, consideratio, bono-
rumq; quæ ex accurata regularum omniū-
que ordinationum obseruatione promanāt,
vt à quibus Religionis valerudo bona, flos,
vires, roburque pendeat.

Pœnitentiarum in religione receptarum
vſus, quas vti neque acerbiores, ita neque in-
dulgentiores esse conuenit: quòd si quando
morbi vis ac malignitas acriores adhibere
cogat; sentiat tamen infirmus, à paterno hæc
affectu, & valetudinis studio, non ex animi
exacerbatione, aut solius iudicis tribunali
proficisci, verbis ad omnem suauitatem ac
mansuetudinem compositis, quæ amorem,
& emendationis desiderium, non vindictā,

aut minùs ordinatum affectum loquantur.
bene Sap. Eccli. 19. *Corripe amicum, ne fortè
non intellexerit & dicat, Non feci; aut si fecerit, ne
iterum addat facere.* quo magis inferiorem,
qui Superiori filij loco est?

Exempla hîc proponi possunt ab omni
Reipub. militiæ, priuatae etiam familiæ, fi-
liorumque institutione; cum pleraque ex
illis nimia Superiorum lenitate, & ignaua
quadam facilitate perierint; & quæ aut opi-
bus aut robore prima, ad humilem ferè are-
nam, hostiliaque genua deducta fuerint. &
grauis sanè in indulgentiorem in peccata fi-
liorum suorum Heli, sententia Domini est:
1. Re. 3. *Eò quòd nouerat indignè agere filios suos,
& non corripuerit eos, idcirco iurauì domui Heli,
quod non expietur iniquitas domus eius victimis
& muneribus vsque in æternum.* & secuta præ-
dictione miseranda indulgentis patris mors.
1. Reg. 4. *Cecidit de sella retrorsum iuxta ostium,
& fractus ceruicibus mortuus est.* in quem locum
est illud Gregorij Past. par. 2. cap. 6. *Quia sal-
ta pietate superatus ferire Heli delinquentes filios
habuit, apud districtum iudicem semetipsum cum
plus crudeli dānatione percussit. ut meritò Supe-*
rio-

riores omnes terrere hoc exemplū debeat.

CAPVT XII.

Disimulatio in suorum malis.

DVm verentur Superiores, ne mœrore afficiant suos, ne offendant, ne à se alienent, ne querimoniæ subnascantur, ne pacata turbent. Hinc conniuentiæ, religiosæ disciplinæ relaxationes, omniumque peccatorum neglectus, dum à paruis initijs ad maxima properamus: familiare in humanis malum. de his autem Superioribus dici illud Prophetæ ex persona increpantis Dei potest Isai. 56. *Speculatores eius ceci omnes, nesciunt vniuersi, canes muti non valentes latrare.* & illud Ezech. 33. *Quòd si speculator viderit gladium venientem, & non insonnerit buccina, & populus se non custodierit, veneritq; gladius, & tulerit de ijs animam; ille quidem in iniquitate sua captus est, sanguinem autem eius de manu speculatoris requiram.* Speculatores Superiores sunt, qui si munere suo functi fuerint, periculorum monuerint, nec inferiores obaudierint, meminert illud Domini Proa. 1. D. *spexisti omne consilium meum, & increpationes meas negle-*

xistis. Ego quoque in interitu vestro ridebo, & sub-
sannabo, cum vobis id, quod timebatis aduenerit.
cum irruerit repentina calamitas, & interitus quasi
tempestas ingruerit: quando venerit super vos tri-
bulatio & angustia. tunc inuocabitis me, & non
exaudiam: manè consurgent, & non inuenient me,
eò quòd exosam habuerint disciplinam, & timorem
Domini non susceperint, nec acquieuerint consilio
meo, & detraxerint vniuersa correptioni meae. Sa-
nè qui Superioris correptionem contem-
pserit, Dei contempsisse iudicandus est, cum
vices Dei Superior obeat. quo maior etiam
cura Superiori incumbit, cui vices suas
commisit Deus, seueram ab eo exacturus
rationem commissi sibi gregis: cuius non
tam affectum ac propensionem, quàm ne-
cessitatem ac vtilitatem intueri Superior
debet, Dei què ac patris personam in-
duere.

Non est autem veri patris nocitura filiis
permittere ne doleant. prudentes illæ lacry-
mæ sunt, quæ excutiuntur noxiorum amo-
tione: ingemiscat filius, dummodo perimē-
tia amoueas, benè est; ne seriùs postea inge-
miscat pater, & non-profuturas profundat
filius

filius lacrymas, parentis dissimulatione nar-
ras. Non est amor, venena permittere, & no-
citurum ferrum: odium est, amoris palla te-
ctum. neque medicus ille laudandus, qui ne
offendat, ne mœrore afficiat ægrum, mor-
bum simulat, remedia negligit. Indignetur
æger, exurgatque in iras acerbioribus medi-
camentis prouocatus, non ideo aut despe-
randus morbus, aut destituenda curatio est.
laudabit ubi conualuerit, & duras medici
sui manus præmio afficiet, exosculabiturque
ubi pulso morbo, malisq; quibus opprime-
batur, bona sua senserit. Prudenter Sap. Pro.
28. *Qui corripit hominem, gratiam postea inueniet
apud eum, magis quàm ille, qui per lingue blandi-
menta decipit.* Sin inclementi commiseratio-
ne motus medicamina in seram curatione
distulerit Superior, damnabit meritò æger
inhumanam hanc benignitatē, nec tam mæ-
situdinem, quàm crudelitatem inclamabit.
Idem fiet in animorum morbis; totam accu-
sationem, indignationemq; suam vertet in
noxium hunc dissimulatorem: qui cum me-
deri posset malo, maluerit crescere, cumque
ad mouere manū debuisset, leuibus etiam tum
ini-

initijs, ac quasi in superficie ludente ægritudine, distulerit curationem, donec in præcordijs sæaret malum. Hinc illa Sap. monita: Pr. 29. *Erudi filium tuum, & refrigerabit te, & dabis delicias animæ tuæ.* & Eccli. 30. *Qui diligit filium suum, assidue illi flagella, ut lateatur in nouissimo suo, & non palpet proximorum ostia. qui docet filium suum, laudabitur in illo, & in medio domesticorum in illo gloriabitur. qui docet filium suum, in zelum mittit inimicum, & in medio amicorum gloriabitur in eo.* filij autem Superiorum inferiores sunt, & verissimorum patrum verissimi filij.

Quòd si alius accesserit Superior, priore munere defuncto, qui suorum inuigilauerit malis, quiq; serius vbique periculorum monitor manum admonuerit, qui damna properantia, ac ceruicibus imminetia, ac iamiamq; ruitura præcauere voluerit; miratur monitorem suum, tantorumq; periculorum denunciatores, qui morbum in eam diem nullum senserit, ægritudinem prorsus ignorauerit (ut fieri contueuit ubi in naturam abierunt morbi, & exurgit non raro in indignationes, nec credit denuncianti;

quin

quin aut ab alieno in se animo monita hæc promanare, aut ex inanibus nimiumq; credulis Superioris sui suspicionibus, aut è molitionibus aliò tendentibus arbitratur; sequunturque non leues animorum alienationes, & murmuraciones etiam, & obloquia, & fiunt tales acerrimi Superiorum obseruatores & censores, si quid fortè in illis deprehenderint, quo suspensiones hæc suas alant, dicta factaque illorum in sinistram ferè & deteriorem partem interpretantes, vt causæ suæ æquitatem tueantur.

Si pro ratione muneris sui pergat Superior; aut erumpunt in pœnitenda, & ad odia grauesque detractiones, & ad malorum denique vltima descendunt: aut si in morbi, quo detinentur, periculorumque cognitionem venerint, vniuersa indignatio prolabitur in priorem Superiorem, malorum dissimulatorem: illum accusant & damnant, cuius immiti silentio, & ignaua dissimulatione mala creuerunt. Et sæpè ad tantum præcipitium mala venerunt, vt pedem in tutum retrahendi nulla spes affulgeat, omneque medicamenti genus, malum aspernetur. Hinc
in-

inter monita & curationem, gemitus & dura trahuntur suspiria, mœrorique indignatio miscetur, & grauior etiam melancholia, quam non nisi cum vita æger deponet, dum de victoria sui, mali magnitudine victus, desperat, & inclamat cum Propheta: Ierem. 15. *Plaga mea desperabilis renuit curari.*

Quod si initiis, & in herba adhuc ludentibus malis, tenero adhuc caule, manum prior admonisset Superior, nullo hic opus esset ferro, & sanè gaudebit quisquis sapit inferior, morborum suorum principis à Superiore occurrere, paternamque manum ad moueri. Scit enim verum illud esse Sapientis Prou. 15. *Auris que audit increpationes vite, in medio sapientum commorabitur. qui abiicit disciplinam, despicit animam suam: qui autem acquiescit increpationibus, possessor est cordis.* & illud Prou. 12. *Qui diligit disciplinam, diligit scientiam: qui autem odit increpationes, insipiens est.* Denique Prou. 13. *egestas & ignominia ei qui deserit disciplinam: qui autem acquiescit arguenti, glorificabitur.* Quare lætabundo animo corripientem excipiet pater, vt vbi inualuit malum, & ignibus iam opus est & ferro,

antè aut animam aut vocationem poner,
quàm duri iudicis admitteret manum.

Remedia.

A Vigili Superiorum cura petenda, vt
nec minima quidem negat, certus
ex his magna etiam oriri: modico se merito
totam non rarò massam amarefcere; modico
scelle mella vinaque corrumpi nobilissim
ma; modico veneno ingentia damna dari;
vinaque non rarò scintilla oppidorum flamm
as enasci. Ille agri sui prudens cultor est,
qui zizania in semine, tanquam in matre &
utero, priusquàm nascatur, lucemq; aspiciant,
aut in aliorum oculos incurrant, perimit.

Cogitet deinde Superior, mala, quæ in
ortu leui medicari manu poterant, vbi ad
oleuerint, & roboriã suo innixa steterint,
non nisi valentissima dextera, potentissi
misque medicamentis; & in ceruicem saepe
Superioris ruituris curari posse. poterant i
nicio componi nō magna querimonia: ne
glexit; excreuerunt in arbores, vt ferro iam o
pus sit, & ignib. illis excidēdis. Quid? quod
nō vnus, vbi inualuerint mala, saepe interi
tu medicamenta adhibeantur: nam vbi
fer-

serpendo plures secum traxerunt, agrumq;
non rarò vniuersum veneraria sua lue infe-
cerunt; non leuia meritò timeri possunt,
cùm in vnum insurgant omnes, doleantque
sibi eripi, quæ longa iam consuetudine pro-
pè in naturam ac regulam abierunt.

Si cogitauerit deinde damna ex infelici
hac dissimulatione nascentia, periculaque
vniuerso corpori imminentia, seueramque
extentamque in vindictam Dei in dissimu-
latores manum, præmiaque cælo serijs in o-
mnem partem excubatoribus reposita; faci-
lè se ad vigilem curam sollicitudinemque
prouocabit.

Nemo denique ad noxias hasce dissimu-
lationes descendet, qui soli Deo innititur.
hic enim extra spem metumq; positus, nulli-
us gratiæ, beneuolentiæ, indignationi quid-
quam tribuit, Deo inhærens, à quo solo vt
verè metuenda, ita & speranda veniunt.

C A P V T XIII.

Studium placendi sibi subditis.

Dum

DVM aut subditorum metuunt oblo-
cutiones, aut terrentur ſcriptionibus:
aut nolunt offendere quos commodos ſibi
arbitrantur, quoſque dictorum, factorumque;
ſuorum laudatores experiri: ut.

Accedit metus temporalium rerum, dum
verentur ne in earum aut tractationibus,
aut conſecutionibus minùs vtilem fidamque;
ſuorum operam & induſtiam ſentiant, aut
illis etiam vniuerſim deſtituantur.

Hinc pro malorum magnitudine non
admouentur remedia; aut extrema tantùm
delictorum leuiter tanguntur, nec ad inte-
riora curatio accedit; vel, quod deterius, ex-
cuſationes prætexuntur, minuendique ac
leniendis, ac propugnandis denique malis
rationes & quaruntur & reperiuntur.

E quibus prouenit, vt inferiores aut non
ſentiant mala periculaque, quibus iactan-
tur; aut immania, quibus inſiſtunt, præcipi-
tia, ruinæ proxima: aut vitia etiam virtutes
arbitrentur, cum videant illa non damnari,
imò & probari interdum ab ijs quorum pru-
dentia commiſſi ſunt.

Accedit, remedia ſeriùs plerumque ad-
mo-

moueri, cum mala medicam omnem magnitudine sua aut respuunt, aut superant; cum leuissimis medicamentis in primis ortus sui initijs morbus omnis pelli vincique potuerit.

Denique complacendi hoc studio vniuersa paulatim religiosa disciplina dissoluitur, dum Superiores inferioribus occasionem præbent quidlibet experiendi, quidlibet audenti; deueniturque pedetentim ad summa transgressionum fastigia, ad totius vocationis institutique neglectum ac contemptum; dum singuli propè, vite sibi genus formant, quale pronus cuiusque in libertatem animus suasit.

Clauduntur hæc mala Superiorum contemptu. ferè enim in humanis, indiuiduo quodam nexu, placendi studium contemptus sequitur: neque enim aut in Superiore auctoritas, aut in inferioribus veneratio diu stare potest, dum complacendi suis studium, ad multa venerationi ex professo inimica Superiorem abiecerit. nam licet filialis quidam in inferioribus, tanquam in parentes amor, plurimum ad venerationem valeat; ni-

fitamen sua parenti constet auctoritas, neglectus quidam sequitur, ac ingens paulatim etiam de patre existimationis diminutio: ut in omni benè constituta familia conandum sit, ut amor filialis quidam timor permixtus sit, qui & paritatem tollat, & amico filialiq; metu auctoritatem conciliet. ita in amore hominis ad Deum salutaris omnino metus intercurrit, ut dum amamus patrem, vereamur in offenso iudicem ac dominum. In Superiore etiam dum personam amamus parentis, timeamus Superioris: nam nisi hic timor amorem comitetur obedientia, diu consistere non poterit. Si enim omni Superioris persona deposita, solius se benignissimi patris, ac quasi matris vestiatur qui præest, veneratio non leue naufragium patietur; imò nec verus ille pater dicendus est, qui filiorum gratiam venatur, totumque se in illam profundit: amicus enim verius, aut inferior etiam illorum, quorum gratiam aucupatur, dici potest. nam in eo quo alterius benevolentiam studiosius sibi comparare studet, Superiorem illum agnoscit, ut à quo affectu ac benevolentie alterius beneficium speret; in

in quo parando ad non pauca auctoritatem diminuentia dimittere se cogitur. è quibus paulatim venerationis loco ingens contemptus nascitur; quem vt non facile inferior exuet, ita nec Superior auctoritatem consequetur. semel enim hac proculcata, aut nunquam, aut perquam rarissimè exurget. Conatum fors Superior adhibebit; at semel contemptus imbibitus, aliùs plerumque inidet animo, quàm vt pelli possit, maximè cum totum hominem occupauerit. Inde Superioris iam imperia nulla, & ex imperatis ea exequimur quæ probamus, vt obedientiæ mensura, voluntas ac iudicium nostrum sit.

Existimatio deinde tota deperit, & quidquid erat opinionis bonæ; sequuntur iudicia aliena & aduersantia, censuræ graues: nec domesticis se parietibus malum hoc tenet, perambulat sæculares, & in corpus vniuersum abit.

Et ferè iusto Dei iudicio illos in primis patiuntur aduersarios. quorum parandæ beneuolentiæ impeniùs ituduerunt Superiores.

C
rius
ex il
dex
grat
affe
tur,
Nau
cedi
nera
peri
mia
ben
saria
se sp
infe
nera
tam
tegr
ven
amo
S
quo

Remedia.

Certa bene gubernandi norma Constitutiones & Regulæ sunt: quarum si ferius observator & custos Superior fuerit, & ex illarum spiritu præesse studuerit, nec ad dexteram aut sinistram in huius aut illius gratiam deflexerit; nullo negotio & patris affectum, & Superioris auctoritatem tuebitur, pulchra, tuta ac necessaria etiã mixtura. Nam vt à gubernandi prudenti regula decedit qui tantùm parens est, ita ab illa degenerat qui tantùm Superior est, vtrumque peritus regendi artifex coniunget; nec nimiam seueritatem induet, nec ad nimiam se benignitatem abijciet: nec Superiori necessaria auctoritate, nec patriã mansuetudine se spoliabit. vtramque occupabit; vt sua in inferioribus amoris sit veneratio, suus venerationi amor: pari vtrinq; pondere; plus tamen si habuerit patris, non dampnem: integra in omnibus Superioris auctoritate & veneratione, vt nihil de hac patris demat amor.

Studium deinde vni placendi Deo: in quo si Superior certam spem ponat, illum-
e que

que in omnibus actionibus intueatur, ad eumque studia, cogitata, factaque dirigat, non magno negotio quidquid optari in Religione potest, consequetur; nec humanos fauores laudisque aucupabitur, caelestibus pascendus. bene hinc Gregor. monet in Past. p. 2. c. 8. *Rector solerter inuigilet, ne hunc cupido placendi hominibus pulset, ne, cum studiosè interiora penetrat, cum prouidè exteriora subministrat, se magis à subditis diligi quàm veritatem querat: & non magno negotio etiam temporalium difficultates superabit. Neque enim fieri potest, ut monitorum, consiliorum, mandatorumque suorum serium vigilemque obseruatorem destituat Dominus. quin magis crescat etiam Dei benignitas, crescente Regularum obseruatione; ut quasi pari passu & harum custodia & illius accrescat munificentia: maximè ubi Superiorem nullo humano respectu, sed solo placendi sibi studio, ferri & impelli viderit Deus: cui si studeat placere Superior, à quo solo præmia speranda sunt æterna; facile præmiorum magnitudine & æternitate illectus, reliqua contemnet, nec tam sollicitè perituram gratiam*
suo.

suorum venabitur. Audiat Apostolum I. Thes. 2. *Non quasi hominibus placentes, sed Deo, qui probat corda vestra. & ex se factus nobis magister, Gal. I. An quero hominibus placere? si adhuc hominibus placerem, Christi seruus nō essem.*

Proderit verò non parum si tibi persuaserit fore, iusto Dei iudicio, vt eos experiatur aduersarios, quorum disciplinæ relaxatione benevolentiam captauit. Et docuit non semel experientia, docetque in dies, eos aciores hostes passos Superiores, quibus plus indulserunt, vt indulgentiam neglectus, contemptus, detractiones & odia sequantur; dum maiora semper appetit semel gustata libertas, indignaturque ad negata: vt aut omnia concedenda sint, aut violanda amicitia. & vt concesserint omnia, nusquam confister, gradumque sistet hæc licentia: insurget in ipsum Superiorem, nec finem statuet, donec illum munere deiectum viderit. Vltima hæc ferè merces placendi est.

CAPVT XIV.

Nimia in suorum aliquem fiducia.

QUÆ res cùm aliorum æmulationem & inuidiam vtrique comparat, tum magnis obnoxia periculis est; ne aut talis animos sibi sumat maiores, aut partem ad se trahat gubernationis, subditorumque à Superiore animos deducat, ac in se transferat; obediendi vim infringat, eaque in gerendarum rerum actionibus committat, quæ & dedecori Superiori & damno sint; bonoque Religionis nomini non parum derogent. Et ferè videmus tales non postremam ad se gubernationis partem trahere. ita nimirum nimia fiducia consurgunt animi, vt omnia sibi concessa arbitrentur, quibus nimio quodam fiducia nexu colligati Superiores sunt.

Non probo diffidentiam in altero extremorum sitam: mediocritas laudata: vt neq; in omnibus morosa quadam prudentia, nimiaque complacentia tui diffidas; neque prodiga fiducia omnia credas. temperetur fiducia metu, vt nec omnia subtrahas, nec omnia largiaris. Consultumque in primis est, Superiores in omni etiam probatissimo, viroque aliàs maximo, oculos in omnem partem intentos habere. plus tamen vni, quam

quàm alteri confidat, in tanta hominum varietate necessum est. Nam & testata vnius virtus, prudentia, circumspectio, plus fiducia iure quodam suo deposcit. Neque prudens omnes eodem metietur pede, circumspectabit singula, mores omnium, vitam, probitatem, & pro cuiusque talèto ea committat, quæ tutò cōmitti posse arbitrabitur.

Ac licet plurima sæpe spectatæ alicuius virtutis ac prudentiæ viro committi possè ratio suadeat, ita tamē res instituat, ut nihil agendarum rerum Superiorem lateat, ut & rationem reddere petētibus possit, & extra sollicitudinem versetur, neque se nimîa in suorum aliquem fiduciâ, ignarum in discrimen ac pericula coniectū serò queratur, viamq; inter præcipitia, cū euadendi spes nulla superest, circumspectet. & sanè rarò quisquam eo conatu res alienas, quo suas tractat, aut deliberationē aut laborem magnitudini parem admouet, cū ex euentu terè res omnes metiamur; quarum fortunatus infortunatusq; exitus cū maximè in Superiorem cadat, magis plerumq; illi de propinquo res cordi est, tanquam laudis & vi-

tuperationis materies & scopus.

Et nescio quid aliquando interueniat humani, cum laudem omnem videamus accrescere Superiori, laborem omnem esse nostrum, commendationem illius, quæ res negligentiam interdum auget, socordiam nutrit, & mistis aliquando æmulationis aculeis exasperat animum, & ad pœnitenda deducit, ita studio nonnunquam sperata alteri gloria decerpitur, neque exequimur quod licuit, verentes nimirum, ne quantum laudis accedit alteri, tantum decedat nobis: quæ res etiam ex professo in non laudanda non vnum in aliena re impulit, non tam odio alterius, quàm studio amoris laudisque sui.

Accedit quòd tales ægrè postmodum reuocari ad consuetam Religionis normam reliquorum more possint. Quòd si pergat Superior vrgeri, quæ concessionibus coaluerat amicitia, dissoluitur, vertiturque in odia amor, & in criminationem Superioris: crescunt deinde suspiciones, & pro fiducia diffidentia nascuntur, mutua demum accusationes & contemptus, præteritarumque actio-

actionum depressiones, & quæcunque etiam antè cum laude gesta, in dubiam vocantur fidem. Ex fauo nimirum fella & venena suguntur.

Sed neque bene consultitur illi, quem hac fiducia Superior firmavit: nam & domesticorum reliquis suspectus hic esse incipit, ut etiam consuetudinem illius fugiant, familiaritati se subtrahant, minùs fidenter agant, consilia respuant, dicta factaque illius in alium longè ab auctore sensum trahant, planèque ingenti apud omnes diffidentia laboret, actionesque propè illius omnes etiam probe in sinistram rapiantur partem. Ita omnium talis & benevolentia excidit, & invidiam in se prouocat, in quem nimia Superiorem rapi confidentia senserint: tanquam omnium petendus sit telis, qui vnus Superioris clypeo protegitur. Familiare malum etiam inter vnus patris sobolem. cùm enim profusiore in vnum senserint animo parentem ferri, mutua reliqui conspiratione in vnum feruntur; oppugnatùrque ab omnibus, quem nimia patris supra reliquos benevolentia fiducia tegit: maximè

cum parentis ille in se affectu elatior, omnia sibi licere arbitratur, & in fratres, vnus vteri & paritatis oblitus, impotentiùs insurgit, reliquisque negata fidenter sibi assumit, nec iam fratris sed patris in fratres personam assumit. Vix enim humanum est in nimium secundis animum moderari. assurgimus surgente fortuna, & ipsè passibus extollimur, & dispares felicitate, matris licet vberè & sinu pares, caput efferimus, & ad imperia è fortuitis conuolamus, paritatis immemores; priorisq; fortunæ obliti, è sola externa felicitate prærogatiuam metimur, inde iam indignationes, & in vnum caput, tanquam inimicum, hostiles molitiones; nec insidiarum machinationumq; finis est, donec penitus euertant, quem Superioris indulgentia efferri supra reliquos viderint. Quod dum fit, ingentia partium consurgunt studia, & magna vbiq; area mutuarum detractionum aperitur, illeq; fortunatus censetur, qui socium quaqua demum via gradu turbauerit.

Remedia.

Ex

EX paritate in omnes sumenda sunt. fiet hoc, si par in omnes Superioris feratur amor: si singulos non ob priuata commoda, aut ingeniorum prærogatiuas, sed quòd vnius patris Dei, vnius matris Religionis filij sint, amore prosequatur.

Non nouit hæc discrimina Dei amor. nisi ex virtute nata; ac ne tunc quidem palàm aperienda: tacitus apud se potiùs veneretur hos Superior, committatque ita negotia, vt ipse tamen intentum in omnia oculum teneat.

Neque vni tantùm speciosissima credat, sed aliorum etiam non rarò virtutem experiatur, quando sine damno potest.

Neque cum vno plurimùm sermonem misceat, sed pro re nata varios etiam libens admittat, & vltro etiam prouocet, animetque si quid rectum ab illis factum; ac sicubi erratum, paternè moneat, errorem ostendat; ita tamen vt modum præscribat, quo corrigi ille possit.

Nec ideo vniuersim à negotiis tales excludat, sed vbi illa commiserit, præmoneat, modumque præscribat. quòd si iam ex præscripto

benèciter egerint, laudet illos, & ad maiora hortetur.

Quòd si quem innata prudentia probitasque maioribus dignum suaserit, ut meritò plus illi credi possit & debeat: neque enim omnium par industria, sapientia, solertia, fides, rerumque experientia est; is omnistudio deuinet ne qua parte supra reliquos se efferat, ne quid muneris Superioris ad se trahat, ne aliorum se familiaritati subtrahat, ne potiores dignioresque partes assumat. sed contrà rara in omnes beneuolentia ac humanitate feratur, inferiora, quæque plus laboris molestiarumque quàm splendoris habeant, ultro sibi deponat, & oblata cum magna hilaritudine arripiat, illustriora lubens alijs deferat, concedique gaudeat: bene de omnibus, & si potest splendidè; de se suisque non nisi modestissimè loquatur, aut vniuersim sileat. errores si qui, ut in humanis solent, occurrant aliorum, aut in totum diluat, aut quantum potest minuatur, clementerque, omnibus benignus, ut minimis etiam pro ut occasio tulerit assuescat, quam etiam studiosè nonnunquam inquirat, ne quis
me-

merito contemptum aut neglectum se ab illo queri aut suspicari possit. Sic fiet ut omnium omnino benevolentia iudicioque, reluctanti etiam potiora omnia deferantur, felicesque se reliqui arbitrentur, si in rebus suis consilio illius uti possint. tantum in humanis humanitati iuncta modestia valet.

CAPUT XV.

Privata necessitudines & amicitia.

NON sunt hæc signa veri amoris. contingit enim his quod sumiæ, quam cum mater fortius stringit, perimit: ita quos arctiori sibi familiaritatis vinculo Superior innectit, perdit. nam cum in his prouocet nimiam fiduciam sui, audaciam, fastum, aliorum contemptum; aliorum etiam in hos offensiones concitat, diffidentias, non inanes sinistras suspiciones, murmurationum ac detractionum non vulgares causas. ut non immerito talis dicere Superiori possit, *Elevans assisti me*, ad invidentiæ nimirum brevia, ad æmulationum scopulos, ad liuoris yada.

Contingit etiam nonnunquam, ut his moribus dicere liceat præpostero planè naturæ ordine res ire. neque enim non rarò non tam Superior domui, quàm talis Superiori & domui imperat, cum plures sæpe ad hunc quàm ad Superiorem decurrant. Difficilis nimirum ad Superiorem aditus, facilis ad hunc est; nec quidquam tam magnum quod per hunc non consequantur. negasse enim postulata, amico negasse est: quem cum nolit Superior offendere, aut mœrentem dimittere, omnia concedenda sunt, aut sanè amicitia renuntiandum est.

Nascuntur deinde dissimulationes defectuum in iis, quibus familiaritè adstringimur; cum eos vel amor tegat, aut offensionum metus dissimulet, aut priuatæ necessitudines libertatem adimant, aut arctiores mutui nexus monita respuant, nec iam admittant personam patris, multoque minùs iudicis.

Crescit dein ex hac familiaritate in inferioribus audacia, quæ ferè familiarem coniunctionem comitatur. contemptus denique, quem à familiaritate tanquam sobolem à parente, videmus nasci; ut indi-
uiduo

uiduo ferè hæc nexu coniungantur, magna necessitudo, & ad intima quæque admissio, & minor æstimatio. Neque enim fieri potest, quin multa in illa familiaritate improbanda, aut sanè non probanda deprehendamus, quæ prius ignorata admirationem & venerationem prouocabant. quæ duæ res dici non potest quàm validè in omni gubernatione Superiori auxilio sint, cùm sæpe opinionibus gubernatio contineatur: quod & in laude & contemptu plurimùm valet.

Quare cùm non probem nimiam in Superiore retractionem, ac solitudinem; tum nimis prodigam ac profusam familiaritatē probare non possum. Nolo in Superiore aliorum fugam; neque ad intima tamen omnia perfacile quemquam admittendū suaserim: non quòd aliquid committi velim, quod alienum oculum vereatur, sed quod non faciat ad venerationem, opinionisquæ magnæ antè collectæ augmentum, vniuersa referare & expandere.

Scio non vereri illum homines qui illaudanda committit teste & iudice Deo; nece-
rubescere debere ad alienum prospectum,

cui frons colorque stetit in oculis omnia videntis Domini. At ille non tam euentu, quàm animo res metitur; nos ex ingenio nostro, nudisque non rarò opinionibus innixi, iudicium plerumq; de toto homine ferimus: & aliquid aliquando liberius aut vidisse, aut audisse, plurimùm de concepta existimatione minuit. lapsus est verbo, improuidum aliquid excidit, minùs maturam, minùs serium? vniuersim de omnibus iudicamus, remisit aliquid Superior de consueta maturitate, vt non rarò in intima illa familiaritate assolet? præiudicia nascuntur.

Iam cùm ad omnem benè gubernandi rationem plurimùm opinio momenti conferat, hanc verò nimia necessitudo, & ad abditissima quæque admissio diminuat; nemo paulo prudentior ad illa suos admittet, nisi ea in omnibus, etiam secretissimis vtatur circumspectione, vt nec hostiles in ijs oculos vereatur. Quod cùm rarissimum in homine sit, neque quisquam facilè ad eum providentiæ gradum conscendat; non facilè etiam aditus ad omnia aperiendus est. Magnus ille, cuius omnia patère possunt omnibus,

bus, & qui nec in cubili, aut strato, in mensa, animique corporisque exteriori laxamento, inimicum testem ac iudicem vereatur. Nisi ergo omnia, etiam inter priuatos parietes, priuata colloquia ea sint, quæ quis meritò admiretur, imitetur, laudet, non suauero ad omnia, ostia referari.

Quòd si quando tamen faciendum necessitas ac ratio poscat; videat Superior, quem admittat, quem intimorum omnium suorum testem, ac quasi iudicem statuatur. Rarissimi enim sunt, etiam in circumspectissimo Superiore, quibus tutò hæc sine venerationis diminutione credi possint, qui non faciles ad offensionem sint, qui sciant res temporibus metiri, qui homines cogitent, non Angelos, qui parua vitia magnis virtutibus norint integere, qui nullo sæculo cogitent fuisse quemquam, cui non aliquid, maximè inter domesticos parietes, ignoscendum fuerit: qui circumuolitantes errores, tanquam pulueres Aquilone sparsos, magnarum virtutum factorumque scopis norint detergere, quique volaticos hos diurnorum vitiorum cineres, illustrium ac generosarum operationum serie, tanquam

valido vento diffilare didicerint. Tales ubi nactus fuerit Superior, fors poterit ad intima quæque admittere.

Remedia.

FRequens in Superiore consideratio muneris sui; omnium se esse, non vnus, aut paucorum parentem; omnes pari solitudine, non vnum alteri ùmve curæ ipsius commissos; omnes pari iustitiæ & charitatis lege concreditos; omnesq; pari sanguinis & adoptionis iure, Dei ac Religionis magnæ ac fecundæ matris, filios esse.

Cogitet deinde Superior, vnus omnes corporis mēbra esse. quare pari omnia cultu & obsequio obseruanda. quid? quòd Apostolo teste vilioribus maiorem honorem circumdemus. & fatuum omnino est vnus membri cultui totum se tradere, reliquis destitutis. quid enim nisi non modò reliquorum, sed & huius corporisq; totius interitus expectandus est?

Frequentata consideratio diuinæ gloriæ, quæ sepositis priuatis affectibus, ad omniū perfectionem & amorem pari iure deducit.

Pe-

Periculorum, quæ ex his familiaritatibus nasci consueverunt, considerationes; ac illius in primis, multa ferè in his necessitudinibus amico committi, quorum pœnitudo grauis auctori est. Factus enim quodammodo Superior illi seruus est, cui animi sui secreta committit, cùm illum variis iam nominibus obstrictum teneat; maximè cùm iustus ille insurgat metus, ne, si quam alienationis causam præbeat, prodat amicè cōcredita. Atque hinc iam dissimulationes illæ nascuntur, quæ inferiori omnis licentiæ ianuam aperiunt, vt periculum sit, ne contingat in hac familiaritate Superiorum, quod Ezechix regias opes ostendenti: vt, cùm animi sui reconditos thesauros alteri referauerit, bella expectet, & reconditarum in eam diem opum expilationem.

Verus illud dictum tacitus sæpe secum voluat Superior, & ab ipsa prudentia dictatum: *Secretum meum mihi*. Neque enim infelicius quidquā eo est, qui celare concilia sua non potest, quiq; animi sui morbos in alterius effundit sinum. Non est talis regi-
mini natus, cùm primum summumq; pruden-
dentis

dentis bonæque gubernationis fundamentum sit, nosse sile. quod non poterit, qui se suæque in familiarioris sibi pectus effundit. quod in omni propè familiaritate usu venire solet. Iam cum hic familiaris alium fors sibi familiarem habeat, quem nihil celare confucuit, fit ut intima quæque Superioris prodantur, quæ res ingentium secum incommodorum seriem trahit.

CAPUT XVI.

Defectus boni exempli.

FErè enim omnium oculi in Superiore versantur, & dux ille suis ut ad virtutem, ita ad vitia est; pronique maxime iuniores sunt in Superioris imitationem; manentque hæc viua morum illorum exemplaria in omnem etiam ætatem impressa menti; & transeunt in posteritatem, tanquam morum regulam: ut religiosè ille vivere videatur, vocationem expleisse, qui Superiorem moribus refert, dictaque factaque illius exprimit, eo etiam magis, quo propius ad illum accesserit. Præclare Nazianzenus Apolog. 2.

Ne-

men- Neque enim vel indelebilem tincturam pannus, vel
 qui se foetidum aut suauem odorem re admodum ita facile
 undit. contrahunt, vel exitialis quidam vapor tam facile
 venire in aerem diffunditur, ac per aerem animantia oc-
 rs sibi cupat (quod quidem pestis est & appellatur) quàm
 con- subditi Antistitis improbitate. celerrime impleri so-
 pro- lent, & quidem multò faciliùs quàm virtute.

com- Quo grauior reddenda ratio Superioribus
 erit, cum non ignorent, dicta factaque sua
 in exemplum & imitationem posita; nec
 quicquam in sequelam efficacius esse Supe-
 riorum moribus, qui tanquam benè & reli-
 giosè viuendi prima quædam principia ac
 pronunciata habentur.

Maiores deinde scandala è Superiorum
 erroribus metuenda; quorum quo illustrior
 locus ac dignitas, eo periculosiore defectus
 sunt, & vniuerso corpori nocentiores. vnde
 etiam illud metuendum, Potentes potenter
 tormenta patientur. Hinc Gregorius Homil.
 17. in Euang. Nullum, puto, ab aliis maius prau-
 ditiam tolerat Deus, quàm à Superioribus, quando
 eos, quos ad aliorum correctionem posuit, dare de se
 exempla prauitatis cernit: quando illi peccant, qui
 compescere peccata debuerunt.

Et

Et ad gloriam plurimum facit, exemplo ad virtutem praeluxisse. Sanè à moribus ferè Superiorum vniuersa domestica disciplina, reliquorumque mores pendent. verba rebus inania plus etiam non raro offensionis, quàm documenti secum ferunt; res ipsæ viduatæ licet verbis, & inornatæ, nihil detrahunt nativæ venustati: imò non semel plus roboris ac pulchritudinis, res nudæ, omniq; adscititio ornatu spoliatæ, quàm nobili aliqua dictionis purpura vestitæ ostentarunt. facere, viri, & religiosi est: & plurimum rebus potentes, verborum inopes; verbis diuites, rerum inopes sunt. & è millibus vix vnum alterumue, cui omnia concessa, reperies. In locuplete namque verborum copia, rei parum esse solet, cum inopia verbis iuuari velit: in opulenta rerum copia, verborum minus est. neque enim alienis splendere aut fulciri vult domesticis diues. imò murmurationum non leuem causam præbent fortia verba emedullata rebus, cum non respondent monitis facta; & illudere etiam incipimus & obloqui passim. exasperare nempe animos solent mortua verba, rebus, id est vi-

ta sua, destituta, & prouocare in æstimationis suæ derogationem.

Sanè vt nihil ad inuitandum potentius Superioris exemplo est, ita nihil ad omnem illi auctoritatem venerationemque tollendam validius, quàm cum verba factis aduersantur. Et frustra talis mali medelam sperabit, aut suorum morbis medicinam adferet. respuet hanc manum æger animus, nec altè imbibet, quod à superficie, & à solis Superioris sui labris natum videt. Quare si sperare valetudinem suorum debet, si aut collabentem erigere disciplinam, aut ne collabascatur tueri, si inrepucentem accendere pietatis ardorem, aut illius nutrire flammam, si immania alterius sexus præcipitia vitare, si mutuam animorum coniunctionem maioremque imperia stare, reliquaque quæ ad Religionis tuitionem, damnaque vitanda necessaria sunt; manum Superior admoueat, exercituumque imitetur ductores magnos, qui non tantum lingua, quàm manu prompti & exemplo, ad ardua quæque audenda suos inhortati, fortiter facere, quàm benè dicere maluerunt. Faciendo nimirum, non
di-

dicendo res magnæ geruntur: nec quisquam
facile paulo generosior miles præeuntem
destituet ducem. pulcrum namque per il-
lius vestigia triumphum mereri; per illius su-
dores hostem ferire; per illius sanguinem,
hostilem bibere: idemque à Christo disci-
mus, qui non antè docuit, quàm opere ex-
pleuit: *cæpit* nimirum, Scriptura teste, *facere*
& *docere*, ut exempla præcesserint, monita se-
cuta sint: quæ tunc demum potentissima
sunt, cum opere tanquam clypeo & vallo
armantur. nec quidquam iam inferiori du-
ram ac difficile: præeat modò Superior, nec
tam verbo, quàm re ipsa ducem se præstet, ut
non tam monitor, quàm ductor sit: primus
enim si ille ad ardua manum porrexerit, se-
quentur reliqui vel sola verecundia impel-
lente.

Hæc demum vna & vera omnis bonæ
gubernationis via est; neque res vlla validior
certiorque est quæ bonis iuxta improbisque
plus animorum addat, & ad virtutem inci-
tamenti: qua etiam vna deficiente, nihil soli-
di sperari potest, nihil quod ætatem ferat,
quod laudè mereatur, quod probatis maio-
rum

rum moribus respondeat; dum singuli suo spiritu feruntur, & tot iam Religiones, quot capita enascuntur. In diuersa namque studia & partes scindi necessum est eos subditos, qui aut ductore carent, aut solis monitis præeuntem Superiorem viderint, verbis nimirum multa pollicentem, inhortantem, sed verbis solis, rebus animaque, ut ita dicam, sua viduatis. Cassiod. lib. 11. *Neque enim potest auctoritatem habere sermo, qui non iuuatur exemplo; Var. cap. 8. dum iniquum sit bona precipere, & talia non egisse.* Ephrem de vita spir. cap. 37. *Nihilq; aquè animum ducit ad salutem, iunioresq; ad laborandum incendit, atque si doctorem reipsa & exemplo ad virtutem cohortatorem inuenerint.*

Remedia.

Frequens meditatio reddendæ rationis Deo, maximè cum vitia Superiorum cant in exemplum suis posterisque.

Feruida incentiua amoris vocationis suæ. Sic fiet ut instituti sui amantes, totos se in virtutum studium profundant, maximeque illarum, quæ Religionis suæ propria sunt.

Frequens cogitatio muneris sibi impositi, quare ad illud à Domino delectus fue-

rit;

rit: quid ipsi ratione illius incumbat: quàm forti exemplo cogatur imperio Dei præire militiæ huius dux constitutus: qua in Superiores suos obseruantia, quo humilitatis, paupertatis, castimoniæ studio, quo quantoque ad labores animo, qua ad imperata promptitudine, quàm benigno blandoque in delatores suos animo, in eosque quos alieniores à se deprehenderit, maximè si paria à suis exigat, & sperare audeat.

Seria cogitatio grauissimorum incommodorum damnorumque quæ defectu boni exempli Superioris, nasci solent, non parum iuuabit: maximè si bis per diem Superior, examinum conscientiæ tempore, secù tacitus consideret, num in aliquo deliquerit, quod aliis ad deteriora incitamento esse possit: num quid omiserit, quo dux suis auctorque ad virtutem esse debebat & poterat.

Proderit non parum, si domestico suo confessario liberam monendi facultatem concesserit, quandocumque minù religioso exemplo præeuntem viderit, aut audierit, gratamque sibi illam monitionem fuisse hiliari

lari
sibi
pœ
ad l

F
dun
incu
exec
ndi
inter
cura
noc
gila
vete
ad ea
semp
lior
Ac

lari lætoque vultu ostenderit.

Inuabit etiam plurimum, si vltro neam sibi certamque in omni deteriore exemplo poenam irrogauerit, vt hac quasi monitrice ad saniora melioraque flectatur.

CAPVT XVII.

Executionis defectus.

FRustra namque ordinationes, regulæ, constitutiones, instructionesque con-
duntur, nisi frequens Superiorum accedat inculcatio, ac strenua ordinarum rerum executio. Neque quisquam prauas consuetudines, & quæ alte radices egerunt, leui & intermittente manu excaudicabit. assidua cura, non cessantibus laboribus eruntur nocitura; & facile itur ad ingenium, nisi vigilans accedat sollicitudo, quæ non patiatur vetera succrescere: cum ferè proni rapiamur ad ea quibus olim assueuimus. & procliuor semper lapsus ad deteriora, ad recta difficilior exscensus est.

Accedit inferiorum in his omnibus negle-
ctus.

Etus, cùm videant Superiores in benè prudenterque conditarum rerum executionibus teperescere: nasciturque adeò in illis fastidium quoddam optimarum licet & utilissimarum ordinationum, cùm sentiunt Superiores tam ignaua manu in illas incumbere, satisque habere, semel denuntiasse: nam & illi satis tunc habent, semel audisse. Nec sanè maior à subditis in peragendo, quàm à Superioribus in exequendo diligentia meritò exigi posse videtur.

Quæ res ubi accidunt, vniuersam benè constitutæ Religionis disciplinam paulatim marcescere necessum est: succeditque hoc Superiorum neglectu, densa tandem optimarum rerum obliuio, peregrinarumque rerum in patrio, tanquam in peregrino solo, studium; vt nusquam iam minùs, quàm in re nostra domi simus, alteriùsq; potius, quàm nostræ Religionis ciues videri possimus.

Nascitur verò hæc in Superiore incuria, vel ex innata quadam naturæ ignauia, vel è pusilli pectoris angustijs; cùm aut difficultatibus occumbunt, aut plus æquo subditos reuerentur, aut executionem desperât,
siue

siue rei magnitudine victi, siue suorum virtuti siue viribus suis diffidentes. Nam & molestias, quæ se offerunt, diffugiunt, labores sudoresque auersantur, commodorum suorum studiosi, & difficultatibus succumbentes, nunquam ad ardua protendunt manum, & dum placere student omnibus, nulli fastidium aut molestiam creare volunt.

Quòd si suorum obstricti beneficiis Superiores sunt, duram seruiunt seruitutem, & animus ad imperata exequenda deest: quibus si quid commiserint, quod euulgari metuunt aut erubescant; tanquam inter vincula & compedes constituti iacent, facti mancipium suorum.

Iam si non modò Superior ad hæc non adijciat mentem, sed tædio victus, vel, quod deterius, alienior ipse ab imperatis flaccescat, nihil est quod in aliis speret. ipse si præcedat, & prior calcet viam; non decrunt qui sequentur, vel solo rubore impellente. Nec quidquam tam potens, quod non Superiore ductore vltro lubentes exequantur inferiores, & inclament. Etiam illo du-

ce, medijs inter arenas, fluctus, scopulos, serpentes, ferrum & ignem benè nobis est, & habemus benè; vt qui eandem cum Superiore non inuiti fortunam subeant, gaudētes illi inter aduersā pariari. Breuis proinde ad felicissimam executionem quantumuis maximarum rerum semita est, Superiorem præire, & exemplo suo executionem vrgere, nec antè ad monita descendere, quàm opere, quod imperat, expleuerit.

Remedia.

Assidua Superiorum in subordinatos sibi Officiales vigilantia, monita, peractarum rerum inuestigatio, seriatimque in res omnes excubatio: vt nimirum domum ipsam non infrequenter obeat Superior, singulorum munia lustret, curiosiusque nonnunquam perscrutetur quid in vnoquoque genere à singulis peragatur; qua fide, industria, religione, studio, exemplo, diligentia.

Frequentes cum primis domus suæ Patribus de ordinationum executione cōsultationes, conferentiarumque spiritualium
sedula

sedula institutio, in qua per occasionem sæpius in exequendarum rerum monita excurrat, neglectæ rei causas disquirat, aperiat, remedia præscribat.

In Officialibus omnibus diligens impositorum munium administratio, maximeq; illius qui Superioris loco domui præest, illiusque vicariam administrationem sortitus est: quem in omni hoc genere quàm instructissimum necesse est esse.

Consequetur hoc, si frequenti lectione ac praxi ordinationes omnes familiares sibi reddat: neque impunitos transgressores permittat, nunc monendo, nunc claude etiam præmioq; diligentibus proposito, pœnis etiam; maximè cum malum grauius est, quàm ut mollioribus lecti possit: tunc enim ad duriora descendat; ita tamen ut aspera succedant dulcibus, minasque ac pœnam amoris præcedant linimenta, & quidquid ab huius locuplete officina depromi potest, egrienti porrigatur: quæ si respuat malum, ad acriora veniendum crit. nec finis medicamentis statuendus, donec depulso malo victrix stet diligentia.

Multum, vt in aliis omnibus, in hac re valebit seniorum exemplum, maximeque eorum qui varia in Religione munia obierunt. Sequentur enim iuniores, vel sola verecundiâ, ac tanquam filij patres imitabuntur. Ad laborandum proinde omni conatu Superiori est, vt seniores ad exempla iunioribus statuenda prouocet.

Conandum deinde ne nimis multis subditi obruantur, ac tanquam molibus inspeliantur potius quàm iuuentur. facilis enim aut desperatio, aut fastidium, aut neglectus è multitudine est. frequensque præscriptarum rarum mutatio, magno executioni impedimento esse solet. indignationem enim illa nauseamq; prouocat, venerationemque minuit, cum inconstantia opinionem ingerat.

C A P V T XVIII.

Disciplina neglectus.

EST verò (Cyprian lib. de discip. & hab. virg.) *disciplina custos spei, retinaculum fidei,*

dei, dux itineris salutaris, fomes ac nutrimentum
bona indolis, magistra virtutis. & Hugone Vi-
ctorino teste, lib. 2. Inst. Nou. c. 10. desiderio-
rum carcer, frenum lasciuia, iugum elationis, vin-
culum iracundia; quæ domat intemperantiam, le-
uitatem ligat, & omnes inordinatos metus mentis
atque illicitos appetitus suffocat. cuius negligencia
à Superiorum indulgentia, & innato
quodam animi tepore, à noxia clementia, à
placendi omnibus studio; à languore quo-
dam animi, & à Religionis amore dege-
nere; à politico denique spiritu, exigua-
que aut nulla salutis suæ & suorum cura
nascitur; aut sanè à nimis Superioris in ex-
terna diffusionibus. quo fit vt cum totum il-
lud seclularia occupauerint, ac vltro nequa-
quid addictione vniuersum obsederint, dome-
sticæ suorum discipline intendere non possit;
plurimaque; elabantur, fugiantque; memoriam
illius tanta externorum negotiorum mole
circumseptam & oppressam. Exurgit hinc las-
civudo quædam mentis, &, dum quidquid ro-
boris habet, exerit in externa; destituitur in
domesticis, viribus, comederunt nimi-
rum alieni robur eius. raroque vni homini

ad tam diuersa, ac inter se pugnancia, quæque singula totum hominem requirunt, vires suppetunt, vt animi non desint.

Iam vbi semel laxatis habenis Religionis rigor in te puit, prono cursu, & præcipiti verius prolapsu in supinum omnium propè neglectum ruimus; cum vnus alium trahat, nec solitaria in vno stet ignauia, sed prono semper cursu in deterius labatur, donec ad extrema deuenerit, grauium corporum more, quibus sterisse iacuisse est.

Sequitur verò ignauiam quidam disciplinae contemptus. Inde iudicia prosiliunt critica, quædam in primis, inde vniuersim omnia damnantia, & aliud iam vitæ genus cogitamus, amamus, laudamus etiam palam, & vigilantioris Superioris, veri que bonique tenacioris studia contemnimus & ridemus. quod si palam non audemus, clam eleuamus, & detractum imus nomini, & damnandi causas seduli disquirimus: vt si semel è quocunque capite malè audire cœperit, in omnibus displiciat; & pro diligente ac instituti amante, imprudens, immitis, ferus, ac crudelis demum audiat.

Suc-

Succedit inde spiritualium rerum nau-
sea, animique ad salutaria languentis fasti-
dium. displicent quæ placuere ante, vertun-
turque optata prius mella in absynthium, &
fel merum. in te perleat virtutis stadium: &
quæ ante etiam de genu pugnabat, mixtôf-
que quasi sanguine dentes latus in spirita-
li lucta deuomebat, mille ante animas posi-
turus, quàm leui se crimine obstringeret;
nunc vel solo eminens terrore, tenuiq; pro-
uocamento, ac vltro etiam nullo hoste im-
pellente, sciens volensque inter grauissimâ
scelera, tanquam inter sociam amicamque
sibi arenam voluitur. bibit nimirum iam ille
gaudens iniquitatem, qui omni morte, om-
nibusque antè tormentis grauius leuissima
quæque detestabatur, & ad solius delicti, te-
nuisque transgressionis nomen perhorres-
cebat.

Profiliunt deinde in inferioribus ex hoc
Religiosæ disciplinæ neglectu mala propè
vniuersa. orationis antè omnia tepor, ac
quoddâ spiritualis progressus frigus gelûq;
diuertimur inde ad externa, ad sæculares
confabulationes, iocos, risus, ac cibi potûs-

que delectum, ad commodorum studium, laborum fugam, otij amplexum; ad priuatas deinde amicitias, partiumq; studia, totusq; exinde homo in omni propè tam domestico, quàm externo congressu, seculum magis, quàm Religionem sapit & loquitur.

Nec mirum. nam cùm in vnoquoq; Ordine, regularum constitutionumq; tenaci disciplina tanquam habenis Religio stringatur, ac tanquam salutis vinculo arctetur; sit vt qui illa laxauerit, pronam natura sua in libertatem humanam mentem, tanquam iniecta manu in præcipitiũ propellat. maximeque hoc locum habet in iunioribus, qui necdum in solidum confirmato animo, tenera etiamnum ceruice, pristinaeque licentiae ac commodorum memores, laxatas vniuersim excutiunt habenas, ac in veterem se vendicant noxiam libertatem perituri, nisi prudentior Superioris manus fræna strinxerit, loræque animæ aeternum profutura arctauerit. Indoleat licet ac ingemiscat iuuentus arctiùs iam habita; gaudebit postmodum, & has Superioris sui manus seueriores, vbi ad se & ad primogenium Religionis

gionis ac disciplinæ ardorem studiumque redierit, deosculabitur; & clementes mitesque appellabit, fatebiturque agnoscetque patris fuisse, quas iudicis arbitrabatur.

Remedia.

A Superioris manu vigilique cura petenda sunt: qui si se secularibus proximorum negotiis, quoad populi locique conditio patietur, expediuerit, totumque se tuenda firmandaque disciplinæ dederit, perfacile illam stabiliet. neque magni moliminis erit non accersere, non ad se trahere, non sponte se externorum occupationibus induere; à multis etiam oblati, ac incurrentibus se subducere, quando sine merita proximorum offensione, ac diuinæ gloriæ nominisque diminutione, æstimationisque Religionis, salutisque aliorum detractione fieri potest. Prima proinde cura sibi commissorum sit, quibus arctissimis iustitiæ legibus obstrictus est. reliquum vero quod à suorum illi cura temporis superest, externorum salutis impendat; memor semper primam curam debere esse suorum tanquam patri, tan-

f 6

quam

quam pastori, seueramque ipsi aliquando illorum reddendam rationem Deo.

In omnem deinde Superior partem intendat; perspecta domestica habeat, morésque propensionésque animorum singulorú; illísque antè omnia incumbat, quæ Religionis iugulum petunt: qualia esse possunt, feminarum frequentata familiaritas; sociorum fuga; aulici, politici, sæculumque sapientes mores colloquiaque; detractionis vitium; externos ad Ecclesiasticas, seu sæculares dignitates commendandi studium; mutux domesticorum, aut gentium dissensiones; aberratio ab vniuerso vocationis spiritu; obedientix actotius orationis neglectus; & huius generis non pauca.

Minora tamen his non negligat, sed serios in omnem partem oculos animumque intendat Frequentibus dein consultationibus insitat: è quibus aliorum etiam ore domesticas res discat.

Quæ si ea fide, & pastoralis ac paternæ qua obstringitur cura serió, & non cursim præstiterit; non erit difficile Religionis disciplinam intra imperatas regularum leges con-

continere.

Curandum etiam, vt in transgressores pœnitentiarum vsus vigeat, in quibus nec nimis morosum frequentemque esse conuenit, ne à frequentia contemptus nascatur, & consuetudo in naturam transeat, consuecatque cui imperantur pudorem exuere: nec nimis remissum, ne conniuentia accendatur malum. mediam viam ingredi tutissimum, vt nec clementia, nec severitate nimia peccemus. minora minoribus, grauiora grauioribus puniantur.

Dêrque operam Superior, vt intelligant delinquentes, meritò talia iniungi, cauendumque seriò, ne qua in his personarum acceptio eluceat, ne quod in vno indulgemus, puniamus in alio: grauis enim ex hac personarum acceptione oblocutionum occasio exoritur, dissensionumque materies datur.

Videat deinde Superior lapsium causas, fortuitæ sint, an præcogitata; à fragilitate quadam animi, an à permitta improbitate proueniant; rariùs aliquis, an frequentius in idem incidat; præcesserint aliquando mo-

nitiones, an secùs; auctor alijs fuerit, an alios secutus; è pronitate quadam naturæ, minus-
que prouida circumspèctione, an è contem-
ptu natæ. quæ singula pœnarum grauitatem
augent aut mitigant. ignoscat non rarò, mo-
nuisse contentus. nec facilè ob priuata deli-
cta aut vni tantùm alteriue nota publicè
puniat, ne subditorum exacerbetur ani-
mus.

Magna etiam pars melioris disciplinæ à
Præfecto spiritus dependet; qui si cum Su-
perioribus magnis animis conspiret, non
magno negotio, quidquid hîc languoris est
ac neglectus, erigetur in melius, in ardorem,
& obseruantia quendam zelum.

Inuestigandæ demum seriò causæ sunt
eneruatæ disciplinæ, & è quibus ferè dome-
stica in Religione disciplina detrimentum
capere solet. quales ferè sunt.

I. Inutilium multarum personarum
admissio, qui vel ob valetudinis tenuitatem,
vel ob iudicij debilitatem, vel ingenij duri-
tiam, vel ad seditiones odiaque concitanda
pronitatem, vel ob prauorum affectuum in-
solentiam, vel pessimorum habituum inue-

teratam consuetudinem, vix subeundæ disciplinæ idonei sunt. à quorum omnium admissione remotissimum Superiorem esse conuenit.

2. Laxior Nouitiorum institutio, quos nulla postmodum arte ad disciplinæ rigorem adducas, & antè frangas quàm flectas. quare seriò illis nouitiatus tempore inuigilandum, ac seueriùs etiam nonnihil, minusque molliter ac blandè habendi. facilis est nouitiatu expleto seuerioris disciplinæ remissio: difficillima concessæ libertatis restrictio.

3. Pietatis ac orationis neglectus. è quo Religionis zelus exstinguitur, ac in regularum ac cōstitutionum omnium neglectum itur. vis disciplinam florere, da operam vt orationi omnes sedulò incumbant. nemo illam neglexit, qui huic seriò incubuit: nemo illi incubuit, qui hanc neglexit. tantusque ferè quisque disciplinæ quantus orationis pietatisque obseruator fuit.

4. Frequentes domo excursions, ac prolixiora cum sæcularibus colloquia, aut corūdem cum meliorum horarum dispendio,

dio, frequentatæ visitationes. ferè enim aliquid licentiores consuetudinis domum referimus, imbibimusque mores disciplinæ contrarios. cumque desueſcat animus rigoribus, assueſcit comodis; & amata omnia, labor displicet, grauis solitudo est, fabulis delectatur; & qui ante vnus Dei, nunc secularium ambit amatque familiaritatem. præscindenda hæc cruci consultiu religioſæ disciplinæ volumus.

5. Hospitum frequentia. qui ferè curiolora ac liberiora colloquia, occupationum varietatem, & remissionis aliquid à regula secum trahunt. quorum ferè exempla, noxio laxamento, eunt in imitationem. neque tamen ideo hospitalitas negligenda; moderanda tamen & intra religioſæ disciplinæ circum continenda, vt dum caritati indulgemus, disciplinam non proiciamus.

6. Superiorum in remissionem ac laxitatem pronitas. horum enim exemplum regula quædam inferioribus est, & cùm plerique naturæ quædam pronitate præuitem sequantur; religioſiores etiam paulatim imitantur, ne aut seuerioris vitæ gene-

re displiceant, aut improbare illorum mores videantur, aut indignationem incurrant. cui malo solius Superioris mutatione occurrì posse videtur.

7. Superiorum in regularum transgressores conniuentia, quod siue vniuersim fiat, siue in paucis, tota pedetẽtim domestica disciplina corruit; nec iam vltià Religiosorum, sed sæcularium contubernium videas. quod malum vix corrigas quàm vna Superioris mutatione.

8. Nimius seueriorum statutorum rigor, abit enim tandem seueritas hæc in animorum à capite suo dissensionem. cum enim durioribus se premi interiores sentiunt, excutiunt tandem iugum vniuersum rigoris impatientes, seueritate in indignationem versa, rigore in odium: è quibus tandem, effractis habenis, toto prono cursu, pudore exuto, in apertum omnis licentiæ campum decurrunt. moderatio disciplinæ magistra est, rigorque benignitate temperandus, si perpetuum volumus.

CAPVT. XIX.

Neglectus valetudinis suorum.

Ne

NE aut superfluis tepescat spiritus, abeatque in carnem & sanguinem; aut parcimonia, & necessariorum rerum defectu ad alia se inferior consilia conuertat, alienisque à Religione vijs incedat, & necessaria paret. in quam necessitatem, si quando Superiorum aut neglectu, aut duritie, aut parcimonia se coniectum inferior videt; paulatim ad omnem licentiam dilabitur, friget obedientia, iacet vniuersim paupertatis amor, nascitur alienatio, & clancularia ac secreta succedunt consilia, & ad externos mala hæc decurrunt, non sine Superioris, corporisque totius nota, totaque domestica collabascit disciplina.

Vix enim credi possit, quantum necessariorum rerum carētia & defrustratio, in subditorum animis languorem prouocet; vt desipiant iam spiritualia omnia; & pro alacritate ac feruore, noxia succedit tepiditas: frequentes inde querimonie, mutueque inter se murmuraciones, ac vniuersim ab omnibus imperatis alienationes. Ea enim est fragilitas humanæ conditionis, vt ad necessariorum rerum carentiam flectamus animum,

ab-
aut
efe-
; a-
cef-
ndo
aut
det;
fri-
atis
a ac
nos
ris,
tica
fa-
lib-
vt
la-
cas:
que
o-
est
cef-
ni-
m,
mum, maximè quando hanc non ex euen-
tu, aut temporum conditione, sed à Supe-
rioris duritia ac voluntate nasci videmus:
non enim in tali Superiore patris affectum,
sed durioris domini imperia inferior intue-
tur. Vnde fit, vt omnem etiam ipse filialem
affectum & obseruantiam exuat; nec iam
volens amica & patria, sed coactus despoti-
ca sequatur imperia, contentus quocunque
modo illa peregisse. Cùm è contra vnâ ne-
cessariarum rerum prospicientiâ, tanquam
falce, omnes murmurationum occasiones
secentur, addaturque animus ad quacun-
que imperata, etiam duriora, lubenti animo
peragenda. Nam cùm inferior se sinâque
cordi esse videat Superiori, neque vllâ ne-
cessariarum rerum cuiâ pulsatur; totum se
ad imperata exequenda conuertit, conatur-
que tam propensæ in se Superioris voluntati
respondere: neq; quidquam iam illi durum
aut asperum videtur, quod à tanta in se Su-
terioris sollicitudine natum intuetur, quo-
que generosior quisque, maiorique inge-
nio est, hoc se magis etiam ad imperata
exequenda profundit, cùm paria ac ma-
iora

iora etiam Superioris munificentiae repone-
re conetur, nolens vinci à Superiore in a-
mica hac amorum lucta; vt antè vitam po-
nat, quàm tam benignae in se patris sollici-
tudini & amorì non respondeat.

Omniùm tamen maximè in inferiorum
ægritudinibus, à quacunque causa natis, Su-
periorum affectus se prodit; & quo quisque
in suos animo sit, ægritudo, siue illa corpo-
ris, siue animi, ostendit. ac vix vlla in huma-
nis potentior vis est, aliorum in se affectus
ac voluntates prouocandi, quàm cum in-
firmitate quacunq; detenti, propensos pa-
ternosque in se, ac prodigos etiam, aliorum
(vt ita dicam) animos senserint. Hoc enim
illud tempus est, quo necessitate ac indigen-
tia crescente, maioribus auxiliis opus est.
nam integra valetudine, virum sæpe in mul-
tis satis, quibus domestico se robore, etiam
contra aduersantia & incurientia tueantur:
at vbi grauior aliquis ingruerit morbus, siue
ille animum, siue corpus depascitur; ad a-
liena ferè subsidia respicimus, domesticis
destituti. quæ vbi nacta fuerimus, incredi-
bile est, quanto in illa affectu rapiamur:
quo-

quoque morbi vis maior est, eo & ardentius ad remedia aspiramus, & tenaciori postmodum, gratiori; memoria accepta beneficia recolimus. Quid? quod sola paterni huius affectus recordatio ad ardua quæque ob-eunda ingentibus inferiores animis exci-
tet.

Neque vni illi ægro animi, sed omnibus crescunt, pares nimirum Superioris affectus in paribus sibi malis promittentes. tantum-
que hæc res valet, ut hac vna beneuolentæ, ac paterni in suorum ægritudinibus affectus ostentatione, multa aliàs in Superiore non probanda leniantur, ac tanquam molliori hac spongia deleantur. neque enim diffi-
culter inferiores mores Superioris sui, alio-
qui grauiore, perferunt, cum illum senserint magno vereque paterno in suorum æ-
gritudinibus animo rapi, nec quidquam in illis intentatum relinquere, quod suorum in-
ualetudi consulat.

At ubi se neglectos viderint, nullamque, aut perexiguam ingruentibus malis Super-
iorum in se sollicitudinem ac beneuo-
lentiam senserint, non tepescit tantum, sed
om-

omnis euanesceat amor, tollitur ad ardua alacritas, succedit maximarum quarumcunque rerum fuga & aspernatio: & dum exiguam in morbis, Superiorum curam intuentur, solliciti perpetuò de valetudine, eam propè solam curant. ardua proinde quæque tanquam valetudini iroxia subterfugiunt, nec ad ea se adduci patiuntur, vt veriti Superiorum in se immitiores, aut minùs benignos ac sollicitos animos, si qua in valetudine in talium susceptione opprimerentur. perpetuus enim eos morborum metus tenet, cum Superioris minùs paternam ac sollicitam curam senserint. accedunt oblocutiones, de tractiones.

Nec intra domesticos parietes querimoniae se tenent: magnis passibus ad externos decurrunt, à quibus solatia poscimus, domesticis destituti. præbetur etiam occasio tacite quædam valetudini tuendæ commoda inscijs Superioribus emendicandi & arripiendi; conamurque hanc paupertatis violationem valetudinis prætextu excusare; paulatimque animus ab instituti & vocationis suæ affectu auocatur, perpetuâque solli-

ci-

citudine & anxietate detentus, ad maxima quæque frigescit ac tepescit; succeditque tanquam nausantis ad noxia stomachi horror quidam, & præclarissimorum quorumcunque munium fuga; unde perpetuus languor mentem occupat, nec sperari iam quidquam magnum aut illustre potest.

Remedia.

NUllum potentius, quàm si se Superior patrem, non dominum; inferiores filios, non seruos cogitet: neque enim difficile erit patri, filiorum necessitatibus inuigilare. magis etiam si se matrem cogitet, quæ ferè indulgentior, maximè in suorum ægritudinibus, esse consuevit, non laboribus, non sanguini parcens, valetudinemque suam pro filiorum salute & incolumitate prodigens.

Iuuabit etiam illa cogitatio, si se bonorum familiæ suæ dispensatorem, non dominum cogitauerit, ut proinde illa in suos è voluntate diuinæ benignitatis dispertiat; singulosque in illa, tanquam summi parentis

fi-

filios, hereditarium quoddam diuinæ adoptionis ius habere. Iam si, quā munificentia benignitateque illa largitur Deus, eadem in suos profundat; perfacile omnium necessitatibus occurret, explebitque quidquid meritò à Religioso opum contemptore sperari potest.

Proderit vehementer, si certò sibi persuaserit, ab hac paterna in suos cura, sollicitudine ac prospicientia reliqua ferè dependere; disciplinæ nimirum Religiosæ exactam obseruantiam, magnarum arduarūque rerum lubentem susceptionem, inferiorum in se amorem, promptos facilesque ad omnia animos, murmurationum extirpationem, & quidquid paci mutæ, ac domesticæ quieti, & animorum coniunctioni aduersatur.

Exemplo magnorum in Religione virorum curam in se ægrientium susipientium, si se Superior excitauerit, præmissque calo repositis; non facile certissimas hasce obstringendi sibi suorum in perpetuū animos occasiones elabi patietur: maximè si cogitauerit, vna hac paterni in suorum infirmitatibus

tibus affectus ostentatione, durissima etiam imperia mollescere, ipsarumque adeo sectiones & vitiones à paterna sollicitudine profectas suaues videri, nec quidquam subdito asperum censerì, quod à patris affectu & manu proficisci videt. abiicitque iam sui valetudinisque curam inferior, cum viderit illam Superiori, tanquam parenti serìo commendatam, omnesque cogitationes suas ad voluntatis Superioris expletionem conuertit, certus de propensa in se illius sollicitudine & affectu.

CAP V T XX.

Nimia in hospites parcimonia.

MODICAM plerique hanc rem arbitrabuntur, quidam etiam à virtute, & paupertatis amore natam. at nunquam & nusquam virtus caritati aduersatur. Et si non leue iudicari non debet. quod si non tollit ac frangit; minuit tamen, & liuore suo letenustat caritatem. Et vt in omnes, ita in hospites potissimum, & peregrè venientes, liberales in primis maximos quosque viros.

& Religionum parentes reperies. Sciebant hac beneuolentiæ ostentatione mutuis caritatis pectoribus, tanquam submisso igne flammam immitti & foueri. sciebant quidquid foris in casto religioso amore aut temporum iniuriâ, aut obtreptantium improbitate elanguisset, sola religiosæ munificentiae seria ostentatione, ac quadam effusione reparari. Quare & prouiores eos semper in omnem liberalitatem fuisse videmus, ut nec domesticæ suppellectili parcendum putarent. ac ingentibus etiam prodigiis confirmatam à Deo religiosam hanc munificentiam legimus.

Et solo illius exemplo, qui augusta plenaque dona sua mortalibus largitur manu, impelli meritò debemus in paria, quantum humana generositas æmulari diuinam potest, & insequi præeuntem Deum. Habemus hîc monentem Apostolum Hæbr. 13. *Caritas fraternitatis maneat in vobis: & hospitalitatem nolite obliuisci.* & alibi Ro. 12. *Necessitatibus sanctorum communicantes, hospitalitatem sectantes.*

Et verò angusti parcimonia omnis animi est, ac de diuina prouidentia diffidentis.

niti-

nititur enim auarus omnis viribus indu-
striae, solertiae, diligentiae suae: liberalior ani-
mus, Deo. quoque generosior cuique mens
est, hoc etiam in liberalitatem pronior est.
cùm contrà: Eccl. 10. *auaro nihil sit scelestius,
nihil iniquius quàm amare pecuniam: hic enim &
animam suam venalem habet.*

Nascuntur verò ex parca tenuique hos-
pitiū exceptione obloquia varia, mæro-
res, suspiciones, iudicia caritati inimica, of-
fensiones, fastidia; paulatimque caritas om-
nis, quā vnā inuictę Religionis stabant, dis-
pergitur. & quod à maioribus inuentum
traditumque erat, in rugatæ, aut à tempo-
rum lapsu, absentiaque æruginatæ quasi ca-
ritatis augmentum nitoremque; hoc sicca
hæ arentæque hospitiū acceptione dede-
coratur. Ita quæ in languentis caritatis me-
delam hospitalitas erat, in eiusdem perni-
ciem parcimoniā suā insurgit.

Spargitur deinde hæc fama per regna. te-
nacitatiue narratæ terror omnium ani-
mos percutit; vt iam plerique fugiant has
domos, & auersentur Superiores: & si ad il-
los destinētur, mille excusationes pretextāt.

quod si aliud maiorum imperia cogant, difficiles tales experientur qui præfunt, laborum impatientes, otij sectatores, immorigeros. quid? quòd totę plurimum tales domus perpetuis murmurationibus tanquam fluctibus agantur. iacet prostrata caritas, pax exulat: nec quies iam vlla; sed continuæ animorum luctæ, aliaque non leuia mala domesticos tenent. Dictum à Sapiente Prou. 15. *Conturbat domum suam qui sectatur auaritiam.*

Neque interim nimia sequenda profusio est, & quæ plus habet sæcularis vanitatis, quàm Religiosæ modestiæ. media insistet via quisquis benè religioseque præesse volet, vt paupertatis, ita & caritatis memor; ne effusior in liberalitate, ne in parcimonia cōtractior, modestia eluceat Religiosa, absint sordes: nihil hîc reperiatur quod sæculum, & illius redoleat mores; deliciæ & apparatus, & quidquid de splendore promittere & profundere mundus solet, exulēt à Religiosa domo. sed & nimia parcimonia, frigidior mēsa, cōtractior manus, morosior deiectioneque vultus, frôs corrugatio, & quidquid
ina-

inamœnitatem, minuscque gratam beneuolamq; mentem ostentat, à Religiosa familia exigantur. vt & pergratos se Superioribus domesticisq; sentiant peregrè venientes, & non desit quo propensam Religiosam munificentiam suam commonstret profundatq; Superior, ac non tantum nihil desit, sed & aliquid super sit aduentanti.

Mirum dictu, quantum benigna hæc Superiorum liberalitas ad animorum coniunctionem faciat. accenduntur his in mutuū amorem animi, pelliturque frigus omne à quocunque capite natum; mutuisq; his amorum flammis mutuae incalescunt mentes, & ad ardua parantur; vt ingens & acti laboris, & futuri leuamentum sit hæc Superiorum in omnes munificentia. Inde mutua profiliunt gaudia, congratulationes, commendationes, spontanea in omnem etiam supra ætatem ac vires laborum oblationes, susceptiones. neque quidquam nunc arduum animo tot flammis tanquam fornacibus succenso.

Plena dehinc regna sunt hac laude; & iuuat inter eos viuere quos muniicos ex-

periti sumus; ac si quid aliunde, vt fit, mœroris contractum, benignitate, tanquam potenti spongia, detergitur, ac tanquam valido vento nocitura nubes depellitur. adeoque & mori delectat sub munifica Superioris manu. & quidquid in Religione graue & arduum, mollescit hoc temperamento. Dura videntur, acerba, amara, & pondere moleque sua prementia, tristitia, ac mœroribus etiam plena, quæ refugiat animus & ad quorum memoriam perhorrescat? accedat liberalior Superioris vultus, & dextera; & omnis illa acerbitas dolorque in dulcorem gaudiumque vertitur; vt inclamare iam lubeat, Ecce quàm bonum, & quàm iucundum habitare fratres in vnum! à tam exigua re tanta bona; vt à negata re tantula, tanta mala.

Remedia.

A Superiore pendent. qui si cogitauerit, domesticarum se rerum non dominum, sed dispensatorem; non erit illi difficile ex ijs, quæ liberali manu profundit Deus, liberali etiam dexterâ in discipulos, adopti-
uos.

uósque Dei filios erogare.

Cogitet deinde secutura mala, quæ priuatim ad se, publicè ad omnes eunt. qualia sunt, minùs carum subditis esse, malè apud externos audire. parum nimirum, sordidum, miserum, morosum, difficilem, aliaque huius generis, quæ non in vna hærent domo, sed perambulant regna, ad hærentque æternum homini, ut nec cum morte finiantur: viuitque munere defunctus inglorius apud omnes. Cùm è contra liberalior in suos exterósque animus, siue munere iam deposito, siue dum etiam num illo fungitur, carus iuxta externis domesticisque viuat, in omnium ore, laude, votis, beneuolentia, gratæque etiam iucundæque post mortem memoria, peccat? facilis in omnium mentibus commiserationi mista venia est. deliquit ille prior? gaudium potius quàm dolor de lapsu est. ut fatuum planè sit, ob tantillam rem, contractiorem scilicet in hospites manum animumque, tantis se noménque apud omnes suum periculis exponere, malorumque suprà recensitorum quàm publicè, quàm priuatim causam dare; nullo, aut per-

exiguo domui, cui præst, emolumento, spiritali damno maximo.

Cogitet deinde quid defunctus officio ex omni hac parcimonia, anxiaq; sollicitudine expectare debeat, præter multorum alienationes, nullius beneuolentiam, obloquia innumera, contemptum plurimorum: qui si amorem laudisque contemptui & odijs præferat; amorum causas munificentiâ seclretur, odiorum parcimoniâ tollat.

Proderit etiam si Superior secum illud statuatur, ea in reliquos esse munificentia, qua reliquos in se esse vellet. & monemur ab Euangelio Luc. 6. *Date, & dabitur vobis: mensuram bonam, & confertam, & coagitatam, & superfluentem, dabūt in sinum vestrum. eadem quippe mēsurā, quā mēsi fueritis, remetietur vobis.*

Exemplis denique seipsum excitet Superior magnorum in Religione virorum, quibus in summa animi magnitudine par liberalitas stetit, parque secuta est. pulchra hac in re D. Hieronymi sententia est ad Rustic. *Nō leui vſitatoq; sermone hospites inuitemus: sed toto mentis ardore teneamus, quasi offerentes se cum lucro nostro atque compendio.* Semper lucrum

crum ex Religiosa hospitalitate expectet Superior. Exempla in omni Religione maxima sunt, magnis diuinis sponſionibus firmata. & monet Apostolus Petrus: 1. Pet. 4. *Ante omnia mutuam in vobismetipsis caritatem continuam habentes, quia caritas operit multitudinem peccatorum: hosp. tales inuicē sine murmuratione; imò cum gaudio. hinc est illud Sapientis Eccli. 35. In omni dato hilarem fac vultum tuum. & illud D. Pauli 2. Cor. 9. Hilarem datorem diligit Deus. præmittit remunerationis expectationem; quid nimirum sperare debeamus: Qui parçē seminat, parçe & metet: & qui seminat in benedictionibus, de benedictionibus & metet. subdit. Qui autem administrat semen seminanti: & panem ad manducandum præstabit, & multiplicabit semen vestrum, & augebit incrementa frugum iustitiæ vestræ, vt in omnibus locupletari, abundetis.*

Adde, neminem propè inferiorum reperiri, qui non volens lubensque liberali subſit & obsecundetur; neminem, qui parco & sordido. in illo vel omnia laudant, vel improbanda excusant: in hoc, etiam laudanda damnant. hi fructus vtriusque, & tanquam

fontis sui scaturigines fluminæque in possessoris sui laudem vel vituperationem nata.

Quodd si neque aliorum exemplis, neque rationum pondere, non commodorum damnorumque varietate & multitudine, non Superiorum monitis, subditorumque aliorum querimoniis alios Superior mores induerit, consultius fuerit vnum à munere remouere, quàm tot tamq; grauib; malis domum onerare.

C A P V T XXI.

Inutilium personarum admissio, aut retentio.

QUàm graua ex his damna Religionibus data sint, ignorare nemo potest; cùm aut parentum, amicorum, benefactorum, magnorūque virorum rogatu, aut spe bonorum in Religionem minù idonei admittuntur, aut in ea retinentur. Quid enim non meritò vereri debeamus ab hac inutilium turba, nisi totius Religionis teporem quendam ac frigus, ac demum interitum vniuersum? Nam cùm per hos consueti

fueta Religioni munia rite & cum laude ac fructu obiri non possunt, sit vt aut vniuersim negligantur, aut cum dedecore peragantur: aut sanè plurimi idonei supra hanc inutilium turbam admittendi sunt, quorū opera tutò, ac cum fructu vti possimus: atque ita replentur Religionēs personarum numero, vtilium partim, partim inutilium, quorum exemplis priores illi ad otiosam, & ad non dignam Religione vitam descendunt.

Sed nec quidquam ab hoc hominum genere expectandum, quàm vt, postquam impleri, dilatati & incrassati fuerint, abeant in murmuraciones otio amicas, in obloquia, in aliorum criminationes, in instituti neglectum; inde etiam in cōtemptum, in mandatarum rerū refragatores; in cibū, potum, somnum, carnē, & his similia; & in magnum denique vniuersę Religionis dedecus & infamiam latè spargendam; cum externorū quisque ex his metiatur reliquos. vt non tam profit proborum non contemnendus numerus, quàm paucorum imprudēs & ab instituto degenerans conuersatio.

Accedit quòd hi ferè vniuersàm domesticam pacem turbent, semper inquieti, nulla in re stabiles, otio diffuentes, ad vana & secularia propensi; & cùm nihil in eis sit quod Religiosum redoleat, tũ prima quæque munia venantur, dignissima quæque deberi sibi arbitratur, reliquorum dicta factaq; criminantur; & ferè in optimos quosque & probatissimos hi insurgunt, ementitisque quaqua possunt calumniis onerant, detrahuntque primis quibusque. cùm enim videant, se virtute non posse cum his contendere, ad maledicta descèdunt, clàm primum, inde publicè; vt per magnorum depreiſiones, gradum sibi ad summa quæque sternant.

Iam illud ferè obseruatum, tales plerũque in eos insurgere, quorum noxia facilitate in Religionem admissi sunt. nam nisi omnia concedantur, insurgunt in benefactorem; inde in contemptum, & oblocutiones graues in primum illum suum nimis beneficium parentem: nec grande illud olim concessum beneficium agnoscunt, nisi quæcunq; voluntas sua ferit extorserint; & cùm
fe

se admissione aut retentione æquatos vident optimis, etiam virtutum præmio parari volunt, virtutis omnis expertes.

Laborant hoc malo non infirmi Superiorum, innata quadam lenitudine ac clementia, zelo etiam non rarò animarum : qui si considerarent, crudelem illam meritò clementiam censeri debere, quæ ut paucorum nō proborum salutem consulat, optimos quā plurimos animarum periculis exponit; longeque illos à clementiâ abesse, qui, ut noxiò membro parcant, corpus vniuersum morti obiciunt; non tam facilè ad illa descenderent. Prudens verò secabit membrum, ut corpus tueatur; euellet nocitura, & ignibus damnabit, ut bono semini consulat. Ille verus pater est, qui seposito imprudenti paterno affectu, ut morigeris probisque liberis prospiciat, malè improbèq; indolis filium à domo fratrumque consuetudine ablegat. Idem in pecoribus vsu venire videmus: amouet scabie laborantes prouidus pastor, ne vnius contagione grex reliquus pereat.

Et sanè non tam clementia, quàm immanis sæuitia est, admittere aut detinere Reli-

gioni noxium, aut minùs idoneum; cùm res hæc in vniuersi corporis vergat interitum, plùsque vnius sæpe improbitas nocuenti Religioni damniq̃ dare consueuerit, quã plurimorum probitas emolumentum adferre. ita nocitura facundiùs serpunt, & nullo impellente fertilissimos agros occupant: proba, culturâ indigent; nec facilè radices agunt, aut se ad vicina extendunt, ni indefessus labor accesserit.

Remedia.

Seria in admittendis disquisitio, magis etiam seria post admissionem probatio.

Facilis è tirocinio dimissio, in iis, qui exigua promittunt, quorum talenta tenuia ipem non magnam faciunt magnarum rerum.

Prudens delectus Magistri Nouitiorum, qui iudicio, prudētia, & in ingeniorum disquisitione solertia valeat: qui instituti non tantùm amans, sed & serius & accuratus vocationis cognitor, quò concreditos sibi ad eam regulam formet, maximèque ad mortificationis studium: aut enim sequetur docto-

ctorem, & naturæ prauitatem, sui victores, superabunt; aut lassi & victi, aliud vitæ genus deligent; aut sat magnam occasionem dabunt ad sæculum ablegandi.

Iuuerit etiam plurimum, vt neminem quis Superiori à quo admissio pendet commendet, nisi antè probè cognitum, & cuius ingenium variè probauerit, vtque non tam numero, quàm aptitudine delectetur.

Nemo nuda amicorum, benefactorum, magnorumq; virorum commédatione admittendus. in quo recti tenacissimum, constantemque per omnia decet esse Superiorem: ne aut beneuolentia, aut consanguinitate, aut potentium auctoritate à vero deflectat. cogitet plus se Religioni, cui præest, quàm sanguini & potentia debere. prima proinde semper cura indolis & ingenij sit, postrema omnino opum, nobilitatis, sanguinis, amicorum: quæ ornamenta si nuda sint, omni ingenio viduata, reliquisque animorum præsidij destituta, numquam Religioni ascribendos cenfeo.

Non facilè denique admittendi, de quibus merita dubitatio moueri posset; unò nō
ad-

admittendi quamdiu iustæ dubitationis metus subest.

Plures in omni admissione in consilium vocandi, quo certius aliquid statuatur, nèue vnus potiùs Superioris affectu, quàm pluri-um sententia res peragatur.

C A P V T XXII.

Negligens institutio nouitiorum.

// **A** Qua ferè vniuersa Religionis habitu-
// do bona nascitur. cum plurimùm reliqua omnis ætas ab illorum recta prauaque institutione pendeat. ab hac enim in omnem profutura nociturâque ætatem documenta petuntur: fundamenta namque hinc mittuntur totius ædificij spiritualis. quibus perperam iactis, quid nisi reliquorum ruina timenda est?

Et sanè prudenti hinc opus architecto: qui magna solertia soli naturam serius diligensq; scrutator examinet. neque enim omnis fert omnia tellus, nec paria fundamenta omne solum desiderat. malignum hinc & superstruendis cessurum molibus; altè
pro-

proinde fodiendum, donec ad ignaram ligonum virginem adhuc terram deucneris. qua si destituaris, densè impactis sudibus superanda firmandaque malignitas est. Nihil est quod non ars laborque vincat: etiam in medijs fluctibus & mari æternaturæ exurgunt moles; tantum industria, labor, prudentia possunt. alibi fodientium votis terra respondet, nullis cessura ponderibus: aliquando nec fossionibus opus, arbitreris è viua rupe aut solido saxo compactam.

Imitabitur deinde noster institutor agrorum cultores. non omne statim semen credet omnibus. soli conditionem solers inuestigator perscrutabitur. Hic nescio qua naturæ benignitate ne proscissa quidè gleba, sparsa leui manu semina in diuitem mellem surgunt; ibi vomere & ligonibus altè proscindenda, sudoribusque madidanda est; alibi satis est supremam superficiem leui manu retexisse; non vno loco nullus labor, industria nulla satis est, stercorandus ager, calce etiam ac interparso cinere iuuandus: vt horum æstu frigus ac innatum quoddam gelu colliquescat. etiam ignibus vincenda
sterili-

sterilitas, & non nisi flammis fœcunditas speranda est. adeò non solum ferrum fertilitati sufficit.

Hic aliquando filua stetit? secanda est. nec satis est. maior in radicibus lucta est; euellendæ sunt. nec hoc satis est, altè plerumque iacent, & sparsa hinc inde semina nouam filuam minantur. ignes admonendi sunt. Ibi vepribus, viticis plena sunt omnia, & nescio qua natura prauitate, etiam bona semina in solum degenerant. assidua hîc & indefessâ opus solertia & cura est, sæpe vertendum solum, ac in ipso quasi semine elidenda prauitas. sanè vt primum se ostenderit, eruenda est. & multorum tamen sepe hic annorum labor est. nusquam proinde indormiendum, donec labori malignitas cesserit, & neglecta primorum annorum semina, infatigata colentis industria excusserit. Alibi perpetua quasi rudera & saxa, vt profeminata studio credas, fœcunditati impedimenta iniiciunt. eruenda sunt. nec desistendum donec frequentibus altè fossionibus perpurgaueris solum, vt, si non omnis tollatur, rarior iam lapis sit, à cuius densitate nul-

nulla sementis boni suffocatio metuenda sit. Nec rarò nimio humore peccat solum. frustra inessem speres natante semine. hinc inde proinde per varios aquæ ductus aliò flectenda aqua est. Nimia etiam interdum ariditate peccat ager: vt frustra conatum adhibeas in tam arenti solo, æstibusque quibusdam suis siue à natura congenitis, siue aduentitijs, emedullato. frequentes proinde hîc densæque fœcundæque cælo nubes pluuiæque votiuis calidique precibus exorandæ; aut prudenti solertia, è vicinia, aut remotiore etiam loco torrentes euocandi, flumina deducenda. paria in leuiori ac arenoso solo adhibenda: validis stercorationibus ac aquæ ductibus leuitas corrigenda erit.

Eadem in ingeniorum cultura conuenire consueuerunt. Hîc saxosa inuenies ingenia, dura, & quæ culturam aspernentur, quæ fortiter resistant monitis, quæ non facillè cedant, quæ validè adhæreant semel conceptis, quæ usu & iudicij sui consuetudine callum obduxerunt ad aliena consilia. bene sperare possumus quamdiu non

coaluerunt hæc saxa, & abierunt in rupem. quamquam & hanc non tam ferro quam mollioribus euincas. ita ingētia saxa ab elementorū molliſſimo exeduntur. frequentibus proinde paternisq̃ue monitis vincenda ac emollienda hæc pectora ſunt, maximeq̃ue amoris diuini incentiuſis, quibus ferè ſaxeæ hæ mentes tanquam ignibus cera, ſole niues colliqueſcunt.

Ibi arentes animas & tanquam omni meliore ſucco emedullatas reperias, à ſæculi æſtu ambuſtas; quas virtutū ſucco, frequentique cæleſti rore orationibus euocato prudens rigator humectabit, potiſſimè verò frequentibus per diem iaculatoriis orationibus. qui vbi virtutum paulatim delicias deguſtauerint, proni audiq̃ue in eas ferentur. omniſq̃ue noxius calor à cæleſti pluuiâ orationum robore elicitâ extinctus, marceſcentem animam fœcundo ſucco beabit.

Alibi ſilueſcentem vitiorum varietate ac multitudine mentem naſtus, non tota ſtatim nemora excindes, ſed carptim ſingula excaudicabis. quòd ſi molli manu vincere ſoli

foli improbitatem non poffis, ad ferrum & ignes descendes: ita tamen vt ferrum & ignes vltro deponat qui patitur; gaudeatque non ignibus & ferro, fed fperata ex his valetudine & fecunditate fucceffura.

Quod fi torrentibus fluminibusq; innatauerit alius, totumque apertis faucibus elementum biberit, aut fæculi abforptus fluctibus agrè laffum caput extulerit; auxiliarem fupponet dexteram, vndisq; creptum pericula docebit, terrebit, vt, dum discrimina ipfe fua fèferit, exhorrefcat fatuos fuos conatus, improuidos aufus, ftultos prolapsus, morte mortemque fecuturis aternitatibus in metum & fugam, & meliorum cogitationem propositis.

Si quem temerario aufu per rupium montiumque vertices decurrentem, perque faxorum decliua audaci conatu reptantem confeutus fuerit; ingentia oftendet præcipitia, prolabantium numerum, primorumque quorumcumque fanguine nobilitata faxa, infames mortibus rupes, vt mirari primò difcat imprudentes fperatæ per abrupta hæc gloriæ aufus, tot exemplis ne quidquam

quam antè edoctus.

Primò proinde instructor naturæ cuiusque, ingeniorum iudiciórúmque conditionem perscrutabitur, dispicietq; singula peritorum medicorum more. cognovisse, propè vicisse est. vt longè maxima difficultas in morborum ac constitutionis cognitione sit. medicamenta ad manum sunt, plurimus ferè error in ignoratione mali est. accedat cognitio, & spes summa elucet valetudinis bonæ. ita etiam præuisa damna fugam concedunt, inopinata ignaros obruunt. vt autem ingens ingeniorum morborúmque animi discrimen est, ita & medicamentorum esse debet, Hieronymo monente Lib. 1. adu. Pelag. *Ex corporalibus, cōsideranda spiritalia sunt. alius velox est pedibus, sed non fortis manu. ille tardus incessu, sed stabilis in prælio est. hic pulcrum habet faciem, sed rauca vocis est: alius terram, sed dulci modulamine canit. illum ingeniosum, sed obliuiosum: hunc memorem, sed tardi videmus ingenij.* addit Gregorius Hom. 10. in Ezechielem, *Hoc omnipotens Deus agit in cordibus hominum, quod facit in regionibus terrarum. Poterat namque vnicuique regioni fructus omnes tribue-*

resed si vnaqualibet alterius regionis fructibus non indigeret, communionem cum altera non habuisset. Audeo dicere, maius longè ingeniorum quàm terrarum ac corporum discrimen esse, vt maiore, in his industria ac prudentia opus sit, quo & sperati fructus & pericula maiora sunt.

Discat proinde morum magister ingenium cuiusque. qua in re varia dexteritate opus erit. quædam ab ipso nouitio in ualitudinem suâque omnia tanquam medico prodente intelliget, quædam à socijs cognosceret, quædam è recreationibus hauriet, alia longa obseruatione ac experientia discet, versando sibi commissum in omnem partem, laudibus, obiurgationibus, pœnitentijs, præmijs : variarumque propensionum adiungat socios. hîc restringat, ibi quædam concedat, aliàs arctè reprimat, nonnunquam remittat habenas. committat etiam interdum aliquid prudentiæ ipsius, omnia interdum neget, ac, cum propensioni aliquando illius laxauerit habenas, tû cōtraria omnia propensioni imponat. seuerè etiã interdû habeat, molliùs deinde, iungatque

que aliqua sibi familiaritate, iterumque ab ea secludat. saepe paternè agat, ac medici hinc inde personam induat, plerumque suorum, ~~rigidioris~~ interdum, ut in omnem omnino partem tironem suum vertat. assuescat duris, ut horum consuetudine delectetur asperioribus, & gaudeat difficilioribus cum familiaria illa sibi fecerit; induatque veteranos animos, quibus à vulneribus & sanguine generosum incalescit pectus. detque operam, ut non tam ipse asperiora imponat, quam à nouitio ultro deposcantur. quæ mitiget tamen, & ab ultionis hisce aliquid demat, & leniora ac minora petitis concedat.

Vbi verò ingeniorum hunc agrum variè exercitum cognouerit; impedimenta antè omnia remoueat, saxa temere ac improuidè iactata, aut nata, inter sparsa zizania, prauarum cōsuetudinum noxias radices, & quidquid aut ingentum aut prauis seminis superiectum est.

Purgata dein variè à noxiis area, solidas virtutes seminet, quas assidua cura à nocituris tueatur. Orationis ante omnia studium

dium primas partes occupet. assuescat illi nouitius, maximè meditationi, in qua ea primò pertractet quæ timorem incutiunt, validoque iniecto metu à peccatis terrent, morte, æternaturisque pœnis, iudicii que horrore proposito; transeat deinde ad virtutum prouocatiua, Christi Sanctorumque vitam, documenta, consilia; ad amorum denique incentiua, cælorum præmia, gaudia, nunquam perituram gloriam. Frequentibus deinde per diem aspirationibus mentem pascat, & contra aduersa firmet; binis etiam per diem serijs conscientiae discussionibus, in quibus nihil intactum relinquat, nihil inemendatum.

Plus tamen mortificationi studeat, plusque operæ & temporis huic concedat, ut à qua maius momentum pendeat. certius enim hac firmantur animi, solidius roborantur, & contra aduersa parantur: cum intima animi cultura ab hac pendeat, cuius auxilio rudera & prauorum habituum radices & fibræ, & naturæ malignitas, & superiacta zizania euelluntur, ac tanquam scopis eueruntur, totaque interior area serendis hau-

riendiſque virtutibus aptatur; vt nullo iam labore optima quæque ſemina tutò certoq; mittantur, centuplaque fœneratione dominum ſuum beent. Et ſanè ſine hac fruſtra quocunq; conatu virtutem inſeueris. quæcunq; enim nobiliſſima licet ſemina ſcrupuloſo ruderoſoq; ſolo, zizaniiq; improborumq; affectuum pleno immiſeris; nequidquam ſperes, neque enim aut radices agent, aut exurgent in culmum, aut emergent in fruticem; ſed in ſemine ſuo occident, aut in herba ſuffocabuntur: vt nec ſola celeſtis pluuiæ, nec pinguior ſtercoratio, nec vigilâs cura ſufficiat. Eruderanda primo prudenti validaque manu noxia ſunt, & proſcindenda quaqua parte, durisq; ligonibus, ſecuribus, vomere ſecanda terra, ac quaſi relin-genda eſt, melioriſque ſemini paranda. quibus peractis ad diuinorum amorum ignes accedat inſtructor; nec magno molimine in ingentes excreſcent flammæ. purus enim hic iam ignis eſt, pulſo prauorum habituum ætù, ſolutaque glaciæ ac gelu, tepore languoreq; fugato. Hinc eſt illud Magni Gregorij Paſtor. p. 3. c. 35. *Jeremia miſſo ad prædicationem*

tionem dicitur, Ecce constitui te hodie super gentes & super regna, ut euellas & destruas, & disperdis & dissipes, & aedifices & plantes. quia nisi prius peruersa destrueret, aedificare vtiliter recta non posset: quia nisi ab auditorum cordibus spinas vani amoris euelleret, nimirum frustra in eis sanctæ prædicationis verba plantaret.

Moribus etiam sub initium formandis inuigilet instructor. exuant prauos, sæculares, vanos; induant modestos, maturos, religiosos. oculi in primis domandi, ac tanquam iniecto freno colubendi, ne in omnem partem excurrant, ne nocitura hauriant, statione sua contineantur, ac quodam quasi aggerere claudantur, verecunda quadam deiectione, rari elevatione, aut cunctiosa circumspectione: manus contineantur, non indecore protrudantur, nec in frequenti motu verientur: non iactentur brachia, aut longius protrudantur: incessus sit constans & moderatus, qui nec lentitate ignauiam designet, nec citatiore progressu incompotam mentem testetur, nec in variam partem libratus saltum denotet: totaque corporis compositio erecta, capite modicè sublidens

nihil denique, quod sæculum sapiat, quod aulæ mores, quod iactantiam & fastum, quodûe nimiam aut amœnitatem, aut trucem seueritatem vultu præferat, ad verecundam honestatem, & in comitate ac benignitate maturitatem omnia componantur, omni leuitate, vanitate, effusaque lætitia sæculum redolente eliminata.

In verbis seria maturitas, præcogitata dictio, ad moderatam tarditatem quam ad celeritatem pronior; vt nihil pœnitendum elabatur, nec lingua mentem, mens linguam præueniat, exulet profusior risus, verbaque risum prouocantia, dicteria, sarcasmi, acerbior prolocutio, vanarum rerum narrationes, & quidquid sæculum suum loquitur.

Assuescant pijs colloquijs, omnemque fermocinationem diuinis condire rebus. læta tristibus, tristia lætis miscere, mœrentes solari, prodigè effusos moderari morte proposita, dubio euentu, incerta futurorum consecutione. honores opesque sæculi huius cum alterius vitæ, principum magnorumque studia beneuolentiamque cum Dei Sanctorumque cælo ascriptorum, peritura cum

æter-

æternis, momentanea cum peregrinaturis,
terrena cum cælestibus componere. Extolli-
tur aliquis prosperis? opponat aduersa. de-
primitur aduersis? erigat spe meliorum. pau-
pertate opprimitur? cælorum ostendet opes.
proscinditur calumnijs? melius esse doceat
innocentem quàm nocentem pati. habeat-
que ad manum vtriusque fortunæ exempla,
quibus aut erigat aut deprimat, & intra
modestię terminos hospitem suum con-
tineat.

Remedia.

A Vigili Superioris cura petenda sunt.
qui si certò sibi seriæ institutionis no-
uitiorum momenta proposuerit, sibi que
persuaserit ab hac vna totius Religionis spẽ //
omnium maximam, vitamque ac interitum //
pendere; pulsa ignauia ad sedulam se insti-
tutionem accinget.

Quòd si pergat in socordia, molestiarum
ac laborum pertæsus, alteri muneri admo-
uendus erit, in quo minore Religionis de-
trimento versetur.

Inuigilandum deinde vt qui præest, non

nuda pietate ac religionis zelo, sed prudentia in primis instructus sit : cū plus saepe momenti à prudenti quàm à sola pia directione pendeat. Prudens sanè directōr, qui singulorum naturam altitudine quadam mentis, seriaque solerti que indagatione penitus introspexerit ; non facile à recto bono que aberrabit, aut commissos sibi in errorem ducet, aut ad præcipitia adiget, aut ad extrema & pernicienda impeller. scit consilia, monita, remedia naturæ singulorum accommodare, moliaque asperis pro cuiusque ingenio temperare. ac plus prudentia destitutus, qui sentire quodam animi eadem omnes vi ducit, eodemque omnium morbis medicamentis medetur; & peccabit gravius, & pro medicamentis non raro veneno potius, tū malorum incrementum abutitur, & ne enim vni in vitam, autem in mortem sunt, & è non malis pro varia valetudinis conditione toxica bibuntur, neque vilis error gravior est quam in spirituali institutione directioneque iisdem omnes in omni re ac disciplinis instituire, iisdem mederi modis, cum pugnautes naturæ morbi que pugnan-

tia remedia deposcant. Euenit enim in ingeniorum tractatione quod in corporum curationibus; in quibus prima praescubendorum cogitatio à constitutionum varietate petenda est, in qua qui peccat, mille se erroribus inuoluit, & pro profuturis interimentia propinabit. Pius sit instructor, orationis antè studio excultus, magis etiam mortificationis; ut dux ipse suis ad omnem virtutem sit, plusque exemplo quam verbo instruat; habeant in eo, ac in omni actione verboque ipsius nouitij quod tunc imitentur; à prudentia verò, siue illa naturali, siue cælo concessa, quam instructissimus sit, adeò ut si votis hæc agendum sit; minus in instructione à solida magnaque prudentia cum moderata pietate, quam à agna pietate prudentia destituta periculi videatur.

LIBER SECVNDVS.

INFERIORVM

MORBI

ET

CVRATIONES.

CAPVT I.

Auersio à Superioribus.

X quacunque causa nata, difficultatibus & periculis plena est: neq; enim in sola Superioris persona stat hæc auersio, sed ab it ad omnia ab ipso imperata; vt etiam si hæc sanissima sint, instituto conformia, animarum saluti propria, bona etiam, adeoq; amore illius cui imperantur profecta, omnia tamẽ ex alijs initijs prolata arbitretur. Hæc in parendo ingens diffi-

M
 ficultas sequitur, cùm omnia imperantis su-
 specta sunt, totaque interioris hominis pax
 turbatur & euertitur, nam siue Superior ta-
 ceat, crescit cum auersione inquietudo; siue
 loquatur, & salutaria præscribat, pro toxico
 illis salutis monita sunt. vt ex omnibus non
 modò imperatis, sed ne ex dictis factisque
 Superiorum quidquam placeat, displiceant
 omnia. sint qualia à religiosissimo & pru-
 dentissimo sperari ac desiderari possint; fa-
 tua illi erunt, & periculis plena: sint amicis-
 sima mente, munificentissimâque dexterâ
 erogata; ab hostili pectore, & auara manu
 venient. Prudens Superior consilium dedit,
 prouidè imperauit? fatuus, aut politicus est.
 Beneuolè excepit? aulicos mores induit.
 Largissimè omnia spopondit? insidias struxit,
 & aliud verbis, aliud animo fouit? Planè lo-
 quitur? latent doli. Parcus in verbis est? frau-
 des, & inimicâ mentē regit. Suadet profutu-
 ra? commodis suis studet. Nihil deniq; tam
 sanctum certumque, quod non profanum,
 periculisque plenum illi sit.

Neque manet hæc auersio in vno, prodit
 se foras, ac vbicunque deprehenderit ali-
h s
quem

q̄ rem ex quacunque causâ turbatiorem, aut Superiori offensum, illi se morbumq; suum aperit, qui hoc malo tenetur, mutuâque hac confidentia mala crescunt, vt inde societate iam roborata, in apertas protumphant murmurationes, oblocationes, detractiones, ac quidquid ferè in Religione malorum excogitari potest.

Quid? quod etiam ad externos serpat hoc malum: neque enim contineri vnus animo commotio & tempestas hæc iactatiôq; potest, non magis quàm flamma cineribus: erumpet proinde vel minima data occasione, maximè si externus ille pro contracta inter eos familiaritate, cœperit aliquid in Superiore improbare; tunc enim periculû est, ne tanquã hac nouacula dissecitû apostema, venena simul omnia profundat, non Superioris tantû, sed & corporis totius damno.

Demum crescente hoc malo, ad instituti vniuersi damnationem prolabitur hæc alienatio, agrûmque suum ad extrema propel-
lit, dum nihil iam probat, damnat omnia, versatûrque quæcunque documenta, tanquam ab hostili manu propinata: nusquam
patris,

patris, nusquam medicinarum agnoscens, sed inimicam ubique dexteram. etiam inter amica fercula & propinationes, inter patria monita benignissimo pectore deprompta venena reperiet, & fella pro melle leget, colocynthidas pro saccharo, pro vita mortem. tantum valet alienior animus.

Iam cum displiceat Superior, monitaque studiaque ipsius, qualia demum illa fuerint, licet ab intimo Religionis deprompta; incipiunt etiam Religionis propria displicere. & semel à Superiore alienior animus, auertitur etiam ab iis quæ instituti sunt, maximeq; ab illis, ad quæ Superiorem propensiolem videmus. quod si ad omnia instituti pari conatu feratur Superior, ab omnibus auertimur, displicet nimirum res cum persona displiceat, & quæ proba antè erant, improba videntur, cum ab hostili dextera nihil arbitremur amicum profuturumque porrigi posse.

Atque hinc spiritualis quædam exurgit nausea, & inærentis animi fastidium, ut nihil iam placeat quo foueri mens consueuerat,

aut laffa reparari, aut fellâ erigi, aut agra fanari.

Oratio verò tota prostrata iacet, credas esse & tuis nervis omni robore viduatam, ita occupatus ac possessus alienatione hac animus, nihil præter auersiones ruminat, vt nec ipatium sibi concedat cælestia cogitandi. tanquam si palatum amaritudine circumfessum, suauia ac salutaria omnia respicientem cogites.

Sed & animus ad generosa quæque deest: amatque sub tali Superiore ingloriam magis vitam & ignauam trahere, quàm ad victura dexteram protendere. quæ tandem res ad extrema inferiorem deducit, variòsq; etiam corporum morbos adducit. nec finem facit, donec aut in apertum erumpat odium, & hostiles machinationes, & desperatæ mentis molitiones, aut vitam sibi aliisque grauem tristi languore finiat, infeliciq; demum morte claudat.

Remedia.

Conandum Superiori quibuscunque potest modis, maximè verò per Præfectum

etum spiritus, Confessarium, aliósq; ei caros, vt ager hoc malum suum fidenter, clare, & sine ambagibus retegat: in refectione enim hac, potissima sanitatis pars constituta est.

Beneficijs etiam vincendus ager, & ad hanc sui refectionem blandè ducendus erit: quasdam etiam in illo leuiiores imperfectiones dissimulando: negotia quedam, que tutò illi credi possint, vltro committendo: si quid rectè factum, laudando: si quid minús benè, errorem tamen excusando, intentionem collaudando, suauiter monendo, & ad maiora excitando.

In qua re magna Superioris opus est prudentia; vt si blandè inferiorem adducere non possit ad sinceram mali sui refectionem, sinulet se auersionem hanc scire, multisque fiduciæ signis, ac quibusdam etiam concessionibus ab instituto non alienis, suauibus appellationibus, colloquijsque quæ animi in illum propensionem fiduciamque ostendant, cum sibi deuinciendo; propositis etiam interdum quibusdam tanquam consilij causa, ac iudicium illius explorandi,

probando etiam illud, si quo modo fieri possit.

Quòd si his similibusque animum illius sibi conciliauerit; dissimulare in vniuersum Superior poterit, quò fidentiùs ille se suaque, pulis diffidentiae nebulis, Superiori credat: si verò æger se aperuerit, beneuolentia Superioris victus, benignè illum Superior audiat, soletur, ostendat vanum metum fuisse, non fundatas suspiciones, & ne à se cogitatis quidem rebus natus; aut sanè rationem dictorum factorumque suorum amicè illi reddat, sæpe ad se, suaque aperienda inuitet, vt consuetudine hac, fiducia nascatur & amor.

Magna denique dexteritate animum ægroti in omnem partem versando, paulatim illi omnem auersionis causam euellat, dicta factaque illius in Superiorem minuendo, multa humanæ fragilitati tribuendo, multa huius generis in omni hominum genere euenisse.

Quòd si his remediis vinci æger non possit, serò de loci mutatione cogitandum erit: sæpe enim naturalis quædam è constitutio-

cutionum diuersitate nata auersio est, quam priusquam euincas, vniuersam antè valetudinem frangas & perdas.

CAPVT II.

Neglectus obsequantia erga Superiores.

Rem quis arbitretur non magnam; magna hæc tamen incommoda secum trahit : sequitur enim hunc neglectum, venerationis & auctoritatis diminutio, ac contemptus denique. quod vbi fit, tota collabascit obedientia, quæ his firmamentis, tanquam validissimis vinculis ac propugnaculis continetur. neque difficile est illi obsequi, quem veneraris; impossibile propè sibi obsequi, quem contemnis, maximè ea obsequentia, quam ab animo profectam omnis bene constituta Religio exigit.

Succedunt hinc in omni propè imperio murmutationes, cum non placeant imperata; quæ placere perari possunt. cum displicet qui imperat. nam etiam si prudentissima illa sint, si non placet imperans,

ncc

nec imperata placebunt: contrà, si placeat ille, etiam imprudenter imperata, si non probentur, locum tamen excusationi & propugnationi inuenient. tantum in vtramque partem refert affectus in auctorem. Amas? etiam verbera placebunt, aut tanquam de manu optimi & clementissimi patris venisse iudicabis. Auersaris? etiam munera detestaberis, arbitraberisque ab inimica dextra venire, & molliora benigniora que verba factaque, dolos fraudesque tegere opinaberis. Molliā, verè amantis, dura licet, verba sunt, quin & molliā verbera; dura alienioris animi, molliā licet, verba sunt, munerāque verbera non dona sunt; vt nihil iam exspectare debeas, præter spiritalem quandam nauseam, ac tepentis animi spiritalem quandam vomitum. omnia enim cum Superiore displicere incipiunt; minörque iam veneratio rebus instituti proprijs, minor maiorum decretis. nam ad neglectum ac contemptum satis est à tali Superiore profecta: sancta licet probaque sint, ac veteris germaniq; instituti, ac primarij spiritus, non sapiunt tamen, imò displicent à tali manu propinata. ita semel

mel concepta opinio dulcia omnia ac salutaria, in amara ac noxia vertit: mella nimirum in fel merum, medicamenta in venenum. vnde supinus tandem neglectus omnium spiritualium exercitationum rerumque Religioni propriarum nascitur, ac perpetuus tandem animi languor, non nisi cum Religionis ipsius odio aut morte finiendus. tantum in humanis potest ex neglecta veneratione contemptus, ut ad malorum ultima Religiosum deducat, nec antè finem faciat, quam illum tota Religione protrudat, iuratumque hostem ex filio & amico statuatur.

Aliquid proinde sit in Superiore quod venereris, virtus, benignitas, paterna cura, comitas, ingenij magnitudo, iudicij profunditas, eloquentia, agendarum rerum dexteritas, morum maturitas, rara continentia, pietas, probitas, eruditio non vulgaris, prudentia magna; aliquid denique quod venerationem prouocet, è qua ferè amorem nasci videbis.

Fateor etiam his omnibus destituito, venerationi tamen locum esse posse, vel hoc solo

solo nomine, quòd Superior Christi vices gerat, cui in Superiore obtemperamus: verum difficile est, vbi omnibus Superior quæ naturâ suâ venerationem prouocant destituitur, solo intuitu vicarij illi à Deo concessi muneris venerationem prouocare. ferè enim homines etiam ad diuina, humanis quibusdam ducimur trahimurq; subsidijs, quibus si destituamur, egrè ad nuda diuina, propter ipsa rapimur: vestri enim illa optamus, & humanis quibusdã illecebris cingi.

Et sanè vt nihil facilius est quàm in venerationem, ac venerationi implexum amorem rapere, si amore ac veneratione digna, manu quasi tangimus; ita inter difficilia non vltimum est in venerationem ac amorem propellere, cum omnia externa venerationis ac amoris prouocamenta desunt.

Illud verò in alieniore animo solemne est si qui, vt vnius pectore venerationis diminutio non claudatur: si igitur per plures, & rotas obit familiaris, ut quæ vt derogata sine veneratione, obedientia tota labascant obmurmurationibus colloqui nacent: & quæ patris amoris ac filialis parentie, nunc

ter-

seruilis obsequentiæ sunt, à sola coactione nata. atque hinc omnium intepescunt animi, imperataque nauseabundi exequentur. quare nec fructum illum sperare prudenter possumus, quem à laboribus sudoribusque amoris ardoribus excitis expectare solemus. Quid? quod etiam ad externos cathecuma, & venerationis illa retractio causaque totas impleant vides, non sine non emendanda nominis diminutione, quæ res in vniuersum corpus redundat.

Remedia.

PLurimum hic valet Dei, in omni Superiore, cuius hoc vicegeris, præmio, utque celo repositum semina nequeantque consideratio: non magnam esse variis naturæ celestibusque donis exultio morum gerere, cum ipsa donorum excellentia etiam hostes in admirationem rapiat, aut à Religionē alienos in amorem trahat. neque in his magnæ meritiatio esse potest: ingens illa præmij meriti que materies est, cum in Superiore nulla humana momenta poteramus, sed Christum solum, cuius ille vicegeris,

gerit, intuemur: illum ut Dei in terris vicarium, ut cælo nobis datum amplectimur. quæ una ratio omnibus potentior, maior, certiorque apud verè Religiosum esse debet; & à qua sola plus venerationis amorisque, quàm à reliquis omnino omnibus animo concipere, factisque præ se ferre meritò oporteat.

Quæ in Superiore laudanda, sæpius ob oculos ponere; neque enim quisquam est, in quo non aliqua reperias, quæ laudem mereantur, siue è naturæ donis, siue studio comparatis, siue singulari prærogativa à Deo concessa.

Quidquam non commendandum in Superiore occurrit, fortiter repellendum, excusandum; intentionis bonitas, humanae fragilitas cogitanda, errorum vitiorumque propriorum magnitudo gravitasque leuibus illius opponenda. quod eò facilius faciet inferior, quò errores, defecta, & quidquid in se non una reprehensione dignum, tacitus secum euoluerit. Videat in quantis sibi ab alijs indulgeri velit, maxime à Deo, cuius oculis nuda sunt omnia. quàm multa
dam-

damnanda secum trahat, & non vni veniæ subijcienda, quo magis minora in Superiore dissimulationis & indulgentiæ scopis ver- rat. ac quodocunque occurrunt quæ meri- tam damnationem exigunt, & venerationis diminutionem, obijciat illustriora quæque ipsius, quæ iure quodam suo admirationem ac venerationem deposcunt. quod perfacile erit verè Religioso, & simplici melioreque oculo singula intuenti.

CAPVT III.

Simulata & testis conscientia explicatio & redditio.

M Alum eo nocentius, quòd à filiali in Superiorem tanquam patrem ac me- dicum refectione, omnis bona certa que, ac secura gubernatio pendeat. Vnde fit, vt hu- ius defectu neque curentur nocitura vulne- ra, & mortem sepe allatura; neque vitentur damna corpori vniverso inferenda; neque prudens, ac sine insigni aliqua clade diu cō- sistere gubernatio possit. Committuntur

mu

munia, quibus credenda non erant, conijcitque non rarò suos in salutis discrimina Superior, morborum ac propensionum suorum ignarus.

Et sanè vt nihil difficilius est, etiam peritissimo medico, longaque rerum ac ætatis experientia docto, quàm ignoratos ægrientium morbos aggredi, & ad quorum refectionem, siue noxia verecundia, siue simulandi studio, siue pertinaci silendi obfirmatione, obmutescit ager, premitque secum mala; ita nihil facilius quàm cognitæ perspectasque infirmitates, earumque causas depellere. vt morbi certa cognitio, medico certa propè curatio sit: arignarus morborum fluctuabit, & pro salutibus perimentia sæpe medicamenta propinabit. calentibus opus est: poniget frigida. humectantibus ager indiget? siccantia præbebit. Idem cueniet in animarum medico. didicit morbos remedia ad manum sunt, siue noxiarum subtractione, siue profuturorum propinatione.

Et cum in omni animorum morbo plurima veterum in vtramque partem extent
do-

documenta, & exempla; non erit Superiori morborum cōscio difficile ea præscribere, quæ salutaria cum primis futura sunt, vt sciuisse suorum morbos, propè curasse sit; cū contrā ex illorum ignoratione nulla non mala nasci proclive sit.

Sanè prudentem omnem gubernationē ex hac suorum cognitione pendere, nemo non videt; cū reliqua omnis gubernatio ex ignoratione nata, fortuita sit, & mille lapsibus exposita; vt in qua nihil certò, nihil tutò, nihil solidi statui possit. fortunæ nimirum cōmittenda sunt omnia. Nam licet ex externo suorum conuictu, colloquiis, domestica consuetudine, familiarium etiam indagatione, multa solers prudensq; Superior colligat; plurima tamen ignorabit. cū pauci morbos suos prodant, regā pleriq; & ferè grauissimè altè habitant, ac in imo latēt, visceribus implexi; leuiiores prorumpunt foras. mortem allatura intimis præcordiis clauduntur, nec nisi cū interitu reteguntur.

Causa ferè mali huius in Superiore re-
ludet. qui si paternum in omnes affectum
explicabit, expandetque matris viscera

vbe-

vberaque; nullo negotio filialem in se subditorum affectum prouocabit. crescit enim cum amore fiducia, neque facile se generosus animus in hac mutua amorum prouocatione vinci patietur. Quare si Superior genuinos, verique patris linus expanderit, in omnem fiduciæ refectionem, inferiorem incitabit; maximè vbi illum non tantum patrem & medicum, sed fidissimum commissorum sibi custodem senserit, creditaque sibi arctissimâ æternum custodiâ seruantem. plurimum enim in inferioribus valet concepta hæc de Superioribus concreditorum infracta firmitas, & secretorum tenacitas. Proderit etiam vel inter prima, si à fidenti inferiorum conscientia animique refectione, propensos in se Superiorum animos senserint, ac peculiare tenerosque patrios in iis illorum affectus experti fuerint, ac plus etiâ quàm antè beneuolentiæ ac fiduciæ. dici enim non potest, quantum his crescat amor, fidenſque morborum animi, nudaque sinceræque, omni fūco & simulatione seposita, refectio.

Altera mali causa, ab arrogantia metu-
que

que ab hac nato proficiscitur. cum veremur, ne, si quæ animum premunt vulnera aperuerimus, sinistram Superiores opinionem induant, decedatque non parum de veteri in nos affectu, aut de concepta virtutis opinione, minusque iam aut solita committant, aut à maioribus dignioribusque auocent.

Ab innata etiam quadam animi in omnes, aut certos Superiores diffidentia, aut pusillanimitate, noxius hic timor, qui candorem hunc sistit, nascitur. Et sanè nisi factum hunc exuerit inferior, metum illum nunquam deponet. Nihil hîc periculi foret, si humilitatis amor obsedisset pectus. gauderet enim talis cōtemptu, & causas ultro depressionis inueniret & suggereret. aut sanè si firma in Deum fiducia occupasset animum, qui nunquam permittit fidentem sibi in fraudem duci; non magno hîc opus esset molimine: cum enim inferior Superiori, Dei vices gerenti, morbos aperiat; fieri non potest vt permittat hunc Deus dolis circumueniri. quod si tamen permiserit fraudi hunc alicui candorem esse, certò sibi qui damnum passus est persuadeat, locupletio-

re longè mercede hanc in Deum fiduciam remunerandam.

Quòd si pergat inferior Superiorem animorum medicum morbos suos celare, nihil propiùs, imò necessũ omnino est, vt politicum quendam spiritum plenis faucibus hauriat, consilia relque suas vario artificio tegat; probitatem, pietatemq; simulat; valetudinem bonam verbis vultuq; mentiat, cum extrema sæpe, mortemque vulnera intentent. audiat Sapientem Prou. 12. *Vultus recte in oculis eius: qui autem sapiens est, audit consilia.* & illud Eccli. 32. *Fili sine consilio nihil facias, & post factum non pœnitebit.* quanto magis audiet consilia Superioris inferior, patris filius, infirmus medici, idq; in re salutis?

Remedia.

A Superiore ferè petenda, vt paterna beneuolentiæ ostentatione, affectum in se fiduciamque suorum excitet, beneficijs etiam prouocet, adeoq; ad ea munia promotione, à quibus periculum inferiori non creetur.

Proderit etiam faciles benignasque in
omn

omni ad se recurſu aures præbere, vltro etiam non raro compellare, fiduciamque oſtentare, aditumque in omnem retegendi ſe libertatem ſternere, nulloque vel minimo ſigno aut diffidentiam præ ſe ferre, aut è conceditis ſibi timorem.

Inculcanda rei huius vtilitas neceſſitaſque, ſiue in exhortationibus publicis, ſiue in priuatis colloquiis, maximeque in domeſticis conferentiis, vel à Præfecto ſpiritus, aliſque inſtituti peritis & amantibus. aperienda incommoda damnaque è noxio ſilentio nata, exempliſque illorum confirmanda, qui ab imprudenti verecundia, vel à timore & inani diffidentia, vel celandi ſua ſtudio, ad perpetuam animi inquietudinem, ac tandem ad vocationis ſuæ deſertionem deuenerunt, in carnem ſimiliaque vitia prolapſi.

Exemplis deinde magnorum virorum, qui grauiffimis aliquando in omni vitiorum genere tentationibus pulſati, poſt plurima fruſtra tentata remedia, in vna mali ſui reſtectione ſalutem reppererunt. Nec veriti non pauci ſunt, publicatis etiam libris,

polà n quibus iactati fuerant, demonum infidias aperire, quidam etiam lapsus suos, aut lapsui pericula proxima.

Excitandi deinde, & ad animi sui morbos periculaque aperienda prouocandi erunt, exemplis morborum corporis, quorum verecunda, & oculis etiam nostris pudibunda, grauitate mali victi, medicis adeoque & hostibus retegimus: quo magis idem faciendum Superiori ac patri in animi morbis, corporis morbis longè perniciosioribus, vt à quibus beata infelixque pendeat æternitas, nulla postmodum arte reparanda. Serriò in hanc rem Gregorius in Past. p. 2. ca. 1. *Quisquis intrare aternitatis ianuam nititur, tentationes suas menti Pastoris indicet. & in Vitis Patrum: Ne abscondas cogitationes tuas: ita enim confusus immundus spiritus discedet à te. Nihil enim ita confundit demones, eorumque virtutem allicit, quàm si quis secreta cogitationum reuelat Patribus sanctis.*

C A P V T IV.

Curiositas in indagandis, quæ gubernationem tangunt.

Quæ

QUÆ quo magis internam cuiusque pacem turbat, eo Religioso magis vitanda & fugienda est: neque enim potest in illius animo solida pax tranquillitasque consistere, in quo agendaum imperandarumque rerum perpetuæ natant sollicitudines.

Neque in vno inquietudo hæc permanet, ab ita in plures, cum quæ solerti indagazione cognita sunt, aperiuntur alijs; causamque sæpe præbent magnarumurbationum: cum ea ipsa quæ decreta aliquando, coguntur, remeliùs propiusque perspecta, aut quibusdam inexpectatis nouis que intercurrentibus, quæ aliud suadent, Superiores mutare. quod ubi euenit, aut inconstantiam in Superiore redarguunt, aut imprudentiam, aut denique, si ipsos res tangebant, prioraque consilia magis placebant,urbationum mare magnum nasci videbis.

Profiliunt inde suspiciones in varios, mærores, murmuraciones & obloquia, quorum omnium causa primus ille curiosior indagator & explorator est. nascunturque ex his principijs temeraria in primis iudicia; & frequenter culpam in illum conijcimus,

qui extra omnem noxam est: vnde ingentes profluunt animorum alienationes, partiūque noxia Religioni studia; variæ deinde parum religiosæ molitiones, & innocentissimorum saepe euersiones; decurriturque demum ad interna, ac ad externa non raro patrocinia & intercessionem.

Plurimum deinde curiosior illa disquisitione adimit de obedientiæ integritate, cum magnam partem debitæ resignationis & indifferentiæ tollat. Etenim animus ad omnia Superiorum imperia paratus, nullam causam habet curiosioris indagacionis, promptus in omnem imperij partem: neque illi cura mordet imperandarum rerum, qui in omnem Superioris, tanquam in Dei voluntatem excubat, & in quo nullus delectus uuneris, aut agendarum rerum est: sed infima iuxta ac maxima à diuina manu per Superiores expectat; magisque etiam fertur in abiecta, tanquam in tutiora, & raro lapsui aut præcipitiis vicina, quia minus splendida, & per plana ducunt, in quibus rarior ut æmulatio, ita infrequentior casus est.

Monemur in hac materia à Sapiente Ecclesi. 3.

cli. 3. *Altiora te ne quaesieris, & fortiora te ne scrutatus fueris. Sed quae praecepit tibi Deus, illa cogita semper, & in pluribus operibus eius ne fueris curiosus. Non est enim tibi necessarium, ea quae abscondita sunt, videre oculis tuis. In superuacuis rebus noli scrutari multipliciter, & in pluribus operibus eius non eris curiosus. multos supplantauit suspicio illorum, & in vanitate derinuit sensus illorū. Praecipit Deus per Superiores. quorum praeceptis ut diuinis insistendum esse monet Apostolus. & terè ingentem animo inquietudinem omnis curiosior indagatio adducit, magnarū ubique turbarum ac iactationum causā. ita in perpetua quadam tempestate fluctibusque curiositas omnis nauigat, omnibus litoribus exclusa, ignara portus, stationum nescia; inanibus plerumque vanisque suspicionibus iactata, dum irrequieta mente Superiorum consilia scrutantur, dubiosque & fortuitos euentus, solerti subdolaque prospiciētia anteuertere conantur, semper anxij ne quid fors alienum à propensione Superiores de se statuant, multum de diuinæ prouidentiae fiducia detrahentes, quā praeprouida sagaci que industria sua praeuertere*

conantur. quo fit vt relinquat illos Deus in manu consiliorum suorum, destituatque cælestibus subsidijs; quibus affluunt quotquot vni Dei voluntati innixi, totam sui curam Superioribus relinquunt, certi fortunatius successura quęcunq; à prudenti & pręprouida diuina manu profluunt, quam quę à fatuo delectu nostro euentuum ignaro.

Huc accedit, in altissima pace viuere, quotquot se suęque diuinę prouidentię committunt, ac cæca quadam manu accipiunt, quidquid à prouida illius dextera porrigitur. Eueniant vt placitum bonitati ipsius fuerit, res imperatę; habent ad manum illud solatij, Obsecuti sumus Deo. non eueniunt optata aut sperata felicitate? satis esse homini debet, paruissē in Superiore Deo. & fortē in salutem erit infelicior euentus, fuisset in damnationem aut lapsum fortunatus successus. Quid altiora nobis scrutamur mortales? certum, non posse falli Deum, nec fallere sperantes in se posse.

Qui verò curiosiore indagatione Superiorum, ac in illis de se suisque aut alijs etiam, diuina disquirunt consilia, in perpetua
qua-

quadam sollicitudine vitam trahunt. quòd si Superiores ad sua vota deduxerint, æterna ferè pœnitudine conatus suos luunt; cùm plurimùm extorta hæc imperia infelici exitu claudantur, & præcisa tunc spes omnis mutationis videatur, cùm erubescimus ad prioribus contrarias preces, qui auctores nobis malorum fuimus, & mutata in Superiore sententiæ.

Remedia.

O Bedientiæ per meditationes, librorumque de hac virtute tractantium lectiones, excitatus amor.

Studium tranquillitatis internæ, quam nullo negotio consequuntur, quicumque extra omnem sollicitudinem Superiorum tanquam Dei imperia læti hilaresque expectant & excipiunt.

Commemoratio eorum, quibus plerumque minùs feliciter nimia hæc cura cessit; contraque aliorum, quibus fortunatissimo ferè exitu paratus ille animus ad omnia Superiorum mandata exequenda succcessit.

Proderit etiam cogitare, quem curiosior hæc indagatio finem sibi propositum habeat. si solam cognitionem: quo mihi illa? aut quid adferet internæ pacis? si vt habear primus euulgator; inuidentiam etiam vereri debeo, & secretorum euulgator Superiorum, & indignationem timere. Si vt aliò Superiorum consilia flectam in iis quæ me tangunt; parum tutâ ingredior viâ: accedentibusque molestiis, quales promptum est hinc nasci, nullus querimoniis relictus est locus, cum Superiorem à suis ad mea consilia deduxerim. inde mœrores sequuntur non raro; cum contra pacatissimi sint, qui toti à Superiorum voluntate pendent, parique affectu quæcunque demum imperata cadant, amplectuntur; quibus si non omnia ex voto prospera eueniant, habent quo se solentur, Superiorum, non sua se voluntate re aggressos; & tutò Superiori difficultates proponere, remediâque deposcere possunt.

CAPUT V.

Obedientia neglectus.

Qui

QUod ferè ex eo prouenire solet, quòd in Superiore non cognoscamus imperantem Deum : quem si in illo intueremur, non faciliè ab imperatis deflecteremus, iudiciàque nostra illius præponeremus. Nam quis paulò religiosior sua diuinis consiliis, quæ in Superiore elucent, præferre audeat? aut quis ea temeritate, barbaròque fastu est, qui diuina postponat suis? Omnis proinde neglectæ obedientiæ ratio in Superioris ignorance consistit, cùm vicariam in illo Dei potestatem inferiores non agnoscunt, nec imperantem in eo Dominum considerant, sed humanis rationibus metiuntur omnia; nec aliud in Superiore, quàm aut inditam naturâ, aut longa experientia partam prudentiam intuentur : ita fit, vt sæculi more obtemperent, rationibus nimirum, aut metu, aut sola externa auctoritate ducti. qui obsequendi modus longissimè à diuino abest, ac prudentiæ potius, & seruili timori, quàm diuinæ voluntati in Superioribus imperanti innititur; quam si in Superiore consideraremus, non difficile foret obtemperare,

maximè cùm in obsequendo rarus intercurre error possit: non quòd non aberret à recto veròque Superior, sed quòd error ille perrarò in Superiorem cadat: nec minora interim apud Deum obedientiæ præmia reposita sunt, si quis imprudèter, quàm si prudenter imperanti obtemperet; ac merces etiam maior illi debetur, cùm minùs prudenter ac providè imperanti, solius Dei nomine, in illis quæ nullam peccati labem continent, obtemperet.

Damna verò adco grauià & obuia sunt quæ ex obedientiæ neglectu nascuntur, ut in omnium oculos nullo negotio incurrant: neque enim vlla non Religionis modò, in obedientia potissimùm fundatæ, sed nec reipubl. aut priuatæ etiam domus sine huius virtutis accurata obseruatione prudēs consistere gubernatio potest, nullum imperium stare, nullus exercitus ab hoste victoriam sperare, nulla securitas in rebus humanis, pax nulla, quæ ferè obedienciâ tanquam vinculo ligatur.

Ingentem deinde rerum omnium perturbationem huius defectu necessum est
se-

sequi, cùm membra capiti, inferiores Superioribus aut imperât, aut non obsequuntur: quæ res interitum corpori de propinquo minatur. nam quid sperari potest, quid non timeri, cùm inuertitur hic ordo rerum, quo inferiores Superioribus parêre æquum est? cùm aut Superiorum ignauâ incuriâ inferioribus omnia permittuntur, vt pro voluntate quisque sua vitam moreſque instituat, munia deligat, res administret, in quæcunque se domestica ac externa profundat; aut cùm innato quodam negandi timore, aut mœrore afficiendi metu, aut rogandi importunitate, succumbunt; aut temporalium denique commodorum causa; aut sanè ob inferiorum duritiem, & arrogatam auctoritatem, è Superiorum tepore natam, liberas suis habenas permittunt; quid expectari magni bonique potest, dum singuli vnius licet corporis membra, contrarijs in diuersa motibus feruntur, si non vltimarum, desperationum miseranda consilia?

Commoda verò adeò manifesta sunt, vt non egeant explicatione: mutuò enim hac virtute debito amore constringimur,

dum singuli commissio sibi muneri incumbentes partes suas tuerentur, ne in aliena sibi non concredita inuoluantur. Augustini de hac virtute verba sunt: de Ciuitate libr. 14. *Virtus obedientia in rationali creatura, mater quodammodo omnium est custosq; virtutum.*

Sequitur hanc virtutem sine sollicitudine vita tranquilla, & curarum expers, cum Superiori se totum resque suas inferior credit, illius nutui parer, totumque se illius voluntati committit. Felicem imperata res euentum consequitur? præmia cum Superiore laudetque partitur, & maior etiam gloriæ pars ad inferiorem transit. Infelicem sortitur effectum? si obsecutus est imperari, securus, & extra culpam & reprehensionem est: prudentia, timor, dubius & anxius de euentu animus, seriæ deliberationes, mœror & pœnitudo, Superioris sunt: pœnitudo, dolor, metus nullus, fortuitarum rerum sollicitudo, interni que fluctus nulli; sed pax alta, profunda que quies, ingens que animi tranquillitas, inferioris sunt. Nullæ in hoc, ut in Superiore, noctes insomnes, nulla anxia futurorum cogitatio, nullæ sollicitudines

nes cor exedentes, nulla præcipitatio, nulla gloriæ aut nominis defraudatio metuenda: cum satis inferiori in omnem laudem sit quemcunque res euentum sortita fuerit, paruisse; nec minorem laudem quocunque demum euentu, felici an infelici, mereatur, neque gloriam commendationemque referat interiorem. cum omnis obsequentis honos in sola parentia, non in successuum felicitate consistat, & fortunati infortunatiq; euentus solius Superioris delectui ac imperio ascribi debeant. Semper proinde laudem decusque quocunque euentu obediens reportabit, etiam apud iniquos rerum aestimatores; solam verò laudem Superior è fortunato euentu consequetur. vt tutissima obsequentis conditio, certissimâque gloria; dubia ac incerta per omnia imperantis sit. tanto hæc discrimine dissident, tantòque imperis potior parentia est.

Remedia.

FRequens lectio, & commemoratio meditationisq; eorum, quæ ad hanc virtutem
per-

pertinent. commodorum etiam incommodorumque, quæ ex huius virtutis prosecutione aut neglectu nasci proclive est, sæpè repetita memoria. quanta animi tranquillitate, quanta securitate ac certitudine, molestiis expertem vitam ducât, qui se totos obedientie sacrarunt: quanta contrà mentis turbatione, anxietate, inconstantia, dubioque ferè exitu iactentur, quotquot ab illa degenerarunt, aut deflexerunt. Bene Sap. Pro. 21. *Vir obediens loquetur victoriam.* omnium nobilissimam retulit Christus: Ph. 2. qui humiliavit semetipsum factus obediens usque ad mortem, mortem autem crucis. Sequitur victoria, & è victoria triumphus. Propter quod & Deus exaltavit illum, & donavit illi nomen, quod est super omne nomen: ut in nomine IESU omne genu flectatur, celestium, terrestrium & infernorum, & omnis lingua confiteatur, quia Dominus IESUS Christus in gloria est Dei Patris.

Frequentare narrationes in familiari colloquio, de infelici plurimum exitu illorum, qui Superiorum imperio neglecto, suo se arbitrato voluntateque rexerunt: quantaque sanctimonie ac miraculorum etiam præro-

gatiuâ virtutis illius cultores, omni ætate eluxerint.

In omni Superiorum imperio Deum cogitare imperantem, allicientem, præmiantem. Monet Apostolus Heb. 13. *Obedite præpositis vestris, & subiaceite eis. ipsi enim peruigilant quasi rationem pro animabus vestris reddituri, vt cum gaudio hoc faciant, & non gementes.* Ephe. 6. *Non ad oculum seruientes quasi hominibus placentes, sed vt serui Christi, facientes voluntatem Dei ex animo, cum bona voluntate seruientes sicut Deo & non hominibus.* addit Petrus 1. Pet. 2. *Non tantum bonis & modestis, sed etiam dyscolis.* Ac licet de seruis illa verba; multo certius in Superioribus locum habent, quibus non humana mercede, sed tanquam Deo peculiari obedientiæ voto nos astringimus. Hieronymi verba sunt: *Præpositum timeas vt dominum, diligas vt patrem. Credas tibi salutare quidquid ille iusserit. nec de maioris sententia iudices, cuius officij est obedire, & implere quæ iussa sunt.*

Sanctorum deinde exemplo, ac in primis Christi Domini, ad ardua quæcunque imperia sese animare, spe maximè futuro-

rum:

rum : sæcularium etiam exemplo, qui in Principum obsequiis, militari disciplina, ac in omni republica, in grauiſſimis rebus maiorum imperiis parère coguntur.

In omni re Superiori proponenda, duo præmittere, orationem & resignationem.

A facilioribus inchoandum, aliquando etiam in non noxiis aliqua concedenda: ad ardua dein descendendum, mora tamen aliqua interiecta.

Per familiares etiam aliquando monendo, maximè aliorum exemplis, qui maiores ætate, eruditione, gratia, paratos promptoque se exhibent, omnem felicitatem in vna obedientia ponentes.

C A P V T VI.

Obedientia è solo metu profecta.

Seruilis omnino ingenii obedientia, quæ non ultra metum progreditur : si clam futura putat, imperata negliget ; si pœnarum effugium sperat, etiam contemnet . nihil proinde magnū ab hoc sperari potest; quale
ferè

ferè ab animo bene composito, & affectu, aut in rem ipsam, aut in imperantem proficisci consuevit: amor namque ardènsque desiderium potentissima incitamenta ad magna sunt, quibus tanquam validis arietibus, quęcunque aduersantia propugnacula non magno negotio propulsantur ac deuerruntur. audet enim, qui amat, & leuia arbitrat quęcunq; amore suo minora sunt: qui metuit, etiam viribus suis inferiora perhorrescit. omnia enim metitur metu, vt ille prior amore: qui cùm rebus maior sit, non mirum ad ardua, vt ad leuia, profilere: cùmque metus in aliis rebus etiam leuioribus maior sit, nihil mirandum si ad illa non extendat manum. desperatio enim quędam felicioris euentus, fortunatorisq; consecutionis metu impellente mentem possedit: hinc angusti illi exurgunt animi, tremorq; ac timor, & diffidentia timoriscomes. quare frustra ab hoc pectore, viro ac calo dignas, victurique ac in posteritatem abituri nominis cogitationes exspectabis.

Idem in obedientia è solo humano metu
nata

nata reperies; aut enim vniuersum quod operatur opus, negligit, aut sine anima aut mente præcepta exequitur, aut languet ac quasi congelidata friget, plurimumque de sperato calore amittit. succedit pallor ac quædam operum ægritudo, nec valetudinem sperare possumus nisi seruilem hunc metum, potenti quodam amoris medicamine tanquam purgantibus minuat ac pellat.

Alienationes exinde animorum exurgere necessum est, quæ in odia paulatim excrescunt, in murmurationes, detractiones, aliaque his affinia vitia. nam ubi solus metus inferiores continet, displicentia nascitur imperantis, cum imperata displiceant, è qua proclive est recensita vitia, aliaque his similia tanquam laxatis habenis decurrere: quem enim solus continet metus, is si hunc excutere potest, fertur in imperantem, nec parcat, vbicunque vulneribus locum reperit, perpetuaque in statione est. hinc aperto si quando datur marte; inde, vt plurimum fieri consuevit, ex insidijs imperantem petit, omnem euertendi illum occasionem captans.

Quid?

Quid? quòd animus è metu obsequen-
tis in perpetua quadam amaritudine verse-
tur, semper inuoluntarius, suspicionibus &
æmulationibus plenus, nusquam nisi in ob-
locutionibus apertus & candidus, semper
rectus & simulatus, & consiliorum suorum
occultator, mœroribus verò tantaque me-
lancholia tam validè oppressus, vt ferè non-
nisi cum morte, aut loci Superioris ué muta-
tione dolorem ponat.

Neque latere externos hæc res potest,
qui aut ab imperatarum rerum tarda & te-
penti executione, aut à verbo per impru-
dentiam elapso, mali huius magnitudinem
perfacilè cognoscunt: quod dum fit, nihil
promptius esse potest, quàm vt vel in inui-
diam vocetur Superior, vt in imperando
durior & imprudentior, vel inferior suspi-
cionem apud alios incurrat alienioris à Su-
periore animi.

Politici deinde ex hoc metu exurgunt
in inferiore spiritus, plenàque simulationi-
bus sunt omnia. obsequentiam parendi-
que studium factis exprimit, mente aliud
voluit: vt rebus cogitata non respondeant.

atque hinc consilia exurgunt varijs artibus recta, dolisque fraudibusque plena, & cum mentem Superiori obsequentem, & imperiorum amantem opera præ se ferant, animus odio natat, & sub exteriori obedientiæ spongia, tanquam sub amplexu Ioab ferrum latet, aut sub osculo Iudæ vincula & catenæ.

Et ignauissimorum hæc ferè signa animorum sunt, qui cum de virtute desperent, ex insidiis hostem petunt, solis fraudibus fortes, reliqua socordes. Generosus animus aperta ingreditur via, antè in mortem ruiturus, quàm femineis his armis usus. certè non nisi seruilis ingenij & ignauissimi cuiusdā pectoris est, solo metu ad obsequendum impelli, testatissimumque signum nihil in tali religioso affectus latere. imò manifesta signa hæc sunt spuria vocationis diuinæ. quæ si germana legitimæque esset, ab amore nasceretur, omni seruili metu depulso.

Neque hic animus cælo dignus est, qui solis minis, grauioribus actoribusque monitis, verberibusque in officio contineri potest. cælo filij inscribuntur, & hæreditario

quo-

quodam iure possessionem illius adeunt; excluduntur quibus præter seruale ingenium, nihil amoris ingenitum est, nihil filialis parentiæ & venerationis. amare debet quisquis amoris præmia sperat. nulla verò cælo quàm amor dantur; quo solo præmia metiri & erogare solet Deus.

Remedia.

Magna parte à Superiore petenda sunt, qui si paternum in suos affectum induat, rebusque non nudis verbis illum ostendat, non magno negotio suorum in se affectum trahet. Neque difficile erit amare imperata, cum qui imperat, amatur, ubi paternum Superiorum pectus senserint; maximè cum monita & imperata à paterno candore nata viderint.

Seria frequensque cogitatio imperantis in Superiore Dei, plurimum in hac re potest. qui enim vicariam in illo Domini potestatem intuetur, non tepidè ad imperata exequenda descendet; maximè si Sanctorum virorum exemplis, in omni Superioris imperio, cælo imperia nata cogitauerit.

quis.

quis enim non alacer obtemperet imperanti Deo? In omni ergo imperio si Dei imperia considerauerimus, quis non pulso frigore ac languore latus aduolabit ad præceptorum executionem, certus iam de illius voluntate?

Iuuabit etiam si generosum inferior animum induat, illumque ad magna obfirmet, indignumque viro ac Religioso esse cogitet metu compelli, vt pudeat illum seruilis ingenij, & indignetur ad mancipij nomē, maioremque se statuatur, quàm vt vincatur à metu: quin ad cō fortium pugnatorum exemplo, antea in media arena generosam euomat animam, quàm timori locum tribuat.

Quòd si quis imperata amet, tanquam vberem materiam cælo coronandam, tanquam fecundam messem horreo Domini co inferendam, discatque non imperantem intueri, variis fors affectibus obnoxium, sed promissa obsequentibus præmia; non erit difficile, metu seposito, æternorum amore alacri mente ad imperata decurrere, certus de remuneratione, certus de præmio, amabitque imperia à quocunque ore dictata, felici-

felici æternitate commensuranda.

C A P V T VII.

Excusationes.

NON postremum in Religione malorū,
cū imperata à Superioribus, quali
obiecto clipeo, excutimus. palām & in os
resistere verecundia prohibet, via excogita-
tur qua sine rubore liceat. valetudinem ac-
cusamus, virium tenuitatem, morbum eti-
am languoremq; mentimur. verbo, posse
negamus, nimirum quia nolumus non pos-
sumus: vt nolle non posse sit. eneruandæ o-
bedientiæ certissima regula. arbitreris tan-
quam nouacula aut securi iugulum illius
præscindi: ita duobus verbis, Non possum,
robur illius omne subruitur. Neque potest
gravius quidquam Superioribus euenire,
cū nolentes cogere durum sit, & plus ha-
beat coactio omnis domini ac iudicis quā
patris; & indulgere negantibus inconsul-
tum sit, sit vt incerti dubiique hæreant Su-
periores. Si pergunt imperare, seueros cogi-
tes; si assentiuntur repugnantibus, molles-
cunt animi, & nulla iam imperia sunt, nisi

quæ vltro suscipiuntur: vt vniuersa obedientia non ab imperantis virtute aut prudentia, sed à parentis nuda voluntate ac propensione pendeat. decurritur enim ad tritum illud, Dicite nobis placentia, & audiemus & obsecundabimur: vt ante imperia voluntas deposcenda inferioris sit.

Infelici sanè ferè exitu excusationes hæ terminantur. cùm aut in nimis indulgentem, aut fortem nimiùm Superiorem inciderint. nam & primus indulgentia perdit, & secundus robore non tam flectit, quàm frangit. mediam verò inuenire viam difficilissimum. nec quisquam facilè talibus ingenijs satisfaciet. nam vt voluntatibus istorum subseruire graue, ita nolentes cogere durum est. Sanè disciplinam paullatim omnem diffluere necessum est, cùm paucorum exemplo reliqui ferè in paria trahantur. Si enim ad imperata excutienda minùs grata satis est, Non possum; quis non duobus verbis molestiam omnem deterget, & auertet à se quidquid minùs naturæ, aut propensioni cuiusque amicum est?

Infortunata omnino Superioris conditio,

tio, cū tales nactus fuerit, quibus nec imperare nec indulgere tutū. & vix in his prudentiæ locus est. neque enim tales ratione, Dei futurorumque timore, aut vocationis amore, sed solis propensionibus suis aguntur. placent imperia? amplectuntur. displicent? excutiunt. Nec in vna re hæc res finitur. assuescūt paullatim his excusationibus, adeoq; excrefcit hæc licentia, vt quidquid non placet, negent se posse, solis placituri obtemperaturi. vnde fit vt si in facilem mollemque Superiorem inciderint, ad indignissimam quæque Religione dilabantur, suisque singuli motibus ac propensionibus agantur, nec tam ipsi Superiori, quàm hic illis obtemperet, euerfa omni prudentis gubernationis regula. si in fortem & qui imperare pergat deuenerint, ad mærores labantur & melancholias, & de deferenda vocatione cogitationes.

Nec in vno malum hoc clauditur, ita d plures, & obit paullatim domum, cū patria sibi singuli concedi velint, contendantq; iisdem quibus alij prærogatiuis donari. quæ si negauerit Superior, & personarum

hæc discrimina admiserit, tota familia emulationibus & oblocutionibus repletur, nec quies aut pax vlla, sed tanquam fluctibus ac tempestatibus iactatur, non ante domus totius interitum positura morus: quos etiam in externos non nemo effundet, solatia ab his, & morbo suo remedia captaturus.

Prouenire hoc malum assolet, vel ex suspina quadam ignauia, vel à libertatis amore, vel à Religionis tedio, vel ab alienatione à Superiore, vel à pusillanimitate mētis, vel ab amore proprio, vel à iudicij sui tenacitate, vel denique ab innato quodam fastu, & opinione sui. è quibus illæ proficiscuntur, non deprecatoriæ tantum, sed excusatoriæ & negatoriæ voces, præualida hac armatura armatæ, Non possum. hîc nimirum imperatis inferiores vires sunt, ibi alienior animus munus exhorrescit, alibi oneri succumbit, valetudini noxia res aut cælum, socij displicent. vellem; sed negat corporis animiq; robur, impedimenta quædam siue illa mentis, siue illa virium non permittunt impositę rei susceptionem. adducitur etiam conscientia, & mentis quædam abdita vniuersim narrata,

ta, periculaque non expresse periculorum nomine. denique vno omnia verbo clauduntur, Non possum. quid agat Superior? perget imperare? ad manum est, Non possum. nihil nimirum potest nisi quod animo collibuerit. ad hoc & vires & animus sufficit, ad imperata desunt. ad optata robur superest, ad imperata exulat. quò se vertat Superior? vrgebit nolentem & negantem posse? saeuus & crudelis habebitur, qui maiora viribus imponat. indulgebit? collabascet omnis paulatim disciplina, corruentque imperia, & in his Religio vniuersa, vt magna in talibus opus sit dexteritate ac prudentia, ne aut vniuersa corruat disciplina, aut mœoribus succumbant & opprimantur inferiores, aut otio diffuât, & in noxium dilabantur teporem, Dominico ore deuomendi, ac paulatim spiritalia fastidiant nauscabundis in omnibus similes: nec antè finem faciant, quàm desperata vbique re, in ignauissima socordia contabescant, diffuantque in amicam otio carnem, & quia spiritu inceptum, in fœdas corporis voluptates infortunatissimo exitu dilabantur.

Remedia.

AB exercitiorum spiritualium frequenti repetitione petenda, vt his accendatur ad ardua animus, Christiꝑ; Sanctorumque exemplo discat gaudere duris, delectari asperis, generosiꝑ inter hæc animam positurus, quàm inter mollia victurus.

Aliorum deinde, siue eruditione, gratia, eloquentia, viribus inferiorum, exemplo amandi & ad magna impellendi sunt. honore etiam gloriaque, ac dedecore nonnunquam excitandi.

Iuuabit interdum loci, sociorum, Superiorumque mutatio. virum enim si tales nati fuerint fortem, constantem, prudentem, quiꝑ exemplo præeat, socios etiam serios, & ad labores promptos, sola non rarò verecundia ignauiam deponent, quam sub tepentibus socijs, mollibusque Superioribus nutriebant.

Quòd si emendatio non successerit, non inutile fuerit tales ad postrema officiorum rejicere, nullo loco habere, nulla familiaritate coniungere, vt pudore tandem vincen-
e manum maioribus admouere incipiant.
for-

fortius certiusque hoc etiam fiet, si iuniores alacres & ad ardua prompti illis præferantur, si præmijs donentur, laude afficiantur, ac ad illustriora munia obeunda admouebantur.

CAPVT VIII.

Intercessionēs.

VEræ ac genuinæ obedientiæ impedimentum, dum imperata aliorum intercessionibus infringuntur, & aliorum vertuntur importunis intercedentium precibus: vnde periculum creari Religioni potest, ne in omni imperio voluntas primum inferiorum, propensioque inuestiganda sit; nec quisquam alia suscipiat, quam ad quæ propensam voluntatem reperit, vsurus in non placentibus aliorum intercessionibus, quorum operâ imperata euertat: maximè cum apud Superiorem facilem, prouumque in suorum voluntates res agitur.

Hinc etiam sequitur, cum subterfugiunt imposita onera, qui Superioribus in primis idonei videbantur, vt imparatores,

minusque idonei; non sine graui totius corporis detrimento, rebus admoueantur.

Tollitur deinde omnis rectè gubernandi ratio, libertasque, Superioribus sollicitis in omni imperio de voluntate suorum, vt non tam Superiores, quàm inferiores præesse videantur, vt quorum voluntati magis quàm superiorum fiat satis.

Exurgunt verò ex his intercessionibus ingenia mala. cum paulatim iuuenes, patrones sibi apud Superiores parant, & præprovida sollicitudine tanquam in cautelam, antè sibi mæcenates conciliant, habituri auxiliares & propugnatores quacunque necessitate occurrente. atque hinc partium videas suboriri studia, dum varij variorum beneuolentiam captant, eorum nimirum, quos apud Superiores plus posse arbitrantur.

E quibus iniriis quasi dissensionum iactis fundamentis, mutua paulatim animorum coniunctio scinditur, dum huic potiùs, quàm illi adhærescimus, & hos tanquam in clientelam datos, magis quàm alios tuemur. quid enim reliquum, nisi vt ratione di-

diuersorum patronorum ac clientum eamus in factiones, dum hunc laudamus, damnamus alium: illum supra merita extolimus, alium infra dignationem deprimimus?

Hinc etiam aulici paulatim irrepunt mores, mutuæ observationes, ac ne paulatim patrocinationis studiū in te pescat, frequentes, cum insigni temporis iactura, miscentur confabulationes: inter quas fieri non potest quin sæcularia intercurrent colloquia plurima, mutuæ aliorum detractiones, ac in primis patronorum, ac clientum aliorum; subdolæ etiam, curiosæque in iis quæ gubernationem tangunt, indagationes; & iam tanquam in diuersorum patronorum clientes conspirationes subnascuntur; consuetudo cum aliis rarior, cum illis frequentior.

Nec vera tamen inter patronos hos ac clientes, solidæque amicitia est: mentita enim omnis beneuolentia est, quæ, quamdiu apud Superiores aliquid poterit patronus, tamdiu adhærescet; ille si gratia aut munere exciderit, cadit omnis ille simulatus amor,

Et alium circumspicit mæcenatem, plusque iam in priore damnat, quàm antè laudabat. Neque hoc mirum, si cogitemus, non hominem clientes hosce, sed fortunam illius fuisse veneratos.

Minor etiam inter vnus partis clientes amor est, quos sola patroni veneratio continebat, cum intus potentibus æmulationum ac inuidentiæ fluctibus concuterentur, si aut vnus carior aut frequentior, aut munere aliquo, aut verborum consultationumque prærogatiua prælatus, innumerisque alijs excautis, quas solers sibi inuidentia fingit.

Decurritur tandem etiam vsu, & quadam consuetudine intercessionum harum ad externorum intercessionem, magnorum nonnunquam virorum, Principum etiam, & benefactorum, vt hac quasi armata manu extorqueant à Superioribus imperata. Quare nihil euenire benè constitutæ Religionis deterius potest, magisque noxium: cum enim neque negare Superiores audent, neque concedere sæpe tutum sit, herent anxij, & victi magnorum precibus, quæ illis pro imperio sunt, succumbunt, permittuntque

que & illis, & Religioni nocitura. nam cum neque mores delictaque interdum suorum aperire religiosa caritas permittat, neque negare petentibus audeant, damna nascuntur, nulla postmodum prudentia reparanda.

Remedia.

MInus recedat Superior à sententia semel maturè concepta, intercessoribus intercurrentibus, quàm si ipsi quas proferunt difficultates, vltro proponant.

Serio intercessores moneat, & ab intercessionibus deterreat, doceatque quàm noxiæ illæ omni bonæ gubernationi sint.

Intercessores hos, patronosque, si pergant importuniùs suorum causam agere, serio non semel monitos à se remoueat Superior, alijsque functionibus distineat; vt hoc exemplo à patrocinijs hisce terreantur reliqui.

Inuigilet deinde Superior, vt valida manu clientelas patrociniæque rescindat; occurrat iniurijs, nec permittat noxia hæc molimina succrescere, seculares hæc aulicasque noxias in primis Religioni consuetudines; terreatq. ab his, grauib. tñ propositis penis.

Munere etiam si quo splendidiore fungantur religiosi hi mœcenates, exuantur, quo desinant ex officij magnitudine audaciam sibi ad patrocinandum sumere, reliquique à simili conatu terreantur.

Si externos patronos Superiores aut iusto metu veriti fuerint, aut factis etiam senserint, ad ea loca patrociniarum prouocatores transferant, in quibus omnis cuiuscunque patrociniij spes præscindatur. vt dum destitutos se patronis videtint, vni potiùs vir tuti quàm aliorum gratiæ, beneuolentiæ, ac potentiæ incumbant.

C A P V T IX.

Laborum fuga. Otij amor.

MAlorum vitiorumq; adeò omnium seminarium. ex hoc namq; omnium generum profiliunt mala, in Religionis intuitum nata, omnemque succum, seminaq; fecundissimi antea illius agri emedullantia ac perimentia. & quid sperari à Religioso potest otij amatore, quæ non timeri malum nam vt omnino nihil agat remotissimū
ab

ab ingenio humano est, quod occupationibus gaudet, nec in ignauo consensescere perpetuò potest otio. refugit res instituti, ac vocationi suæ proprias? conuertit se ad alienas; & cum domi desint quibus delectetur, transit ad Religionem noxia, seque suosque non raro in aperta conijcit discrimina. Si negata, aut non concessa illi sæcularium rerum negotiatio, deflectit ad animi mala; paulatimque tam altè ignauissimi teporis huius venena bibit, ut ne excutere quidem hæc dum volet possit. tantum inueterata vitiorum consuetudo potest, ut versà iam improbitas in naturam videatur, quam cum sola vita deponat.

Profiliunt ex hoc otio murmuraciones, dictorum factorumque aliorum obtreccionēs. nam cum paria alijs aut nolimus, aut vitio nostro non possumus, fit ut damnemus in ijs, quæ nos aut magnitudinis terrore, aut otij amore fugimus: & cum desperemus assequi in alto posita, pigeatque ad ardua dexteram porrigere laboribus territos, dolemus reliquos generoso difficilium calcatu, quasi per sudores & sanguinem ad excelsa

decurrere. nasciturq; hinc optimarum quarumcunq; rerum inuidentia : à quibus dum ob coniunctam ferè indiuiduo quodam nexu difficultatem, manum remouemus, alienæ virtutis inuidentia stimulamur & depascimur; conamurque reliquos aut propositis, ac in immensum auctis difficultatibus terrere, aut speratorum ex iis fructuum extenuatione auertere. quòd si non assequamur, ambitioni, aut inani placendi Superioribus aliisque studio conatus hosce ascribimus.

Inualetudinis deinde metu ab arduis quibusque reliquos auocamus. ac si quæ tota Religione exempla sint eorum, quos in medio magnarum rerum conatu valetudo aliquando destituit; ingenti illa amplificatione in terrorem adducimus, deteriora etiam ob oculos ponentes. quæ res non parum momenti ad terrorem habet. Voluntario interim silentio teguntur innumeri, quorum maximis conatibus valetudo respondit. tacentur deinde quos in otio aut immatura & inexpectata mors præoccupauit, aut perpetua quædam inualetudo tenuit.

nuit. tacentur denique quorum inualetudo otio creuit, decreuit laboribus, quiq̃ue non antea otio natam ægritudinem deposuerunt, quàm se laboribus darent, quorumq̃ue quasi per gradus laboribus valetudo creuit, vt tantum valetudinis accederet bonæ, quantum laboris.

Et sanè plurimum damni ex amico hoc quorundam otio reliquis accedere negare non possumus. Valent enim hæc maximè in iunioribus in exemplum, ac sub prætextu valetudinis tuendæ, otij crescit amor: quod semel degustatum, minùs generosa pectora perfacile in solidum, quietis quadam dulcedine ad se rapit, detinetq̃ue illicibus his prærogatiuis, molestiarum & laborum carentia.

Ad hos interim otij amatores prono quodam lapsu vitia decurrunt. & ferè omnes tales in somnum pronos, in cibum ac potum æstuosos, in corporis denique commoda omnia procliues videas, ac tandem in carnè labentes. Laboribus sanè caro frangitur, sudoribus tanquam fluminum superfusu flamma illius restinguitur, otio roboratur,

ac

ac tanquam olei superiectu accenditur: & vt non facilè insurgit laboribus tanquam cæstibus domita, ac quasi pedibus conculcata caro; ita non facilè prostrata iacet, otio fota, delicijs commodisq; exstimulata. Docemur hoc omnium Sanctorum monitis, & quotidiana propè in omni Religione experientia, vt ad lapsum non alia pronior via sit. & ferè bona pars illorum, qui semel ad Religionis aratrum porrecta manu, retrò respererunt, ad Ægyptias ollas, ad honores & cōmoda; ab otio, & laborum fuga viam sibi ad præcipitia prostrauerunt: vt verè dixerit Sapiens Pro. 15. *Via pigrorum quasi sepes spinarum: via iustorum absque offendiculo.* & alibi Pro. 19. *Pigredo immittit soporem, & anima dissoluta esuriet.* Gregor. Past. p. 3. c. 16. nam mens quia se ad superiora non stringendo non dirigit, neglectam se inferiùs per desideria expandit. Et dum studiorum sublimium vigore non constringitur, cupiditatis infima fame sauciatur: vt quo se per disciplinam ligare dissimulat, eo se esuriens per voluptatum desideria spargat. cui rectè per Salomonem dicitur, Pr. 20. *Propter frigus piger arare noluit, mendicabit ergo æstate, & non dabitur ei: qui enim nunc ex bo-*

nis operibus non exudat, cum sol iudicij feruentior apparuerit, quia frustra regni aditum postulat, nihil accipiens astate mendicabit.

Remedia.

A Superiorum in strenuos operarios beneuolentia sumenda sunt. vt quos magno religiosoque conatu in proximorum salutem incumbentes vident, nullis laboribus, nec propriæ valetudini parcentes, eos & singulari affectu prosequantur, & currentes sistant, & iniecta paterna manu, beneuolè reprimant, deque necessarijs omnibus vltronca ac munifica dextera, etiam reluctantibus prouideant.

In alios verò, quos in medio magnorum laborum cursu fractos reperiunt, vniuersum paternum affectum profundant, nihil deesse patiantur, & quantum Religio patitur, peculiaribus fauoribus prosequantur, vltro misceant colloquia, consilijs etiam dandis adhibeant, nec quicquam illis eorum quæ ad honestam recreationem, decentemque ac religiosam animi laxationem faciunt, deesse patiantur, vltroque etiam ingerant, &
ad

ad illa cogant.

Exemplo deinde suo, magnorum Imperatorum more, reliquos Superior excitet. Incredibile quantum hoc in subditorum animis valeat, ut vel solo pudore etiam illi excitentur qui ad otium proniores sunt.

Exemplis denique, maximè in Religione, aut in Ecclesia Dei illustrium, qui affecta etiam valetudine, magna ingenti ausu conatuque aggressi, ad felicem exitum deduxerunt. Iam si vita laborantes destituat. quid in omnem æternitatem gloriosius, quàm fortium militum more, in mediis sudoribus, laboribus, sanguineque vitam ponere? nec ingloria aut ignaua morte vilem animam emittere; factaque prius fortia indecora morte signare?

Proderit etiam ut, si quos otio & ignauia se dare viderint, nulla eos sibi familiaritate iungant, nullis familiaribus colloquiis dignentur; sed tanquam ignauos, & Religionis quosdam quasi fucos ac vomitus auersentur. ut vel dedecore, ac prudenti quadam paterni affectus repulsa contemptuque ad meliora impellantur,

Vrile

Vtile etiam fuerit tales in humilibus quibusque officiis continere, & ab omnibus dignioribus remouere; ad extremas etiam quasdam habitationes, minusue nobiles reuocare; aliorum etiam monitis, ac in primis Præfecti spiritus ad labores prouocare, præmiis ac non rarò minis etiam propositis; ut quos non potest amor, non magnorum exempla, impellat timor & verecundia è contemptu nata.

Neque res vlla potentiùs dæmonum incursibus resistit, impetum frangit, quàm perpetua seriarum rerum occupatio. Hinc illud Bernardi ad Fratres de monte: *Varijs autem officijs occupatus. nullis vacabis cogitationibus, & dum ab alio transis ad aliud, opus sequitur, succedit operi, illud solum mente tenebis, quod agere compelleris.* & Hieron. ad Rustic. *Facito semper aliquid operis, ut te semper diabolus inueniat occupatum:* Eccli. 33. *multam enim malitiã docuit otiositas.* Vitabit sanè quisquis salutis sue studet, quisquis illi ex animo consultum volet. neq; enim potest mens humana, tamquam in ignauo quodã sopore tota cõquiescere. semper aliquid agat necessum est: igni persimilis, qui erupit
in

in flammās, in scintillas, in fumum: & antè ferrum dirumpet & chalybem, quàm arctetur angustijs. facit idem mens nostra, antè diffringet hæc vincula quibus illigatur, quàm vt in pigro hoc carcere ignaua delitescat. bona delunt? versabit mala. hæc ne illam teneant, melioribus distineatur. nec magno admodum hîc molimine opus est. assuescat bonis; abibunt in naturam. fecundus nimirum animorum ager. semen-tem immitte bonam. respondebunt fructus.

CAPVT X.

Studiorum neglectus.

QVem inter prima Religionis mala si quis numerauerit, non multum aberrabit. nam quid à iuuentute speres, studiorum ardore seposito? vt nihil agat in illo ætatis flore & æstu, nequidquam speres; vt ad meliora conuertat mentem, frustra expectabis: nam qui semel excussit iugum, ad quod ab obedientia destinabatur, reliqua contemnet. & quid potest in ea ætate maius esse

esse, quàm solida fundamenta victuræ in omnem ætatem eruditionis, in salutem proximorum natæ, serio magnòque conatu & ausu iacere? aut quæ res plus apud proximos in venerationem, admirationem, laudem, fidem, sequelam valet, quàm profundæ vt virtutis, ita & conceptæ eruditionis opinio? quam non facilè ignauus quisquam & altioris eruditionis contemptor consequetur. prodet se illius aliquando infantia & inscitia, tantùmque ferè à salute illorum promouenda decedet, quantum ab eruditionis opinione.

Iam ad quæ se adolescens neglectis conuerteret studijs? ad otium, laborum fugam, ad vitia denique omnia, quæ ex otio nasci confecerunt. aliqua nimirum re necesse vt vacuam à studijs mentem occupet. desunt alia? conuolabit ad vitia, ac tanquam in præceptus actus, toto pronus corpore ad ea delabatur; trahetque exemplo suo tenerimum quemque, inde robustiores etiam, & quibus plusculum virilis pectoris est: tandèmque iunctis quasi manibus viribùsque, ad profunda labentur vitiorum.

Et ferè virtutes comitantur studia, vt quem seriò totisq; animis videris illis incumbentem, pari propè generositate virtutibus insudantem reperias. idem enim propè ardor æstusq; qui in studiorum, in virtutum amorem rapier. longè sanè erit à vitiis, vt quibus assiduis studiis aditum præcluserit. seriis enim occupata mens non facillè illorum importunitati patebit. occupatio omnis moram postulat, poscitq; tempus: quod si negaueris, excluderis ab occupatione. ille negat, qui vniuersum animum iis detinet, & cuius totam mentem studiorum occupauit amor, sancta quadam æmulatione, proximorumq; sperata salute, tanquam stimulis actus. qui cùm omnem aditum præcluserit vitiis, virtuti aperuisse censendus est, quæ vltro vacuam vitis mentem occupare solet. sanè paratior mens talis ad virtutum susceptionem est.

Iam studia ferè ipsa, ardorq; illorum, mentem ad magna & generosa prouocat, ad contemptum minimorum & vilissimorum quorumcunque excitat; ad detestationem impellit vitiorum, vt quæ indigna arbitrat

tur

tur viro ad maiora gradienti: & cū veretur maculam gloriæ, abstinere ab iis, quæ ad contaminandam illam nata sunt. cū verò virtutem nullo studiis impedimento & dedecori, adiumento verò & honori maximo esse senserit; tanquam in amicam, studiorumque suorum sociā prona voluntate rapitur.

Adde, longa nos edoctos experientia, parī propè feruore religiosos ferri in orationem, piāq; exercitationes, quo rapiuntur in studia. Nā & studiorum neglectus ignauiāque transit in orationem; & sciētiarum ac eruditionis ardor in orationis studiū. nec difficile est æstuatē studiis animum parī in orationem æstu transferre: vt languentem in studiis, ignauiāque otiiāque amore subactum, in reliquis ferè languere ac ignauescere videas.

Ab hoc verò studiorum lāguore omnium propè spiritualium rerū nausēā proficisci, ac quoddā piarum rerū fastidiū reperies; inde etiā murmurationes, detractiones, inuidētias, cibi potūsque auaritia, cōmodorumque corporis, ac complacēdi aliis studium. Nam cū deesse sibi ad maiora subsidia videant, & otij amantes, laboribúsque territi, nolint ad

ardua conniti, ab aliis ambitioni suæ subsidia mendicant. Inde iam placendi conatus, adulationes, & polirici spiritus ingentia semina, in validas arbores nascitura, ni potentibus sectionibus & vitionibus fortiter obuiam eatur.

Remedia.

OMnia propè à Superiore pendent. nec difficile est, adolescentiores maximè, quasi substratis ignibus in studiorum ardorem impellere, si modò prius hoc æstu inardescat Superior, remque non perfunctoriè, sed seriò tractet. Si frequenter suos quàm publicè, quàm priuatim animet. Si ardentès, laude & præmijs; ignauos, dedecore & pœnis prouocet. Si hos etiam amoueat à studijs, illos externa quadam paterni affectus beneuolentia accendat.

Magnum etiam momentum in hanc rem magistri adferunt. quos si studiorum laborumque amantes nacti fuerint, pari ardore sanctæ cuiusdam æmulationis studio ad illa rapiuntur, maximè si frequentes & seriæ cōmendationes illorum accesserint; si amica
quæ-

quædam cum studiorum amantibus familiaritas, & externa beneuolentiæ necessitudo; si frequens in conatu animatio; si ignauos non patiantur inultos; si in priuatis publicisque illos disputationibus ad ruborem etiam patiantur deprimi; si acrioribus stimulent verbis; si frequenti disputationum ac defensionum recurſu hos fatigent, vt quos non sociorum exempla, non Superiorum monita, erubescencia extimulent, & pœnarum metus.

Plurimum etiam proderit ad animos excitandos, monita Præfecti spiritus, aliorumque domesticorum Patrum, quibus languidiores familiari aliquo nexu constricti sunt, sociorumque prouocatio.

Inuigilandum etiam Superiori erit, in linguæ Latinæ vsum. ferè enim linguæ illius neglectum, studiorum neglectus sequitur. quem enim linguæ Latinæ & elegantia & promptitudo delectat, delectant etiam studia, sine quibus parari illa non potest. quem verò nulla capiunt studia, nec elocutione gaudebit. Mutuo enim ferè contemptus seduorum horum, amorque sequantur. neque

que facîle studiorum contēptor linguæ elegantiam amabit, aut sequetur; sequeretur, si amaret. rapimur enim ad amata. amaret, si studia amaret, quæ linguę calamitq; elegãtia exornãtur. Dandãque in hoc genere opera Superiori est, vt elegantiaẽ etiam in elocutione studeant sui. & turpe est ab externis in hoc genere Religiosos vinci. turpius etiam, non posse animi conceptus Romana lingua, tersa & fluente exprimere: sed herere ad singula virum alioqui non ineruditum, vt quis scientias profitetur, balbutiat ad illarũ explicationem. Neque erit difficile, si exemplo præeat Superior, laudẽque, præmiis ac pœnitentiis reliquos excitet, maximẽque iuniores, & humaniorum literarum magistros, ac cuiuscunque professionis studiosos. seriõque caueat, ne qua in recreationibus lingua, quàm Latina vtantur, vt assuetudine vsuque promptam sibi illam, paratamque faciant; ne barbarie sua & Religioni & sibi ipsi dedecori, & aliis graues sint.

LIBER TERTIVS.

SVPERIORVM

A. C.

INFERIORVM

COMMVNES MORBI,

ET CVRATIONES.

CAPVT I.

Orationis neglectus.

RATIONE enim tanquam ro-
re suo, aut cælesti imbre desti-
tutus animus necesse arefcat,
abeatq; in vagum puluerem,
omnivento sæcularis afflatus
variè dispellendū. Et sane qui agro quan-
tumvis natura sua fertili imbrem roremque
fœcundantem subtraxerit, ille simul spera-
tos fructus in semine tanquã falce demerit.
Ac licet nonnunquã semen bonitate sua ex-

l z

ur

urgat, spemque in herba promittat; nisi nube rigeretur, æstu sæuiente, omni meliore succo viduatur, ut in cineres tandem diues illa sponſionibus herba fatiſcat, ornatu ſuo nudata, ſpoliata robore. Eadem in animo cogita. Sortitus aliquis mentem bonam eſt, & promittebat Dominicis horreis meſſe amplam; verum negatus cælo ros ſuus, & fecundans ſubtracta pluuiæ, miſeram reliquit ſibi, omneſque illas locupletes ſponſiones vertit in arenam. Cæleſtes illæ pluuiæ mentem vndique irrigantes, & quadam pinguedine ſua fecundantes, gratiæ ſunt cælo repositæ, quas ex opulenta nube ſua depluere Dominus conſuevit in animum orationi ac pietati deditum: nec ferè de labi gratiarum illum imbrem copioſo fluxu permittit, niſi orationum præcûmque vi pellectus. Credas nubem illam diuinam non pluere, niſi antè mentium noſtrarum vapor ſumma petierit, æquati in cæleſtibus orationû vi concreuerit, à cæleſti ſole magno in ſublime tractus. a. que hinc Proph. Regius Pl. 142. *Meditatus ſum in omnibus operibus tuis, & in factis manuum tuarum meditabar. Expandi manus meas ad te: anima*

*nima mea sicut terra sine aqua tibi. & commo-
dissimum huic orationum generi noctur-
num ac matutinum tempus. hinc illud eius-
dem: Pl. 62. Memor fui tui super stratum meum,
in matutinis meditabor in te & Plalm. 76. & 33.
Meditatus sum nocte cum corde meo, & exercita-
bar, & scopebam spiritum meum. & alibi: Plal.
118. Peruenerunt oculi mei ad te diluculo, ut me-
ditarer eloquia tua.*

Vt cibo potuque spoliatum corpus diu
vitam tolerare non potest; ita & mens no-
stra orationis cibo frustrata, quo vno nutri-
ri, foueri, roborari solet, omni breui spiritali
vita exuitur. nam vt corpori terrestri cibus
suus terra est, ita animo caelesti à caelestibus
sperari cibus debet. quo frustratus cōtabes-
cat, ac quasi meliori succo emedullatus, ex-
arescat: maximè dum vis illius concupiscen-
tiarum vndique ignibus obfusa eneruatur,
hostilibus illarum flammis excocta; euigo-
raturq; robur omne, potenti harum incur-
su prostritum, vt nisi à cælo nouæ accedant
vires, noua suggerantur robora, diu salua
consistere mens nostra nō possit: sperari ve-
rò à cælo non debēt, nisi valido orationum

nostrarum prouocamento excitatus Dominus cœlestibus suis donis roborauerit egentem, stipaueritque contra incurfantia inimica agmina potentibus dexteræ suæ armis, firmisque illam diuinæ gratiæ propugnaculis fullerit, ac in circuitum vallauerit contra nocte dieque procurfantes hostiles acies: vt quantum nimirum hinc inimicarum ac oppugnationum, tanta inde gratiarum ac propugnationum materies subministraretur. quod sine orationum assiduo cultu frustra speremus.

Et ipsa sanè oratio, validum in omnes hostiles procurfus propugnaculum est: illa enim mēs nostra de propinquo iuncta Deo, sub protectione dexteræ illius, omnes hostiles ridet conatus, valentiore clypeo diuinæ manus tectæ; perennique diuinæ potentiae associatione, non metuit minitantes ac procurfantes mundi ac inferorum acies. Vt dama in summo inaccessi montis vertice venatorum ridet conatus, & fauicentium infra canum illudit rabiem securo de loco: ita anima orationum quibusdam alis ad suprema euecta, & Deo suo inhærens, de vicini-

cinitate illius omnem hostilem sæuitiam contemnit, secunda de protectione. Eleganter in hanc rem Chrysostomus libr. 2. de Oration. *Quemadmodum ciuitas, quæ muris cincta non est, facile venit in potestatem hostium: propterea quod prorsus absit id quo fuerat hostium incursum arcendus: sic & animam non munitam precibus diabolus, facile in suam redigit potestatem, nec multo negotio omni scelerum genere implet. Nam ad animam quidem precibus munitam, non audet propius accedere, metuens robur ac fortitudinem, quam illi deprecatio subministravit, magis vegetans animam quam cibus vegetat corpora.*

Quod anima corpori, hoc oratio est anime. illam qui sustulit, vita simul exiit; hæc qui subtraxerit, meliore vita spoliabit: & cū omnis animi vigor, vitaque à cælestibus donis, diuinisq; inspirationibus pendeat, quibus necessum est carere mentem, quæ ex orationis neglectu talibus destituitur, sit vt mortuo similior sit, vt quæ cælesti vita, quæ vnà verè viuit, spoliata, in ignauo quodam sopore consepulta iaceat. Et sanè nisi continuo diuinorum influxu fulciatur, labascit & colliquescit tota, mortemq; bibit,

tot modis diu noctūque ab inimica infero-
rum manu propinatam, ignara generis sui,
improuidāque futurorum; immemórque
creatoris sui ac Dei: & iam hosti mancipata,
& duro æternū seruitutis obstricta. Hinc il-
lud Chrysostomi l. i. de orand. Deum: *Quis-*
quis non orat Deum, nec diuino colloquio cupit as-
sidue frui, is mortuus est & vita carens, expersq; sa-
namenti. nam hoc ipsum euidentissimum signum
est amentia, non intelligere magnitudinem huius
honoris, nec amare deprecandi studium, nec hoc ha-
bere persuasum, quod anima mors sit non prouolui
ad Dei genua. quemadmodum enim corpus hoc no-
strum, si non adsit anima, profectò mortuum est ac
inertum, sic anima nisi seipsam incitet ad orādum,
mortua est ac misera, ac grauiter olens. Et dete-
rior longè animæ mors est, quacunque cor-
poris morte; cū destituta anima celesti vi-
ta sua, orationis neglectu, graui somno de-
pressā iacet, vt nec diuinæ virtutis rorem in-
fluxūque sentiat, nec mala sua persentif-
cat, nec amissorum bonorum deliderio tā-
gatur; tanquā vna obliuionis spongia, quid-
quid fuerat antè bonorum, deletum videat-
ur. quæ omnia ab orationis demisso studio
pau-

paulatim irrepunt, donec ad extrema demum hominem suum deducant, & ad miseranda Religionis præcipitia propellant.

Exempla nos docent illorum, qui desertâ Religionē, ab orationis ferè neglectu initia ruine duxerunt; neque quisquam ad crimina descendit, aut in iis inualuit, callumie obduxit, qui non antè in orationis studio intepuit; ut meritò oratio meditatioque tutelaria arma, validaque aduersus hostem propugnacula dici possint, quibus munitus animus, nullo hostili robore superari potest. stat inuictus aduersus carnem, mundū, diabolū, validis his spiritalibus armis protectus. Sed neque exarescere mens potest, perenni hoc orationum fonte rigata, cælestiumque indies gratuitis donis perluta. quod si validè vndique oppressa ceciderit, promptius exurgit, periculaque vulneraque; orationis ardorib. excita agnoscit; neque diutiùs prostrata licet, inhærere luto huic potest; quæ potentibus hisce diurnis adminiculis, & tanquam auxiliariis præualidis copiis fulcitur.

Quod cor viuenti, hoc oratio est animæ.

illud sustuleris, vitam ademeris. orationem tolle, & tanquam clauo & castibus animæ vitam excusseris, quam ab oratione habet. qua spoliata, tanquam in ignauo sopore prostrata ac consépulta iacet.

Quod condimenta mensis, hoc animæ oratio. insulsus sine illis cibus, & fastidio ac nausæ propior: idem euenit animæ oratione destitutæ, nausæ ab ùdos transiget annos, & in ignauo languore, ac displicentia etiam sui delidem vitam trahet.

Quod gemma annulo, hoc oratio animæ. annuli decor gemma, animæ gloria oratio: à qua splendorem lucemq; accipit, gratiam cælestium oculis, adeoq; & Dei.

Quod illos horto, pomerio poma, botrus vineæ, nemori laurus, pascuo flumen, vallibus torrentes, fontes montibus; hoc animæ oratio. hinc mentis gratissimi flores quibus cælestis Sponsi vertex coronatur, hinc illa malogranata dilecti manib. decerpta, hinc botrus vineæ Engaddi quo inebriatur sponsus, hinc æterna laurus nullo fulmine ferienda, hinc felicia oculorum flumina, torrentisque singultibus ab alto ductis protrudunt.

ruentes, fontesque summo montium Domino salientes.

Quod lasso requies, mœrentigaudium, inopiaurum, fatiscenti robur, nerui corpori, spiritus sanguisque vitæ; hoc animæ oratio est. alta securaque pace mentem firmat, ingentilætitiaperfundit, calorumpopibus donat, vires suggerit, diuinoque quodam spiritu animat iacentem ac torpentem, ac nobiliore quodam cælestium donorum sanguine, pectoris mentisque venas implet.

Quod sol dici, luna noctibus, nauigantibus stellæ; hoc oratio est animæ. sol enim diem animæ pulsâ criminum nocte statuit, cælesteq; lumen præfert, diuinique amoris radiis calefacit, gratiarumque donorumque fecundo influxu inopem mentem, omni- que ope destitutam locupletat: scelerum verò tenebris oppressis, densaque delictorum caligine circumseptis, errantibusque in tenebricoso peccatorum senticeto, noua luna felices aperit & ostendit, & à fallentium errore viarum reuocat. temptationum denique fluctibus oppressis, sauisque temptationibus iactatis, inter scopulos & breuia

Oppugnantium nos vndique hostium, tuta
mittora, portumque gratissima stella desig-
nat, desperatisque rebus, & tantum non in-
surgentium vndique vndarum procellosis
iactibus absorptis manum eminus porri-
git, & ad tot votis, suspiriis, lacrymisque
optata deducit.

Quod gluten, calx, clavi, funes iungen-
dis firmandisque rebus, hoc oratio Deo &
homini. qua vna tanquam glutine adnecti-
mur, tanquam calce astringimur, tanquam
clauo conterebramur, tanquam fune colli-
gamur illi. Deme quibus illa in humanis
iunguntur, & collabascant quæ associata
mutuo fuerant. tolle orationem, qua vna
coadunescit anima Deo, nec multo, dilabi-
mur, & denectimur illi, quantumvis poten-
ti prius orationum vinculis constricti. ita
perpetuari oratio debet, si perpetuanda
cum illo coniunctio est.

Quod secures præualidis secandis lignis,
quod mallei ignisque ferro domando, hoc
oratio duris veteribusque peccatorum no-
tis secandis, ac inueteratis, ac quasi chaly-
batis criminum consuetudinibus contun-
den-

dendis ac emolliendis est.

Quod speculum faciei, hoc oratio animæ est. illud maculas deregat, oratio animæ nauos, vt nihil reconditæ deformitatis, aut internæ inuenustatis latere diu possit orationis speculo proposito. intima enim peruadit, & nudam oculis proponit. siquid tortuosum, si quid degenerat aut aberrat à fine cui creatum, vniuersum nudat & aperit, & tanquam è latebris eruit, ac in apertam deducit lucem.

Quod musica homini, hoc oratio Deo. neque enim vllus illi concentus gratior oratione supplici mēte & corde prolata. nullus illi cantus suauior, inter suspitiosos ductus tanquam inter saxa & scopulos morientis animæ & cupientis dissolui, & esse cum sponso suo: nulla illi musica sonantior densis oculorum fluminibus imbricata, ac tanquam salientium ac supernè cadentium lacrymarum modulis variegata: hinc tardè ac quasi gemmatim profilientiū, vt ad grauitatem de composito credas fluere; ibi celeri motu ac quasi mutuo se fatigantium & opprimentium lapsu, vt in multitudine fe-

stinoque lapsu, arbitreris ludere; vbiq; in
venustatem, latumque caelestium oculis
prospectum.

Quod cella vinaria sitienti, quod torcu-
lar musto plenum, quod vinea odorato flo-
re grauida, quod arboribus floribusq; con-
situs hortus; hoc oratio est animæ, vt bibat
& inebrietur sp̄sus. neque alijs clauibus a-
moris cellæ aperiuntur, aut caelestia referan-
tur vasa, aut torcularia redundant, aut vineę
diuitem autumnum spondent, aut animo-
rum horti gratos caelestibus fructus, calō-
que perennatuos flores spondent.

Quod hominibus cellę aromatum, hoc
oratio est animæ. hinc illa currebat in odo-
rem vnguentorum dilecti sui, non alijs
quàm orationis passibus; & non alijs quàm
orationum sponse suæ odoramentis excitus
sponsus, columbam suam, speciosam suam
amplectitur.

Quod gladius anceps bis acutus, bis ho-
stem feriens, hoc oratio animæ. in quam-
cumq; enim se aduersarius partem verterit,
signa intulerit, aciem direxerit, paratum
orationi deditum reperiet. quodque instru-
ctif-

etissimus exercitus in inimicam aciem, hoc oratio est animæ nam hac vna cælorum angelorumque legiones, ipsæque cælestium ductor legionum Deus, euocatur. neque instructior alia acies est, quàm mutuo sibi succedens oratio.

Quod nobilissima medicamenta morbis medendis, hoc oratio est animæ. neque potentior vlla medicatio, nullaque certior curatio quàm ab oratione venit. Docent hoc omnium ætatum exempla. nobile sanè mithridaticum, generosa theriaca oratio est. cui valentissima inferorum, mundi, carnisque venena comparata flaccescunt.

Quod corona regia nobilissimarum gemmarum multitudine variegata regio vertici, quod armillæ aureæ pretiosorum lapidum textura collucētes, quod ornatus regius argento, auro, purpura grauidus regio corpori; hoc oratio est animæ. Nullæ enim gemmæ cælo lucidiores oratione, qua verticem, collum, brachia dilecti sui sponsa, tanquam nobili amoris vinculo stringit, sibi que æternum adnectit. nullum argentum, aurum, purpura cælo gratior. hac vna decorat
spon-

sponsum suum sponsa, purpuratq; nobilissimo auro gemmisque intertexto pallio, amoris sui tessera, latè interlucentibus votivis flammularum suarum desiderijs, tanquam primis cælorum stellis.

Remedia.

FRequentes Superiorum de damnis neglectæ orationis exhortationes & monita: de fructu etiam & varia utilitate frequentatæ orationis.

Exercitationum spiritualium annuus usus, & frequentior etiam, si qua necessitas postulaverit, aut maior quædam ignavia temporque hominem occupaverit, ut annuo vno exercitiorum igne non videatur posse accendi.

Præfectorum spiritualium in hanc rem incumbentium assidua sollicitudo, diligensque in vnoquoque inuestigatio, serięque monitiones.

Frequens lectio piorum librorum, eorumque maximè, qui de neglectæ orationis damnis, quique de fructu, emolumentis, & orationis necessitate scripserunt.

Iuuabit in primis frequens seriâque cogitatio innumerabilium propè bonorum quæ ex vnica oratione diuite vena promanare solent.

Hac vna quidquid in humanis intercurrit aduersitatis, tanquã molli spongia deletur, aut tanquã flumine diluitur, aut tanquã valido vento inimicæ nubes metum incursuræ pelluntur, omniâq; procurstantia mala vt leues aquilone iactatæ paleæ difflantur.

Hæc tormentis superiores cultores suos facit, pœnarumq; contemptores, ignibus, clavis, ferro, cruce maiores; neque sentit animus in neruo, sub ense & securibus qui per orationem coniunctus Deo est. credas in aliena carne carnifices sæuire, cum mens per orationem conditori suo iuncta est.

Hæc facit contemptorem sæculi, cum hac vna discat homo, quantum inter cælestia & humana discriminis interiaceat, quantôque diuina terrenis potiora, quantumque æterna perituris antistent.

Hac intellectus illustratus nil nisi cælestia sapit, desipitque illi quidquid hîc magnum & nobile, quod illis comparatū non
nisi

nisi calcantium protrimentum pedum est.

Hac voluntas caelesti amore inebriatur, vulneratur, nec quidquam iam felici vulnere saucia præter dilectum quærit cælo reclusum : illum turturis instar compare destituti, suspiriosis questibus amore languidis, lacrymisque suauè fluentibus, ardentibus votis deposcit.

Hac vna ingentem animo voluptatem parit, cum mens caelestibus potata gaudiis mœrorem omnem detergit, illumque in gaudialem diem conuertit.

Hæc incorruptos nos seruat Deo, cum hac vna salis instar condiamur, & ab omni vitiorum putredine intacti seruemur. nescit mens purulescere hoc animorum sale confricata, intactamq; se sponso suo seruat.

Hac vna ductrice virtutes omnes parantur, vitia extirpantur. Docemur hoc ætatum omnium sæculorumque exemplis, cum eos legamus omnibus semper virtutibus cultissimos fuisse, qui speciali orationis prærogatiua florent.

Hæc nos iungit Deo, disiungit sæculo, discriminatq; ab huius amatoribus. sine qua
sola

sola ab his veste diuidimur; paresque nos angelis facit. cum hac vna ad angelorum fastigia tollamur, & mente Deo quodam familiarioris coniunctionis nexu astringamur, & quantum diuina permittunt, mutue cuiusdam amicitiae vinculo colligemur.

Sanè nihil tam potens est quod oratione non consequamur. hac scelerum veniam consequimur, extensam in vindictam iudicis manum, animumque; sectum, æternis ignibus pœnisque abolutis. hac enim vna certa vt præmiorum, ita & pœnarum felix procreatrix est. sine qua nulla cælestes gratiæ, auxilia nulla speranda sunt. petite & dabitur vobis. mentui Veritas non potest, præmia petenti spondet, negatura torpenti.

Et certè vana sine hac omnis nostra religio est, & vmbrae similis, cum quidquid solidæ religionis est, ab oratione tanquam capite, & diuite fonte defluat; inanisque omnis sine hac medulla, sine his nervis, sanguineque; vis ac robur, & vmbrae quàm corpori similior sit. nemo verò huius cultor aut cecidit grauius, aut diu in delicto prostratus iacuit, cum orationis quadam quasi manu erigere-

geretur in pedes, in spem vitæ melioris, peractæque pœnitudinem culpæ.

Qui verò hanc negligit, præcipitio proximus est, facilis ad lapsum, pronus in ruinam, cùm, quibus per orationem firmabatur præsidii ac fulcimentis, spoliatus sit.

Et nemo sanè carni reliquisque vitiis paruit, nisi hac nudatus. nemo hac munitus sanguinem hosti dedit; vulneraue mortem allatura retulit. quid? quòd adeò potens ab hac vna medicatio petatur, vt innumeri huius solius præsidio firmati in aeterna castitate steterint. cùm perpauci hac destituti in sepulcrum castimoniam deduxerint.

Et verò quicumque Religionis desertor audiuit, antè orationem proiecit & calcavit: à cuius neglectu, per contemptum ad iurata Religionis signa deferenda, regia via descenditur.

C A P V T. II.

Ariditas, & in oratione distractio.

QUA mens tanquam terra sibi relicta, nullo aut rore rigata, aut pluuiâ de cælo

lo pasta, arescit, abitque in cinerem, ventis non multo post insurgentibusque tempestatibus futura ludibrium: vel quacunque etiam decidua celesti nube fecundata fuerit, quibuscunque mortificationis rastris ac vomere profcissa; manet tamen in inertis sua sterilitate, nec nisi perpetua vigilique cura assurgit aliquando ex ignava & infecunda sua procubatione. Quod ut facilius dignoscatur, remediaque malo huic admoueantur, ariditatis ac distractionum harum causæ examinandæ sunt. quare videndum,

Num ex innata quadam naturæ conditione, instabilitate ac leuitate, quæ certis adhærescere nesciat, aut vni insistere, aut materiæ defectu, discursus inopia, aut adnata ariditate malum oriatur. quod frequens multis malum est, eoque maioribus remediis eget; quò cum natura illis pugnandum est: frequenterque hoc vitium non tantum in iis, qui omni studiorum adiumento carent; sed doctis etiam, quibus innata quædam mentis inconstantia est, aut quibus impotens imaginationis vis dominatur, quaque violenter in alia rapiuntur, ut incogitantes ab omni oratione

ratione alienissimis immergantur. Crederes nauem validis irruentibus aquilonibus, nequidquam pugnante domino, ad inimica littora rapi. quo maior cura ac sollicitudo adhibenda, ac principiis omni studio occurrendum est, præscindendo omnes auocantium occasionum radices, nec vel tenuibus parcendo ne exurgant in maius malum, habitumque induat qui patitur; & è leuibus his initiis innascantur, non nisi violenta postmodum manu medicanda.

Num ex inordinato ad vitia affectu, siue à natura ingenito, siue vñu exercitationeque comparato: quæres impedimenta adfert plurima, nec patitur mentem cælesti rore rigari: saxescit enim, ac quasi rupescit anima vitiolorum habitu roborata, omnisque è cælesti nube imber proruens è rupeo hoc mōte faciliè dilabitur; aut sanè vt in profundam vitiorum arenaream congeriem decidens tam altè ariditate illius, exsiccōq; solo imbibitur, vt nulla propè tantarum cælestium aquarum vestigia supersint. Euertendum proinde omne hoc solum frequenti potenti que suspiriorū ductu, tanquam rastris, ex-

scin-

scindendæque animorum illę rupes violenta manu, serio conatu, frequenti lacrymarum fusu. nec desperandum aut intermittendus labor, donec cum radice excaudicemus malum. Maior omni malo animus sit, & vincemus. Nihil inuictum audenti; succedit sperata victoria, si validè insistamus operi. Terretur tiro clamoribus & minis, veterano etiam vulneribus crescit animus. Idem cōmandū nobis, ab ipsa difficultate animus sumendus. Vineit quisquis viuere audebit.

Num ex occupationum multitudine, quibus spiritale semen suffocatur, animusq; ad externa rapitur potenti illorum dominatu totus possessus, ac quasi in seruitutem redactus, assiduòque illorum vsu adeò altè pertractus, vt vix elui hic color possit, quacunque etiam cælesti pluuia inebrietur.

Num ex cælestis influxus subtractione ariditas hæc proueniat. Causę hinc inuestigandę negati aut subtracti influxus, diuinarumque gratiarum; nostra ne culpa subtractio hæc euenerit, impedimentane à nobis iniecta sint; repercussus cælestis influxus duritia cordis nostri, delapsus frigore ac tepore nostra

nostro, protrititus nimia ad seclularia effusione, excussus contemptu, ac ingratitude nostra, repulsus peccatis nostris; proiectus, ac in fugam actus occultis vitiis nostris, superbia inprimis, mente non casta, detrahendi facilitate, mutuae charitatis dispersione, obedientiae ac paupertatis neglectu, regularum ac constitutionum transgressione, politici & saeculares ac aulici spiritus prosecutione ac imitatione? An verò nulla causa nostra, sed vel innata quadam naturae. tanquam puluerulenti soli, ariditate. An solius Dei nutu, idque aut in meritorum augmentum, aut exercendae virtutis ac roboris causa, aut in exemplum denique & instructionem aliorum.

Quibus omnibus seriò occurrendum, cum ferè ex hac ariditate spiritualium rerum nausea enascatur, omniumque virtutum fastidium; cum languorem suum mens considerat, tædioque ac diffidentia quadam speratae emendationis, in desperationem tandem melioris consecutionis labitur, indeque ad extrema malorum omnium prorumpit, ad vocationis suae languorem, neglect-

glectum, contemptum, desertionem, ad vitia denique omnia. Neque quidquam tam graue aut immane est, quod his initiis, tanquam è copioso fonte, fertilique vena non profluat, ac in apertum vitiorum omnium campum profiliat. Vt meritò huic malo magnis remediis occurrendum sit, ne vniuersa animæ nostræ area cælesti imbre destituta, arescat tota, & in steriles soluatur arenas, aut in noxias degeneret miricas, in venenarios frutices, in cespites dominum fallentes, solaque fuliginosa fauilla diuites, spemque fœcundæ glebæ soli que mentientes.

Validè nos monet Cyprianus de Oration. Dom. *Quæ segnitia est, alienari & capi ineptis cogitationibus & profanis, cum Dominum deprecari? quasi sit aliud quod magis debeas cogitare, quàm quòd cum Deo loquaris. quomodo te audire à Deo postulas, cum te ipse non audias? vis esse Deum memorem tui cum rogas, quando ipse memor tui non sis? bene in segnitiei detestationem, in verecundiæ prouocationem. audiri venimus: & dū preces fundimus, animus aliis distinctetur. Simulationis hæc species est, & illudentis non deprecantis Dominum. nemo*

m. reus:

reus iudicis aduolutus pedibus incertus de exitu, inter mensarum delicias animo lætus accumbit: nemo pauper elemosynam supplicibus deposcens votis, opes suas ostentat: nemo eger medicas in dubia valetudine deposcens manus ludit & ridet. nos tot criminum rei, omnium egeni, extremis malorum morbis iactati, peccatorum vulneribus concisi quid expectamus? remedia poscimus, & tam ignauo frequenter pectore, ut orandi potius videamur venisse quam oraturi. hinc illa increpantis Domini verba sunt, Mat. 15. *Hypocrite, bene prophetauit de vobis Isaias, dicens, Populus hic labiis me honorat, cor autem eorum longè est à me.* Scio vix sperari in humanis posse, ut ab omnibus aliarum rerum cogitationibus liberi vacuique, soli Deo inhaereamus, nec iactemur aut feramur sæculi moribus, conatum tamen adhibebit Religiosus, totumque se dispellendis illis impendet, dolebitque de importunis variarum rerum procurribus monitore Cassiano, Collat. 23. c. 7. *Quis tantum spiritus potuit unquam retinere feruorem, ut non interdum lubricis cogitationibus, in ipsa quoque orationis intentione trans-*

crāslatus repēte de celestibus ad terrena corruerit? que licet omnia nōnullis, qui sunt crāssioribus vitiis inuoluti, leuia, atque à peccato panē aliena videātur, sciētibus tamen perfectionis bonum, etiam minumarum rerum multitudo grauiſſima eſt. Sequatur proinde magno conatu Apostolum praeuntem 1. Cor. 14. Orabo spiritu, orabo & mente: psallam spiritu, psallam & mente.

Remedia.

PRimi generis iuuari poterunt, si frequentibus feruentibusque mentem animent pascantque iaculatoriis orationibus. memores Apostoli, Colos. 4. Orationi instate vigilantes in ea. & 1. Theſſ. 5. Sine intermissione orate. Frequenti etiam sed breui ferē, & interrupta piarum rerum lectione; ac si quando meditationi se dederint, propositae meditationis primo puncto perlecto, serio de eodem aliquid cogitent, similitudinibus, aliisque à se inuentis materiam extendentes, claudantque breui aliqua oratione, Transferant deinde pari modo ad secundum, tertium, quartum, donec inueniant in quo animus magis conquiescat, in eoque persistant.

Secundi generis; si laborauerint, ut af-

fectionum radices assidua cura, & particularis examinis studio euellant, sperare victoriam possunt, maximè si temporario & aduentitio malo tenentur: si adnato, & quod cum ipsa quasi natiuitate adoleuit; maiore diligentia & assiduitate opus erit, maiore etiam cautela & custodia sui; amico etiam aliquo monitore, maximeque spiritualium rerum Præfecto, qui ubi dignum aliquid monitione obseruauerit, non parcat.

3 Tertij generis nulla videntur rem magis iuuari posse, quàm frequenti per annum spiritualium exercitiorum repetitione: frequentatæ enim per exercitia meditationes facillè animum memorem sui, etiam in medijs occupationum turbis statuent, nec patiètur superuacue effundi. Audet in medijs occupationibus regijs Propheta Psalm. 38. *Concaluit cor meum intra me, & in meditatione mea exardescit ignis.* & Psalm. 140. *Dirigatur oratio mea sicut incensum in conspectu tuo.* quid non poterit Religiosus si conatum adhibuerit? Iauabit etiam ante occupationum aggressiones, animum cum Deo componere; illisque finitis, dicta factaque secum examinare.

minare. vnde illud Sapientis Eccli. 18. *Ante orationem prepara animam tuam, & noli esse quasi homo qui tentat Deum.*

Quarti generis, animi submissione (Eccli. 35. *oratio humiliantis se nubes penetrat*) tolerantia, perseverantia, spe meliorum, diuinorum decretorum conformatione iuuari poterūt: maximè si sibi persuaferint, ariditatem hanc, subtractionemque diuini influxus euenire ad gratiæ & gloriæ augmentum, ad amoris & ardoris excitationem; dum negata in amorem sui prouocant, fortiusque accendunt, & alliciunt ad se animos, & tanquam calcibus cogunt, parantque ad condolentiam in aliorum ariditatibus: ad erudiendam deinde mentem, in aliorum instructionem; ad submissionis augmentum, & spiritualis superbiæ victoriam; ad virium etiam nonnunquam conseruationem, ne ex spiritualium consolationum & illustrationum affluxu contabescant; ad patientiæ denique exercitationem, imbecillitatique suæ cognitionem, cum vident, quàm nihil possunt, cum solitariè sibi relinquuntur.

Nemo hîc dicat, Non possum. quanti omnium litterarum rudes inculti, omnibus educationis probæ præfidiis destituti, moribus indomiti & efferi, & barbara gēte nati, ad summum orationis apicem, venerunt? si non desit animus, reliqua aderunt. nulli enim tam natura nouerca fuit, quæ illum orationis præsidio nudauerit. facile est pro-
tendere cælo manus, mentem, verba. &, si verum illud Sapientis est Eccli. 15. Apposuit tibi aquam & ignem: ad quod volueris porrige manum tuam. ante hominem vita & mors, bonum & malum: quod placuerit ei dabitur illi. quoniam multa sapientia Dei, & fortis in potentia, videns omnes sine intermissione. oculi Domini ad timentes eum, & ipse agnoscit omnem operam hominis. Nemini mandauit impiè agere; & nemini dedit spatium peccandi. quanto promptiùs faciliùsque mentem per orationem coniunget Deo, Creatori, Domino, Regi, Iudici, Medico, Redemptori, Patri, animæ suæ Sponso nulli occludit ostia Deus & pater, cum ipse vltiò prouocet Apoc. 3, Ecce sto ad ostium & pulso. si quis audiuerit vocem meam, & aperuerit mihi ianuam, intrabo ad illum, & cœnabo cum illo,

Et ipse mecum. & alibi Matt. 23. Quoties volui congregare filios tuos, quemadmodum gallina congregat pullos suos sub alas, & noluisti: non repelle, admitte rogantem. aderit; nec solitarius. non solet nuda venire munificentia, sed celestibus instructa gratuitis donis, quibus obsequentem, pasci & ornari desiderantem, cibis & beat animam. (Prou. 8.) delicia enim illius, esse cum filiis hominum. nulla hoc in re elucet magis, quam in oratione: ut gaudere videas Deum, si potenti submissa que suorum oratione, prouocetur ad dona, ad familiares congressus, ad amicas mutuasque sermocinationes, ut exuisse illum arbitreris personam Dei, induisse hominis.

CAPVT III.

Neglectus lectionis spiritualium librorum.

E Quibus hauriuntur arma tutelaria aduersus hostes, quorum robore opprimimur, medicamina que in spiritualium morborum, priusquam animum obsederint, precautionem; ubi obsederint, depulsionem: discimusque ex his non magno nego-

tio, quæ multorum sæpe annorum dubia nõ raro pugna, & periculis non tantum proximi, sed & immerſi, & obruti etiam malis didicerunt viri magni: vt quaſi vno oculi iactu & morborum & medicamentorum, pugnarum & victoriarum diſcamus genera. ita quod aliis ſudoribus & ſanguine ſtetit, nobis non magno labore patemur. Idem hinc accedit, quod aurum per immenſa terrarum mariſque ſpatia, inter vitæ mortis que ſpem metumque quærenti; quod alteri extra periculorum terrores laborumque moleſtias vltro deſertur.

Et ferè videmus eos qui piorum librorum lectionem negligunt, ad minus probatos decurrere, è quibus non raro nocituras flammæ hauriunt: & iam ardet fornax, & iaculatur in propinquo flammæ, quorum antè pectus frigora & glaciæ contrinxerat.

Completur deinde homo totus veſanis his ignibus, non multo poſt in alienum ſexum erupturus; hiſtoriis etiam fallentibus & mentientibus, inaniumque litterarum ſcoria, vaniſſimarumque fabularum narrationibus. inde iam furit in tragœdia, amat in

comœdia, luet in ſaſſa, ludit in epigram-
mate, adulatur in elegia, bellumque into-
nat in aliis, omnemque intus non raro ſa-
ciem induit noui alicuius lupanaris. & fe-
rè harum rerum curioſiores gentilitatem
cum his imbibunt, & cum illa anima mor-
tem.

Hinc colloquia naſcuntur parum religio-
ſa, modeſta, caſta, ſaculum & aulam redo-
lencia, alieniſſima ab omni pietate: & totus
homo procurrat in hiftorias aut veteres, aut
nuperas, in narrationes nihil niſi vanitatem
loquentes; vt in exilium pulſam credas om-
nem ſermocinationem religioſam. ſequun-
tur liberiores cachinni, immoderati riſus,
geſtus ſolutior, vox clamorior, diffunditur-
que vniuerſus homo in ſæculi mores. Con-
trà quos piorum librorum frequentata le-
ctio delectat, paria etiam colloquia, & co-
gitationes delectant; vt in medijs etiam ex-
ternarum rerum occupationibus pijs cogi-
tationibus paſcantur, facileque ad illas in
quacunque etiam ſecularium conſuetudi-
ne deſcendant, vtanturque pro re nata tali-
bus magno ſolatio ſuo, magno aliorum fru-

ctu; monendis etiam, & ad optima quæque impellendis, copiosam in promptu suppellectilem habeant, qua & solenter morerentes, reprimant effusos, erigant deiectos, deprimant arrogantes, animet timidos, refrenent audaces, mitigent iracundos, excitent languentes, recreent afflictos; medicamentis denique ad omnem spiritalem morbum curandum abundant. Neque enim deesse his remedia possunt, è tot præstantissimis spiritualium rerum officinis deprompta.

Sed neque deesse materia potest in omni serio, aut familiari colloquio, proximorum saluti aptata: semper enim ex iis quæ à lectione reposuit assiduus spiritualium lector, ad manum habet plurima, quibus utatur, ac tanquam è locuplete penu depromat vana, magnorum antea torcularibus & calamis procrita.

Et ferè optimum quemque Deoque cunctissimum piorum lectionibus delectari videmus; plûsq; ex illis solide haurire voluptatis, quàm quotquot sæculo immersi ex omni conuiuiorum apparatu, inaniùmque lectionum & confabulationum serie: cum

& animi gaudia certiora, tutiora, puriora, potentiora omnibus corporis voluptatibus sint, possessorémque suum via recta ad felicem æternorum fruitionem ducant; corporis verò ad interitum, & miserandam pœnarum flammarumque perennitatem,

Et experiuntur illi, qui studiis hisce capiuntur, tanta frequenter animorum solatia, tamque valida, ut præ his non deligant orbis imperia, contemnântque quidquid hîc magnam, tanquam verrucam terræ adnatam, tanquam folium aquilone raptum, tanquam pulverem vento agitatum, tanquam bullam concha excussam; rideântque magnorum omnium conatum in gloriam, in diademata & sceptrâ, in purpuram & opes momento eripiendas, & ut plurimum ignibus præmiandas.

Discet deinde ex his libris lector morbos sæpe suos, quibus ignarus premebatur; simulq; remedia discet; variarum etiam tentationum, & inimicarum fraudum circumventiones, dolosasq; hostilium insidiarum machinationes, ut cum dolos cognouerit, nouaculasque spongia tectas, effugere sciat

pericula, & imminencia vitæ damna. totum denique seipsum, tanquam in speculo in-
tuetur, abditarumque sæpe ægritudinum
intima depascentia viscera causas agnoscit,
mortemque è propinquo minitantem: de
cuius vicinitate, aliorum docetur exemplis,
virésque roburq; induit, prudentibus Scri-
ptorum consiliis tanquam clypeis, ferro &
vallo cinctus; variamque breui sapientiam
colligit, cum è singulis quod prudentissi-
mum est haurit; ac tanquam in vnum fasci-
culum compositum sibi ac occurrentibus
necessitatibus seponit, vsurus vbi res ratio-
que postulauerit.

Iam cum in humanis animus sibi non
sufficiat, sed à variis fere profutura mutuari
cogatur, breuique scriptorum compendio,
multorum sudoribus uti possit; facile vide-
mus quantis destituantur auxiliis, qui aut a-
liorum, cum possint, menses colligere negli-
gunt, aut alienos labores contemnunt, nec
horrea quidē sua aperire dignantur, aut tor-
cularia mutuare, alieno autumno grauidan-
da, aut alieno pecore stabula locupletanda.

Et sanè stolidum videtur, quod sine la-
bore

bore possis, ingenti sudore, nec rarò non profuturo. parare velle: quali ingratae sint opes, quæ ultro obuenient, ac, nisi sanguine sudore quæ diu tingantur, displiceant. Docemur ab apibus, quæ à variis propinanda mella sugunt, etiam à venenariis quibusdam floribus; vt mente captum non immeritò dicas, qui ultro oblata ab aliis scientiam, rerumque prudentiam contemnit; tanquam si inglorium, sit alienis noctibus & lampadibus erudiri, & sapientiam discere.

Remedia.

FRequens prouocatio sui in amorem librorum piorum, certumque in eorum lectione tempus diebus singulis seponere, quod nullis occupationibus elabi patiatur.

Examinis etiam particularis circa hanc rem institutio.

Communicatio cum aliquo spirituali viro circa ea quæ quis legit, & maximè cum Præfecto spiritus, aut illo non inferiore.

Pia quædam curiositas in variorum lectione excitata, desideriumque varia cognoscendi. Prudenter Hieronymus ad De-

merriadem, Vnum illud tibi nata Deo, præq³ omnibus vnum prædicans & repetens, iterumq³ iterumq³ monebo, vt animum tuum sacrae lectionis amore occupes, nec in bona terra pectoris tui, semen-tem lolij auenarumq³ suscipias. & alibi ad Celantiam. Maximum ad iustitiam auxilium est, implere diuinis eloquiis animum, & quod opere exequi cupias, semper corde meditari. ibidem: Præcipua tibi cura sit, legem nosse diuinam, per quam possis quasi præsentia cernere exempla Sanctorum, & quid faciendum sit, quid dū vitandum, illius consilio discere. Inuitat in hanc lectionem magnis nos sponsonibus Augustinus in psal. 18. Sunt quaedam deliciae sanctæ in libris, sunt gaudia spiritalia ex diuinis eloquiis scrutatis & inuestigatis, ex dulcedine inuentionis, quam præcessit labor inquisitionis.

CAPVT IV.

Examinis diurni neglectus, aut perfunctoria conscientia discussio.

QUÆ res maiora secum damna trahit, quàm prima fronte cuiquam videatur: nam cum ex seria, & non perfunctoria sui discussione & mala retegantur, & malorum

lorum causæ; perfacile est ad eorum remedia deuenire, secareq; ad radicem, aut cum semine ipso euellere. quod in leuibus, ac à superficie tantum tentatis morborum diffusionibus perdifficile est: in quibus perraro ad malorum fontes descenditur; vt vel palliata tantum ex illa nascatur curatio, vel ignauo hoc neglectu, tacite succrescat malum, virelq; sumat maiores, quam vt vis vlla postmodum assiduitasque curaque domet & frangat: reperitque tandem homo animæ suæ hortum cum certo interitu sementis bonæ, tribulis, sentibus, zizaniisq; tam dense valideq; conlitum, vt nisi ferrum & ignem admoueat, desperanda salus & fœcunditas sit. Ita quæ neglectu inualuere mala, morâ ipsâ ingentia incrementa sumunt, cum fœcundior semper fertiliorq; noxiorum prouentus sit. quod in accurata diurna excussione locum habere non potest, cum hac vna, quidquid noxium est in semine, & à radice, tenero etiam tum caule euellatur. neque enim patitur seria hæc diurnaque cura mala succrescere, aut in nocituros frutices arborelque coalescere.

Nas-

Nascitur ex examinis diurni neglectu spiritualis quidā tepor, ac totius hominis languor: qui examinis vi excitari solet, ac tanquam supposito igne exardescere, & exurgere in flammās, quibus animi gelu discussionis frigore concretum soluitur. omnisq; mentis torpor tanquam acrioribus suppositis aculeis pellitur, animiq; somnus vigili hac excubatione pulsatur.

Labitur etiam facilè ad sæculi mores, quicumque hanc sui discussionem segnius obit. neque pronius quidquam est, quàm ad illos prolabi, cum firmamenta tuendæ Religio-sæ modestiæ delint; quæ à diurno examine petenda sunt. nam nisi continuo quasi freno mentem contineas, ad assueta, & naturæ adgenita dilabitur.

Spiritualibus etiam spoliatur armis negligens discussor sui. neque enim solet illius mentem Deus spiritualibus armare subsidiiis, ac tanquam auxiliaribus copiis protegere: sed cælestibus destituit influxibus, quibus & se tueatur, & audèter in hostes eat. sed neque vlla re validiùs armatur pectus, quàm noxiorum depulsu, salutariumque accensione.

fione. vtrumque solerti conscientiae discussione consequimur.

Exiit hinc etiam paulatim cognitione diuina, cum enim ex huius neglectu, sui ignorance tanquam densa nube integratui homo, fit ut in caeleste lumen aciem intendere non valeat. soletque Deus lucis suae radios suis subtrahere qui & prioris vitae notitiam, & diuinas incitantis tenebras assidua cura non depellunt; sed in alto negligentiae cuiusdam somno insepescunt perpetuis erroribus ac labyrinthis inerrantes: è quibus nunquam se explicabunt, caelesti sole substracto.

Sed & nulla re alia à primæuo maiorum spiritu degenerare plerisque videmus. nam cum diligenti sui discussione & praua emendentur, & futuris prospiciatur damnis; fit ut illius neglectu & excrecant mala, ac tanquam habitum quendam induant, eantque quasi in naturam, nec præcaueantur damna; sed cæco quodam impetu in illa prouamus, ac tanquam atra nube tecti in præcipitia voluamus. Et nulla certè res publica distare potest, quæ legum transgressoribus impu-

punitatem concedit, & in qua cùm bonis negentur præmia, tum improbis condonantur pœnæ. idem in animo, & interiore mentis republica fieri consuevit: in qua nisi iudicem adhibueris, qui delicta puniat, qui in omnem partem intentum oculum habeat, quiq; seria indagatione in transgressionem inuigilet; nihil expectandum aliud, quàm quod in republica iudice destituta.

Magnam etiam homo ex hac diligenti discussione sui ipsius cognitionem consequitur: qua destitutus, nulla propè spes reliqua bene prudenterq; dirigendi salutis vias. neque enim fortuito quis se suaq; cognoscet. magnum studium assiduâque diligentia necessaria est, vt quis tam abdita, tôtque inuijs vijs recondita, tot anfractibus implexa agnoscat. quod ferè solius examinis vsu euenire consuevit. discit deinde ex hoc quibus subiacer pericula.

Crescit è seria hac cogitationum, verborum factorumque disquisitione, prudentia. neque enim ille facile cogitatione, verbo, aut re ipsa labitur, qui sua omnia ad quotidianam incudem reuocat. quiq; quoties
pro-

prolixiora cum externis habita colloquia,
toties in se redit, audita dictaque discutit
maturitatem enim talis ac circumspectio-
nem in omnibus induet, doctus tacere &
loqui, neque faciliè in pœnitenda aut eru-
bescenda proruet.

Magnum etiam ex hac accrescit animo
robur. cum enim illa duce in noxiorum ve-
niamus cognitionem, quorum detractio-
nem melior manet animi habitudo, fit vt huius
vires solidentur: non secus ac corpus corru-
pti sanguinis emissionem roboratur, valetu-
dinique suæ restituitur.

Continetur dehinc mens in perpetua
quadam puritate ac custumonia. vt enim ex
assidua zizaniorum eliminatione agrorum
perstat integritas, frequen-que domus ac
vestiū emundatione, nitor quidam ac mun-
dities seruatur: ita frequenti seriâque sui dis-
cussione, mentis quidam nitor seruatur, ne
aut sordibus obtegatur, aut aliquid de splē-
dore remittat, aut maculas contrahat; qui-
bus improvida cuiusque negligentia cres-
centibus, omnis decor obfueatur. quod v-
bi euenerit, nihil familiaris, quàm nitoris,
pu-

puritatis, castimonix loco, sordes & impura vota subnasci.

Ducit deinde hæc discussio ad contemptum sui, magnaniquæ animi submissione, cum in miseriarum nostrarum nos cognitionem deducat, milleque submissionis mentis causas præbeat, ac quadam verecundia totum hominem perfundat. indeque exurgit in admirationem laudesque protegentis, eleuantis ac consolantis Domini: cum & delictorum suorum frequentiam, & ignoscentis Domini benignitatem contuetur: maximè cum inter illa nouorû semper beneficiorum augmenta videat, meritumque; toties pœnarum condonationem. quæ omnia non possunt non ad toties totque nominibus debitum gratiarum actionem hominem impellere: simulque metum incutere, ne, si negligentiores in hac fuerimus, benignam misericordemque manum suam subtrahat, & ad immania præcipitia labamur.

Paternum ac benignum in aliorum lapsibus animum inducit, commiserationis viscera aperit. dum enim sua diligens scrutator de-

delicta cognoscit, periculâque quæ sola potenti diuina manu euasit; facilis in aliorum culpis est, ne tam indignatione, quàm commiseratione impellente medicam ac paternam manum adhibet, conscius infirmitatum suarum.

Instruit etiam ac erudit, peritumque animarum medicum statuit. neque certior quisquam illo est, qui in se mala expertus est, qui que ex se, aliis mederi didicit, præcauere damna, præsentia pellere, providere futuris. ille namque, & morborum magnitudinem, initia, incrementa, exitum, & medicamentorum vim expertus, facilius tutiusque in alio exercet, quod in se didicit. neque vlla certior scientia est quàm quæ experientia nascitur.

Magnam deinde spiritalis lætitiæ causam præbet. cum diligenti hac discussione, peccata ac imperfectiones mœtorum ac dolorum causæ euellantur; ac tanquam validis frequentatisque ventis, noxiorum habituum nubes depellantur. hinc ingens exurgit animo gaudium; innocentiae nimirum suæ, diuinæque protegentis se dexteræ: quod gau-

gaudium in illa mente esse non potest, quæ ingentium secum turbarum causas circumfert. nam cum è negligenti sui discussione, vitia habitusque pravi indies augmentum fumant, necesse etiam prauorum motuum ac turbarum causas crescere. cum nullis aliis rebus, tam potentes insurgant animo tempestates, quæ illum continua iactatione tanquam decumanis fluctibus variè in omnem partem impellunt.

Denique ex hac sui sedula peruestigatione, ingens delictorum pœnitudo, meliorisque vitæ seriò institutio exoritur. hic enim æternum profuturæ fluunt lacrymæ, quibus tanquam flumine sordes eluuntur; exurgunt ab alto ducta suspiria, quibus tanquam præualido fulmine cælos penetramus. Et sanè cum è neglectu examinis huius, in densa ignoratione nostri versemur, fit vt paulatim grauissima etiam crimina ignoremus, obducto mentis oculo, frequentata scelerum cōgerie. cum contrà, qui diuina hac sui disquisitione assuevit, non faciliè in pœnitenda labatur; aut si labatur, remedia ad manum habeat, seipso post robustior & cauti-
tor.

tior. adeoque vix fieri potest, ut qui seria ac diligenti bis per diem discussione conscientiam perscrutatur, in gravius aliquod delictum corruat; maximè cum in singulis discussionibus animum in delictorum, etiam minimorum seriam pœnitudinem, ac emendationis propositum exciter; in præteritorum lapsuum seuerum dolorem, ac in futurorum cautam providentiam.

In quam rem illud in primis proderit, si in singulis consciëntiæ discussionibus, seriò, & non perfunctoriè particularis alicuius vitij, in quod frequentius labimur, rationem à nobis seriam poscamus, conferendo inter se præsentis hebdomadæ dies, dispiciendoque quos in propositi vitij victoria progressus fecerimus, cum forti validoque emendationis proposito. quæ res vel vna ad vitiorum extirpationem, rarioreque lapsus plurimum potest.

Remedia:

M Agnorum in Ecclesia virorum in exactam examinis institutionem nos meritò mouere debent monita. Ephrem.
Tom. 3.

Tom. 3. Serm. Ascet. verba sunt: *Diebus singulis vesperi & manè diligenter considera quo pacto se habeat negotiatio tua, ac mercimonij ratio. & vesperi quidem ingressus cubiculum cordis tui, examina teipsum & dicito, Putasne hodie in aliquo Deum exacerbaui? nunquid verba otiosa protuli? nam per contemptum negligentiamq, peccaui? nū in re aliqua fratrem irritaui? num alicuius sumam detractionibus laceravi? Eadem matutino tempore præscribit. eadēque S. Dorotheus Serm. 1. *Vesperi sedulo quisque perquirat & inuestiget, quomodo pertransierit diem illum. rursum mane examinet quomodo exegerit noctem illam. & D. Bernardus Lib. de vita solit. Manè præterite noctis fac à temetipso exactionem, & venturae diei tu tibi indic cautionem. vesperi diei præterite rationem exige, & superuenientis noctis fac indicationem. sic districto nequaquam tibi lasciuiare vacabit.**

Bonorum, quæ à feria ac frequentata conscientiae disquisitione nascuntur, recordatio; malorumque ac periculorum, quæ à disquisitionis neglectu proficiuntur, commemoratio. & ferè tota frequens diligensque disquisitio sui satis erit ad omnia viria
fu-

superanda. Sapienter Chrysostomus de
cōp. cord. *Hoc solum est quod à nobis exposcitur,*
ut semper recordemur mala nostra, & conscientiam
gestorum nostrorum habeamus ante oculos, ut pro
his supplicemus Deo.

Fortis, ac sæpiùs iterata apud animũ suum
propositio, seriò in accuratam conscientie
examinationem incumbendi. Quòd si quæ
impedimenta intercurrerint, quæ dilationẽ
suadeant, aut consuetum examinandi tem-
pus adimant; nullo tamen casu, quantacun-
que necessitate occurrente, omittenda dis-
quisitio hæc erit; sed primo quoque tempo-
re à grauioribus vacuo, exequenda.

Proderit etiam vitæ mortisq̃ue incertitu-
dinem sæpe sibi proponere, variorumque
subitos casus, miserandos & inexpectatos
exitus, momentaneosq̃ue excessus, & in sũ-
ma non rarò valetudine, robore ac iuuenta,
improvidos raptus: è quibus timorem simili-
lis in nobis exitus prouocemus, p̃erque se-
rias has conscientiarum disquisitiones, mē-
tem ad subitas has & momentaneas mortes
paremus. Ad quam rem iuuabit in primis, si
quando aut grauius delictum, aut grauius
n
pe ri-

periculum occurrerit, non expectare consuetam disquisitionum tempora, sed subitam in se excitare pœnitundinem, prouocareque in se contritionis actum.

Consultum etiam fuerit, si quando negligentia nostra disquisitio hæc ommissa fuerit, vltro nea aliqua pœnitentia animum ad maiorem sui curam prouocare: vt hac quasi monitione teporem, ac ignauum à se neglectum pellat.

C A P V T V.

Tepiditas in iis que spiritum tangunt.

VT non immeritò tales lenta tabe, & feбри hec̃tica cōsumi dixeris, quorum robur pedetentim emedullatur, vt nec sentientes mala sua corruant, quoque ruinæ propiores sunt, eò minùs pericula sua persentiscant.

Nec alteri rei commodiùs hæc tepiditas, animiq; languor comparari potest, quàm blattis & tineis, interiora validorum etiam lignorum rodentibus, vt si moram feceris, nudum corticem, exeso robore reperias.

Rectè

Rectè etiam assimilari tepidus potest hydropè aut aqua intercute laboranti, à qua paulatim opprimitur & suffocatur. Ignauus planè morbus, qui à paruis initiis serpendo, ribias ferè, indeque vniuersum corpus occupat: suffocatque quidquid generosorum spirituum toto sparsum iacebat corpore, & necatque quidquid magnum abditum latebat fibris, vertitque in limosam quandam fanem quidquid venis claudebatur valetudinis bonæ.

Melancholicis etiam humoribus pregruato similis est tepidus: nauseabundo in omnibus stomacho. ad omnia varius & inconstans, sibi aliisque grauis, aliorum contemptor & sugillator, inuidiaque in superioribus aliorum successibus intumescens. cui cum nihil placeat, displicent omnia. frigidus calentesque iuxta auersatur. nec bonus haberi potest, nec malus vult. Prou. 13. *Vult nimirum & non vult piger, anima autem operantium impinguabitur.*

Sed & similis est limaci, ignauissimæ inambulationis pigra fœdaque vestigia relinquenti; cum inerti volutatione corpus re-

ptando trahit, signatque ignauas circumductiones spurca colluie, ingenti spectantiũ calcantiumque fastidio. idem in tepido reperies, qui in omni actione, teporis sui lenta vestigia relinquit, nauseam ardentibus paritura, & sanè nihil ab illo expectes, præter ignauas quasdam molitiones, pigro tepore signatas, vt aliquid voluisse illum potiùs, quàm fecisse deprehendas: adeoque nec voluisse quidem, nisi quæ propensione suæ amica, amicum teporem fouent.

Vetus dictum & verum, Potior est exercitus ceruorum leone ductore, quàm leonum ceruo duce. vt videamus omni gentiũ sententia, quantum possit ardor, animusque excelsus; quantum secum detrimenti damni que trahat mens vilis & tepore quodam cincta. leo nimirum vnus tot ceruos leones facit, ceruus vnus tot leones ceruos. Ita accensius ductoris animus in reliquos ardorem ignemque diffundit; mens tepida ducis in omnes teporis languorisque sui virus maculatur. Ad ardua sanè, & victura idoneus esse tepidus non potest; cùm quæ in posteritatem abitura sunt, calorem & ignem quen-

quendam exigant: sine quo nemo manum extendit ad victura. Ingens nimirum animus esse debet, qui ad excelsa dexterā porrigat, hunc animum interior quidam æstus propellit. at in tepido languet omne pectus, caretque hoc magnarum cogitationū pro-uocamento. & sanè nisi amoris quidam æstus hominem protrudat, quid sperari magnum potest? cū ab vno amore meritum magnorumque mensura nascatur. ab illo nemo excluditur. pares Reges diuitesque seruis pauperibusque sunt. nulla conditio-num, genitura, opum, honorum discrimina amor nouit. hunc amorem in tepido non reperies: ardoribus enim amor omnis fulcitur. ignorat frigora. Iam quam mercedem à Deo tepidus speret, mercedis mensura destitutus? neque enim ille tam donorum magnitudinem, quàm largientis ardorem intuetur. misera alioqui futura pauperis conditio, qui sola mente, magna magnis remuneranda præmiis donare potest. ita vidue illius Euangelicę laudatus animus, nō minuta duo. & maiora hæc fuerunt magnorum thesauris, cū ab ingenti animo duo veni-

rent minuta, abitura in talenta, si opes animis pares fuissent.

Necin vno primo possessore suo tepor hic manet, sed noxiæ instar scabiei ac pruriginis contubernales occupat. arbitreris lepram latè se spargentem, ac in obuia quæque sæuientem. ita serpit hoc malum, & ab vno capite totam propè non rarò familiam occupat. exstinguiturque vnus exemplo ardor quidam mentis, ac quasi iniecto flumine tepescit prior flamma. & qui ignis antè fuerat, nunc solo fumo, ignem aliquando fuisse ostendit. pœnitet nimirum ignium quia pœnitet laborum: molliaque blandaque amplectimur, cùm domesticum exemplum videmus. noxia enim potentia in exemplum & imitationem suat.

Ingens deinde teporem pusillanimitas comitatur, animus deiectus, varij metus ac timores plurimum inanes, suspicionumque integra nemora. quæ omnia potiendarum rerum desperatione clauduntur: è qua maiorum omnium extrema nascuntur. bonitatis diuinæ diffidentia, miserationis desperatio: ac denique celestium non iam neglectus

Etus tantum, sed & contemptus quidam. nam cum labores fugiat, videatque se ad illa sine his peruenire non posse, in contemptum illorum deuoluitur: cum carere celestibus malit, quam sudorem in illorum prosecutione fundere. ita carior illi celestibus sudor est. vt similis sit illis qui apud Sapientem inelamant: Sap. 2. *Extinctus cinis erit corpus nostrum, & spiritus diffundetur tanquam mollis aer, & transibit vita nostra tanquam vestigium nubis, & sicut nebula dissoluetur, quæ fugata est à radiis solis. Venite ergo & fruamur bonis, vino pretioso & vnguentis nos impleamus, & non pratereat nos flos temporis, coronemus nos rosis antequam marcescant: nullum pratum sit, quod non pertranseat luxuria nostra, cum enim desperent celestia quæ solis laboribus parantur, vertunt conatum suum mollem ad humana, omnemque in iis felicitatem ponunt, cum non magnis sudoribus hæc parentur, vt quæ obuia sint, & vltro etiam se ingerant, imò & non raro etiam reluctanti se obtrudant.*

Et verò nemo è nobili Religioso vertice, nisi per immania teporum præcipitia ad malorum profunda delapsus est: vt per re-

piditatis incrementa, tanquam per præcipientes gradus, aut decliua montium, ad infelicia præcipitia labamur. nemo etiam Religiosam stationem signaque in quæ iurauerat desertor reliquit, qui non prius à teporibus his proripatus ac delinitus, longa quasi manu ad turpem infortunatamque fugam deductus fuerit. nemoque spiritualis militiæ desertor audiuerit, qui excusso tepore, fortiter Religiosam semitam presserit.

Benè dictum à Sapiente: Sap. 4. *Spuria vitulammina non dabunt altas radices, aut stabile firmamentum collocabunt. Et si in ramis in tempore germinauerint, infirmiter posita à vento commouebantur, & à nimietate ventorum eradicabuntur. confringentur enim rami inconsummati, & fructus illorum inutiles & acerbi ad manducandum, & ad nihilum apti.* Spuria in Religione vitulammina, & torpore quedã desides sunt, remotissimi à germanorum Dei filiorum affectu. neque altas in ea radices teporaget: neque debilius vllum fundamentum tepore est, cui quidquid supercruitur, aduersis ingruentibus, radicibus euellitur: sed neque si excreuerit in arborem, ramos fructusque
dabit

dabit perennaturos: ac si quos dederit, infuaves. & in fauillas aut quasi in farinam cōmolendos dabit. insipida enim omnis operatio tepentium est, & stomachum motura. vnde illud Apoc. 6. *Vtinam frigidus esses, aut calidus: sed quia tepidus es, incipiam te euomere ex ore meo.* Nec mirum hoc videri debet. cū tepidus omnis instar tepentis sit aquæ, vomitum prouocantis. quid verò fœdus vomitu in humanis? nauseantis verò hīc stomachi consuetudo exprimitur, qui noxia à se valido impulsu repellit, vt reliquo corpori bene sit: ne, si nocitura hæc contineat, ad reliqua abeat hoc virus, & toti paulatim corpori interitum paret. Hinc grauis etiam illa interminatio; Iere. 48 *Maledictus qui scit opus Dei negligenter.* nec mirum, cū in tantæ maiestatis oculis constitutus, ignaua quadam socordia diuinas res exequitur, tantis promissionibus locupletatas, tantquam si res ludicras pertractaret. ita dum ludit in re salutis, infelici plurimū exitu luditur; & seriò destituitur à Domino, qui non seriò tanti Dei res peregit.

Fortiter proinde per Sapientem nos Do-

minus ad labores inhortatur Prou. 6. *Vade ad formicam, ò piger, & considera vias eius, & discce sapientiam: quæ cum non habeat ducem, nec præceptorem, nec principem, parat in æstate cibum sibi, & congregat in messe quod comedat. Vsq; quò piger dormies? quando consurges è somno tuo? paullulum dormies, paullulum dormitabis, paullulum conferes manus tuas vt dormias, & veniet tibi quasi viator egestas, & pauperies quasi vir armatus. Si verò impiger fueris, veniet vt fons messis tua, & egestas longè fugiet. Erubescat tepidus doceri à formica. cælo natum doceri ab infima bestiarum, & prudentiam discere ac futurorū prouidentiam ab insensato animalculo. vt paret hic sibi quod æternū prodesse queat: tepore nunquam parauerit. labore & sudoribus æterna veniunt. Nam quid aliud speret torpore marcescens, quàm vt ab egestate tanquam ab armato prematur, perennibus cælorum diuitiis exclusus? Pro. 10. *Egestatem enim operata est manus remissa: manus autem fortium diuitias parat. Sapientis verba sunt & illa Pro. 28. Qui operatur terram suam, satiabitur panibus: qui autem sectatur oriū, stultissimus est. Addit Prou. 13. Qui mollis & dissolutus est in**

est in opere suo, frater est sua opera dissipantis. Et illud Pro.18. *Pigredo immittit soporem, & anima dissoluta esuriet.* Egēstatem anima remissa, fortium verò manus viriliter certantium, & de genu pugnantium, quibus à vulnere & sanguine crescit animus, opes parabunt æternas. Hinc meritò stolidissimi censendi sunt otij sectatores, quibus animę panes cęlestes gratiæ, & æterni fontes cęlestium donorum negantur. hinc illa esuries, & infelix repentium sitis, quæ à negato cęlesti cibo potuque nascitur; atque hinc etiam promissorum diuinorum bonorum abdicatio. hæredes eramus. excludit nos tepor vt tam illustribus indignos. quæ sola virtute, vigili cura, profusis sudoribus, indefesso labore parantur.

Eleganter torpentem describit Sapiens Prou.26. *Sicut ostium vertitur in cardine suo, ita piger in lectulo suo. abscondit piger manum sub ascella sua, & laborat si ad os suum eam conuerterit.* Et tamen sapientior sibi piger videtur septē viris loquentib. sententias. Cōmoditatib. nimis suis tāquā molli lectulo indormit piger, frigora metuens. hinc illa ignauia retractę

dexterae, ori que cibum negantis. negat subtrahit que hunc sibi animae cibum tepidus, laborem fastidians, quo solo cibus ille paratur. nec pudet illum à puellis pueri que vincici: quorum non pauci contemptis calcatis que mollibus, per dura & aspera celesti cibo pasti sunt: per vulnera nimirum & sanguinem caelo inscripti. &, quod stolidissimum est, sapiens sibi piger videtur; quasi prudenti circumspeditione & ignes & frigora fugiat, & inimica corpori deuiter: gaudet nimirum blandè ludentibus, & quadam dulcedine molliter disfluuantibus: damnat quos duris & asperis calcatis, per ardua viam sibi ad aeternitatem sternere videt, quasi naturae aduersantia ultro auidi amplectantur: ignari, aeterna illis praemia, torpentibus verò nullo auro morituras poenas parari. & Prou. 24. *Per agrum hominis pigri transiui, & per vineam viri stulti: & ecce totum repleuerant vrtica, & operuerant superficiem eius spina, & maceria lapidum destructa erat.* tepentibus enim dormientibus que nobis, ac tanquam dere salutis. nimium securis, nocitura aduersarius semina inspargit, opplet que malarum cogitationum

num ac desideriorum zizanijs pectus, valido antè virtutum aratro subactum.

Hoc malum vbi inualuerit, ad ardua queque ignauissimos reperies, sed neque facillima nisi placentia admittent. Virges, & instas operi? negant se posse, inualetudinem causantur, onerisque munerisque magnitudinem, impares vires.

Succedit his quædam spiritualium rerum nausea, horror paupertatis, obedientiæ & pœnitentiarum, omnisque omnino austeritatis; dum mollia captat animus, & blandientibus se totum immergit, deferuescente spiritus ardore, ac vniuersim mutua refrigerante caritate.

Itur deinde regia via ad corporis commoda, ad prodigam in cibum, potum, somnum profusionem, ad voluptatem denique suaue ridentem, prouocantem, & ad se molles hosce spiritus allicientem.

Neque aliud sperari ab hoc tempore potest. nam vbi elanguit ardor spiritus, extabuitque; pristinus æstus, ac quasi in fauillam cælestes antè flammæ abierunt, nihil nisi inanem fumum, leuemque ac euanidum vaporem

sperare possumus.

Et certè abacto pristino ardore, animiq; calore emortuo ac consepulto, omnium spiritualium rerum mortem quandam ac interitum sequi necessum est: incipitque exinde viuere caro, cum quantum illi spiritus decedit, tantum illi vitæ accedat; quantumque spiritui cura cælestis subtrahitur, tantum huic sæcularis auræ succrescat. è tepore proinde illius, ardor huius enascitur: ita nãque in his comparatum est, vt quantum detrahitur vni, tantum addatur alteri, quantum decrescit vni, tantum alteri accrescat: vt vnus interitus, vita sit alterius.

Inuigilandum proinde ne noxius hic temporis animam occupet. nam vbi illum semel possederit captiuumque duxerit, nequidquam ferè melioribus ignibus excites: tam alto sopore pectus illiditur, vt nec potentissimis quidem spiritualibus prouocamentis è profundo, quo tenetur, somno, ad se redeat, & nihil iam huic in omni vita serium. vt ludicra, & comædiæ scenam grauissima quæque peragit: nec vt sua, sed vt aliena retrahat: si dederis, accipiet, & vix aliquando
vel

vel offerenti manum porriget: quòd si ultro
non inieceris, nec desiderabit quidem, mul-
tòque minùs sudorem effundet, aut labo-
rem impendet: sed neque spe felicitis æterni-
tatis, aut infelicitis æternitatis metu commo-
uebitur: in gloria, aut inglorius vitam ducat,
iuxtà habebit. propone vtriusque vitæ præ-
mia, laboribus terretur: propone huius &
alterius iudicia vitæ, tabescet ignauia; nec
aut ad vnius gloriam, aut ad alterius prouo-
cabitur tormenta. narra quæ æternitatem
tangunt, fabulæ illi videntur; quæ Iudicem
Deum, tragediæ fragmentum. Nec plurimū
magis præmiis pœnisque propositis moue-
bis, quàm cadauer minis: imple mētem ter-
roribus, imple gaudiis, virtutis speciem pro-
pone, & quidquid in illa prouocat in seque-
lam, in admirationem, in laudem, in animi
tranquillitatem & pacem nullo calamo ex-
plicādam; adde cælestem amorem, & quid-
quid vnquam flammarum iaculatum est cœ-
lum, quidquid ignium infernus; emarci-
dum truncum arbitraberis: nisi quòd bel-
luarum more pronus rapiatur in corporis
commòda, felicitatemq; in his ponat suam:
quid-

quidquid verò ingenio, labore, industria as-
fingit ad magna, ex- cratur.

Sed neque fidi huic quidquam potest,
nec tutò aliquid committi, vnaque fei è huic
beatitudo est, in ignauo otio & fabulis con-
fenescere: nisi quòd, vt dixi, carnis plerum-
que vitia sequantur hunc teporem, eò ma-
iora validioraque, quo languor hic maior
est, altioresque in homine radices egir. quod
vbi euenit, nihil in eo, non dicam Religio-
so, sed nec Christiano dignum reperies.

Remedia.

ORationum, meditationum vsus fre-
quentior, piorum librorum, vitarum-
que Sanctorum frequentata lectio: neque
credi potest quantum exempla in imitatio-
nem possint. puerorum enim virginumque
ignes calcantium, tormentis tanquam rolis
inambulantium, poenas tanquam mensa-
rum delicias amplectentium, cogitationes,
quem non teporem pellât? iam Christi Do-
mini passio, calentes lacrymæ, fusus sudor,
sparsus sanguis, immitia verbera, corona
spinca, immania vulnera, clauis, crux, lancea,
quid

quid non poterunt in religioso pectore, si seriò frequententur?

Mortificationum deinde, Sacramentorum, ac confessionis vsus solito maior: consultissimumque fuerit fortibus pœnitentis tanquam immixtis ignibus teporem pellere. validissima enim remedia sunt quæ à sensibus petuntur. magnus ille est, qui nusquam pepercit sibi: prudens, qui in se punit quod in alio displicet: fortis, qui pœnarum metu ad magna se cogit.

Spiritualium exercitiorum crebrior repetitio; frequēs vsus piarum apud Deum aspirationum, maximèque earum, quæ aut in amorem illius, aut in laborem ex præmiorum aut pœnarum magnitudine impellunt, mentemque ad duriora ac diuina prouocant, auocant à suauibus & perituris. quæ si frequententur, tanquam perpetuis flammis inardescit animus, ac tanquam suppositis ignibus estuant precordia Deo plena. quibus accensus non facilè intepestcit animus.

Diligens examen orationum, ac meditationum factarum, seriàque negligentiarum distractionumque in illis disquisitionis. Ser-

rium deinde emendationis propositum, excitationesque pellendæ tepiditati idoneæ. Neque satis fuerit in eo qui tepore hoc oppugnatur, si bis per diem examen instituat. iteret frequenter, post Sacrum, Horas, pias lectiones, conciones, catechizationes, prolixiora colloquia, studia. Incredibile est quantum breuia hæc examina, mentem sibi præsentem contineant, quantum ariment; dum & lapsus suos & pericula intuetur, & fortibus seipsum propositis ad magna exacuit.

Frequens consideratio diuinæ præsentia, magnitudinis illius, potentia, scientia. hæc qui propiùs considerabit, faciliè teporem exuet inimicum Deo.

Iuuabit etiam in terrorem cogitatio iudicantis Dei, incertitudinis vitæ, æternarum pœnarum, paratorumque cælo præmiorum. vtriusque enim æternitas vehemens calcar est fortiter audendi & explendi.

Proderunt etiam frequentata per diem cogitationes, Omnem diem primum, omnem vltimum esse; illum in ardorem, hunc in terrorem, & magnorum illud, Quare veni-

ni-

institi: quis instituti finis?

Commodorum deinde incommodorumque discussio, quæ aut ex ardoribus, aut tepore nascuntur, non poterit non ingenti spe bonorum, malorumque metu, mentem accendere ac terrere, teporemque omnem excutere. verè Prosper. Sent. 112. *Sicut corpori noxium est, corpoream escam non posse percipere; ita animo periculosum est, spirituales delicias fastidire.*

Causam denique teporis consultissimum fuerit inuestigare, inuentamque valida manu cuellere. neque sanè quidquam facilius quàm repertam pellere: qua etiam ignorata, nihil solidi sperandum est. cùm ab huius cognitione omnis victoriæ spes pendeat, & principijs maximè inuigilandum est. maximè cùm in hoc vicio à tenuissimis, & quæ propè sensum omnem fugiunt, quasi per insensiles gradus ad extrema ducamur, eorum more qui per præcipitia labuntur, qui non antè desinunt quàm ad ima varijs infelicitibusque volutionibus deuenierint. initijs proinde fortiter insistendum, ne in medio infortunatissimarum volutionum
ferè

ferò remedia cogitemus, cum non teporem tantum sed & nauseam ac spiritalium contemptum imbiberimus. Iam cum hostibus undique cingamur callidis audacibusque, non tepentibus consiliis opus est. domesticam patimur carnem, quæ nullâ oppugnationibus moram concedit: ambientem mundum, ludentem, blandientem, allicientem, multa promittentem: insurgentem crudeli, effera, subdolaque simul infestatione demonem, singula vigili cura obeuntem, ac in omnem momento omni perdendi occasionem intentum. quo magis tantis domi forisque hostibus in æternis nocendi excubiis stantibus, ignavia teporeque pulso, inuigilandum quaqua parte salutis est. nusquam indormiendum. omnia etiam tuta circumspicienda, metuenda: nusquam, nunquam arma ponenda, ne hostili pateamus ferro; ne insidiis, ne inglorio tandem exitu tepentem pigramque vitam signemus. Et sanè turpe est Religiosum, ab opum, honorum, voluptatumque amatoribus vinci: quos ingenti ardore alacritateque ad summa vitiorum tendere videmus, non sudoribus, non sanguini par-

parentes. & quid non audet audida humanarum fōrs hoc momento periturarum rerum litis? quanto molimine in breui peritura insurgit; cum audaci calcatu per contemptum etiam vitæ ad ruitura vota sua pergat? Turpissimum verò tantis illis estibus in momentanea hæc insurgentibus, Religiosos beata eternitate proposita, ad cælorum non peritura præmia, ignauo protrudi potius quàm progredi gressu. quid hic speret, nisi qualia ab ignauo pectore expectanda sunt, post grauem nimirum cum euangelici talenti fofore, Domini reprehensionem, pœnarum æternitatem?

Teporis autem ferè hæc causæ. 1. Confectudo è sæculo in Religionem deportata, quæ in naturam abiit. hæc valido frequentique conatu, ac quasi flatu prouocatis sopitis ignibus, & sæcularium adhuc cogitationum cinere tectis, contrariisq; confluentudinibus pellenda erit.

2. Naturalis quædam animi inconstância. qua nulli certæ rei inhærentes, ad varia semper manum protendimus, nouorum auidi, veterum pertasi; omnia nimirum
ten-

tentasse iuuat, cùm vna ferè veritas virtutis
que gradientur via; dubia semper error, sui
consiliorumque ignarus.

3. Defectus bonæ voluntatis. quæ vna
potentissima spiritualium omnium profe-
ctuum causa est. excitanda illa erit Christi
Sanctorumque exemplis, pœnis, præmijs, et
ternitatis veriusque:

4. Imprudens & supra vires feruor, vio-
lento inolimine expressus; qui ferè in lan-
guorem degenerat, cùm indiscreto conatu
robur omne paullatim exteritur, viresque
vniuersim concidunt, totaque valetudo e-
neruatur, nec se ad magna potest extende-
re, intempestiuis ardorem laboribus fracta.
prudencia corrigendum hoc malum, & sa-
piente Superiorum ductu.

5. Domesticae disciplinæ neglectus. cùm
reporis languorisque omnis, conuiuentia
excessuum, mater sit: qui Superiorum vigili-
cura emendandus, vetus enim illud verum,
Vbi rigor, ibi vigor. si prudenti Superioris
manu ducatur, ne nimius rigor in seuerita-
tem labatur, inde in animorum alienatio-
nem, & odia.

6. Laboris fuga, otij amor. vellemus nimirum, sed labore terremur. extimulanda proinde voluntas erit potentibus timoris Dei, & infelicis æternitatis stimulis.

7. Institutionis, & boni exempli in Superiore defectus: doceat; plus tamen rebus, quàm verbo, & imitatores habebit. nam vel solo rubore sequentur præeuntem.

8. Insurgentium difficultatum metus. qui ad infima abiicit, terret à magnis. expellendus ille, propositis fortibus in utroque sexu in prima iuuentute exemplis, præmiorumque magnitudine.

9. Pusillanimitas. quæ è diuinæ protectionis & auxilij diffidentia nascitur. hæc ingentibus Christi sponsonibus, omniumque ætate testatissimis exemplis depellenda erit. animusque ad æterna & magna erigendus, ingentique in Deum fiducia excitandus.

10. Neglectus minimorum. sunt enim hæc tanquam flabra ignem prouocantia, tanquam ligna flammarum & calorum materies, tanquam pulueres qui densati prospectum adimunt, tanquam raræ nubeculæ, quæ compactæ nocte inducunt, lumen adimunt.

II. Pro-

11. Profusa passim loquendi licentia, quæ ferè hauriuntur quæ internum æstum minuunt, profunditurque omnis animi calor. in cuius locum tepor succedit, & generosi antè pectoris languor.

12. Nimia ad externa effusio. restringenda hæc erunt, & excitandus solitudinis cælestiumque amor, vitæ breuitate eternitatēque proposita. quòd si obedientiæ imperio implicamur externis; frequentibus repetitiisque per diem piis aspirationibus, mens indissociabili quasi quodam nexu, iungenda Deo: temporaliaque negotia, diuinorum incentiuis farcienda erunt. ne his destitutus animus, diffuatur in puluerem.

Quoties denique deuotionis feruor interperuerit, consultum fuerit illud B. Bernardi de conuer. ad clericos, cap. 30. grata memoria repetere : *Non sunt condignæ passionēs huius temporis ad culpam præteritam quæ remittitur, ad gratiam præsentem quæ immittitur, ad inferni pœnam quæ euaditur, & ad gloriam futuram quæ repromittitur.*

CAP. V. T. VI.

Mortificationis neglectus.

E Quo simul omnia propè mala nasci videmus. Neque cum immortificata hac affectuum ratione, castitatis, paupertatis, obedientiæ observatio, aut solida aliqua virtus consistere, aut in vocatione constantia sperari prudenter potest. diu fortè in alta permittitur pace, nec bella sentit, aut inimicas experitur acies; continebit se intra modestiæ, ac quasi virtutis limites: at ubi inturrexerit hostis, nec minis tantum, sed cōserto fortiter pede, armis & ferro in assuetum malis pectus aggressus fuerit; cadent animi, labascant genua, & ferè antè iuccumbet, quàm verbera senserit, adeoque ad solas etiam hostiles expallefcet minas, & victorem agnoscat, cuius non expertus est dexteram. Tuonibus hoc evenire solet, quos solus hostilium armorum fulgor terret, & in fugam vertit. Veteranus, cui cum pugna & lucta, dandisque accipiendisque vulneribus quædam quasi amicitia intercessit, quique non vno pugno disculptum pectus.

o. habet

habet; animos à sanguine induet, assuetus post vulnera victoriarum.

Perpetuam deinde mentis inquietudinem sequi necessum est, internaque pacis turbationem. neque enim quies sperari potest, ubi perpetua turbarum causa est: cumque; vniuersa spiritalis vita, fructusque à benè mortificatis affectibus pendeat, tanquam à benè subacta & proscissa terra, semineque mortuo simillimo sperati agrarij fructus; sit vt mortuo similior dici possit, in quo crudi adhuc dominantur affectus, à quorum fecunda malignitate nihil nisi agro Dominico nocitura proueniant: neque enim è scrupulo hoc agro, lolij ac zizanijs obfito, magna expectari possunt. nam vt non improba terra sit, ruderibus tamen, ac miricis in nascentibus, quidquid est seminis boni suffocatur, ac quasi inimico pede proteritur, vt magno licet se conatu in herbam nonnunquam erigat, spem tamen raritate sua fallat, nec ad maturitatem deueniat; cum ferè in medio sperati fructus noxiorum pondere corruat, aut exarescat.

Sequitur deinde domestica vniuersim
tur-

turbatio, dum ab huiusmodi malè mortificatorum affectuum inquietudine, domestica pax turbatur, commouentur animi, & ab vnus sæpe malè subacta mente multorum sequuntur commotiones, & quædam quasi tempestates; dum his tanquam flabris, iuniorum inprimis, minusque solidorum animi grauius commouentur, excitanturque in paria exemplo, ac in imitationem prouocantur; dum ferè ad pessimorum imitationem natura feramur, nihilque pronius sit, quàm præeunte aliquo tanquam duce, reliquos sequi, à quibus vniuersa domestica pax scinditur, ac quasi imis sedibus concussomari, tranquillitas in tempestatem vertitur; cum neque iam quisquam alteri cedere, nemo insurgentium quorundam impetus declinare, nemo durioribus interdum irruentibus, molliora, ac veluti saxi puluillos obicere, nemo procurrentibus locum, spatiumque cursui concedat. quod vbi fit, & aspera duraque paribus incurrunt & illiduntur, quid nisi fragmenta & ignes expectes? Vnde postmodum animorum alienationes, acerbioresque indignationes nascuntur,

perpetuisque propè hisce mentium æstibus
vniuersa familia iactatur, periculisque ple-
na sunt omnia; dum singuli immotificatis
impacatisque motibus præcipitio, quàm
certæ stationi viciniore sunt. neq; fieri po-
test, vt à malè subactis animis, non ingentes
insurgant fluctus, qui pacata etiam aliorum
littora conturbent ac quatiant; vt totum
iam domesticum elementum in non con-
suetos exurgat motus naufragiis proximos.

Sed neque quidquam magni ab his ex-
pectari potest, cum in perpetuo non vano
metu Superior sit, ne in pertractandarum re-
rum decursu, si quid non placiturum occur-
rat, aut minùs iudicio illorum conforme, e-
rumpant è cruda hac affectuum composi-
tione, in vniuerso corpore pœnitēda. neque
committi illis quidquam potest, à quo Reli-
gioni decus sperari, aut damna timeri pos-
sint: semper enim iustus ille metus, Superio-
rum insidet animis, ne qua parte elabantur,
ne qua in erubescenda erumpant.

Quòd si iusto hoc Superiores metu ducti,
non credant honoratiora, periculum est ne
ingraues & nocituras indignationes insur-
gant,

gant, & dum se contemptos arbitrantur, in salutis suæ Religionique nocitura prorumpant; vt ad quamcunque se Superior partem flexerit; non effugiat pericula. Quare nescio an aliquid grauius euenire possit, cum neque si fidat, neque si diffidat Superior, immortificatæ huius mentis scopulos euitare possit. vt autem inter hæc turbati pectoris, tanquam turbidi maris breuia, tam certò clauum dirigat, vt in neutram partem illudat nauem; ingens omnino industria, longaque experientia, & prudentia necessaria est: ac nec in summa illa quidem semper ef- fugere naufragia poterit.

Remedia.

AB ipso Religionis ingressu peti debent. nam & iuuuiss & tutius peruincuntur mala, ac quasi in semine suo præfocantur in primo illo quiduis ferendi æstu, quàm cum mora inualuerunt, calorque ille victoriæ sui ipsius elanguit & deserbuit.

Non ab omnibus simul inchoanda res est, vnique rei primò admouenda manus, & à facilibus, minùsque radicatis initia

ducenda sunt, vt assuescat paulatim animus vincere, audeatque etiam maiora tentare.

Proderit in primis adhæc particularis examinis seria institutio, frequensque commodorum incommodorumque ex hoc neglectu nasci solitorum in vtriusque partem, exemplorumque tam veterum, quam recentium commemoratio.

Prudenter Leo monet in sermon. de natali 7. Machab. *Toties peccatis morimur, quoties in nobis peccata moriuntur. & pretiosa in conspectu Domini etiam ista mors Sanctorum est, vbi homo occiditur mundo, non terminatione sensuum, sed sine vitiorum.* & Augustinus Epist. 114. ad Sophiam. *Moriatur homo, ne moriatur; mutetur ne damnetur.* optanda mors, qua vna viuimus, qua spoliati morimur. prudens delectus, mori vt viuas: non viuere, ne moriaris. bene viuit qui moritur. felix mors qua vna viuimus: infortunata vita qua morimur. Habemus in hanc rem illud Domini. Luc. 14. *Si quis venit ad me, & non odit patrem suum, & matrem, & uxorem, & filios, & fratres, & sorores, adhuc autem & animam suam, non potest meus esse discipulus.* & apud Ioannem Ioan. 12. *Qui amat*

amat animam suam, perdet eam: & qui odit animam suam in hoc mundo, in vitam æternam custodit eam. Eleganter in hæc verba Augustinus Trac. 51. in Ioan. Magna & mira sententia, quemadmodum sit hominis in animam suam amor ut pereat, odium ne pereat. Si malè amaueris, tunc odisti: si bene oderis, tunc amasti. felices qui oderunt custodiendo, ne perdant amando. & Chrysostomus Homil. 66. in Ioan. Aenigmati simile hoc dictum videtur: non tamen ita est, imò verò precipue sapientiæ plenum. Et quomodo qui amat animam suam, perdet eam? qui absurdus eius cupiditatibus obtemperat, qui præter debitum ei indulget: quemadmodum è contrario, qui odit eam in hoc mundo, custodit eam: hoc est qui non paret ei cum noxia iubet. Facit hoc Religiosus omnis, qui se salutemque suam amat. mortis huius non tantùm oblatas fortiter amplectitur causas, sed ultro quærit, tanto futurus Deo gratior, quanto pluribus mortibus nobilitatus. fecunda mors, qua centupla scæneratione in vitam exurgimus æternam. eo magis quòd interminantem habeamus Dominum: Ioan. 12. Nisi granum frumenti cadens in terram mortuum fuerit, ipsum solum

manet. & Apostolum ad Rom. 8. *Si secundum carnem vixeritis, moriemini: si autem spiritu facta carnis mortificaueritis, uiuetis.* & de se Propheeta Regius Psal. 43. *Propter te mortificamur tota die, estimati sumus sicut oves occisionis.* monet-que Apostolus Coloss. 3. *Mortificate membra vestra quae sunt super terram.*

CAPVT VII.

Regularum etiam minimarum neglectus.

DE quo illud dici potest. Eccli. 19. *Qui spernit modica, paulatim decedet.* & ferè à minimorum neglectu & transgressione itur ad maiora; vt hæc minima, gradus quasi quidam sint ad ingentia præcipitia. neque facillè quisquam primo quasi saltu ad deterri- ma descendit. à paruis ferè initis ad summa exurgimus, & maxima quæque mala à tenuis- simis profluxere principis; quæ neglecta, nulla postmodum arte reparanda damna attulerunt. Nec mirum à tam leuibus sub- nasci maxima: serpunt enim mala, & dor- mientibus nobis, ignauoque quodam som- no illis, succrescunt teneerrimi frutices in arbores

arbores ingentes, quæ superbo postmodum
vertice de roboe suo gloriantur, despe-
ctantque infra se posita.

Nec inter parua hæc numeranda, à qui-
bus ad maxima decurritur, ad immania vo-
cationum præcipitia, ad carnem & sangui-
nem, & omni ordini erubescenda. ita te-
nuis nubecula, solis prospectum adimit: &
parua paruis innexa animum densa caligi-
ne cingunt, prospectumque ut meliorum,
ita & periculorum adimunt. Sanè à scintilla
neglecta ad humilem arenam nobilissimæ
prostratæ iacent ciuitates, è leui vulnere &
morbo, frequentes magnorum mortes. &
non gutta cauat lapideum? tam mollis ele-
menti pars minima saxa & rupes. & stillici-
dia rara tectorum, ferrum & chalybem, &
durissima quæque marmora, ferro non rarò
imperuia, exedunt.

Iam quàm magna è minimis prostrata
iacent? à tineis & blattis emedullantur ro-
bora. & minimum animal, fluctuum rabiè,
ventorum sequitiam, & nauium ludit magni-
tudinem. à cuniculis & formicis vrbes euer-
sas legimus. crocodilum ichneumon inte-

rimis, basiliscum mustela, bufonē araneus,
& ab imbelli populo & sudibus armato in-
gentia armata agmina internecone deleta
sunt. Eua in vno serpentis alloquio perit, A-
dam in Euæ? in de in omnem posteritatem
vnius pomi improbitas transit: & pereunt
tot millia quæ totius paradisi nec cespitem
nouerant. in vno mulieris aspectu cadit Da-
uid, leones & vrsos & Goliadas assuetus
sternere; in Dalila Philistæorum terror vi-
ctorque Samson, in variis Salomon. pietas,
fortitudo, prudentia, qualia nulla ætate, in
femina iacent. & non nobilissimi ductoris
felicitatem vna Iudith stirit? & quantula res
mulierculæ aspectus vnus, familiarior ser-
mocinatio vna, curiosior non casti penicilli
intuitus vnus, impurior calamus, lasciuior
cantus, mollia verba? & tamē in omnem ex
his ætatem bellare tulit non vnus, & intulit
sepulcro vulnera, ab vno curiosiore oculo-
rum iactu, vna in omnem vitam pœnitenda
lasciuioire lectione, vno leui infeliciq; con-
tractu. Dictum verē Curtij li. 6. *Nil tutū in ho-
ste despicitur: quem spreueris, valentiorē negligē-
tia facies.* Quātā deinde, ac quām validæ res
ē mi-

è minimis exsurgunt : è tenui limo ingentia licia , è minimo semine ingens arbor exoritur , è zizaniorum vna aut altera plantula neglecta totus siluescit ager. & quid inualidius stramine & serico adnecte, & nullis viribus confringes. è minimis arenis ac lapillis quanti surgunt montes, vastissima palatia, superbissimæ moles, cellissimæ turres? quæ iisdem quibus steterant artibus euertes. minimorum aggestione steterunt, minimorum ablatione corruent, & quàm tenuibus initiis ad summam erigimur eruditionem? è minimis elemētis, è mutis inanimatorisq; voculis. è paruis etiam opibus ad auri talenta, è plebeio sago ad orbis imperia.

Te pescit in his paulatim Religionis ac instituti sui amor, dum ea negligunt quæ proprii instituti sunt, & per quæ magis etiam, quàm à maximis, ab aliis distinguimur. Votorum namque obseruationes & violationes, cōmunes omnibus reperiēs, si votorum vim roburque spectes. minora reliqua licet sint, tamen ab his discriminibus & ornamentis, reliquorum discrimina nascuntur. Et ferè qui vocatione deserta, sæculum

petierunt, à minimorum neglectu ac contemptu in ceperunt, à quibus pedetentim ad extrema venerunt. Verus dictum: Nemo repente factus est pessimus. nec solet humani generis hostis ad immania quædam scelera Religiosum primo impulsu propellere: paulatim, ac quasi non sentientem ducit ad præcipitia; è quibus sera sæpe penitundine vetera respectantē ad malorū profunda deturbat.

Tepescit perfectionis desiderium, incredibile enim est quantum leuiores hæc profectum ornatumque secum trahant; vt si quis in veste aureas hinc inde licet minutas stellas interspergat, venustiores lōgè dabit, vt credas aliam ab illa priore: ita in Religioso, minimorum obseruatio magnum decus splendoremque adfert, vt toto cælo alium horum obseruatorem putes ab eorum violatore, & tanquam alienæ militiæ, ductorumque diuersorum stipendiarios.

Tenebrescit deinde paulatim his quasi nubibus, obtegiturque; mentis nostræ lumen; & obscurantur animorum radij, quibus ductoribus ad virtutum summa ducebamur, collustrabamurque; in perfectionis semita.

La-

Labascit etiam amor Dei, diuinarumque rerum, dum paulatim abducimur à perfectionis studio; tædet laboris, minora errata, leuioreſque offeſſiones nihil facimus. Non ſunt amantiſigna ſolis mortem inferentibus terreri, & auocari ab amati offeſſione: ſigna ſunt in amore languentis ac repentis. Nam quis hic amor, promiſcuè nō tantum offeſſendere amatum, ſed prona voluntate ferri in haſ offeſſiones? Sanè nemo negare poteſt, diminutiones hîceſſe amorum, tantoque plures, quanto in pluribus transgredimur, & deſſectimus ab iis, quæ illi amica & accepta ſunt. Quiſquis enim amat, ſi verè amat, minimam amati vitabit offeſſionem, & ſauioſſorem morte omnem amati offeſſam æſtimabit: adeoque ferrum antè & ſecures patietur, ac in medios etiam deuolabit ignes. mites flammæ ſunt, dulce ferrum eſt, ſi in eum locum deductum ſe viderit, vt aut offeſſendus amatus, aut illa eligenda ſint; oculosque ſuos in amati oculos deſert, in illis habitat; illis teſtibus, iudicibus, præmiatoribus res omnes peragit; diſplicere ſi quid ſenſerit, mortem antè deliger,

liget, omni offensa mitiorem.

Quare quicumque Religiosus vero fertur in Deum amore, eum vocationis suę auctorem ac ducem, etiam in infimis quæret in quo placeat, fugiet in quo displiceat. ac instituti solius amore, si verè amat, nihil patietur negligētia sua effugere, nihil intepestere: ac quadam illius quasi zelotypia tactus, minima maxima arbitrabitur, & ab illis deflexisse, à magnis aberrasse putabit.

Nec diabolus Religiosum primo aggressu in magnis petit: scit se repellendum. à minimis paullatim ad ingentia præcipitia ducit, sera in lapsu pœnitentia. suadet Eremitæ pascere gallinas, inde gallum, tertio ancillam quæ nutriat, tandem in illa lapsum. Sed neque quisquam à Religione cecidit, è tam nobili celsoque vertice ad profunda valliū, qui non per minima delapsus sit. nec præcipitia timuit qui in minimis stetit. & ut nemo repentè fit optimus, ita nec pessimus. gradatim & per minima ad illa exurgitur, ad hæc descenditur. ita rapidissimi torrentes, vastaque flumina, à lentis minimisque fontibus, ingentia maria à non magnis flumi-

mi-

minibus enascuntur. vt verum sit illud Gregorij in Pait. par. 3. Hoc agit sentina latenter ex-
crescens, quod patenter procella saeuens. & minuta
sunt quæ erumpunt in membris per scabiem vulne-
ra, sed cùm multitudo illorum innumerabiliter oc-
cupat, sic vitam corporis, sicut vnum graue infli-
ctum pectori vulnus necat.

Remedia.

CVm natura sua facillima curatio mini-
morum sit, neglectus tamen difficilli-
mam illam facit. fit enim vt, cùm minimis
indormiamus, ac extra metum in illis verse-
mur, à neglectu tanta incrementa sumant,
vt antè perimant quàm metum incuriant. &
licet non rarò à tepore spiritusque quodam
languore neglectus hic proficiatur; à su-
perbia tamen frequenter originem trahit.
quasi indignum sit virum doctrina ac pru-
dentia clarum, talibus alligari. quæ res cùm
ad præsumptionis præcipitia ducat, inge-
nium causa malorum est. Sanè non sunt par-
ua quæ ad interitum ducunt, quæ diuinum
amorem, vocationisque minuunt, quæ
que à perfectionis studio deducunt, quæ
ad

ad ingentia, non longa manu præcipitia ducunt, & ad nullis postea votis lacrymisque emendanda mala præcipitant.

Cogitet neglectum hunc minimorum paullatim ire ad plures, abireque in posteritatem. principiis, proinde obſiſtendū moment prudentes. nec contenti summa cacumina reſecaſſe; ad radices manus ſecureſque admouendæ ſunt. niſi enim ad viuum reſcindantur, ac in ſemine ſuo euellantur; cum fœnore repullulaſcent mala, & agrum alioqui fœcundum, tanquam iniecta manu occupabunt. Nemo igitur prudens malorum initiis ignoſcet, ſecutura verebitur, & ventura mala in radice cōſcindet. tutò hoc fit, nec magno molimine, cū tenero adhuc frutice leui manu ſpurium germen euellitur. in quo, vbi adoleuerit, expugnando ignibus & ſecuri opus eſt.

Cogitet deinde de omni verbo otioſo reddendam rationem. grauis omnino res cū minimorum tranſgreſſio reuocanda ad iudicium Dei eſt. iam vt damnatio in violatoribus, ita præmiatio in obſeruatoribus conſideranda. præmiator enim Deus, non
quanta,

quanta, sed ex quanto res proueniant intuetur. Hinc illud Mat. 25. *Euge serue bone & fidelis, quia super pauca fuisti fidelis, supra multa te constituam.* & illud Lucæ 19. cap. *Quia in modico fuisti fidelis, eris potestatem habens super decem ciuitates.* Magna paruorum merces; ut ingens in transgressore paruorum pœna. cum qui talentum domini suffoderat pœnarum metu, audit: Mat. 25. *Inutilem seruam eijcite in tenebras exteriores: illic erit fletus & stridor dentium.*

Seria hic adhibeantur minimorum examina, ut capiamus (Cant. 2.) *vulpes paruulas quæ demoliantur vineas.* in magnis enim vix opus monitore. à subdolis & ex inuidiis irruentibus cauendum. & sanè non facile labetur in magnis, qui parua studiosè vitat. quid? quod qui parua vitat cauétque ne in his offendant Deum, ne Ordinum statuta transgrediatur, ingētem Dei & vocationis amorem ostendat. Et sanè nemo filius in oculis piæ matris patrique, nemo seruus in oculis domini & regis, nemo reus in oculis iudicis, etiam in paruis delinquit: nos in oculis magni Patris, Domini, Regis, Iudicis, Dei, quid

quid facere debeat?

Seriæ etiam Superiorum monitiones, & pœnitentię; ita tamen vt ne nimiùm frequententur, ne quafi in consuetudinem vertantur, ac tandem in contemptum: rariora proinde in hoc genere placent magis, sed quæ pondere suo premant. secreta seriâque adhibeatur monitio: periculorum malorumque impendentium metu, exemplisque aliorum, qui ab his principiis ad extrema deuenerunt, terreantur: dedecore etiam proposito, cùm indignum sit illum qui sæculo opibique contemptis, calcata carne, dignitates spreuit, ab his minimis vinci, dextramque, ac victoriæ signum tam leuibus præbere: quæ cùm in virum, vereque Religiosum inciderint; non magis illum lædere, quàm illi sa tectis grando consuevit. & ferè qui in paruis se virum ostendit, is non tam animum quàm maiorum sibi materiam ostendit defuisse: maioribus etiam animis ad hæc procururus; vt à quibus scenam mercedemque sperabit ampliorem.

Vt amur iisdem artibus quibus ad lapsum diabolus. è minimis ad maxima ducit, ad
im-

immania scelera; è minimis nos etiam abducamur ab illis, ducamur ad virtutem. certè minimorum cura & studium ab imminenti non rarò nos exitio tueri solet. ita summa libidinum proritamenta, minimarum regularum cogitationibus propelluntur. nec alia re certius tutiusque aut tentatio fugatur, aut inflammatio tanquam iniecto flumine extinguitur, aut commotio quantumvis valida sedatur, quàm variarum minimarum rerum ab illis remotarum seria cogitatione; vt obiectorum fortuitò capillorum, asserum, tignorum, tenestraum, similiùmque rerum leui ac transcurtoria enumeratione.

CAP. V T VIII.

Silentij transgressio.

QUANT A è loquacitate, liberáque quidvis quouis loco effutiendi licentia, mala vereri debeamus, nemo ignorare potest; cùm paulatim ex hac silentij transgressione, à vanis ad nocitura decurramus; minúsque iam circumspecti negligentioresque

resque verborum nostrorum obseruatores, facile etiam apud externos in penitenda labamur. Neque enim modum adhibere currenti, ac per præcipitia prolabenti facile est: nescit enim finem sui, qui labitur, donec per infelices circumuolutiones deponitur potius, quam cõquiescat. Idem in hoc linguarum procursu reperies. facilius vniuersim sistitur, quam vt in medio prolapsu repræmatur. assuesce silentio, etiam cum voluprate taciturnitatem coles: assuesce fabulis, cū mœrore linguam continebis. tantum in vtramque partem assuetudo valet.

Ac vbi paulatim inter domesticos creuerit hoc malum, nihil tam sanctum est, quod in sociorum sinum non diffundatur. nascitur quiduis effuriendi libertas, secretum res postulet, an secus: damna ex euagatione secutura sint, an bona, iuxta habetur: dixisse enim, terminus est, vt quæ voluntur corporum, iacuisse.

Assuetus deinde animus quiduis profundendi libertate, nihil, nec externis quidem clam facit; amici illi, an inimici sint, pro eodem habet: neque enim personam intuetur,

tur, sed effutiendi quod concreditum illi erat, libidinem. Sciendū Sapiens Prou. 25. *Sicut vrbs patens, & absque murorum ambitu, ita vir qui non potest in loquendo cohibere spiritum suum:* Greg. Past. p. 3. cap. 15 *quia enim murum silentij non habet, patet inimici iaculis ciuitas mentis: & cum se per verba extra semetipsam eijcit, apertam se aduersario ostendit. quam tanto ille sine labore superat, quanto & ipsa quæ vincitur, contra semetipsam per multiloquium pugnat.*

Itur deinde ad mulierculas, & huic tam prodigo omnis secreti sexui domestica committuntur, ac cogitata etiam propè scelera; plusque illis iam creditur quam Superiori, quam Parenti: quibus tacuisse, crimen est; maximè dum inter socias mutuo prouocamento quidquid reconditum erat, produnt in amicitiae quoddam pignus, nouique fœderis testationem.

Sequitur deinde ex hac prona locutione noxia in omnium mores vitamque curiositas, cum mens confabulationibus assueta, destituta proprijs, aliena quæ narret quærit. si obuia delint, intima scrutatur, & nunc per ambages, nunc dolis & astu, nunc aper-

aperto cœlo profunda rimatur: nec quidquā
tam abditum, quod horum oculos aures-
que fugiat: & dum gloriam quandam à no-
tuarum rerum narrationibus venantur, nihil
ne in amicissimo quidem intactum relin-
quunt: & cū vera desint, ad vanum suspi-
cionum suarum campum decurrunt, & in
alieno agro, etiam hyeme media, quod do-
losa metant falce reperiunt; mendaciis, cū
veris desituantur, diuites. inde plenis iam
plauitris, aliorum fama prostituitur, & ille
ingeniosissimus habetur, qui de suo quā
plurima in alieno reperit, & mendacio, tan-
quam peregrina veste eiusdem contubernij
socios induit; fitque dicendi quodam vsu
ac consuetudine, vt falsa pro veris habeant;
non dicta, non facta vsquam pro indubitis
testatísque narrent, nec mendacium sen-
tiant mendacij auctores. abiit nimirum in
naturam, & laudem etiam sperant ab inge-
niosā criminatione. ita in aliena fama & sã-
guine natant hæ linguæ, postquam silentij
semel frenis laxatis, vicina proterūt pascua,
proculcant nemora; improba linguarum
falce, flore sepè medio, spem annorum mul-

torum demetunt, ter impij, in Deum, in socios, in Religionem, ac in salutem etiam proximorum, quam barbara hac libertate euertunt, dum fidem noménque eis adiungunt, à quorum æstimationis integritate plurimorum salus pendeat.

Variarum etiam in oratione distractionum occasio sequitur; cum mens tam variis onerata, ægrè se ad orationis quietem componere potest. occurrunt audita, narratâq; & quidquid imbibit curiosa in alienos mores inuestigatione, non supremis tantum natat labris, sed suprema cordis occupauit: vt dum mens orationem meditatur, importuna hæc suggestione aliò eam vocent, & ad se trahant. nec potest facilè animus tot dictorum auditorumque lusus speciebus, ad meliora se conuertere, aut supra hæc sese erigere, tanta illorum mole oppressus. Contingitque non rarò, vt nullo fecundius tempore narranda nascantur. fertilis nimirum in talibus area est orationum tempus: hîc suggeruntur, quæ alibi ignorantur: hîc inueniuntur abdita, & sociorum effodiuntur thesauri, in his sæpe defossi pectoribus

bus, densissimisq; tecti ac damnati tenebris. tantum potest inimicus homo, & consuetudine improbitas firmata.

Denique Religiosus, à quo merito perpetuam cum Deo coniunctionem exigas, totus ab illa auertitur, & in vana, ac nō profutura, noxiāque etiam profunditur. Nescit mens inhaerere Deo, sui Deique per fabulas prodiga. ignorat cum Deo coniunctionem, quæ solitudinis amica non est, cū illa in omnia se profundat temerario ausu: neque potest coniungi Deo, quæ tanta vanarum narrationum congerie disiungitur, neque tanta vanarum rerum varietate cincta, erigere caput potest, aut cælestibus inhaerere, quam narratarum auditarūque rerum maria oppreslerunt, absorbuerunt fluctus. Nō fert æmulum Deus; aut amari solus vult, aut amari non vult. quantumque coniungeris aliis, tantum ab illo disiungeris. vis illi coniungi, pelle quidquid te diiungit, quidquid alteri iungit Inter potentissima, quæ te cōiungunt alteri, loquendi quædam prodigalitas est, & narrandarum rerum curiosa inuestigatio: amat enim hæc, quicumque studiosius

diosius his incumbit ; quantumque hæc amat, tantum ab amore illius decedit; quantum accedit Deo, tantum ab illis recedit: nec alias, quàm diuinas narrationes nouit, quisque Deum amat.

Quemcunque ergo videris propensum in aliarum rerum narrationes, cogita res illas amare, Deum non amare: nam si amaret, plenus diuinis esset narrationibus. profunditur enim quisque in ea quæ amat, vt animo, sic ore: non profundi, non amare est. & ea amantur, in quæ quis profunditur. Nescit amor mentiri, vt nec tegi. prodit se ignis, & amorem suum loquitur.

Sed neque magni quidquam sperari ab eo potest qui pronus in hoc vitium est, nec quidquam Religioso dignum. vt meritò dicat Apostolus Iac. c. i. *Si quis autem putat se religiosum esse, non refrenans linguam suam, sed seducens cor suum, huius vana est religio.* Comitatur enim hoc vitium detractio, secretorum violatio, muliebris inconstantia, sæculi mores, imprudentia magna. vt meritò Sapiens Eccli. 5. *In multis sermonibus inuenietur stultitia.* & alibi Prou. 29. *Vidisti hominem velocem ad*

loquendum, stultitia magis speranda est, quàm illius correptio. sed neque diu immunis à peccato talis esse potest: Prou. 11. In multiloquio enim non deest peccatum, qui autem moderabitur labra, prudentissimus est. argentum electum lingua iusti, cor autem impiorum pro nihilo. Et Eccli. 20. Qui multis utitur verbis, ledet animam suam. hinc illa monita: Eccli. 3. Indisciplinata loquela non asuescat os tuum, est enim in illa verbum peccati. & alibi: Prouerb. 4. Omni custodia serua cor tuum, quia ex ipso vita procedit: remoue à te os prauum, & detrahentia labia sint procul à te. atque hinc illæ etiam preces: Psalm. 140. Pone Domine custodiam ori meo, & ostium circumstantie labiis meis. & alterius: Eccli. 22. Quis dabit ori meo custodiam, & super labia mea signaculum certum, vt non cadam ab ipsis, & lingua mea perdat me? magni Regis magnum votum, vt merito in clamet: Eccli. 14. Beatus vir qui non est lapsus verbo ex ore suo, & non est stimulatus in tristitia delicti. Prou. 21. qui enim custodit os suum, & linguam suam, custodit ab angustiis animam suam, neque hoc mirum videri debet, cum, Prou. 18. mors & vita in manu lingue sint; Iac. 3. inquietum omnino malum, plena veneno mortifero. & verbis
pau-

paucissimis omnia complexus mala est: *Lingua ignis est, vniuersitas iniquitatis.*

Remedia:

POenitentia transgressoribus imponatur. In inueterata verò libertate loquendi qui longius progressi sunt, remoueantur, etiam à communi recreatione; vt vel hac pœna discant moderari linguam.

Cura in Superioribus, vt recreationes religiosè transigantur.

Aliquorum, etiam primorum, maximeque spiritualium excitatio, qui reliquos in religiosa recreatione præeant, ducesque sint ad linguarum moderationem, moneantque etiam, maximè exemplo, si quis ad alia deflexerit, minusque religiosa miscuerit, præcindendo omnem eiusmodi narrationem, aliamque magis instituto consentaneam substituendo.

Seria in conscientiaë examinibus inuestigatio causæ erroris huius, periculaque; ac incommoda recensendo, præcauendo, cum firmo seria emendationis proposito, cum profunda, & non perfunctoria diuinorum

verborum discussione: Matth. 12. *Omne verbum otiosum quod locuti fuerint homines, reddent rationem de eo in die iudicij.* Addantur in omni hominum genere, damna ex hoc vitio nata: quorum frequēti commemoratione reprimat effusam hanc libertatem, quam sola sepe pœnitentia sequitur; cùm emendari tam calidè effusa, ac in extremis labris, non in corde fabricata, non possunt. neq; enim retrahi dicta possunt, aut indicta dicta semel haberi. & manet nō rarò offensio æterna, ex improvida paucorum verborum effusione nata. Accedit ferè in hac quiduis effurcendi libertate, quidquid in meditationibus orationibûsq; magno studio collectū erat spiritus boni, effundi ac euanesce. vt meritò vir Religiosus omnem expellēdo hoc vitio conatum adhibere debeat, certus magnam silentio prudentiæ opinionem colligi, magnam in humanisq; diuinisq; providentiam, raros in pœnitenda lapsus, rarissimas aliorū offensiones, magnā modestiæ famam, magnam cum Deo coniunctionem, altam internam pacem, omniumque virtutum vberem fecundamque per omnia messem.

CAPVT IX.

Aberratio ab instituto in rebus pijs.

GRavis error, eoque maior, quo sub pietatis prætextu fallit insequentem, ducitque Religiosum sub boni specie ad instituti sui alienissima: neque enim quia in se bona, ideo omnibus amplectenda sunt. quanta medicamenta multis fuerunt noxia? Et quis potest grauior error in humanis esse, quam omnes ad eadem cogere, iisdem fovere & pascere, iisdem moderi velle, eadem munia & onera, remedia eadem præscribere? Nullum propè vitæ genus est, in quo non reperies aliqua laudanda; non tamen ideo imitanda omnibus. Nullum Religiosum institutum, in quo non plurima videas admirationem decusque merentia: non tamen omnia ad omne institutum traducenda. Nam cum discrimina necesse sit esse Religionum variarum; confundit ille decorem, quem in hac varietate grata memoria decurrimus, quicumq; omnia ad omnes transferre conatur. Suos cuiq; limites præscripsit dictauitque Spiritus sanctus, suis iussit mo-

ribus contineri. non transgrediamur hæc
cælo data in primis Religionis parentibus
monita, ne plus aliquid, & supra cæli pru-
dentiam sapere videamur. Hinc illa Sapien-
tis monita: Prou. 22. *Ne transgrediaris termi-
nos antiquos, quos posuerunt patres tui.*

Nobile institutum est SS. Augustini,
Benedicti, Bernardi, Norberti, Dominici,
Francisci; sed sua cuique stat gloria, orna-
menta sua: quæ si quis in agrum suum trans-
ferat, erret. neque enim eadem fert omnia
tellus. alia atque alia pro regionum ter-
rarumque conditione, spera. omnia si omni
loco cogites, falleris: ut iam è locorum va-
rietate rerum discrimina enascantur; illa ca-
lido, illa tepenti, frigido etiam non pauca,
humido plurima; sunt quæ sicco gaudent
solo. Eadem propè reperies in variorum
Ordinum situ vario, Spiritu sancto semina-
tore, rigatore, fotore & altore.

Quare ut grauissimus saepe error esset, ex
aliena republica in suam leges velle trans-
ferre, cum alias atque alias diuersi homi-
num mores, ingenia, loci conditio, aliaque
id genus postulent; ita grauiore etiam error
foret,

foret, ex aliena Religiosa familia decerpere ea velle, quæ in tuam transferas : cùm fere ita inter se connexa sint omnia, vt qui vnũ loco mouerit, plurima mouere cogatur, magnamq; silius partem veteri decore suo spoliare. Quod si noua aliunde euocata ac mutuata inleuerit, in vno consistere non poterit; sed ad magnam receptarum antè, longaque annorum experientia probatarum rerum mutationem compelletur. quo fit, vt alia iam respublica videri merito possit, priore forma mutuatitio hoc colore deuolutata : imò monstrum è differentibus coagmentatum; vt si quis è variarum gentium vestibus moribusque vestem vnã, rempublicam vnã statuatur, si quis è variis animantibus animal vnum, equino capite, bubulo pectore, ceruinis pedibus, elephantis proboscide.

Et persuadere sibi quisque debet, quid quid à primigenio spiritu degenerat, ruinæ proximum esse. transit enim quasi in aliam familiam, ad aliena castra, ad alienas aquilas, alteriusq; ducis imperia, quisquis moribus alios proficitur, alienisq; induitur armis;

vt non immeritò militem credas. alieno sacramento obstrictum. Sanè aurigæ fortiter orbitæ insistant. nam vt vicinior planicies sit ac planior, fors tamē ea ducet ad saxa, ad dubios exitus, ad inuia. prudentissimus turissimis notisque inhæret, temerarius incerta amplectitur, & per ignota decurrit. sapiēs trita incedit semita; per inuia viam sibi sternit imprudens.

Nec minor illorum error est, qui non ex alieno agro, sed è cerebro suo nouè inuenta, quia pia, quia ad salutem aliorum, traducunt ad vitæ genus suum, degenerantes à maiorum placitis, & non pauca attexētes nobili Religionis suæ vertici, quæ nulla retro nouit ætas. Non sunt hæc viri prudentis, & instituti sui amantis: sunt proprio iudicio fidentis, & de suo cerebro nouum institutum fabricantis. tales enim cū paulatim suos à maiorum moribus abducant, adducantque ad suos, ad aliud vitæ genus suū, non maiorum transferunt; vt ignari propè rerum, aliam omnino à maioribus faciem paulatim introductā ingemiscamus: quàm cō difficilior eluimus, quò quæ sub pietatis
præ-

prætextu immissa sunt, aliùs resederunt.

Et sanè tales aut ignorantia rerum suarù
labi necesse est, aut ambitioso nominis sui
fastigio, aut quadam proprii iudicii pertina-
cia, aut denique imprudenti spiritualis pro-
fectus zelo. quidquid dixerimus, non levis
culpa est. Nam siue tam ignarus rerum sit,
vt quæ stabilicdæ Religioni necessaria sunt,
ignoret; siue veteris pertæsus nominis, ad
nouum nouo fastu cogitationes flectat; si-
ue nimia sui fiducia, longiùs quàm par est in
nouarum rerum delectu prouehatur; siue
fatuo denique zelo feratur in aliena, dome-
stica fastidiens, lata vbique culpa est, nec ex-
cusationi locus.

Dæmonum ferè fraudibus obnoxij sunt,
qui suo fidentes iudicio, noua sibi placita
commentantur, facti sibi ipsis legislatores
ac magistri. quibus ferè contingit quod æ-
groto, peritissimorum medicorum manum
negligenti, de quæ suo cerebro medicamen-
ta sibi in interitum commentanti: quod quæ
secundo prospero quæ vento nauiganti, sed
aliò vela vertenti, factus sibi ventus & infe-
lix exitus. Et sanè periculi plenissima res, à

maiorum placitis tot lacrymis rigatis, tot sanctissimorum virorum moribus comprobatis, recedere; aut de suo illis post tot magnorum testata exempla, addere aliquid aut demere. magna sanè in hac re circumspeditione opus est. Solet enim diabolus illos imitari qui sapidissimis quibusque rebus venena miscet, quo facilius incautos in errorem & interitum trahant: ut sub bonarum rerum prætextu, ac perfectionis studio, in immania præcipitia trahat. neque enim quæ apertam malignitatem improbitatemque continent timentibus Dominum propinabit; scit enim se repellendum, nec quisquam palam porrecta venena prudens haurit. sed electissimis intersparsa inscius transmittit: ut dum avidus in cibum fertur, mortem celerius accersat.

Remedia.

Occurrendum proinde est huic malo ingenti conatu, & ad viuum rescandē malorum radices, ne pullulent in interitum sementis bonæ. Cautè etiam prudenterque inuigilandum huic malo, ne grandi paulatim auctu occupet & depascat iustitia;
co-

eoque maiori providentia opus est, quo sub prætextu ac specie boni trahimur in nocitura, & interitum de propinquo sub amica specie iaculantia.

Accedat frequens lectio eorum quæ instituti propria sunt. plurima enim ab institutioni ignoratione nascuntur ab eo aliena.

Amoris instituti sui prouocatio. neq; facile ab eo aberrabit, qui illius affectum aliter in animum immisit: hîc ille, antè propositis ignibus in illos infiliet, quàm ab instituto deflectat.

Nihil nouè instituere, sine seria & repetita in arduis deliberatione, ac ne in tenuioribus quidē, quidquā è voluntate sua aliis incōsultis statuere: nec minùs suspecta habere diuersa à maiorum & instituti moribus, quàm vestem Ordinis & instituti alieni.

Suspectissima omnia habere, quæ aliorum ab instituto deflectunt, aut à maiorum semita recedunt: etiam in optimis, quæque magni speciē præ se boni ferunt, si peregrina sunt, neq; domi nostrę nata; nec Religioni consuetæ, timidè ac lentè procedere, ac non nisi matura grauique non vna prauia

deliberatione, idque cum iis qui & intelligentes, & instituti amantes sunt: saepe apud animum suum voluendo, quò hæc tēdant, quò ducant euntē; quid sperari ex his, quid timeri possit; à quo spiritu nata: subita, & tanquam à musto. è torculari adhuc spumantia, aut ab igne calentia sint; an vero à maturæ seriæque meditatione, maiorumque placitis promanantia.

Iuuabit in primis nihil, quod nouitatem quoquo modo redolet, aggredi inconsulto Præfecto spiritus, multaque ad Deum prece, & sacrificiis præmissis.

Frequens etiam consideratio finis ad quem vocati sumus: à quo aberrasse, ab omnibus aberrasse est. qui verò à mediis ad illum ducentibus aberrauit, à fine decessisse arbitrandus est. facit hoc quisquis à præscriptis in Religione mediis recedit.

C A P V T . X .

*Auersio aut vniuersim ab instituto, aut aliquibusc
instituti propriis.*

QUÆ res extremæ ruinæ proxima, & periculi plenissima est, & ferè à superbia nata; cùm quis iudicium suum auctoris instituti, totque magnorum in Religione virorum, decretisque Pontificiis præferat: aut certè à desideriis commodorum corporis proficiscitur.

Hinc videmus eos qui aut carne, aut nominis sui gloria pulsantur, cùm desperauerint ea in Religione consequi, paulatim ad instituti derogationem descendere; vt hoc quasi pallio vitia sua tegant. Sanè ubi inceperit animus se his irretire, singulaque institutionis suæ, humano sensu suo, non maiorum placitis, non tantorum annorum confirmationibus, non maximorum Deoque gratissimorum virorum comprobationibus discutere; non multum ab extremo periculo abesse potest.

Desipit deinde huic, non prima fronte tota vniuersum instituti ratio, sed vna alteraue constitutio, regula, Superioris ordinatio; inde serpit hoc malum ad plura, ac deinde corporis totius iugulum petit.

Nascitur deinde in hoc ab omnibus im-

peratis animi quædam alienatio, & tanquã febrî detentis, occupato semel palato ab humore febrili acido, dulcissima amarissima videtur: ita hominis illius obsessa semel mente ab instituti auersione, acescunt omnia. & quæ antè mollia & suauia, rationique ac diuinis consiliis ac placitis consona videbantur; ea nunc dura & aspera, & à diuinæ voluntatis decretis remotissima censentur.

Plena deinde hæc res periculi est, cum ferè eiusmodi quærant aliquem ingenij sui, cui paulatim instillent hæc venena; serpitq; hæc res non magno negotio per plures, viresque acquirit vniuersæ Religioni noxias. & ferè magis coalescunt ingenia hac similitudine tacta, mutuoque se firman't & exacuant, quàm probatissimorum quorumcunque mentes. ita ad oppugnationem, quàm ad tuitionem natura proniores sumus, & pessima quæque, maximeque noxia impetu feruntur maiore, miscenturque tanquã fatua quadam circumuolutione, secumque trahunt, quidquid solidiore fundamento caret. si quid radice tenuiore fecundo Religio-

digionis solo insertum, siquid optimæ illius
arborile cuius inculcatum, siquid trunco su-
perficiem tantum radat, id omne non ma-
gno impulsu corruere necessum est. Quare si
quem hi deprehenderint aut commodis su-
is studentem, aut obediētiæ iugum reiectan-
tem, aut potui ciboque potentiùs addi-
ctum, aut carnis illecebris proritatum, aut
in mulierum familiaritatem propensio-
rem, aut laudis gloriæque suæ sectatorem, aut
magnorum familiaritatibus inhiantem, aut
orationis studium fastidientem; perfacile in
sententiam suam pelliciunt, & ab his initiis
ad vniuersum institutum conuellendū per-
trahunt. Nec difficile est tales inuenire, qui
in aliquod vitiorum horum proniores sint,
reptosque in omnem partē flectere, ma-
ximè si accedat accuratior regularumq. ob-
seruantior Superior, qui non parcat, nec
impunita in illis delicta transeat. hinc enim
animorum commotiones, exacerbationes,
querimoniae, oblocutiones nascuntur. Com-
modum proinde turbandæ rei tempus na-
cti priores illi in sæuas propellunt tempe-
states hæc maria, arentibusque his lignis
flam-

flammas ignesque subiiciunt. & à minimis sæpe scintillis ardet domus tota: à non potenti flatu, non in iras tantum minasque, sed in furores insurgunt hi fluctus, secumque non raro in interitum trahunt domum totam.

Euitabit has flammas, venena, pestes, quisquis Deum, quisquis Religionem amat: fugietque tanquam insanos scopulos multorum in Religione mortibus nobilitatos.

Remedia.

CAusæ inuestigandæ, è qua nimirum radice germina hæc pullulent: illa enim semel resecta & euulsa, reliqua nullo impellente corruent.

Fiducia etiam in illis excitanda, vt fidenter se Superiori aperiant. Beneuolentiis etiam, ac quibusdam confidentiæ demonstrationibus in fiduciam excitandi, vbi se aperuerint, paternè iuuandi.

Veterum etiam, aliarumque Religionum exemplis, rationeque singula confirmanda, dubia excutienda & dissoluenda: in quibus omnibus magna necessum est Superiorem vti patientia; audire lubenter, operam suam
vltro

ultro spondere, nullum illis aditum ad se negare; rem modò leuare, modò periculorum vororùmque quibus se obstrinxit, magnitudinem ostendere, prout prudens charitas, & patientis constitutio suaserit.

Spiritualibus deinde exercitiis, piorumque librorum lectionibus talis iuuan-
dus.

Proderit etiam per spiritus Præfectum, aut per alium virum cordatum, cui æger plus fidat, medicamenta malo huic propinare, maxime si quando aliquid alienationis ab ipso Superiore intercurrat; quod ferè talibus euenire solet.

Dispiciendum deinde, an per alium Superiorem æger noster, aut loci mutatione iuari leuarique possit: nec quidquam o-mittendum quod ad latentis huius mali venenum vtile futurum sit. Neque enim malo huic indormiendum, cum ferè magno impetu incrementa sumat, vbi primum hominem occupauerit. Quare nullis hîc laboribus parcendum, frequenter, & in omnem partem versandus æger, nullaque non medicamenta tentanda sunt.

Iuuerit

Iuuerit etiam piarum occupationum varietas, à quib. minùs abhorret. Familiaritas etiam illorum, qui in virtutibus magna incrementa fecerunt, & à quibus nullum in hoc hominù genere periculum. Auocatio etiam conuersationis illorum, qui faciles ad hæc mala sunt, minoresq; in instituti amore progressus fecerunt. Communes denique preces, ipsiusq; in primis Superioris, cui vt pastori, hæc cura magis incumbit.

C A P V T X I.

Æmulationes, etiam in rebus piis, & instituti propriis.

VT euenire frequenter solet in lectionibus, concionibus, confessionibus, catechizationibus, externorum familiaritatibus, aliisque generis eiusdem; cum paria aut plerumque superiora etiam cogitemus, quæ cum ingenio, naturæque dotibus assequi non possimus, decurrimus ferè ad alienorum dictorum factorumque improbationes, depressiones, criminationes, tanquam si his alienæ famæ derogationibus, viam ad gloriam nobis sternamus.

Nc

Neque res alia Religiosum ad alienarum virtutum, nominisq; boni detractiorem facilius deducit, vt non errauerit, qui exitialem hanc Religionum pestem dixerit: nam & virtutibus derogat aliorum, & propria deuenustat ac enervat: nec quicquam iam illi placet, semperque reperit aliquid quod reprehendat, ac in omnire magna tantam miscet acoris ac toxici, vt vniuersam massam venenet, laudēque sua, meritoque decore defraudet. Ingeniosa nimium omnis æmulatio est, nec vnquam ei quod reprehendat, deest: fœcunda damnationis mater, vt si rem non possit eleuare vniuersam, maximam tamen laudum partem detrahat, & ad apertè decurrat falsa, ad manifestas criminationes: & cum vbique talis dictorum factorūque alienorum vituperator ac damnator sit, tum suorum ingens laudator est. Quæ res etiam in rebus magnis fidem ei detrahit: assueti namque auditor es narrationum excessibus, nec cum vera quidem narrat, fidem inuenit. Habet hoc nimius laudator sui, vt fide etiam in verissimis careat.

Sed

Sed neque diu latere hæc studia possunt, prodūt se & vulgatione sui, animorum primum alienationes, inde etiam odia concitant, contrariâque studia, quacunque via, proba an improba adiuuanda. Ita æmulationis omnis, quæ superbiam innititur, cum virtutum media & adiuumenta desint, à vitiis auxilia mutuatur, immemor mutuae caritatis, instituti, & Dei. Acutè & verè in hac materia D. Augustin. tract. 32. in Ioan. *Tolle inuidiam, & tuum est quod habeo: tolle inuidiam, & meum est quod habes. luor separat, caritas iungit.*

Nec inter domesticos parietes se malum hoc continet, decurrit ad externos; ita proditor affectus sui, fit æmulator omnis; causamque præbet cur & externi descendant in partes ac factiones denique: ingentesque aliorum animis dissensionum suspiciones ingenerat, quæ ad vniuersi corporis subuersiones tendunt. Neque Deo, aut gloriæ illius, sed sibi nominique suo æmulus omnis studet; paulatimque ab instituti & animarum zelo degenerans, ad laudes suas commodaque labitur, vt laborum sudorumque suorum finem seipsum sibi statuatur.

Videt

Videt in alio, auditque laudanda? indig-
natur ringiturque, & aut improbat, aut mi-
nuit laudem, semperque aliquid solers in-
videntia, etiam in laudatissima re quod vi-
tuperet, inuenit: sapiusque lubentiusque in
externorum, quam domesticorum procur-
rit laudes. etiam in hostium religionis ac
hæreticorum scriptis, quod obseruatum nō
semel, inueniet quod prober; in domestico-
rum verò quod vituperet; quasi domesticis
laudibus aliquid detractum eat suis. contin-
gitque non rarò, vt quæ externi summa in
aliquo & admirantur & prædicant, ea nos
ingenti conatu deprimamus, stupentibus il-
lis, & admiratione quadam attonitis, cū
in suos exurgere vident viros religiosos, in-
uidiæque odióque gravidum pectus æmula
prodant verba: indeque iam profiliunt fa-
mæ nominiq; dedecorationes; fitque vt
quos Religio laudatores sperabat, vitupe-
ratores inueniat. Insurgunt nimirum in ma-
trem filij, cū filiorum vituperationes eant
in matrem, magno non infrequenter totius
Religionis damno; cū iudicia hæc pluri-
mū integra regna peruadant, arbitrentur-

que

que quorundam hanc sententiam, vniuersæ Religionis sensum esse.

Bene in re nostra Gregorius Magnus. Past. p. 3. c. 11. *Quid istis infelicius, quos dum congesta felicitas afficit, pœna nequiores reddit? aliorum verò bona quæ habere non possunt, si diligeret, sua facerent. sic quippe sunt vniuersi consistentes in fide, sicut multa membra vno continentur in corpore; quæ per officium quidem diuersa sunt, sed eo quo sibi vicissim congruunt, vnum fiunt. vnde sit vt pes per oculum videat, & per pedes oculi gradiantur, ori auditus aurium seruiat, & ad vsum suum auribus oris lingua cōcurrat, suffragetur vëter manibus, ventri operentur manus. In ipsa igitur corporis positione accipimus, quod in actione seruemus. nimis igitur turpe est non imitari quod sumus. nostra sunt nimirum, quæ etsi imitari non possumus, amamus in aliis, & amantium fiunt quæ amantur in nobis. Hinc ergo pensent inuidi, caritas quantæ virtutis est, quæ alieni quoque laboris opera nostra facit sine labore. Dicendum itaque est inuidis, quia dum se à liuore minimè custodiunt, in antiquā versuti hostis nequitiam demergantur. Admonēdi sunt inuidi, vt cognoscant quantis lapsibus succrescentis ruinae subiaceant, quia dum liuorē à corde non projiciunt,*

ſciant, ad apertas operum nequitias deuoluuntur. niſi enim Cain inuidiſſet fratris acceptam hoſtiam, minimè perueniſſet ad extinguentiã vitæ. liuor itaque ſacrificij fratricidij ſeminariũ fuit. Dicendũ inuidis, quia dum ſe iſta intrinſecus peſte conſumunt, etiam quidquid in ſe aliud boni habere videntur, interimunt. vnde ſcriptum eſt, Pro. 14. vita carniũ ſanitas cordis, putredo oſſium inuidia. quia per liuoris vitium ante Dei oculos pereunt etiam quæ humanis oculis fortia videntur. oſſa quippe per inuidiã putreſcere, eſt quadam etiam robuſta deperire.

Remedia:

DEVM in omnibus quætere, illũque vnum ſibi laboribuſq; ſuis proponere: nec aliud in hiſ, quàm & illius gloriam, & animarum ſalutem intueri. quod qui conſecutus fuerit, non facilè per æmulationum præcipitia labetur, prudens in ſolido pedem figere, in ſolius nimirum diuini nominis propagatione.

Proderit etiam meminiffe damnorum ex æmulationibus naſcentium, cùm fere nunquam illæ ſine alterius, aut vtriuſque etiam partis interitu, aut ſine graui damno finian-

tur, maximè ubi se illæ prodiderint: tunc enim in apertam itur dissensionem. non desunt auctores alendis his ignibus idonei, donec erumpant in apertas flammæ, in incendia & cineres: nec antè ferè finem faciunt, quàm lata partium tegantur ruina, quæ corpus simul vniuersum in periculorum & damnorum partem trahit.

Inuabit etiam frequens cogitatio præmiorum à Deo repositorum his omnibus, qui totis animis illi, cui omnia debemus, non sibi nominique suo laborant.

Et sanè miserum est à sola populari laude præmia sperare, quæ aut cum vita, & plerumque ante illam, finiantur; qualia euenire ab æmulo hoc liuore consueuerunt. Prudens ille est, qui pulso hoc monstro illi vni fudat, à quo æterna sperat, omnemq; aliam cogitationem aliorum ducentem contemnit & calcât, tanquam cælo speratorum præmiorum blattam ac tineam.

C A P V T XII.

Amor sui.

Hinc

HINC nasci videmus non leuia mala, murmuraciones, impatientiã, parendi difficultatem, cùm imperantur quæ minùs placent, minusque ex honore suo esse iudicauerit qui hoc malo tenetur; indignationes, etiam & alienationes, grauesque animorum mœrores consequi solent: contemptus deinde aliorum, censuræ graues, detractiōis studium, quo quidquid in aliis magnum, deprimunt, vt sua extollant; delectus etiam rerum, muniumque ad honorem spectantiũ; familiaritas cùm viris magnis principibusque quæsita; contemptus plebeiorum, operumque vilium; captatae confessiones primorum primarumque quarumcunque, neglectus infimorum: singularitates denique, ac prærogatiuæ in rebus honoratioribus concessiones. Sequitur pœnitentiarum & asperitatum, omnisque mortificationis fuga, iudicii que sui tenax in omnibus sequela, primarumque vbique partium postulatio: ingens denique inquietudo mentis, si quid sentiant detractum gloriæ, si quid non concessum, si frustrata vota, nec expletum omnibus desideria, quæcunque ea de-

demum fuerint.

Concedit Superior quæ aut honori tales suo, aut commodis idonea arbitrantur? nullus rogandi finis: neque enim modum sibi amor sui statuit, delabiturque indies ad notia; ut vnius rei cōcessio gradus sit ad aliam, accenditurque hoc exemplo reliquis animus ad paria audenda & petenda; ut qui antè nec cogitationes quidem harum rerum admittebant, nunc exemplo moti, tâquam valido vento plenis velis ad similia ferantur; & imitari nunc palàm delectet, quod priùs ut tentationem taciti auersabantur.

Quòd si neget Superior, & abnuat rogata, exurgunt ad indignationes, decurruntque ad dolos & subdolas machinationes, ad intercessores etiam externos: & quasi ultro oblata ab illis, quæ nostris impulsoribus donata sunt, non illubentiùs quàm audacius accipimus. Ita paulatim & paupertatis, & obedientiæ ornamenta detrahuntur; & parte maxima pristini roboris spoliantur ac nudantur.

Est & illud in hac re in primis perniciosum, quòd ferè huius generis homines laborem

borem omnem fugiant, sectentur otia: ardua ne attingunt quidem, aut si tangunt, leui decurrunt manu, & superficiem potius radunt, quàm in latentia petant. Nihil proinde magni ab his sperari potest, quæ ferè innumeris difficultatibus, tãquam vepribus, ac densis vndique spinis oblecta sunt. nana vt primùm asperiora senserint, manum retrahunt, & ad mollia flectunt, deligunt quæ in ignaua potius commoditate sordescere, quàm per ardua viam ad magna sternere: aut si quando ad difficilia dexteram porrigant, non extendunt conatum ad maiora, quàm quòd eos honoris ac dignationis propriæ libido impellit: vt nunquam, aut nusquam eos Dei solius, aut Religionis gloria, aut animarum salus, sed proprium decus ad angusta protrudat.

Quæ res cum verè Religionis affectu diu stare nō potest, atque ita præterquam quòd meritum omne corruat, domesticæ mutæque Religionis amor diu consistere nō potest, aut locum, quem debebat, tenere. Vnde minor iam vocationis amor, auersio etiam, & vniuersim ab illa subductio &

fuga, ac tandem odia nascuntur, & alterius vitæ cogitationes, nausea præsentis, & ingens fastidium.

Atque hinc gratiam venantur externorum, amicos sibi parantes in extremam hanc fortunam, & plurimum deteriorem sexum sibi conciliant, apud quem domesticas etiam querimonias deponunt: quod sexus ille facilius in commiserationem sit, & laxiores affectui habenas concedat, maximè si paribus exciteretur. quæ res à periculo longius abesse non potest; accenditur enim utrimque animus, ac tanquam ignes duo, mutuis se exacuunt flammis, celerius perituri, & in cineres dilabendi.

Et nihil in his dein sanctum aut sacrum est, quod non faciles lubentésque prodant, nihilque adeò reconditum, etiam cum alterius; ac non rarò cum Superioris ipsius dedecore coniunctum, quod non vltro profundant, & denuntient illis, quæ nihil arcanum norunt, nisi quod ignorant; quibusque adeò etiam ignorata pro certis vulgantur, neque diutius silent, quàm socia aut auditrice destituuntur.

Nec

Nec quisquam Superior voluntati taliū faciet satis, aut explebit cupiditatem: semper enim in quocunque Superiore quod desiderent aut damnent, reperiunt, etiam in beneuolentissimo viro. omnia enim concedere, impossibile est; pauca verò, imò vnum illis negasse, omnia negasse est: immemorēque beneficiorum præteritorum, ad sola præsentia mentem conuertunt, reliquorum obliti. adeò eos commodorum suorum vota cæcarunt, vt nisi omnia concesseris, omnia negasse videaris: ferunturque in hunc, tanquam in iuratum commodorum suorum hostem.

Sed neque serias vllas monitiones admittunt, non molles ac lenes: ita dum peccare impunè volunt, puniri nolunt: vt nihil reliqui amor sui fecerit, spe propè omnium commendationis adempta, quam extrema quædam salutis ac vocationis præcipitia.

Sequitur indiuiduo quodam nexu amorem sui, ingens ignoratio sui. vt in rebus suis in perpetuis tenebris ac densa vbique nocte ambulent. acciditque his qui hoc vitio tenentur quod phrenesi laborantibus,

qui quo propinquiore mortis sunt, eo se valentiores arbitrâtur, pereuntq; dum in summa valetudinis bonæ opinione sunt. E quo deinde errore stolidissima sequuntur confilia, audent viribus non imparia tantum, sed & sibi & Religioni noxia. nec remedia sperari possunt, cum & graui teneantur ignorantia morborum suorum, nec monentes admittant. sibi nimirum illi sapiunt, reliquis fidem abrogant: vt omni planè spe careant valetudinis bonæ.

Cumque cæci in suis sint, oculatissimi in alienis sunt. monstro similes. domestica & e propinquo sua non vident, remotissima aliena vsque ad ossium medullas, scrutantur. quin etiam vident in alio quæ nusquâ sunt: cum solis suspicionibus in aliorum vitiis oculos habeant, in quorum tamen laudibus oculis carent. si quid lucis in aliis, nihil vident; si quid tenebrarum, vident. noctemq; non rarò in alieno cælo reperiunt in quo plenissima lux est, diemq; in densissima nocte sua vident ita in nocte diem, noctem in die reperiunt; prodigioso vbique errore. tantum cæcus potest amor sui. minima illi in alio

lio vitia maxima sunt, verruca mons est, pilę
surgētes cęlo rupes, festuca trabes, risus ful-
mina cęlo iaculata: in se ingentia criminum
saxa nulla sunt, montesque & superstantes
nubibus rupes, nulla sunt. quid? quod vitia
etiam sua virtutes arbitrentur, infantiam e-
loquentiam, imperitiam scientiam, fatuita-
tem prudentiam, morositatem lenitatem,
asperitatem suauitatem. quo fit vt in graui-
simos errores labantur. nemo mirabitur qui
cogitauerit oculos illos habere toxico sagi-
natos, ac in alienis inuidia ac odio, in suis a-
more sui grauidos: febri deinde illos maligna
teneri. quo fit vt suauia illis amara, mella
fella videantur: amorisque sui veneno farti
ac saginati, nil pręter venena in aliis vident,
& cum improbitate ingeniosus hic amor
est, siquid inter ingentes aliorum virtutes
non laudandum latet, aranearum more ex-
ugit, optima intacta relinquit.

Succrescit deinde ex hac improba radice
amoris sui, Dei diuinarumque rerum den-
sissima ignoratio. cū enim in omnibus se
solum, cōmoda, honoremque suū intueatur
qui hoc malo tenetur, fit vt longissimē ab-

fit à diuinorum consideratione cognitioneque. quòd si quæ cælestia intueatur, non videt ea nisi qua parte commodis illa suis subseruire possit arbitratur. & sanè tegitur spissa quadam nebula quicumque hoc vitio laborat, vt cælestis solis radios intueri non possit: aut si quos intueatur, facit eorū more qui per obscuram nebulam, vestigia quædam cælestis luminis intuentur.

Cū verò fiducia sui ab amore sui nata castimoniam sit hostis, fit vt mille se pudicitie periculis induat, quicūq; plus æquo prudentiæ suæ innititur. & antè labatur infelix quā damna senserit. cumque commodis suis impensè studeat, delectatur mollibus, & corpori amica auidus amplectitur: effundit se proinde facile in cibum & potum, castitati inimica. accedunt excuiationes in omnibus sui, spretaq; prudentium monita. quo fit vt cū in præcipitio steterit, præcipitia ignoret, & antè per inuia infortunatissimo lapsu deuoluatur quā periculū adire se sciret.

Scinditur exinde vniuersæ familiæ caritas mutuaq; animorum coniunctio, qua vna Religiones firmantur, ac tanquam ine-

nodabili vinculo connectuntur. cùm enim singuli paullatim hõrum exemplo rebus suis studeant, fieri non potest vt coalescant animi, dum singuli, se suaque commoda, honores, reliquaque præferri volunt aliis: quæ cùm mutuo se iugulent perimantq; , necessum amorem interire, amicitiamq; , penitus omnem ab illa domo exulare. nam nisi omnia probes quæ cæcus amor sui ambit, amicitia collabascit. omnia probare in tanta iudiciorum diuersitate impossibile est, nisi adulatio rebus misceatur, quæ cum germano amore stare non potest. accedit, eos qui hoc malo tenentur, sibi amicos esse, aliis esse nõ posse, cum solis rebus suis studeant, aliorum commoda laudesque ignorent.

Ingrediuntur verò huius loco doli & fraudes, omni candore ac sinceritate pulsa: nam cùm regia via ad optata peruenire non liceat, quæruntur anfractus, subdolaque semitæ, & per obscura viarum ad præfinitum animo tendimus. quod si minùs è voto successerit, nec cogitationibus res responderint, suboriuntur mærores, grauésq; insurgunt melancholiæ, ac non vltima pusillani-

mitas, timorésque, ac ingentes vndique curæ: indèq; extremus quidam lāguor, orationum salutisq; proximorum neglectus, ac vniuersæ vocationis contemptus: nam cū quæ validè animo proposuit, his non consequatur viis, ad alia principia vitæque genera amoris sui congrua, sc, cogitationes, studiâque sua, toto conatu conuertit.

Remedia.

EXercitatio sui in rebus humilioribus, maximèque in iis, à quibus potissimum horremus, delectusque eorum, quæ in primis auersamur: animo prius per varias huius generis meditationes exculto, & ad viliora ac duriora excitato; proposita sibi humilitatis pulchritudine, vtilitate, necessitate, præmiisq; virtuti huic à Domino æternū concessis: superbix verò fœditate, damnis, minisq; ac pœnis à Deo intentatis: cælum in Lucifero, & Angelis illius; paradysum in primis parentibus; orbem, in infelici ferè superborum exitu; infernum, in miserando æternū arrogantium cruciatu considerādo.

Mutux deinde caritatis per beneficia inuitatio: mutui honoris, maximè in iis, à quibus

bus alieniores sumus, præuentio: honoratiorum operum, & quæ plus externi splendoris habent, aliis concessio: difficultiorum, minusque in speciem illustrium arrogatio.

Contemptus in se sui, dictorumque factorumque suorum, præteritorumque criminum memoria.

Sanctorum hîc, magnorumque, ac Christi ante omnia exempla proderunt, si nostra cum illis composuerimus: si quanta Deo, creationis, conseruationis, redemptionis, innumerisque penè aliis titulis debemus, præmiorumque cælo repositorum magnitudinem frequenter considerauerimus.

Proderit in primis frequens cogitatio verborum Domini: Ioan. 12 *Qui amat animam suam, perdet eam: & qui odit animam suam in hoc mundo, in vitam æternam custodit eam.* qui odit, prauas animi propensiones frangit ac domat: qui amat, assensum illis præbet, obsequitur. ille demetit tanquam falce luxuriantes noxias herbas, nusquam parcit, ferro & ignibus sæuit in insurgentem amorem, hoc vno pius, quòd impius sit amanti, nec quidquam largitur petenti.

Iuuabit etiam odio quodam ferri in hoc vitium, propositis sibi illis quæ ex hoc nasci consueuerunt. maximè quòd nec humana nec diuina, vbi inualuerit, pēsi habeat amor sui. nihil apud hunc sanctum, nullum secretum, nisi qua parte commodis hæc suis seruiunt. pugnāt cum amore sui? violabit omnia, quòd amoris suo consulat. Ingens deinde cæcitas amoris socia terrere nos debet. cæcus ad æterna præmia, ad ignes æternos est. nec mortem videt imminentem fòrs cras, fòrs hodie. sed neq; finem suum consequitur hic amor sui. laudem quærunt? damnationem referunt. commodis suis student? ferè iis frustrantur. honores venantur? ignominiam referunt. cùm gloria fugientem sequatur, prosequentem destituat.

Magnum deinde calcar ad victoriam sui, cogitatio seria iudicij extremi, in quo occultissima quæque nostra retegenda sunt orbe inspectore; mortisq; momento omni dubia incertitudo. & quò mihi in illa hora gloria, opes, eruditio, scriptio, eloquentia, commoda? quis tunc sensus humanarum laudum, quæ utilitas?

Vtile

Vtile etiam fuerit sapiùs animo voluere, quanti nos orbe toto vicerint robore, forma, eloquétia, opibus, honore, commodis, prudentia, variaque eruditione, æternis nūc ignibus materies æterna. quòd si humanas laudes spectemus, quanti nos laudant? quā pauci norunt orbe toto? & vicesimùsne quisque è notis laudat? certum plures damnare, iam quòd laus absentium ignorata mihi? præsentium verò laudes, adulationes sunt, laudes non sunt. cùm ergo absentium de te laudes ignores, præsentium adulationes habendæ sint, quid certi in humanis est quo extollimur?

Necessaria in omni hoc vitio frequens seriaque conscientia per diem discussio: validum in eo propositum victoria sui: omniaque amor huic amica generosè ac constanter pellerè; illiusque loco contemptum sui, diuinumq; in se amorem his similibusque verbis excitare, *Dilectus meus mihi, & ego illi; qui pascitur inter lilia. Deus meus, amor meus, & omnia. A te quid volui super terram? Pars mea & hereditas mea Dominus. Quemadmodum desiderat ceruus ad fontes aquarum, ita desiderat ani-*

ma mea ad te, Deus. Trahe me post te, curremus in odorem vnguentorum tuorum. Exultabimus & latibimur in te, memores vberum tuorum super vinum. Fasciculus myrrhæ dilectus meus mihi, inter vbera mea commorabitur. Botrus cypri dilectus meus mihi, in vineis Engaddi. Sub umbra illius quæ desideravi sedi, & fructus eius dulcis gutturi meo. Quis mihi det te fratrem meum sugentem vbera matris mea, vt inueniam te foris, & deosculer te, & iam me nemo despiciat? Pone me vt signaculum super cor tuum, vt signaculum super brachium tuum, quia fortis est vt mors dilectio, dura sicut infernus amulatio: lampades eius, lampades ignis atque flammarum. Aqua multa non poterunt extinguere caritatem, nec flumina obruent illam. Hæc aliaque generis huius, quæ cuique sua pietas, & amoris diuini auctor Deus suggeret, ad illius amorem nos excitabunt. beneficiorum etiam commemoratio diuinorum, gratæque recordatio, præmiorum deinde cælo repositorum, ac passionum Domini potentissima hæc incentiua veri amoris sunt.

Orationis denique studium plurimum in hac re poterit. in quo mēs cælestibus collustratur, discutitque cælesti lumine errorē suum,

suum, agnoscit tenebras exiitq;, melioribus
cognitionis amorisque divini radiis perfusa.

CAPUT XIII.

*Dictorum factorumq;, suorum commendatio, reli-
quorum damnatio.*

EST hæc innata quibusdam conditio,
consuetudine deinde aucta & roborata,
sua ut laudent sola, aliena aut damnent, aut
silentio transeant; laudes suas etiam ab im-
peritis avidè excipiāt; aliorum, deiecto vul-
tu, fronte, oculis hauriant; & cū improba-
re non possint, nunquam tamen probent.
Dolent potius aliorum præclaris dictis fa-
ctisque, ac mœrorem si quando verbis obre-
gant, vultu tamen prodūt; ad sua, etiam mi-
nima, & quæ laudem nullam merentur, si
quis laudator accedat, totis animis ut ad tu-
bas & tympana militiæ amatores, exiliunt.
nec continere pruritum hunc possunt, os
genæque gaudium testantur; ut ille iam illis
amicorum primus maximusque sit, qui pri-
mus maximusque laudator est.

Quò te veritas in hac vanorum homi-
num

num pruriginē? laudabis omnia? non est viri Deum timentis; neque enim possibile est, non profluere ab homine quædam non laudanda. damnabis? pro hoste habebis. tacebis? non laudasse, damnasse apud hos est. quin adeò eo crescit hæc quorundam scabies, ut in vno non laudasse, aut improbasse, in omnibus damnasse sit. Nescit modum aut frenum sibi imponere laudum hæc libido: sed neque vulgari contenta laude est, etiam infima in summa reponi laude desiderat. ferendum quoquo modo esset, nisi meritò improbanda non rarò, summe etiã laudari vellent; ut, ni feceris, contracta ac corrugata fronte, deiectisq; genis ac superciliis mœrorem testentur, & amicitia renunciet. cum enim amasse in illis, laudasse; non probasse, damnasse sit, fit ut amorem & odia; sola laude & improbatione metiantur.

Et sunt plerumque hi molesti grauesque omnibus: nulla enim propè illorum colloquia sine dictorum factorumq; laude reperies. velis proinde, nolis, laudes audias necesse est: & ingerunt has nulla sæpe temporum, locorum, personarum habita ratione
ad

ad omnium fastidium; nec immunem quē-
quam ac importunissima laudum suarum
narratione abire permittunt, veriti ne, si v-
nus ignorauerit, damnati, aut non satis lau-
dati videantur: non facerent si memores ef-
sent monitorum Sapientis Prou. 27. *Laudet
te alienus, & nō os tuū: extraneus, & nō labia tua.*

Nec inter domesticos tantum, apud quos
facilior venia esset, sed inter externos, &
mulierculas etiam ingentibus verbis de-
cantant sua: quæ nili plenæ abeant com-
mendationibus, nullum sibi dictorum fa-
ctorumque suorum fructum retulisse vi-
dentur; futuræ nimirum apud socias aut æ-
mulas, laudum præcones confessoriorum
suorum; narranturque sæpe dicta factaque,
nec dicta, nec facta vnquam: imò vniuersæ
aliorum Superiorumque laudes in illos cō-
migrant: ab horum scilicet consiliis, si quid
in domo vniuersa est, quod laudem mereat-
ur, profectum est; An aliquid infelici euen-
tu præter spem successit, his monitoribus me-
liora euenissent aliud suaserunt, auditi non
sunt; hinc damna accepta: auditi fuissent, &
alia longè rerum facies esset, & pro damnis

emo-

emolumenta nata forent.

Noxium ante omnia hoc hominum genus in Religione est, multorumque æmulationibus & inuidiæ obiectum, mutuarum dissensionum & alienationum causa. Et nati hi non Religioni, non Deo, famæ tantum suæ sunt: nam si Deo & Religioni, gauderent utriusque nominis propagatione, quam aliorum dictis factisque ingentia vident incrementa sumere. Non gaudere, non laudare, cum meritò possis, damnare est. Et cum de tuis minimis prodigè in omnem lætitiæ profundaris; in aliorumque etiam maximis, doloris potius quàm lætitiæ signa prodas; non hoc est de Domini Religionisque gloria, quæ talibus augefcit, crescitque in maius, dolere? quæ quibus innitantur principiis, nemo non videt; superbiæ nimirum & inuidentiæ fundamentis, quibus hæ suorum laudationes, alienorum damnationes inædificatæ sunt.

Et sanè non minùs perniciosus est, qui alienas laudes alto silentio premit, quàm qui eleuat, aut damnat facta, quid? quod silentio suo grauiùs sepe ille feriat, quàm a-
per-

pertus hic inprobator: nam cum primus ferè moderatioris ingenij habeatur, vt qui affectus suos tegat. fit vt silentium illius pro aperta damnatione habeatur. Non laudasse enim cum possit, qui modestiæ opinionem habet, vituperasse est. & ille qui apertè laudanda damnat, criminatoris potius nomen obtinet, & verbis ipsis, improbandi què modo alienationem ostendit, incompolitumque minusque ordinatum affectum, vt hoc ipso fide careat. at ille alter modesto seueròque silentio fidem reperit, vulneraq; infligit, altius penetratura, quo à profundiore mente infliguntur & veniunt.

Et tales ferè, qui alto silentio laudanda in aliis premunt, ingentes sub modesta fronte arrogantiae montes tegunt. neque enim aliunde prouenit parca hæc alienarum virtutum laudatio, quàm ab animo laudis suæ auuido: qui cum aliorum commendationibus suis detractū iri veretur, seriò cauet ne quid elabatur in alio laudandum. apertè damnare conscientia terret, & exterioris cuiusdam moderationis opinio captata: silere posse arbitratur, nec vlla lege ad alienas laudes vul-

vulgandas teneri. qui si cogitaret plus saepe moroso se obesse suo silentio, quam apertum criminatorem effutiendi quidlibet licentia; non tam parcus laudator esset.

Et sanè vt homines fugiat, Deum latère mens illa æmulationibus grauida non potest. videt illam propriarum laudum balneo, tanquam oceano innatantem, aliorumque encomiis huiusmodi: nec crimen effugere potest interni fastus, à quo vnico hæc silentia imperantur.

Et sanè nisi ingenti vndique cingeretur possidereturque rerum suarum arrogantia, vt nullo non loco ac tempore auidè laudes suas venetur. non tam se uero silentio aliorum præconia premeret: quæ cum veluti soles arbitreretur officere tenuissimis lucernarum suarum luminibus, omni conatu dies illos suppressit, magnâque eos silentij sui nebula, densâque liuoris nube tegit; qui si altius pectoris sui latebras excuteret, perfacile fundamenta taciturnitatis huius erueret, & in abditæ arrogantia suæ profundum nullo negotio veniret.

Quamquam palàm ac quasi aperto mar-
te

re dicta factaque aliorum damnare, maioris cuiusdam impudentiæ sit: neque tales aliud expectare debent, quàm vt pari licentia feriantur. ferè enim hæc diuinæ cuiusdam vindictæ remuneratio quædam est, vt damnari sua ab omnibus sentiant, qui omnium damnant; ita talionis pœna ferit hos Deus, aut permittit ea, qua ipsi reliquos, mensura donari: acciditque illis, vt cùm dicendi licentia in omnes se profundant, omnium etiam patiantur linguas, calamisque omnium percutiantur, qui nulli parcere didicerunt: & vt nihil illis rectum bonumque, quod ab alio patre natum est, ita nihil horum, probum aliis laudèque dignum videtur, aut quod nomen decusque mereatur.

Graues deinde tales omnibus esse consueuerunt, inuicem paribus, duri inferioribus, nisi quos perpetuos laudum suarum præcones nacti fuerint: Superioribus molesti. cùm enim mutuam pacem turbent, amicitias ac necessitudines dissoluant, non Superioribus, non æqualibus, non inferioribus parcentes, sit vt omnium in se animos prouocent,

om.

omniumque indignationem extimulent: unde etiam fit, ut omnes horum familiaritatem fugiant, consuetudinem auerfentur, ut à qua nihil expectare possint, præter graues censuras, seuerasque accusationes, eo molestiores, quo neminem propè illæsum prætereunt, damnant omnes, testes facti ac iudices omnium, maximèque magnorum virorum; in quibus ob angustam aliquam nominis amplitudinem, proniùs inuidia & æmulatione stimulante incurrunt.

Remedia.

A Malorum, quibus laudator sui agitur, extirpatione petenda sunt: innatam quandam hic superbiam inuidiamque nemo non videt, quibus agitur, & alienis contabescit, ac suis pascitur laudibus. Quare ad superbiam ac inuidentiæ radices securis admonenda est, contrariisque submissio- nis, & amoris remediis animorum hæc venena pellenda sunt.

Assuescat proinde quicumque hic est, aliena laudare etiam minima, illa mirari, prædicare & publicare; sua tegere, deprimere & exte-

extenuare : fugiat suorum laudatores : cogitétque ferè eos non pati grauiſſimos in abſentia cenſores, quos præſentes profuſiſſimos ſenſimus laudatores.

Cogitet illa nobis ſperanda ab alijs, quæ nos impendimus alijs, paribúſque dicta factaque noſtra commendationibus, aut vituperationibus merienda.

In alijs denique, qui ſimili vitio tenentur, tanquam in ſpeculo ſeipſum intueatur, & in aliena fœditate ſuam deuiter; alieno exemplo vitia emendet ſua. diſpicient in alijs? fugiat in ſe diſplicantiora. odit domesticæ pacis turbatores, amátque focias dextræ neceſſitudinis fraternæ? exequatur in ſe quod amat in alijs: fugiat quod odit in illis, factus iam alijs magiſter & ductor mutuæ caritatis, æternitatis memor vitæ alterius, breuitatis huius; pœnarum & præmiorum illius, incertitudinis huius.

CAPVT XIV.

Ambitiq; ſpecioſorum munium proſecutio : viliorum fuga & contemptus.

Ma-

MALORVM omnium in Religione summum, & è quo tanquam oceano & fontibus, reliquorum ferè vitiorum flumina nascuntur. Quid enim sperari ab illo potest, siue in salutem proximorum, siue in Religionis augmentum, siue in diuini nominis propagationem, cui honor dignitasque propria pro proposito sibi fine est? quique cogitationes suas omnes in præfixū sibi dignitatum suarum scopum iaculatur? Quid non timeri? Diuini illi nominis gloria, salus proximorum, Religionis progressus, tam diu cordierunt, quam diu hæc idoneam ambitioni suæ materiam iudicauerit: vbi senserit auxilio sibi ad quæ sperabat, non esse, repellet & auersabitur, vt votis, expectationi, conatibusque suis inimica; adeoque in depressionem ac euerfionem illorum studia sua cōuertet, si per calcatam Dei Religionisque gloriam, proximorumque salutem, viam sibi ad honores stratā viderit.

Cæca omnis ambitio est. nihil videt præter conceptam semel animo gloriam, qua tanquam densa circumfusus nebula, nullos aliorum prospectibus habet oculos. sol lu-

ceat,

ceat; sideraque micent; nihil videt oculus
obscura dignitatum suarum nube circum-
uallatus. nubem suam videt, ad reliqua cæ-
cutit. Non patet illi aditus nisi per scelera ad
prætersum decus; per scelera in illud ibit.
clausa illi semita est ad munus quod ambit,
nec aditum videt, nisi per diminutionem
famæ alterius? miscebit falsa veris, & in op-
timo quoque comminiscetur pessima; nec
persequendi finem faciet, donec detractio-
nibus, tanquam validis harpagonibus, in-
nocentem à munere deturbauerit, ut opta-
to potiatur. obstat fortior illius studiis? adu-
lationibus expugnare conabitur, irriti hi ca-
dunt doli? ad aperta se conuertet odia, ut
importunitate ac improbitate vincat, quem
non potuit fraudibus.

Hinc ingentes domi animorum nascun-
tur conturbationes, dum mente ambitio-
sus inquieta, iactatione sua commouet re-
liquos. ut propacato æquore, tempestuosa
in Religiosa domo reperias maria; sorben-
dus cum non vno, si propiùs accesseris, &
inter hortorum pratorumque hæc quon-
dam amœna, fornaces inuenias, ambitionū

ignibus accensas, amburendus si admove-
ris pedem.

Misera Religionis conditio, quæ ambitio-
ni patefecit ostia. reliqua enim cum illa ad-
misit vitia: neque enim sola venit, ingenti
scelerum omnium stipata comitatu est. nec
vllum iam illi scelus; si fruatur optatis, etiã
in matrem sæuiet, & per calcatum Religio-
nis vterum ad propoliturum sibi decus aduo-
labit interrita, crudelis in genitricem.

Sed neque, si sperata consecutus ambitio-
sus fuerit, quiescet; noua meditabitur: per-
petuo namque tanquam rotatu per aspera,
mollia, plana, præcipitia, voluitur infelix.
nec vlli minùs quàm sibi placet. intus inui-
dentia depascitur, foris aduersarios patitur;
nulli amicus, inimicus omnium; con-
temptor omnium, omnium percutitur lin-
guis; pari mensura feriendus, qua prior ille
reliquos ferit. alienæ virtutis hostis; nulli
benignus, crudelis in omnes. nullius etiam
beneuolentia donandus. laudat neminem,
damnat omnes, etiam quos sibi iunxit. nam
si eos viderit vilioribus contentos, inter in-
glorios & ignauos numerat: si ad maiora

exemplo suo contendentes, pro hostibus & gloriae suae obstructoribus habet. sed neque facile fidem adhibet ulli, suo semper ingenio reliquos metiens. suspectissima deinde illi omnia, dum singula metuit, & ingeniosa solertia, è vanis, nec cogitatis principiis miras consecutiones neccit. & ferè cogitandum talem reperiens, multa machinamentum, melancholia etiam oppressum, nusquam explicatum, dum vel amittendi muneris torquetur metu, vel meret de repulsa, vel in obtinendo etiamnum laborat, & aduersarios circumspicit.

Infelix planè ambientium in Religione conditio, qui nec noctes patiuntur quietas, dum perpetuis æstibus iacentur. nulla iam illis oratio. vota pro oratione sunt. exulat pietas, & pro pietate speratum illis decus inhæ. et animum: pro Dei præsentia, expectata gloria. quid? quòd vilescant animis, dum singulorum, quos commodos sibi arbitrantur, captant gratiam. etiam vilissimorum; ad quorum tegmina abiicient, si idoneos a bitrantur finis proposito.

Humilis contra, sorte sua contentus:

quanta in pace degit? nec mirum in pace esse qui nihil ambiat, nulli abblandiatur, nihil à quoquam speret. quare nec quemquā veretur, aut sollicitè & anxie colit. erecta illi verba, animus celsus, nulliusque, præterquā Dei indigus. verba plana, nec ad gratiam composita, nec ad simulandum formata, aut ad fallendum delecta. inimicus nulli, amicus omnibus; molestus grauiusque nulli, carus omnibus, in alta quiete, omniumque admiratione & laude vitam ducens, vitamque finiens rara posteritatis grataque memoria. Superioribus obsequens, inferioribus carus, paribus acceptus, omnium ore laudatus. familiaritatem illius ambiunt omnes, delectantur consuetudine, pascuntur colloquiis. Superiores concedi hunc sibi postulant, prehensant inferiores, paresque gratulantur sibi. qui quo maiore submissione repellit à se magna, hoc maiori impetu confluent ad illum magna. postrema deligit, prima omnes vltro obtrudunt. vilissima ambit, summa nolenti ingeruntur. quoque maior sui contemptor, hoc validiore aliorum conatu extollitur. Hæc sunt debita virtuti

tuti premia, quibus omnis ambitiosus caret.
 ut bene Augustinus Serm. 1. de vita Cleric.
In humili loco salus, in alto periculum. & eleganter Magnus Gregorius, ad ambitionis contemptum, metum, horrorem, humilitatis amorem & amplexum: Past. par. 3. capit. 18.
Audiant humiles quàm sunt eterna quæ appetunt, quàm transitoria quæ contemunt: audiant elati, quàm sunt transitoria quæ ambiunt, quàm eterna quæ perdunt. audiant humiles ex magistra voce veritatis, Luc. 18. Omnis qui se humiliat, exaltabitur: audiant elati, Omnis qui se exaltat, humiliabitur. audiant humiles, Prou. 15. Gloriam præcedet humilitas. audiant elati, Ante ruinam exaltatur spiritus. audiant humiles: Isaïæ 66. Ad quem autem respiciam, nisi ad humilem & quietum & tremmentem sermones meos? audiant elati, Quid superbis terra & cinis? audiant humiles, Deus humilia respicit: audiant elati, Et alta à longè cognoscit. audiant humiles: Matth. 20. Filius hominis non venit ministrari, sed ministrare: audiant elati: Eccli. 10. Initium omnis peccati superbia. audiant humiles: Phil. 2. Quia redemptor noster humiliavit semetipsum: factus obediens Patri usque ad mortem: audiant elati quid de eorum capite diabolo

scriptum est, Ipse est rex super omnes filios superbiae. Occasio ergo perditionis nostrae facta est superbia diaboli, & argumentum redemptionis nostrae inuenta est humilitas Dei.

Remedia.

AB humilitate petenda sunt. ambitaliquis magna, in vilissimis continendus est, ad ignobilissima loca relegandus, minimisque destinandus: ut talium assuetudine aut se vincat, conteratque altiores spiritus ac sub iugo contineat; aut impatientia victus, Religionem à metu liberet. consultius enim fuerit talibus carere, quam tot tumultuarum causam alere. monendus tamen serio, per confessarium, aut Praefectum spiritus, aliosque viros magnos. penitentijs etiam stimulandus: quæ si irrita cadunt conatu, & perstat ille in fastu; forti Superiorum robore & constantia continendus in humilibus erit. aut enim se vincet, animosque domabit, magno Superiorum aliorumque gaudio; aut submissionis impatiens, in apertam prorumpet defectionem, Religionemque metu liberabit.

Proderit in primis, si omnis illi materia
glo-

gloriæ adimatur, obseruetur diligenter à variis, ac sicubi deliquerit, nō parcatur. si quid vituperatione dignum egerit, non fileatur: si quid laude, silentio prematur. à magnorum clarorumque virorum, matronarumque confessionibus & consuetudine auocetur, adimaturque illi vniuersim quidquid ad laudem facit aut ducit.

Forti sententia terret ambitiosos Origines super episto. ad Rom. *Omnis adeundi honoris Ecclesiastici absunderetur ambitio, si se iudicandos potius, quàm iudicatuos, hi qui præesse volunt populis, cogitarent.* Ambitionem verò ipsam scitè Bernardus describit in Sermone quadrages. *Ambitio futile malum, secretum virus, pestis occulta, doli artifex, mater hypocrisis, lioris parens, vitiorum origo, tinea sanctitatis, excacatrix cordium, ex remediis morbos creans, ex medicina languorem generans.*

Nobile remedium à Diuo Gregorio habemus in Past. par. 3. capit. 18. *Plerumque clatos vtilius corripimus, si eorum correctionibus quadam laudum fomenta misceamus. inferenda namque sunt illis aut talia bona quæ in ipsis sunt, aut dicendum, certè quæ poterant esse si non sunt:*

Et tunc demum refecanda sunt mala que nobis displicent, cum prius ad audiendum eorum placabilem mentem fecerint premissa bona que placent. nam & equos rudem viros blanda prius manu tangimus, ut eos nobis plenius postmodum etiam per flagella subigamus; & amaro pigmentorum poculo mellis dulcedo adiungitur, ne ea que saluti profutura est, in ipso gustu aspera amaritudo sentiatur: & dum gustus per dulcedinem salitur, humor mortiferus per amaritudinem vacuatur. Ipsa ergo in elatus inuentionis exordia, permixta sunt laude temperanda, ut dum admittunt fauores quos diligunt, etiam correptiones recipiant quas oderunt.

CAPUT XV.

et
Delectus munium ~~et~~ locorum.

FALLIT plurimum Superiores hic delectus, nec respondet votis, plusque ferè siue temporalis, siue spiritalis auxilij ab aliis consequuntur. quod maior in his fiducia in Deum eluceat, plus in illis prudentiæ humanæ: quo fit, iusto Dei iudicio, ut spe ferè sua Superiores frustrentur, cum sæpe etiam tales patiantur aduersarios, grauesque obser-

seruatores ac censores, quos precibus impetrarunt. Monitorum deinde ac si qua necessitas id postulet, iniungendarum poenitentiarum libertas tollitur, cum offensionem Superiores vereantur; & qui se vocatos sciunt, liberiùs offendant, euocationis suæ spe freti, facilesque ad murmurationes sint, si minùs placencia imponantur. Nec quidquam in his promptius, quàm ad minimarum rerum displicentiam illud inculcare, Cureuocauit bene constitutum? meliùs mihi erat alibi. Nascitur inde non loci modò, & muneris, sed & omnium propè displicentia, & murmurationes, inde animi inquietudines, cum nunquam explentur desideria, & præteritorum memoria præsentia displicent.

Quòd si in Superiorem minùs fortem, aut robore destitutum delectus ceciderit, sequitur facilis & ingens noxiorum iuxta ac bonorum permistio; cum indulgentiores ferè simus in eos quos ultro vocatos meminimus: & nullus propè querelarum locus apud eos, qui mederi possent, ne delectum nostrum damnare videamur, aut impru-

dentiam accusare; neque cōsuetum illud audiamus, Habes quem petisti; obsecutus sum voluntati tuæ, antè cogitalle oportuit. bene illi alibi erat. vt omnis iam culpa in euocatorem eat. atque hinc graues sæpe multorū offensiones nascuntur, cū Superiores delectus sui sibi conscij, ne aut offendant, aut mœrore afficiant, aut minùs commodos tales experiantur, non concedenda concedāt. quod vbi fit, abire res in exemplum, & paria sperare reliqui non verentur, paria etiam audere: è quibus vniuersa paulatim domestica disciplina delabitur: quæ vbi refrixit accorruit, à sola ferè sectione remedia expectanda sunt; mutandi nimirum plerique omnes, & ad Superiores disciplinæ arctioris, variæque amandandi loca sunt, cū à sola propè mutæ cohabitationis separatione salus sperari possit: ac disciplinæ amantiores in illorum locum substituendi erunt; aut sanè Superior ipso loco mutandus, & robustior illo subrogandus.

Eadem incommoda in inferioribus reperias, qui precibus locorum mutationem impetrarunt. sequitur enim plerumque præ-
ni tu-

nitudo, cum non omnia votis respondeant;
& damnamus preces nostras, & queri eru-
bescimus, ne consilia ipsi nostra accusemus,
& audiamus inconstantes: inde mœrores,
ac tacitæ interni roboris emedullationes,
cum interiores animi vires exeduntur, & a-
perire pudet, & ad vincendum robore desti-
tuuntur. ad locorum enim novas descende-
re mutationes rubor vetat; & locorum ta-
men, sociorum, Superiorumque ferre condi-
tiones imbellis animus negat, aut innata
quædam menti aliena, pugnantque cum a-
liis, ac quasi hostilis & inimica conditio. ita
cum hinc verecundia terreat, isthinc mole-
stia crescat; contabescit animus, aut in aper-
tas prorumpit factiones, & causas aliquas
comminiscitur, quibus incōstantiam suam
teget. has si verisimiles reperiatur, laxat dela-
tionibus habenas; sin minùs, comminisci-
tur etiam falsas, dummodo potiatur opta-
tis, subducaturque quasi è seruitute ceruices
nunquam satis domitas, nec suavi obedi-
entiæ iugo in solidum submissas.

Profiliunt ex his initiis omnia malorum
genera, nec quidquam tam à Religione a-

lienum, quod non audet. semel enim pudore deposito in omnia se profundit mala, & quæ antè damnauerat, probat ut sequenda: ita qui febribus tenentur, inimica antea gustui laudant, & auidius hauriunt, profutura damnant.

Accedit, quòd rarò diuina bonitas felices huic delectui successus tribuat, ut qui resignatæ obedientiæ repugnet, plùsque adferat iudicij nostri, quàm in Deum fiduciæ: quasi enim de Domini in nos prouidentia diffidentes, recurrimus ad hunc seu personarum, seu locorum delectum, cui pœnitentia perpetua & indiuidua comes est. quod innumeris propè aliorum exemplis discimus: quorum infelix exitus meritò terrere omnes, & auertere ab his consilijs debeat.

Iam cùm ferè in inferioribus delectus hi nascantur ex amore sui, cùm huic aër sit crassior, illi tenuior; huic minùs amœnum cælum, illi nimis sudum; alteri plebeiæ nimium occupationes minùs splendidæ, minùs è dignitate, eruditionis opinione, vulgares, rariores, frequentiores, intempestiue, subitæ: aut Superior durior, tenacior, morosior,

rosior, oculatior, maturior, retractior, ad suspensiones pronior, regularum obseruantior; aut alius suauior, liberalior, mollior, faciliior, hilarior, laxior, ad omnem concessionem profusior, indulgentior; fit ut in ingentia se plerumque animarum discrimina conijciant: cum se id ignorent quanta domi foris que pericula immineant. intus nimirum latet malum, quod nisi excusserint, nulla locorum mutatione pellent: cum se id tales libertatis amor, disciplinæ Religiosæ fuga, commoditatum corporis studium, adnatus animo tepor, grauiorum metus & horror, ad hæc consilia adigant; unde fit ut speratae apud Deum mercedis non postrema, aut omni etiam parte spolientur, cum delecti muneris aut habitationis concessio mercedis illis loco sit.

Remedia.

INdifferentiæ studium, frequens excitatio in Deum fiduciæ, cui maior cura de nobis, quam nobis ipsis incumbit.

Incommodorum delectui huic colligatorum memoria, recordatioque illorum,

quibus non raro cum interitu delectus hic coniunctus fuit.

Nihil deinde in omni Religione certius pacatiusque, quam vniuersam sui curā Deo committere; ne quid videamur detraxisse de ingenti in illum fiducia, plusque prudentiæ nostræ, quàm illius providentiæ fuisse. Ille securus viuit, qui totum se diuinæ gubernationi commisit. quàm fortiter mone-mur, quàm certò Matt. 6. *Considerate lilia a-gri, quomodo crescant, non laborant, neque nent. Si autem fœnum agri, quod hodie est, & cras in clibanum mittitur, Deus sic vestit: quanto magis vos modica fidei? Nolite ergo solliciti esse, dicētes, Quid manducabimus, aut quid bibemus, aut quo operiemur? hæc enim omnia Gentes inquirunt. Scit enim Pater vester, quia his omnibus indigetis. querite ergo primum regnum Dei, & iustitiam eius: & hæc omnia adicientur vobis. Quod si pergat delectus hic animum pulsare, consultum erit cum Præfecto spiritus, aut si quis alius in domo vir prudens, rerum experientia edoctus, consultare; nec quidquam aggredi, nisi non tantum consulto sæpe Domino, sed aliorum iudicio præquisito, quorum potius sen-*

sententiis, quàm nostris stemus.

Proderit etiam aliquando cum iudicio
 confessarij voto se aliquo temporario ob-
 stringere, omnemque hanc delectus cogita-
 tionem negligere ac respuere, vt inimicam
 Deo, aut tanè vt minùs ei placentem gra-
 tamque, vt obedientiæ repugnantem, adeo-
 que vt omnis perfectionis hostem, omnis-
 que inquietudinis matrem.

Moueant nos exempla Christi, totum se
 parentis obedientiæ committentis: Ioan. 4.
Meus cibus est vt faciam voluntatem eius, qui me
misit, vt perficiam opus eius. & post illam lacry-
 marum, sudorum, sanguinum luctam, omniù
 quas vlla sæcula viderunt grauissimã, Mar.
 14. *Non quod ego volo, sed quod tu;* & apud Mat-
 thæum, cap. 26. *Non sicut ego volo, sed sicut tu.*
 sequamur ducem milites, & cuius præferi-
 mus nomen, imitemur facta.

Magnum victoriæ genus hic est contra-
 ria propensioni ambire, voluntatemque
 valido conatu ad illa propellere, magno-
 rum in omni Religione exemplis. nunquam
 sanè quidquam poscere, & in re firmare a-
 nimum, tutissimum est. versanturque tales
 in

in altissima quadam pace, quidquid euenerit, diuinæ providentiæ committētes, securi se non ambiuisse: in quo vno solati se possunt, & audenter cum Propheta dicere Psalm. 90. *Qui habitat in adiutorio Altissimi, in protectione Dei celi commorabitur.* Psalm. 22. *Nam & si ambulauero in medio umbra mortis, non timebo mala: quoniam tu mecum es.* & Psalm. 24. *Non erubescam quoniam speravi in te.* & Psalm. 25. *In Domino sperans non infirmabor.* protector enim Psalm. 17. *est omnium sperantium in se.* memores monentis Apostoli 1. Pet. 5. *Omni sollicitudinem vestram proyicientes in eum, quoniam ipsi est cura de vobis.* cū contra petitores interno externoq; solatio destituantur. intus habent conscientiam redarguentem; extrā reliquorum destituuntur auxilio, bis infelices, bis miseri.

CAPVT XVI.

Nimia in vnā alteramue nationem propensio.

DE beata feliciq; diuersarum nationum in vno spirituali corpore indiscriminata coniunctione benè Hilarius: Psalm.

Psal. 132. Populo Dei congruit sub vno patre fratres, & sub vno capite vnius corporis membra esse. non enim oculus aurem odit, nec nares os execrantur, nec manus pedem spernit. hac enim vt officii mutui sibi, ita & amore distracta sunt. hoc iucundum & bonum habitare fratres in vnum, in eodem esse, idem esse, nec congregatione fieri, nec amore diuersos. Propius etiam ad rem nostram S. Basiliius Const. mon. c. 19. Quid eo beatius dici quid hac coniunctione, vnitae ac necessitate aptius excogitari? quid mutua inter se morum animorumq; contemperatione gratius fingi? homines ex diuersis nationibus profectos, per exactam morum ac disciplina similitudinem adeo in vnum veluti coaluisse, vt in pluribus corporibus vnu modum animus esse videatur: vicissimq; plura corpora mentis vnius instrumenta cernantur. Hanc variarum tanquam gentium variarum vuarum in vnu torcular amicam commistionem, aut variorum marmorum in vnius ecclesiae ornatum coalitionem, quicumque sustulerit; & nobilitate & decore suo vniuersum corpus nudabit, & in miserandam ridendamque solitudinem, omni robore augustaque maiestate spoliata disperget. scinditur enim hac

nationum gentiumque discriminatione vniuersum Religionis corpus, quod sola animorum coniunctio tuetur, descenditurque in validas partes; neque iam in vno, aut altero, sed totis concurritur castris, pronique in vniuersa Religionis perniciem & interitum, laxatis habenis deuoluimur.

Nam vbi semel hic morbus occupauit animos, nullis iam propè consiliis, aut rationi locus est. exulat enim cum veritate ratio, cum non tam rerum momentis, quam nationum pondere ducimur.

Et quid sperari potest, quid non timeri, cum ad fugam, aut sequelam satis est, hanc illamue gentem ita censuisse, aut damnasse? in quo non tam rationum momenta, quam gentium placita discutiuntur, vt satis iam sit ad damnationem, alterius à nostra natione mentem hanc esse; satis ad probationem, gentis nostræ sensum hunc esse. & veritatem ipsam non rarò manu tangimus, repellimus interim cum ab alia gente progeneratam scimus, gaudemusque deterioribus domi nostræ natis, ne meliora videamur ab aliis mutati. Desunt nostræ viri magni qui præsent, qui-

quique salutis proximorum incumbant, uti
deterioribus placet domesticis, ne ab exter-
nis meliores videamur deprecari. tantum
nationum studia possunt, ut destituti no-
stris, carere in solidum velimus melioribus,
ne ab alieno solo nata nobis salus, aut petita
videatur. & iam ad impugnationem dam-
nationemque satis est, ab alia, quam nostra
gente venisse consilia, etiam solem negaturi
in meridie, si ab alieno in nostrum illuxerit
agrum.

Denique ad aperta vniuersim descendi-
mus odia, & perire prauis nostrorum consi-
liis, quam bonis salutaribusque aliorum flo-
rere præligimus. ac tandem eò dissentien-
tium animorum acerbitas venit, ut si ignora-
ta gens sit, probemus & sequamur consilia;
at ubi primum innotuit alienæ gentis au-
ctor, resiliamus à probatis, nouaque impu-
gnandi causas reperiamus; priora consilia
nostra, ex auctoris ignorance prognata,
damnantes, grande malum, & non iam tur-
bandæ, sed euertendæ Religionis natum.
nam cum è variis nationibus omnium pro-
pè Religionum, tanquam validissimi exerci-
tus

tus robur conflatum sit, nec alia re magis virtus illius potentiaque quam animorum coniunctione contineatur; nemo non videt, diiunctionibus hisce, animorumque dissensionibus, vniuersum robur, quod vna validaque connexione firmabatur, labasce-
re, hostibusque ludibrium fieri, inimicorumque depredationibus exponi; & quæ terro-
ri primum acies erat, inuictaque mutua co-
alitionē stabat, solis domesticis dissensionibus, nulla externa inimica manu impellen-
te ruere.

Huc accedit, quod hæc gentium studia etiam ad externos decurrant: & inuoluimur iam Principum, rerumque publicarum pœ-
nitendis, & in capita nostra casuris negotiis. tantum potest effervescentes hic gentium a-
mor: ut cum emulationes odii que abeant in vniuersam gentem, in vniuersam etiam
cant consilia machinationesque, exigua cu-
ra tuitionis famæ salutisque nostræ: ita dum
fortius quam prudentius aduersarios inse-
quimur, vulneribus locum damus, & antè
sæpe ipsi cadimus, quàm hostem feriamus,
aut allequamur.

Et

Et sanè totum paulatim genuinæ Religionis spiritum post fera hac nationum discretionem collabascere necessum est. neque enim inter has inuidias, æmulationes, partiumque studia charitas habere locum potest. vnicum Religionum Ordinumque vinculum ac firmamentum. neque venenatio hoc partium gentiumque studio commaculata Religio valetudinem diu rueri suam potest. ibit non multo post in perimentes morbos potenti hæc toxico inebriata, & quam nulla externa mouere poterant arma, domestico hoc cadet malo. stetit interrita & inuicta stante charitate? cadet pauida labante charitate, quæ nulla in re potentiùs, quàm in diuersarum nationum coniunctione illucescit.

Certè tales degeneres à Christi disciplinatu sunt. ignorat nationum discrimina Christi sanguis, quo vno arctiùs quàm omnibus patriæ vinculis colligamur. non imitamur magistrum discipuli, ducem milites, parentem filij si aliud sapimus, si non pariamur inter nos amore, quos lacrymis, sudore, sanguine, ac vocationis prærogativa pariauit.

riauit Christus. nec Apostolos in vnam gentem, sed in omnes misit. & ferè omnium gentium conuersiones ab exteris nationibus profectæ sunt, quo magis in illis diuina luceret potentia: ne quis illarum ad fidem conuersionem sanguinis propinquitati, linguarum cognitioni, amicorum opibus, similibusque tribueret.

Quot propè amoris proprii incommoda, tot huius sunt, cùm ex amore proprio nationū hæc propensio nascatur. commodior nimirum ab vberibus frequentata lingua, cibus, vestes, socij, amicus, cælum. ignaui militis signa hæc sunt. ardua poscit generosus, in quibus virtutem ostendat; gaudet asperis, in quæ magnos animos effundat. sanguinemq; aut dare aut haurire pulcrum, ne inglorius, aut sicco hostili sanguine beltheo cadat: hæc prima illi cura. ab arduis gloriam laudemque venatur. à quibus solis ingentia & viro digna decora nasci arbitrat. facit idem verus Religiosus, qui vocationis ac Christi ducis sui memor, indignatur animos patria sua claudi. angusti hi termini sunt virtuti, vniuersum conuertitur orbem.

beni. semel renuntiavit patri, matri, fratribus, sororibus, amicis, patriæ, renunciavit æternum, aut si retrò flexit oculos, indignus Christi sui militia, indignus regno est.

Remedia.

E Superiorum ferè vigili studio speranda ac petenda sunt, initia proinde, seminæque mali huius validâ secanda & excaudicanda manu sunt.

Quòd si publicis priuatísq; monitis non cesserit malum, ad pœnitentias decurrendum erit, etiam publicas in publicis delictis.

Quòd si neque hîc steterit malum, seriò de dissensionum harum auctoribus à Religionem tota relictindendis deliberandum erit. Clementia est sœuere in paucos, vt vniuersi corporis valetudini consulatur.

Nec inatile fors fuerit misceri nationes, vt mutuo hoc conspectu conuictûque coalescant animi. plurimû enim ad coniunctionem contubernia faciunt, maximè si à prima ætate mutuo assuescant conuictu. non quòd si frequentem in linguarum varietate & imperitia, misionem probem, aliamquam.

quam tamen probo, & paucorum a prima
adolescentia consuetudo, mirum quantum
ad variarum gentium coniunctionem va-
leat.

Neque quenquam in quacunque gente
excludendum putem à muneribus, etiam
Superiorum, modò reliqua functionibus
eiusmodi necessaria adsint. Nam vniuersam
aliquam gentem à talibus excludere, mag-
nam & dissensionum, adeoque & odiorum
causam præbet. Nam quæ se seclusam videt,
paria in aliis tentabit. atque hinc iam par-
tium & nationum contraria & aduersantia
profluunt studia.

Et licet inter genuinos, verèque Religio-
sos, fuga potius horrorque, quàm dignita-
tum aut munerum prosecutio, aut vota esse
debeant; nescio tamen quis sensus à negatis
functionibus pectus animumque feriat. præ-
scidisse, ac in solidum negasse, quasi in vota
impulisse est. offer, fastidient. nega, propen-
debunt. crescit à negatis amor, à concessis
fastidium. vt ad expletionem satis sit porui-
sse: ad desiderij prouocationem, negatum
fuisse. Et vniuersum gentis alicuius exclusio

validissimum alienationum ac odiorū pro-
uocamentum est. quis enim nesciat, ex om-
ni gente viros enasci magnos, & sæpe vnam
destitui, aliam abundare? ita vno non rarò
sæculo & ætate plurimi in vna republica
duces imperatoresque, ac in omni scientia-
rum genere exurgunt magni, cùm insequē-
ti sæculo nullum bellica, aut literaria gloria
clarum reperias. mutuare proinde ab aliis,
cùm propriis destitueris, prudentiæ est: ma-
gis etiam in Religione; in qua non à natio-
num varietate, sed à dignatione, ac meritis
munia distribuenda sunt. quæ res valido il-
lam in primis vinculo colligat, & non nisi
stolidissimi ingenij est, nolle ad externa cir-
cumspicere auxilia, cùm domesticis desti-
tuaris. Sanè potentissimos ferè summorum
imperatorum exercitus è varia gente vide-
bis; vt mutuis æmulationibus crescerent a-
nimi, dum pro gentis suæ gloria in posteri-
tatem itura quisque pugnaret. primaque
ferè orbe toto victorias à misto variarum
gentium robore relatas legimus.

Proderit incommoda secum considera-
re, quæ è nationum discrimine nascuntur,

benéque de aliarum gentium moribus sentire & loqui, semperque in illis inuenire quod laudem mereatur; quæ verò meritis reprehensionibus obnoxia sunt, alto silentio premere: humaniter illos benignéque excipere, ac impensius etiam in salutem illorum incumbere: operamque suam prolixè spondere, prolixius etiam rebus exequi, peculiarem etiam familiaritatem cum illis induere, sæpiusque oportunitate data colloqui, aliquid etiam quando Religio patitur, propensionibus illorum indulgere: hilari etiam vultu excipere à moribus nostris aliena, si nihil contineant Religioni aduersum: ac facillimū esse in delictis illorum ignoscendis: parcissimè cū laude de gente sua loqui, prolixè de aliena: si quæ misceantur de gente tua minùs proba, aut damnanda etiam, cum risu ac modestia excipere; quædam fateri, quædam suauiter excutere, alioq; sermonem flectere, ad laudem nimirum gentis alterius, aut quamcumque rem aliam.

CAPVT XVII.

Nimia cum vno alteroq; familiaritates.

Ac

A Emulationum hîc magnus aperitur campus. paulatim enim illæ excrescunt in alienationes, adeoque in odia, & frequentes oblocutiones, murmurationes, detractiones etiam; quoq; magis hæ familiaritates crescunt, eo magis etiam crescit obloquendi facilitas. quod quo promptius fiat, causæ improbandi has priuatas familiaritates & disquiruntur, & non magno conatu ab aliis reperiuntur. itur deinde ad taliû mores, cùm aut fastum, & reliquorum contemptum singuli interpretentur aliorum uitationem & fugam; singulorum vitia, tanquam coalitionis causâ singulis imputatur. nec famæ hîc parcitur aut gloriæ. tantum possunt conceptæ è familiaritatibus hisce indignationes ac emulationes.

Sequitur deinde in aliis fuga consuetudinis talium, vt omnes alieniores tandem reperiant, & diffidentia plenos. quicunque enim se neglectum videt, contemptum etiam arbitratur, & ab innata paucorum superbia nasci hæc putat, aut à studio reliquis se præferendi. quod ubi semel aliorum animos peruasit, omni ope qua dictis, qua factis

deprimere tales conantur, quos per priuatarum familiaritatum studium ad maiora **connitifuspiciantur.**

Nascitur etiam plerumque è priuata hac tanto studio parata consuetudine, vt mutua facilè vitia imbibant, adeoque sequantur, amula quadam morum similitudine, tanto nimirum futuri coniunctiores, quanto mutuis vitiis propinquiore. Coniunctio enim, à morum ferè similitudine, initia & incrementa sumit: hinc vt placeamus amico, aut cuius amicitiam venamur, mores effingimus: probi illi aut improbi fuerint, minima ac postrema cura: maxima, placuisse, & ingenio ac moribus se alienis conformasse est. Vincit nimirum familiaritas, quem vitium vincere non potuit: imò quos valido tentationum procursu vincere non potuit diabolus, vincunt familiaritates. dum aut offendere nolumus, aut mœrorem ingenerare, aut placere lubet, aut imitari etiam iuuat, delectatq; similem amico fieri: vt quos arctior quædam necessitudo coniunxit, connectat delictorum paritas, ne nimirum ruborem incuriat amico, si imitari vitia eru-
bescat

bescat: quasi amicitia corruat, nisi scelerum
connexio statuatur.

E mutua hac etiam familiaritate, mutuas
necessum exurgere adulationes. cum enim
mutuam deuitent offensionem, mutuas de-
cantant laudes, mutuoq; se scabie hac capri
perfricant: probant omnia, improbant ni-
hil, veriti ne quid alienationis enascatur.

Discindimur his familiaritatibus, imue-
que in partium studia, ac aduersarias mol-
tiones: nec iam vniuersum caritas, aut ami-
citia stat, sed in vno aut altero capite. que
res noxia in primis Religioni est, exponitq;
corpus totum iniuriarum oppugnationi-
bus, cum nudet latera, viribusque quæ to-
tius corporis coniunctione continentur,
spoliet, exuatque omni robore, quod mu-
tuo vniuersum amore firmatur.

Maiora etiam ab his amicis mala quam
ab inimicis metuenda sunt. nam cum ab his
sibi quisque caueat, neque facile quidquam
illis committat, quod ruborẽ iniicere pos-
sit, non habent metuendi causam, cum e-
nim quisque se suaque sciat ab inimicis ob-
seruari, insidias verbis rebusq; tendi, nemo

prudens pœnitenda elabi permittit. accedit, hostium quæcunque consilia, beneuolentiæ signa muneraque, ac iuratas etiam spon- siones suspectissima meritò esse; vt in perpetuis verborum factorumque suorum versetur excubiis quisquis hostes patitur, at ab amico aut perfamiliari quis se tueatur? quis non intima referat familiariori sibi, siue cõsiliij, siue solatij, siue leuandi mœoris causâ? è quibus ingentia deinde pericula damnaque metuenda sunt, ab offenso nimirum familiarioris illius animo. offensionem verò nasci è minimis etiam rebus experientia docemur.

Et fallaces ferè has familiaritates, dolosoque cinere amicitias ex his natas tegi indies discimus. neque enim diutiùs perstant, quàm sperata partis cuiusque emolumenta ferent. vbi illa corruunt, collabascit omnis amicitia, quam ferè quisque commodo suo metitur. excidit spe sua, & frustrata est illum opinio, dilabitur omnis familiaritas. ita qui nihil sperat, cùm nihil metuat, non faciliè aliorum venabitur amicitias, quas quisque bono suo venatur.

Ingens deinde hæ familiaritates, diuinæ familiaritati impedimentum iniiciunt. cre-
das ingentia flumina flammæ extinguendæ
iniecta. Et sanè quantum ferè amicitia hæ
crescunt, tantum diuinæ decrescunt. quan-
tum enim prioribus concesseris, tantum di-
uinis ademisse videris. occuparunt priores
animum? occupauit totum, Deumque ex-
clusisti, cùm illi locum nullum reliquum
feceris, qui omnem prioribus concessisti.

Demum in carne ferè consummantur hæ
familiaritates. desinuntque in mortuorum,
commodorum, honorum, similiumque re-
rum connexionem. cùm enim in talibus,
non Dei maior gloria, non boni communis
amor, aut proximorum salus, sed suum cui-
que emolumentum propositum sit; sit vt ab
his paullatim quàm longissimè recedamus,
ac in sensuales plurimùm familiaritates di-
labamur. semel enim seposito Deo, alio-
que nobis sine proposito, toti per priuato-
rum commodorum præcipitia ad carnem
sanguinemque diuoluimur.

Remedia.

HVmanum amorem nostrum diuino amore metiri, nec ab alio, quàm à diuino principia illius petere, aut ducere: hinc fiet, vt cùm in omnibus pares diuini amoris causas reperimus, pari omnes amore complectamur, pari quæ familiaritate ac beneuolentia, quæ amoris famulæ quædam sunt, in omnes feramur. Hæc certa, & falli nescia regula est, à qua quantum per priuatas amicitias deflectimus, tantum à veritate aberramus, mendacio iungimur.

Frequens in nobis detestatio omnium, quæ Religionis propugnacula roboraque dissoluunt: cùm verò inter prima priuata illa priuatarum familiaritatum studia sint; perfacile erit viro Religioso intelligere, quo loco illa habere debeat, qua cura ac sollicitudine vitare.

Aliquoties in anno meditationes hac de re instituere, cogitare quæ apud se sapius, religiosam familiam nobili musicæ harmoniæ meritò comparari posse; in qua vnius dissonantia vniuersam concentus suauitatē turbat & euertit, & ridendam aliorum auribus musicam propinat. facit hoc, quicunque
har-

harmoniacum hunc Religionis concentum priuatis familiaritatibus turbat.

Iuuabit etiam non assuescere paucis, sed promiscuè omnibus, maximè recreationis temporibus, eumq; arripere, quem primum fortuna obuium dederit.

Proderit vetus illud sæpiùs secum reuoluere, Sic ama tanquam osurus, sic odi tanquam amaturus. quod in magna familiaritate locum non habet. amamus enim in illa tanquam semper amaturi; hinc commitimus varia tanquam semper celanda, tanquam semper amico. fallimur. nullæ propè in humanis aternæ amicitiae sunt, quas leuissimus aliquando flatus dispellit. tanquã nubeculam coalitam validiores venti. Sannè nemo in erubescenda corruet, qui amauerit tanquam osurus. neque enim tali pœnitenda committet. aut ad quorum propagationem erubescat.

CAPVT XVIII.

Familiaritas, & gratia quasita externorum Principumque virorum.

SPecie plerumque hanc ambimus animas lucrandi, & Religioni conciliandi, maximè viros magnos: reuera plurimum ad ea amore proprio impellente trahimur. magna ferè multorum offensione, æmulatione, odio, emolumento propè nullo, errorum & lapsuum periculo magno, vt tam carè familiaritas hæc parari non debeat, Religionis non rarè damno ingenti, nominisque illius fœda deuenustatione. Neque enim quidquam procliuius est, quàm inter Magnorum quæritas familiaritates verbo aut facto labi: quod vbi contigerit, vno non tantum lapsu, bona laboresq; omnes sepehantur, vt illorum memoria iam nulla sit, quasi vna potenti sponsia delera, aut tanquam falce recisa sint; sed grauis insurgit indignatio, quæ in vniuersum etiam corpus tranfit, & tanquam à Babylonia fornace, vicina, & latè etiam posita amburit. vnius enim error abit in omnes, & delicto vnius plectuntur omnes, ab vnoque indignatio nata totum corpus amburit.

Et sanè tot in omni Religione, omnium retro sæculorum docemur exemplis, vt
nullo

nullo alio magistro opus sit in terrorem & cautelam : neque vigesimus quisque intactus ab hac aulica flamma pedem retulit. Ita amburitur quisquis propius accesserit, ut vix cineres referat, vel igniū vestigia, sepiusq; in fauillas abeat, quàm in lenē vstulationē.

Et experientia tot iam aetatibus docemur, perraros omnino, ea aut virtutis opinione, aut integritatis fama, aut pietatis sensu, à Magnorum familiaritate ad Religionem reduisse, qua egressi fuerant: plurimos etiam aulicam consuetudinem miserando vocationis naufragio nobilitasse; ut vix iam trigesimus charybdim hanc tabula enatarit, fortuita potius, quàm præprouida felicitate; reliqui irrespirabili hoc profundo absorpti sunt.

Nec facilè quemquam reperies aulicis hisce Magnorum moribus assuetū, qui non ea retulerit, quæ vix annorū plurimorum deleri spongia potuerunt. Ita semel Magnorum consuetudine delinitus & assuetus Religiosus, vix affectum hunc nisi cum vita aut infamia deponit. Iam ubi inualuit illa nobilitatis prurigo, vilescit quidquid humi-

litem, & institutū tenuitatem sapit : atque hinc vocationis quidam contemptus nascitur, omniaque displicent quæ probata prius; dulcia nimirum in amaritudinem, mella in fella, medicamenta in venena versa sunt; & quæ antè adamabat anima, in horrorem mutata sunt. exulat candor, & pristinae religionis simplicitas, euannit pulla sinceritas, veritas abacta est; & pro his aulici mores, politica agendi ratio, mentiendi libido, doli & simulationes subintrarunt. Nec mirum ea adhærescere quæ inter aulicas consuetudines in dies teruntur manibus.

Fugiet hanc familiaritatem, quicumque vocationem amat, qui præcipitia veretur infelici, in omni quâ patet orbis Religione, exitu funestata : quique nullos ab illa meliores, omnes propè deteriores exiuisse videbit, paucissimos integra nominis, quam intulerant, æstimatione; omnes ferè ingenti eiusdem decoloratione. præterquâ quòd ea res in Religione, magna non vltimarum æmulationum mater sit. nam cum vident reliqui ambizioso aliquem conatu Magnorum familiaritatibus se implicare, domesti-

corumque consuetudini subtrahere, quasi vilio- rem sociorum consuetudinem ac conditionem auerſetur; in auerſiones etiam ipſi, adeoq; & in odia decedunt, carpuntque iam etiam optima, cum æmulatio inuiden- tiæque è caprata magnitudine nata, religio- ſum alioqui peſtus occupauit: contingitque plurimùm, vt, qui aliena ſectatur, domesti- co excidat amore, ac Magnorum interim beneuolentia careat, vtriuſque inuiſus, aut ſanè neutris probatus. E quare mœror ex- urgit, & animo non ſatis Deo, aut cæleſti- bus dedito melancholia exoritur, vniuer- ſum internæ mentis robur emedullans, & quidquid eſt ſpiritus boni, radicitus excau- dicans. Hinc languor, & ſpirituum rerum omnium ſaſtidium ac nauſea: ſibi que, aliis- que demum grauis, miſeram vitam trahit, finitque etiam miſeriores.

Sequuntur externorum æmulationes inuidentiæque; qui non ferunt Religioſos tanta Magnorum vti familiaritate. nec res ferè magis vlla in oculos incurrit, aut cita- tiora certioraque odia prouocat. tritum nam- que eſt, quæ conſequi ipſi diſſidimus, aliis

intidere, hincillæ in æmulationibus euer-
tendi molitiones : quali leniendo mœrori
medicamentum sit alios deturbasse; mitius-
que dāna feramus, si socios nacti fuerimus.
Huc accedit, Principum plurimū delicta
familiarioribus ascribi, prudenter beneque
se habet Princeps, Principis ingenio natu-
ræque illius benignitati tribuimus; aberrat à
probitatis regula, in familiarem illi Religio-
sum omnis culpa rejicitur, non monuisse e-
tiam aut dissimulasse in his, fecisse est.

Sequuntur & reliquorum in Religione
non minùs noxiæ æmulationes, imitandi
nimirum hæc studia. hinc mille excogitan-
tur viæ, non trita prius Religioni, mille in-
ueniuntur maioribus ignoti modi, cumq; per
nos, perq; domesticos ad optata peruenire
non possumus, externos in consilium adhi-
bemus pudendæ ambitionis nostræ. quod
si nec hac successerit via, vertimur in indig-
nationes, in detractiones, in euerسیونē co-
natum alienorum. tantum potest æmula-
tioni iuncta ambitio, nulli parcit, & in ma-
ximum, in optimum quemque citatore fer-
tur passu. nam in aliis æmulationum mare-
ria

ria deest. nescit enim æmulum paruo contenta humilitas, in magnis inuenit quod ambiat, quod æmuletur.

Ferè etiam ingentibus aulica hæc caprata familiaritas adulationibus plena est: dum enim placere studemus, displicere nolumus, amorem venamur, offensionem fugimus. purpuræ proinde & gratiæ seruendum est. quare placitura dicimus, facimus, & ad omnem Principis voluntatem vela vertimus. cùmq; vnicum studium gratiam parare, partam conseruare; modis ad hanc ré idoneis vtimur. quod cùm fieri non possit, nisi pleraque ad gratiam eant, liberum adulationibus campum aperimus, laxamusque indomito huic vitio liberrimas in omnem partem habenas: plùs laxaturi si plùs placuerimus. quæ res ad quàm indigna Religiosos propellat, nemo non videt. certè generosi spiritus hæc esse non possunt, non cælum suspirantis, non æterna cogitantis, non Dei sui gratiam ambientis.

Omnis deinde in hac familiaritate, monendi libertas perit. quòd si in Principis confessorium Religiosus talis ascitus fuerit, quan-

quantis se induit conscientiae laqueis Religiosa libertate deposita? dum monere timet cuius gratiam venatur, cuius indignatione veretur. & tamen ferè non monuisse hinc, deliquisse est, & Principis sui error in doctorem cadit. monuisse verò, non rarò excidisse gratia est. quid faciet? monebit? parata offensio est. tacebit? Deum habet iudicem. ita dum amittere gratiam veretur, silentio cauenda premit. grauius etiam est, dum, ne offendant, assentitur roganti, & laudat damnanda.

Periclitatur in his frequenter castitas, cum inter aulicas sermocinationes ferè minus pudica, & castis indigna mentibus intercurrent. Paupertatis etiam amor flaccescit, cum plerumq; aliquid opum, commodorum, dignitatumque, etiam non cogitati, affricetur. assuetudine enim ac quadam vitiorum familiaritate ac consuetudine, etiam quasi nolenti, aliquid adhærescere solemne est; quo magis ambienti, & vltro se in illa conicienti? Obedientiae etiam vis vel vniuersim tollitur, vel magna sui parte minuitur; cum vix talibus imperare Superioribus

ribus liceat, ne fors in offenso subdito, offendant Principem, exurgantque patrocinatorum ac intercessionum molitiones: quæ ubi inualuerint, prostrata iacet obedientia, non faciliè caput erectura.

Addit S. Basilii Mon. const. c. 12. *Qui maiorem in modum secularium hominum amicitia delectatur, eaque assidue cum illis esse in colloquio cupit; is ex frequenti cum illis sermone, prauas eorum affectiones in animum faciliè insinuauerit, & mente rursus cogitationibus mundanis completa, à præclara illa, quam erat ingressus instantia operis desciscet, & à se deinceps proscripta vitæ spiritualis stabilitate, quem ex animo effuderat vitæ prioris vomitum resorbebit. atque aded saucius tandem concidet, miserè confixus ad hoste.* Et B. Ephræm Tom. 1. paran. 46. *Qui conuersationibus gaudet mundanis, sæculum nondum se odisse ostendit. nam sicut qui ignem excitat flammam suscitatur: ita & mundana colloquia, passionēs & affectiones prauas in corde monachi commouent.* Et David ab Augusta, Ordinis Minorum: *Sæpe experti sumus, tam in nobis quàm in aliis, quod frequens exitus & conuersatio cum sæculo, & occupatio nimia negotiorum externorum, diuotionem mentis*

mentis extinguit, feruorem spiritus tepescit, forte propositum virtutis emollit, cor dissoluit, studium proficiendi debilitat, delicias docet amare, tempus sine fructu expendere, verba otiosa multiplicare, iocis & trifis intendere, orationes pratermittere. Et fortiter in terrorem B. Laurentius Iustinian. lib. de discip. cap. 22. O quot temporibus nostris fuerunt, qui tanquam ardentes lampades & mundi luminaria lucebant coram hominibus, paulatim ex conuersatione secularium, & consabulatione tepescit, ad pristina opera secularis vite miserabiliter redierunt! Et docemur à Seneca Epist. 7. vt non pigeat Religiosos imitari Stoicum factum ex se magistrum: Nunquam mores quos extuli refero. aliquid ex eo quod composui, turbatur: aliquid ex his quae fugam, redit.

Signa verò animi in hac familiaritatis venatione non Religiosi esse possunt: si quis eo in illam affectu rapiatur, vt grauius molestèque ferat, si ab iis retrahatur: si maiore cura & sollicitudine illorum negotia, quàm quae Religionis propria sunt, suscipiat: si incius Superioribus, negotia illorum amplectatur, doleatque sibi eorum tractationem à Superioribus inhiberi; si maiori conatu & studio

studio viros magnos, Principesq; sibi, quam Religioni conciliet; si Religionis ministeria minus speciosa contemnat, & indigna putet quibus se tradat, & implicetur; si paupertatem & obedientiam incipiat fastidire, commodisq; suis hinc inde quasitis studeat; si Superiorum monita minus æquo ferat animo, simpliciũque consuetudinem aspernetur.

Remedia.

A Mouendi ab hac familiaritate quoscunque pronos in eam Superioresprehenderint; alijsque occupandi & distinguendi numeribus, minus quidem speciosis, sed tutioribus minori que periculo obnoxiiis: demum loco etiam mouendi, alioque ablegandi.

Proderit etiam aliquem è domesticis maximè spiritualem excitare, qui vltro amicitiam illius ambiat: quò securius eum postea maioreque fructu monere possit.

Magna etiam cura in hanc inuigilandum erit Præfecto spiritus, qui ratione crediti sibi muneris, maiore auctoritate & pon-

ponderemonere ac terrere potest, magnorum maximè exemplis, qui propè omnes à quæsitâ hac familiaritate ad sæculum & Ægypti ollas transierunt, infortunatoq; ferè exitu vitam finierunt.

Nec erit inutile, retrahendi tales conatum, Principi magnisque viris elucescere: vt, si quid erroris postmodum intercurrerit, videant non frustra Superiores motos fuisse, & in illius auocatione laborasse, erroresque non iam Religioni, sed homini adscribantur.

Malorum quæ ex hac familiaritate nasci consueuerunt seria recordatio non parùm proderit: ingentia pericula, damnaque accepta, finem deinde vocationis suæ proponere alium omnino ab aulica consuetudine. Deum denique sæpe sibi ob oculos proponere, cuius seruitio Religiosus mancipatus, & à quo filiorum prærogatiua donatus est. vt indignum sit tanti Imperatoris sacramento addictum, minoris se obsequio addicere, & ad inferiora dimittere.

Palerum in imitationem apud Augustinum exemplum habemus de suo Nebridio

Lib.8.

Lib. 8. Confes. cap. 6. Agebat illud prudentissimè, cauens innotescere personis, secundum hoc sæculum maioribus, deuitans in eis omnem inquietudinem animi, quem volebat habere liberū, & quàm multis posset horis feriatum ad quarendum aliquid, vel legendum, vel audiendum de sapientia.

CAPVT XIX.

Affectus in parentes, in sanguine iunctos.

NEc postremum, nec contemnendum in Religione malum, damna namque à nimis prodigo in suos affectu, & varia & magna sequi necessum est. fauemus propinquorum opibus ac dignitatibus, prosperiorisque fortunæ successibus. inde etiam operam nostram aut rogati impendimus, aut vltro etiam pollicemur: & negotiis iam sæcularibus, quibus antè renunciauimus, induimur & implicamur.

Accedunt non rarò ex infelici euentu, pœnitendæ, & ruborem incutientes commendationes; fitque vt qui sæculo semel ac parentibus nuntium miserunt, plus illis, quàm extra Religionem immergantur, magna

gna sepe aliorum inuidia, qui Religiosorum studio operâq; parentibus se illorum postpositos vident; & inimicos illos non priuatitantum, sed Religio patitur: ac non infrequenter ex amicissimis hostes parantur, cum se priuatis Religiosorum propinquitatibus posthabitos sentiunt.

Crescit deinde obligatio apud eos, quorum operâ parentibus impetrata dignitas, aut quæcunque res alia: transitq; hæc obligatio in Religionem, quam tanquam collato beneficio obstricta sibi arbitrantur.

Et ferè videmus prodigum hunc in parentes amicósque affectum, totum in sæculi affectum ruere, exuto spiritali domesticorum, ipsiusque adeò Religionis affectu: ut omnis Religiosæ coniunctionis æstus hac propinquorum alluione, tanquam vastissimi fluminis prolapsu, extinguatur. neque enim affectus hic propinquis tantum adhæret, transit ad opes & dignitates, ad eâq; omnia, ad quæ studia illa cogitationesq; feruntur. Frequentatæ enim res sæculi, affectuum in parentes materia, nescio qua Religiosam mentem fuligine aspergant, ac tanquam sepiatun-

tingant. nam cum frequenter illa menti obuerfentur, manibus etiam tangantur, non leuia fui relinquere vestigia, nemo prudentior mirabitur: imbibimusque paulatim pro Religioso, sæculi spiritum & mores, tanquam lana imbrem, valida nube fufum: etiam amare incipimus, quod procurare non puer, ambire etiam, & vocatione sæpe desertata, ad sæculi dignitates commodaque cogitationes flectere ac transferre.

Præeunt deinde tales exemplo suo reliquis, prouocantque ad par in suos studium, & ad æmulationes Religioso indignas, ad alienationes etiam animarum; dum indignantur reliqui, improbantque has commendationes, effusamque in suos affectum; cum semel mundo suisque mortui, salutis incumbere animarum, non suorum indulgere deberent amori.

Enimio deinde propinquorum affectu, ferè in carnem & sanguinem Religiosi prolabuntur: ut affectus ille suorum de propinquo carnis affectum iaculetur, accendatque recludatque tot annorum cineribus reconditum impuritatis ignem; & plurimum

rimum ex his initiis ad illicita quæque ruunt, cum aut sororis, aut neptis, aut alicuius sanguine iunctæ, femineis ac mollioribus affuefcunt colloquiis, liberioribusq; prospectibus. dum enim non timent mala in propinquo sanguine, minùs cautè provideque versantur: caduntque non rarò propinquis hisce insidiis, aut sanè causam illæ præbent, pulso priore metu, puritatis custode, familiarioris cum aliis similis sexus consuetudinis: è qua celeri procursu reliqua postmodum mala mortem allatura promanant.

Sequitur & aliud malum Religioni in primis noxium. facit enim frequentata hæc cum propinquis consuetudo, vt multa iam liberius in sinum illum Religiosi profundant; domestica dicta, facta consiliaque retegant: nec quidquam tam reconditum sanctumque, quod tantis affectibus claudatur. narrantur aliorum imperfectiones, animorum in hæc aut illa vitia propensiones, & hæc ferè innata quadam naturæ propensione in maius tolluntur, virtutes deprimuntur: si quid dignum laude, extenuatur: si quid reprehensione, immensum augetur. atque

hæc

hæc mulierculis sæpe committuntur, à quibus propero cursu, non sine insigni augmento abit ad alios.

E qua re & mala nascuntur plurima, quæ cuique obuium est videre: & tanquam iniecto frano, aut compede, sperata reprimuntur bona: Religionis nomen minuitur: salutisque proximorum propagatio arctatur, dū illorum virtuti detrahitur, à quorum singulari industria, nominisque assimatione magna salutis proximorum pars pendebat.

Et ut reliqua non terreant, ter ere nos meritò debeant verba Domini: Luc. 14. *Siquis venit ad me, & non odit patrem suum, & matrem, & uxorem, & filios, & fratres, & sorores, adhuc autem & animam suam, non potest meus esse discipulus.* Seuera omnino sententia, cuius erit, si non fuerit Domini discipulus? Luc. 16. *Nemo seruus potest duobus dominis seruire; aut enim vnum odiet, & alterum diligit; aut vni adharebit, & alterum contemnet: non potestis Deo seruire & mammonæ.* Hinc illa sponsi ad fidellem animam desponsandam sibi verba: Ps. 44. *Audi filia, & vide, & inclina aurem tuam: & obliuiscere populum tuum, & domum patris tui.* Et

cōcupiscet rex decorem tuum: quoniam ipse est Dominus Deus tuus. Magna prærogatiua animæ obliuiscens domū patris sui, vt cōcupiscat Rex decorem eius, deducatque illam in cubiculum genitricis suæ, fiatque illi sponsus, atque inter vbera illius commoretur, dignetur illam associatam sibi reginam & sponsam osculo oris sui.

Et verò quid sperari de Religioso potest, cui adhuc patriæ affectus inhaeret infixus animo? non compatiuntur se mutuo patriæ amor, & Deus sponsus. illam si amas, destituendus sponsus est; hunc si vis sponsum, deferenda patria est. Acutè Hugo Victorinus lib. 3. Did. erud. c. 20. *Delicatus ille est adhuc, cui patria dulcis est: fortis autem, cui omne solū patria est: perfectus verò, cui totus mundus exilium est. Ille mundo amorem fixit, iste sparsit, hic extinxit.*

Remedia.

VT qui propensiores in propinquos sunt, non permittantur soli cum illis versari, sed adiungatur socius, linguæ & rerum intelligens, & spiritus boni.

Ra-

Rarior omnino permittatur collocutio. Interdicatur seuerè cōmēdatio omnis, & si qua deprehensa, nō permittatur impunita.

Mittantur ad ea loca, in quibus nulla commendationum harum commoditas esse possit.

Moneantur Superiores, vt diligenter dispiciant, ne quas aut ad suos scribere patiantur litteras, aut ab iis accipiant negotiorum administras.

Ipsi Superiores exemplo suis precant, caueantque ab omni omnino propensionis in suos ostentatione; idque adeò prouidè ac seriò, vt nec verbo in hoc genere labantur: fugiantque, quacunque mentione iniecta. omnem harum rerum materiam, & apertè à se repellant.

Magnorum in Religione virorum exempla proponantur, qui omnem hunc affectū fortiter calcarunt, ac in se aliisque damnarunt, & ferè patria domo egressi remotissimè ab omni cognatione vitam duxerunt.

Iuuabit etiā pericula damnaq; ab affectu hoc in non vltimis virorū nata proponere, vt horum exemplo propensiores terreātur.

Commendationes ad Ecclesiasticas, aut saculares dignitates.

IN numeris permixtæ periculis. Quia dubiæ in impetratione. quòd si non succedunt rogata, in nos plurimum cadit indignatio; cùm arbitrantur per nos stultè, quo minùs consecuti fuerint. ita ferè euenire solet, cùm omnia nobis ab vno pollicemur, cùm aut potentia, aut gratia fidimus, conatum licet omnem explicauerit; si frustrati spe sumus, in illum ipsum indignationem vertimus, & negata, aut non consecuta rei causam in patroni negligentiam conicimus: è qua ferè opinione, nullo licet plurimum fundamento nitatur, animorum nascuntur alienationes, & amicitia in odia commutantur.

Quia incertæ in euentu, & impetrati muneris administratione; vnde grauius timeri aliquando reipublice pericula possunt. quid, si se aperiât improbi, qui latebât mores? quid, si læsæ maiestatis crimina? quanti conscientia exurgunt remorsus, verecundia? quan-

ta

ta pericula auctori & promotori? Ferè enim promoti à se delictis inuoluitur: ac licet magna innocentia tegatur, semper tamen in probatissimo vestigium aliquod liuoris aut vulneris manet: neque facile cliētis à se notam patronus eluet, maximè in ijs, quæ Principem, aut rempublicam tangunt, in quibus tanquam indomitis furentibusque fluctibus, aut tanquam insanis montibus, rupibusque sedibus ab imo diuulsis, non vicini tantum, sed & longè positi vna ruina conselpiuntur.

Ferè aduersarios iusto Dei iudicio, commendatione nostra prouectos experimur. quod plurimis in vtraque dignitate Ecclesiastica & seculari exemplis doceri potest eo magis, quo plus sæpe opera studijque impendimus. Nec mirum viro hoc Religioſo euenire, cum se extra modestiæ & regularum suarum limites extulerit. nam & illi ipsi, qui patrocina nostra poscunt, licet patrocina hæc præbent; Religiosos tamen patronos non probant, cum non ignorent, longinque à Religioso instituto secularia patrocina abesse debere. vtuntur tamen ijs vt

proditoribus reges; non amant, non colunt: timent magis, & potentiam hanc in alieno solo metuunt; amaturi, si in sæcularibus resideret: in Religioso, cuius omne studium salus propria & proximorum esse debeat, oderunt verius quàm amant ridèntque tacitè secum, tanquam frænos aureos, iubamque leoninam in ouino vertice.

Offensio dein nascitur omnium illorum, qui se neglectos à nobis arbitrantur. Hinc pro vnus dubia sperata beneuolentia, plures inimicos paramus; quorum odia longè Religioni perniciosiora sunt vnus commēdati fauoribus, iisq; plerumque incertis ac dubiis, ac in perniciem potiùs quàm subsidium tendentibus.

Graue etiam Religioni accrescit onus, cùm pluribus eadem præstanda veniūt, maximè sanguine iunctis, amicis, aut qui tales videri volunt, beneficis, aliisq; huius generis non paucis; vt tota iam Religio in negotiationis quandam curiam, aut patrociniū atrium vertatur: nam cùm nemo ferè in illa sit, qui non aliquem habeat cliētem, aut amicum cuius commodis studeat, perfa-

cile

tile videre est, quanta immincat moles à Religioso instituto alienissima. Vnde fit vt crescentibus paulatim commendationibus, quæ innumeram secum negotiorum turbā trahunt, elanguescat spiritus, dilabaturque primæuus ille rigor; & qui ad Deū, animorū salutem, Religionis augmentum ducebat, ad sæculi mores & imitationem deducat.

Grauiam dein damna metuenda vniuersæ Religioni, cum vnius factum errorque toti Ordini adscribitur. ita ferè euenire solet, vnius delicto plectuntur omnes: arbitreris tanquam è paradisi traduce, crimina transire in socios; & quos sociauit amor, imprudentiæ colligari nexu, tanquam si vnius infipientiæ, temeritatis, arrogantiæ, vanitatis nota signentur omnes. virtutes nimirum singulorum, vitia omnium sunt. quare nemo alterius virtute coronatur; vitio vnius damnantur omnes. quo maior cura adhibenda est, vt ab omnibus, quæ quoquo modo in vniuersum redūdāt corpus, abstineāt singuli.

Ingeneratur etiam plurimorum animis politicissimi opinio, cum pluribus eandem dignitatem ambientibus, operam nostram

addicimus: qui enim se vident frustratos, & vni de facto operam nostram impēsam, veniant in non immeritam politicissimi de nobis suspicionem: peritque omnis conceptæ estimationis opinio, cum tales iam non in Religiosorum, sed in aulicorum numerum referant, tantam in posterum verbis fidem adhibitori, quantam operæ compere-rint. Vnde nec in salutis negotio certo iam stat fiducia, cum exemplo vno edocti aliud arbitrentur verbis exprimi, aliud mente cōtineri: quæ res vniuersam salutis animarum spem euerit & eludit, tanquam si aut vna falce quidquid erat messis futuræ demetas, aut vnus frigorū ardoribus omnem torcularis spem fallas, aut vna denique nouacula omnem bonorum operum spem præscindas.

Accedit demum non levis obligatio apud eos, quorum in commendationibus operæ vti sumus; qui beneficium hoc non in vnum hominem sed in totam Religionem collatum arbitrantur. Quare obstrictam se hanc putant habere, paria aut maiora expectantes, & cum tempus aut ambitio suadet,

suo

fuo quasi iure poscentes : quibus si neiges, cum beneficia acceperis, durum. nam & gratitudo quædam obstrictos nos tenet, & impensis in nos labor, fauorque iure suo paria depolunt; aut si rogati operam negamus, præter ingratitude notam, animorum alienationes, odia quoque expectanda sunt, quæ in vniuersum Ordinem transfundantur.

Remedia.

OMnium vbique commendationum interdictio: nam si vel tenuem rimam, quocumque demum prætextu, illis aperuerimus, integra postmodum pandentur ostia: serpit enim hoc studium, vbi inchoaueris, ac instar cancri aut scabiei, ex vngue ac capillo vno vniuersum occupat hominem. dulce venenum, quod magnos etiam viros à leuibz initijs, tanquam riuulis, in ipsa commendationum maria impulit, è quibus saluare nunquam enatarunt: sed neque subducere eam, cum vellent, potuerunt: in altum enim prouecti, medios inter procellos fluctus, nequidquam littora portumque

t s spe-

spectarunt.

Seuera in transgressores punitio , vt & ipsi desuescant , & alij terreantur, ne paria audeant : quos enim pariauit delictum , pariare & pœna debet; imò grauiori pœna post primi punitionem , secundi transgressores puniendi sunt. nam primo exemplū deerat, vt aliquid excusationis videretur posse pretere-
texere, secundis nulla excusatio reliqua est.

Exemplorum in infortunato ac infelici euentu frequens cōmemoratio , qualia in terrorem & fugam, siue domestica, siue externa nunquam deesse possunt. obruimur enim multitudine, nec quisquā vlla memoria te illis miscuit, cuius nō hisce flāmis ambustæ penne timenda posteris dederunt exempla, pœnitendaque reliquerunt vestigia.

Damna periculaque Religioni è varia commendatione nata recensita iuuabunt.

Fuga etiam secularium negotiorum, ac inter Religiosos limites certa rigidaque arctatio: in id solū intenti, operamq; laboremque pollicentes, quod in salutem tendit animarum . quod vnum veri Religiosi est, reliqua tantum ab hoc spiritu absunt, quantum

tum à proximorum salute recedunt.

Nulla cuiuscunque negotij etiam pij susceptio in scio Superiore; quem tamē ne nolentem in suam trahat sententiam inferior, curandum est : nam vbi precibus tanquam armatâ dextrâ, res extorquetur, magna simplicis obedientiæ pars deperit, raróque felici successu, res peraguntur: quin imò infortunato ferè exitu domum funestant.

CAPVT XXI.

Paupertatis neglectus.

CVm immemor quasi votorum suorū, quæ distinxerunt labia sua, ad opes & periturarum se rerum studium cōuertit, incipiuntque placere, quæ generoso ausu contempsit prius, admirari etiam & vouere atque insectari, quæ forti calcatu, prostrauerat antè, factus ex hoste amator & laudator opum. miserrima planè conditio, dum, quæ re ipsa pondera excussit, repetit, & sub pusillo ingemiscere delectat, qui vno iactu onerauerat humeros sub immani mole fatiscences: eoque miserior, quo minoribus

implagatus detinetur, qui vniuersa perfrugerat retia, tanquam si passerum laqueis teneatur, qui leonum plagis excusserat.

Et sanè post ingentes sepe thesauros non semel calcatos, indignis viro reculis irretiri, commiseratione dignissima res est: breuiario tenetur elegantiori, icuncula capitur formosiore; velle delectatur hic laxiori, ille strictiore, comptiore alius: vt meritò in admirationem rapiantur quotquot viderint valètem antè & robore plenum implexum inherere minimis, qui maxima distilauerat tanquam plumas vento raptas, aut festucas fluctibus illisas.

Magis etiam mirandum, cùm magnus ille diuitiarum contemptor, qui per iocum & lusum magno impetu adlabentes, & vndique affluas opes repercussèrat, postremis inheserit reculis; post Philistæa nimirum agmina areasque diffractas portas, Dalilæ fascijs, feminea implexis manu. Turpe viro, magis etiam Religioso, maximè cùm repudiata repetit, & amare incipit, quæ odisse dicerat. Infelix omnino infortunataque vicissitudo, è sæculi totius regnerum imperio-
rum-

rumq; etiam contemptore, amatorem nasci
spretarum rerum, & adrepere ad ea, quæ va-
lido antea impulsu, magna omnium laude,
 sæculo regnisque maior, ut Religioso calo-
que indigna protriuerat.

Varia ex his sequuntur mala, dum ambi-
re & amare Religiosus audet, quæ neglexe-
rat prius, & sæpe veteranus commodis in-
hiare, quæ spreuerat tiro. hinc enim inquie-
tudo nascitur animorum, nec quies pienti
vlla, donec optatis fruatur. Sed neque in
consecutis statur. semel enim habendi ad-
missa audivitas ad noua deuoluitur; ut è mi-
nimis tanquam è semine ingentes succres-
cere arbores videas, latissimis postmodum
ramis vicina quæque sterili sua umbra obre-
gentes. nam & in exemplum & imitatio-
nem res hæc reliquos trahit, dum noxia æ-
mulatione priuatis quibusdam commodis
suis student, amantque quæ oderunt antè:
inde iam secreta profiliunt consilia, & ab
externis mutuamur, ad quorum nomen ex-
horrescebamus antè.

Decurritur deinde ad priuatorum com-
modorum studium, & dum ab amicis aut

pœnitentibus, reculas emendicamus; libertatem proijcimus, pro pulmento nimirum primogenita vendentes. ingens exinde ex amissarum aut Superiorum voluntate subduatarum rerum priuatione mœror nascitur, crederes regno exutum regem, aut amplissimis possessionibus sæculi possessorem. Profiliunt ex his initijs integra murmurationum plaustra, & maiora iam audet animus, tegitque necessitatis quodam prætextu, tanquam pulchro velamine scdam proprietatum sentinam. ingeniosa nimirum ad vitiorum suorum tuitionem auditas, amorque proprius est: & qui antea ad priuatarum rerum possessionem expauescebat, nunc illa etiã tuetur, & subdola ratiocinatione propugnat. & plurimum auidam hanc proprietatis famem, priuatorum honorum sitis committatur, incipitque Religiosus hac titillari & exasperari: & qui vltro pleno se sinu expandentem gloriam repulerat, obuiis etiam fugientem prosequitur vlnis; nec erubescit ad prosecutionem, qui prius erubescibat ad vltroneam oblationem. indiuiduo enim ferè nexu opes & honor iunguntur; vt qui illas

las amet & ambiat, honore delectetur.

Omnia deinde paulatim corporis commoda irrepunt, amorque rerum harum totum occupat hominem: incipiunt displicere duriora, & quidquid seueriorem veramque religiosam disciplinam sapit. Accedit ciborum & potus audivitas, vnoque impetu tanquam ruptis aggeribus omnia corporis commoda inuolant: cibus proinde parcior potusque moderatior virtutum propè reliquarum vehiculum, pro minùs ingenua parcimonia ac pro sordescente etiam auaritia habetur; prodigalitas & liberior in escà potumque profusio virtutis nomen sortitur: & auarus iam audit, quisquis mensas religiosa moderatione circumscribit, quisquis libidinum fomitem excludit, quisquis ignibus materiam subtrahit; liberalis verò quisquis prodigit parcenda, & animorum in sanguinato corpore flammam nutrit.

Accedit quòd omnis paulatim pietas in talibus refrigescat, omnis Religionis amor congelascat, omnis disciplinæ rigor conspeliatur. nam cum in paupertate tanquam in fundamento omnis religiosi edificiij stru-

ctura

ctura formetur; illa collabente, omnem necessum est reliquam structuram collabascere, nec timas tantum ducere, sed vniuersim cornuere; cum prius omnino gradus lapisque angularis, cui reliqua Religiosa domus innititur, ab aui opun, que contempru originem trahat.

Iam cum Beati pauperes spiritu à Domino dicantur, non infelices erunt paupertatis supra omnes opes, à Domino amati & contemptores, desertores, osores? & quid infelices, illius in Religione post sacra Deo vota, transgredientes? ut merito quidam dicat: De radice peculiaritatis, vel amore pecunie gignuntur vitia haec inobediētia, superbia, auaritia, contumelia, vanagloria, extolentia, voracitas, mendacium, luxuria. & Turbat pacem cum proximo, subicit hominem diabolo, auertit animum a Deo, ut nusquam seratur affectus quam de conseruando peculio, iuxta illud, Mat. 6. Vbi est thesaurus tuus, ibi est & cor tuum. & pergit, Raro salutis remedia admittit proprietarius, à paruis ad maiora precipitatur, sub specie boni & necessitatis. è conquisitis bonis oritur displicentia sui status, murmurat, detrahit, iudicat omnes, transferre se cogitat ad ru-

tiorem locum, sub colore profectus. viaticum putat
sue apostasie insolenter respondere Superiori, que-
rit causas discessus, alios nititur deprauare. & an-
tè: Inter fratres concors & amica perstat consonā-
tia fraternæ caritatis, cum nihil habet vnus, quod
non omnes. inter proprietarios rixæ sunt, discordiæ,
diuisiones. Res communes non sunt materia litis,
sed cum quis vult sibi appropriare, surgunt inque-
ratina patris, iuxta illud, Prou. 15. Conturbat do-
mum suam qui sedatur auaritiâ. Ob hæc vitium
Cyprianus Diaconus in patrum, & totius Ecclesiæ pri-
uauit, & patres sepulchra asinum repulandos volue-
runt. quanto ergo magis punietur in inferno, qui sic
punitur in mundo?

Paupertatis verò neglectores, proprio-
rumque commodorum amatores vir ma-
gnus fures vocat, & Achan, Ananias & Sa-
phiræ comparat: latrones, quod plurimos
exemplo suo iugulent: sacrilegos, cum Deo
in pauperibus data prodigant: proditores,
cum domesticos defraudent bonis: apostas-
tas, cum abiiciant repellantq; à se paupertate,
cui arctiori vinculo, quam vellisibus lo-
coq; religioso astringuntur idololâtras, cū
auaritia, Apostolo teste, sit idolorum serui-

tus: mendaces & hypocritas. Spiritu sancto ad Ananię imitationem mentientes: plenos dolo & diabolo.

Remedia.

A Christi primorumque Sanctorum exemplis petenda sunt: quorum si aliquando glorię participes esse velimus, etiam opum contēptu pariri debemus: Christi sanē in Propheta suo verba sunt: Psal. 87. *Pauper sum ego, & in laboribus à iuuentute mea.* & Psal. 39. *Ego mendicus sum & pauper.*

A recordatione seuerissimę dictę in Epulone ac diuitiarum sectatoribus sententię. & apud Lucam c. 14. quanta interminatione insurgit? *Qui non renuntiat omnibus quę possidet, non potest meus esse discipulus.* & Apostolus 1. Tim. 6. *Qui volunt diuites fieri, incidunt in tentationem, & in laqueum diaboli: & desideria multa mutila & nocina, quę mergunt homines in interitum & perditionem. radix enim omnium malorum est cupiditas: quę quidam appetentes, errauerunt à fide, & inferuerunt se doloribus multis.* & Dominus Matt. 19. *Amen dico vobis, quia diues difficile intrabit in regnum calorum. & iterum dico vobis, Facilius est camelum per foramen*

acutransfire,quàm diuitem intrare in regnum calorum.

A frequenti opum ac cælestium thesaurorum, centuplæq; redhibitionis & sponſionis recordatione. hinc illud Matt. 5. *Beati pauperes spiritu, quoniam ipsorum est regnum calorum.* & iacobus c. 2. *Nōne Deus elegit pauperes in hoc mundo, diuites in fide, & heredes regni, quod repromisit Deus diligētib; se? & auxilium apud Isaiam ca. 25 pauperi habemus: Faciēs es fortitudo pauperi, fortitudo egeno in tribulatione sua spes à turbine, umbraculum ab aestu. ut ingenti fiducia pleni, certam in vnum Deum spem coniiciamus, certi impossibile esse destitui sperantem in Domino, cuius hæc verba sunt, Numer. 18. *Ego pars & hereditas tua.**

A damnis passim omni propè Religioni datis & acceptis à possessionum opumque coaceruatione.

Danda Superioribus hîc opera, nequid ad honestam religiosamq; sustentationem desit necessariis Religiosi instituti, ad paranda sibi illa animos studiumque conuertant. meminerint huius: *Liberalis & bona promissio*

uisio Prelati, omnium necessariorum: unicuique necessaria dentur sine exceptione personarum. ut quemadmodum sibi providere desiderat, ita & subditissimum ex indulgentia negligatis, ex mala provisione, ex tenacitate Prelati saepe erit hoc vitium. Caueant proinde Prelati, ne subditis occasionem proprietatis subministrant, vel necessaria subtrahendo, vel superflua admittendo.

Plurimum in hac, ut in omni alia re, Superiorum exempla proderunt; ne non necessariis abundant, ne superfluis supentur, ne ad delectationem aut ornatum aut priuatum commodum rebus utantur, communibusque contenti, singularia deuinent.

Ea demum res ingens reliquis ad vere paupertatis amorem irritamentum est: neque enim Superiore preceunte, quidquam facile cuiquam graue videbitur: nec sola saepe erubescencia deterrebit subditos: potiorque est Superioris in paupertatem affectu collectus, ne ad maiora commodioraque manum porrigamus: neve ad saeculi opes commodaque, saeculi desertores circumspiciamus.

CAPVT XXII.

Singularia in cibo, potu, vestitu, reliquisq; corporis commodis.

A Emulationum & murmurationum in religione causa, ac dissensionum seminarium. nam si Superior hoc malo laborat, perpetuam sugillandi materiam prebet, eò magis quò omnium in illum oculi intenti; eoq; nocentiùs, quò illius exemplum transit ad plures, seminaque in posteritatem spargit, prouocatque reliquos, viamque secuturis sternit ad paria aut maiora etiam audenda. sæpe enim, quò exempla desint, à noxiis abstinemus; at vbi prauis maiorum factis reſeratus est aditus, proui ad libertatem commodaque decurrimus: nec imitari pudet, ad cuius initia erubescimus; & cum pudeat audire primum, in imitatione gloriamur.

Eoque grauius hoc malum est, quò non se intra primi transgressoris terminos contineat, sed singuli ferè aliquid adiiciant noui, hic in cubiculo, ille in vestibus, alius in cibo & potu, non nemo in omnibus; ac tandem

in delicias & luxum, sæculumque totum res
abeat. è quibus infelicibus initiis paupertas
Religionis murus corruit, nudaturque vni-
uersa Religio propugnaculo, exiitque
suis viribus, robore destituta.

Accedit ciborum hunc reliquorumque
commodorum delectum, ipsis plerumque
Superioribus grauem adgenerare molestia-
rum causam. nam cum in plerisque Reli-
gionibus perpetui non sint, sit vt munere
defuncti, agrè consuetis commodis ca-
reant; patianturque non postremas in illo-
rum defraudatione difficultates, multorum
exin fabula facti, & acerbiorum irrisionum
materies.

Si inferior malo hoc tenetur, sociorum
in se æmulationes excitat, oblocutiones et-
iam, percutiturque ferè tot linguis ac iudi-
ciis, quot capita in vna domo sociata habet.
Iam exemplo suo ad paria prærogatiua reli-
quos prouocat, maximè eos qui meritis, la-
boribus functionibusque superiores, pares,
aut non inferiores sunt. adolescentioresque
etiam ad paria aliquando audenda incitat:
neque enim quidquam in vtramque par-
tem,

tem, vitiorum ac virtutum, maiorum exemplo potentius est.

Graues deinde tales Superioribus sunt, & plerumque illorum conuictum auersantur, subterfugiunt oblatos, ac cum inœrore quodam patiuntur domesticos; dum aut negare non audent ne offendant, aut concedere non audent, ne reliquos ad paria prouocent.

Quòd si Superiorum vnum beneuolum nacti fuerint, reliquos patiuntur aduersos; ita vt quod aut naturali quadam munificētia, aut priuato affectu concesserit vnus, negaturi sint alij. quæ negatio durissima in cōsuetis est. profiliuntque exinde omnium propè generum tentationes, tristitiæ ac mœrores, cor exedentes, ac murmurationum integra plaustra. quòd si fortiter in sententia steterint Superiores, non rarò tabescunt tales, ac quasi emedullatis ossibus decinescunt; si grauiorum metu aliquid à constantia remiserint, fastidiosos patiuntur, ac vniuersæ familiæ pacem euertunt.

Iam quotquot commodis suis auidè, & supra quàm Religiosam modestiam ac pauper-

pertatem decet inhiantes vides, eos ferè in carnem & sanguinem labi comperies, ac in inchoata tandem vocationis desertionem. cum tepescat primò in his omnis Religio- nis spiritus, qui fomentis hiscè tanquam infectis puluinaribus suffocatur. neque aliud ferè certius signum est, languentis in vocatione, ac à primo furore degenerantis animi. vnde ingens spiritualis nausea nasci- tur; à qua ferè vehemens flamma carni in- iicitur.

Repugnat etiam hæc singularitas mutuo amor: qui paritate roboratur & crescit, im- paritate subuertitur. ignorant filiorum dis- crimina vbera necessitati nata, vniùsque pa- tris filij prærogatiuam de generatione ne- sciunt. nimirum quos vterus, vberaq; paria- rû, paria debet amor. quem minuit quis- quis de prærogatiua censerè desiderat; quis- quis sub eodem patre matreque Religione, potiora sibi arrogat, aut concedi desiderat.

Illud verò mali huius magnitudinem au- get, quòd superbiæ tanquam fundamento inædificetur. qui enim præ reliquis singula- ria ambit, plus sibi deberi quàm aliis censeret:

si

si
fur
Lu
ne
ste
flan

A
ter
con
ligi
re se
pto
exc
mer
posu
Bon
posu
bet,
cean
bus a
piat
quar

si consequatur, plus sibi merito suo concessum quàm aliis gaudet. singularis esse voluit Lucifer, dum parari Deo ituduit: si in ordine reliquorum angelorum stetisset, æternũ stetisset. prærogatiua illum vota æternaturis flammis addixerunt.

Remedia.

A Superioris exemplo petenda, qui si fortiter intra consuetos se Religionis terminos teneat; vel solo rubore reliquos continebit, terrebitque ab hoc parum Religioso conatu. Sanè si fortem in hoc genere se præbuerit, commodorumque contemptorem; non difficulter reliquos ab hac spe excludet, terrebitque ab illorum petitione. memor proinde sit illius Sapientis, *Rectorem posuerunt te, esto inter illos, sicut vnus ex illis.* vt Bon. de 6. alis, c. 6. *nihil habeat, vel diligat pomposum, mundanum aut vanum, sed omnia que habet, Ecclesiasticam personam & statum suum deiceant, & humilitatem ostendant: nihil in omnibus appareat, quod iactantiam vel curiositatem sapiat. non est enim humilis cordis indicium, curiosa querere, pretiosa affectare, excelsa ambire.* Et sanè

u indi-

indignum viro est cælestia cogitanti, ad quæ natus, ad vilia hæc se abiicere, & primogenita cum Esau pultribus commutare.

Exempla hîc deinde omnium ætatum in omni Religione magnorum virorum valent: qui per calcata corporis commoda ad magna claraque in terris cælóque nomina deuenerunt. exempla etiam generosorum militum, qui vltro assuescunt duris, auersantur mollia, quibus vt corpora, ita & animi effeminantur. nescit mens ad magna se erigere, quæ vilioribus deprimitur.

Terrendi denique multorum magnorum lapsibus erunt, quicunque ad hæc auidè aspirant. & Greg. in Pasto. p. 3. c. 20. admonendígula dediti, ne in eo quod. esearum delectationi incumbunt, luxuria se mucrone transfigant, & quãta sibi per esum loquacitas, quanta mentis leuitas infidetur, aspiciant: ne dum ventri molliter seruiunt, vitiorum laqueis crudeliter astringantur. tanto enim longius à secundo parente receditur, quanto per immoderatum vsum dum manus ad cibum tenditur, parentis primi lapsus iteratur.

Incommoda etiam frequenter ob oculos ponenda, quæ ex hoc singularium dele-

ctu sequi nata sunt: idque in publicis exhortationibus, conferentiis, ac priuatis etiam Superiorum aliorumque monitis.

Remediorum verò potentissimum est nihil vlli præreliquis indulgere. præscindenda proinde omnis sub initium occasio est, ne serò remedia cogites postquam inualuere mala. in scintilla nimirum sua extinguendum incendium est.

CAPVT XXIII.

Neg'ectus munditiei & modestiæ religiosæ.

LICET mundities in omni exteriori cultu non sit Anachoretis, & ab hominum consuetudine ac familiaritate remotis necessaria, illis tamen qui proximorum saluti promouendæ student, perquam necessaria videtur. ne dum è sordium conspectu & odoratu in personarum fastidium veniunt, doctrinam etiam institutionemque contemnant. ferè enim certa sperati fructus spes est, placuisse. quicunque proinde ex instituti ratione ad aliorum salutem vocantur, munditiei studeant.

Nolo curiosiores vestium compositores, nolo capillorum structores, nolo sæcularem ambitum, moresque ad aulam compositos, ad externam beneuolentiam captandam figulatos, ac quali è capsula & acu prodeuntes, nolo ornatum luxus ac deliciarum indicem: munditiem volo grauitatis & interioris mitioris ac munditiei testem. nolo sordes. neque enim sanctimoniarum aut solidæ pietatis hæc signa sunt: plusque non rarò fastus ac arrogantiarum in extremo quodam vestium corporisque neglectu, quam in curiosiore delectu est. mediocritatem tenuisse viri & virtutis est. non splendeat proinde, nec sordet vestis, vt sine cultu culta sit, & dum paupertatem Religiosus amat, non amet sordes quibus fastidium nauseamque prouocet. sed neque exquisitiore compositione vanitatem signet. Sanè nec affectatæ sordes, nec exquisitus cultus Religiosum decent: hic delicias, illæ animum neglectum ac remissum, aut inanis gloriæ studium designant, nam cum ferè habitus hominem suum loquatur, fit vt exterior constitutio interioris animi indicium sit, tanquam si quis è vestibulo

bulo de domo sententiam ferat, è fronte oculisq̃ue mentem designet, è verbis pectus cuiusq̃ue recludat. non quod hæc falli nesciant, sed quòd plurimùm externi mores ingenium cuiusq̃ue prodant.

Qui ergo aliorum sibi salutem proposuit, vitiorum extirpationem, virtutum inscriptionem; nec fastum præ se ferat, nec contemptum, ne suadelæ ostia claudat, ne sordibus terreat, horrore exanimet, molliore-
ûe cultu aliquid de probitatis opinione amittat. virilem habitum morisq̃; virtus deposcit, maturos, graues. Non loquatur vestis feminam, sed neque sordes aut agrestem & inhumanam negligentiam aut barbariem aliorum oculis ingerat. nemo è speculo & crinali acu ad vitiorum odia, virtutumq̃ue amorem potens prudensq̃ue persuasor prodiit; nemòque facilè in quæ voluit animos flexit beneuolentia destitutus, cùm ergo horrorem sordes, accuratiorq̃ue compositio mollitiem testentur; vtrumque prudens animarum auceps fugiet, media scètabitur, extrema deseret: nec fœda à se illu-
nie reliquos terrebit, nec munditiẽ tantùm

colet ; sed ubi nitore in familiaritatem pel-
lexerit, in virtutis amorem pertrahet.

Tota etiam domus nitorem præ se feret,
magis etiam singulorum cubicula: quorum
concinna aut neglecta compositio, inhabi-
tantis ferè animum morèsq; designant,
compositos, incompósitos. & incredibile
propè est, quantum domus totius apta con-
cinnitas externorum animos in admiratio-
nem & amorem trahat, quantumque sor-
des deterreant, ac in contemptum ducant:
ut plerique è domestica compositione de
incolentium moribus statuunt. magis etiam
in Religione : in qua in minimo deflexisse
magnum videtur, maximè cum ea innata o-
mnibus opinio sit, ab interna animorum
constitutione externa profluere, talèmq;
cuiusq; mentem esse, qualem mores facta-
que testantur, nec aliam, proditor interio-
rum mores sunt, neque certior interiorum
index reperiri potest, ut frons, oculi, verba,
vultus, corporis iactatio, lentitas celeritas-
que incessus, modesta aut sordida, cultior
aut neglectior habitudo totum hominem
suum loquatur. etiam ipse odor nescio quid

virtutum vitiorumque spiret. tetrum omnes auersantur, nimiam vestium fragrantiam, impurioris molliorisque animi signum designare arbitrantur. Quid? quod inter prima tuendæ valetudinis adiumenta munditia sit.

Dici deinde non potest quantum siue ad imitationem, siue ad persuadendum religiosa morum compositio valeat, vultus totius modestia ac maturitas, decens membrorum omnium compositio, frons serenior, oculi modicè deiecti, & verecundiam signantes, os genæque pudorem restantes, manuum totiusque corporis seria maturitas. vt vel hæc sola ingentia non semel incitamenta fuerint vitæ melioris. potentiora nimirum ad suadendam facta verbis sunt, plusque potest muta morum locutio, quam fecundissima verborum flumina, diuite quocunque fonte manantia. ita non rarò plus Superioris aspectus ad seueritatē compositus quam acerbiora verba potuerunt: vt lasciuior etiam quisque, si in seueram maturamque vultus compositionem inciderit, comprimat meditados ignes, ac tanquam fulmine per-

cussus cogitata recondat, & audacię suę cursum pudoris freno retrahat; vt sola sępe vultus castimonia satis sit ad validę procursantes flummas restringendas. credas integra superfundı ignibus flumina, ita momento sistatur omnis æstus, cū in verecundos seuerosq; maturosq; mores incurrerit.

Iam ipsa oculorum casta maturitas, verecunda deiectio, quantas peccatorum occasiones tanquam falce secat? quantis contrā liberior illorum procursatio ostia referat hostibus? quanti deinde omni ætate vno licentiorę oculorū intuitu ceciderunt? quanti starent si stetissent oculi littoribus suis cōtenti? quantos verò vnus mulierculę curiosior circumspectio sub iugum misit? quot captiuas animas vna audacior oclorum iactatio in triumphum duxit? quanti æternis pascuntur ignibus, viærent cælorum gaudiis, si proditor oculus non prodidisset animas? quanti deniq; mutuis oculorum propudiosis ignibus decinerati in inglorias fauillas abierunt? adeo vt vel semel vidisse minùs castum multorum annorum materiam suggerat. quid, quod in omnem etiam ætatem?

tem? tantum potest prouida arctiorque oculorum cohibitio, tantum licentiosior peregrinatio. Idem de reliquo corpore dici potest, ore, auditu, tactu, incessu. quæ omnia si ad religiosam modestiæ regulam componantur, ingenti decore Religionem illustrent, magnamque sui admirationem amoremque prouocant: cum contrà lasciuior liberiorque ostentatio dedecus inurat, auctoritatem minuat, probitatis opinionem tollat, speratamque animarum messem fallat.

Remedia.

A Superiorum in primis vigili, ac in omnem partem intenta cura petenda sunt, crebris monitionibus, cubiculorum singulorum totiusque domus frequentibus lustrationibus.

A nouitiorum seria institutione magnarum rerum pars pendet. ferè enim in omnem ætatem adhæret quod primis illis annis imbiberunt. seriò proinde ab ipso Religionis exordio excitandi erunt ad munditiei cultum & amorem, ad modestiæ admirationem & studium. quæ vna, Bernardo te-

u s

ste,

ste, Epist. 113. ad Soph. cervicem submittit, ponit supercilia, componit vultum, ligat oculos; cachinnos cohibet, moderatur linguam, gulam frenat, iram sedat, firmat incessum, omnemq; corporis motum ad exterioris etiam cuiusdam elegantiae normam, religiosamque compositionem fingit.

Pœnitentijs deinde à sordibus deterrendi, præmijsque laudibusque ad munditiam, decentemque corporis compositionem impellendi sunt.

Commodorum etiam è nitore, incommodorumq; è sordido neglectu nascentiũ consideratione iuvare singuli poterent.

Excitandum denique in singulis vehemens salutis proximorum desiderium, quæ res ad nitorem impellet, cùm benevolentia ante omnia captanda sit illorum quorum salutem studemus: quam nemo sordidiorè neglectu ac cultu, & externo squalore nauseam prouocaturò parabit. honestatis enim pulcritudine ferè omnes capiuntur, munditia, maturaq; morum consuetudine gaudent, & lubentes horum monita admittunt.

CAPVT XXIV.

Sæculares mores, risus, ioci, minus sive religioſæ recreationes.

QVÆ paulatim animos ad ſe rapiunt, amocant ab inſtituti & perfectionis amore. Irrepunt hæc mala à leuibus primùm initiis ad ſumma, vt nihil iam præter nomen & togam in Religioſo videas; mores ſæculum non redolent, ſed exprimunt. Et ſanè qualem externo conuictu & conuerſatione Religioſum videris, talem interiùs cogita. reſpondent interioribus externa, cùm hæc ab illis proficiſcantur; vt meritò mentiri habitu Religioſum dixeris, qui ſæculum moribus, veſte Religioſum præfert.

Sed neque conſiſtere vocationis amor cum ſæculi moribus poteſt: exprimunt amorem mores. ſæculum loquuntur: à ſæculi amore naſcuntur: amarent vocationem? amorem hunc mores referrent. aliud oſtendant? aliud amant. Neque certior index interni affectus eſt. nescit amor mentiri. prodit affectum, flammæque ſpargit, quibus intus ardet. vt omne iudicium conſtitutio-

nis internæ, ab externis moribus sumendum sit: neque enim alios testes habemus, non certiores, minusque fraudibus expositos. Deum quis loquitur? possedit animû Deus. vana inaniaque loquitur? possedit animum mundus. nemo è vase odorato vino pleno venena promit: nemo ex impuro fonte aquam puram. nimirum, *Matt. 7. non potest arbor bona malos fructus, nec arbor mala bonos fructus facere: & Matth. 12. Bonus homo de bono thesauro profert bona: & malus homo de malo thesauro profert mala. nec quisquam colligit de spinis ruas, aut de tribulis ficus. Matt. 7.*

Sequuntur ex his multorum offensiones, animorumque alienationes, conceptaque de Religione opinionis ingens diminutio. neque enim cum his moribus integra stare opinio potest, nec prudens de interno homine aliud iudicium ferri, quàm quod mores exprimunt.

Atque hinc illud sequitur, vt collapsa semel sanctimonix aut sanctitatis opinione, exigua in sanioribus intercurrentibus monitis, fides resideat, fructus aut admodum tenuis aut nullus, totaque spiritualis emolu-

lumentis spes corruat: nemo illis paulo circumspectior arcana credat, neque facile animam committat; nemo prudentior ad virtutem magistros hos deligat, quos ad seculum moribus præire potiùs, quam ad cælestia videt, nasciturq; inde vetus illud, Exemplo præcat, qui docere volat: &, Talem te finge, qualem alios desideras: Res monitis præluceant, facta dictionem ducant: Illudque in alio spera, non quod animo foves, quod verbis exornas; sed quod rebus factisq; exprimis, memor grauiſſimę censuræ D. Bernardi, Lib. 2. de consider. *Inter seculares nugæ, nugæ sunt: in ore Sacerdotis blasphemia.*

Exemplo etiam talium in paria trahuntur reliqui, maximè iuniores; in quibus necdum ad viuum & radices, domita & excisa sæculi vanitas, leui hoc exemplorum flabello exurgit in arborem, veteresque inanum vanitatum fructus: & ferè quoscunque in moribus deprehendimus effusiores, & sæculum suum loquentes, illos postmodum vidimus, ab his infelicibus initiis, in carne prolapsos. præludunt enim illa carni

& sanguini, v. aq; internūt periturę animę.

Illud etiam ex his malum nascitur, vt tales plerumque domesticam turbent pacem, vniuersam disciplinam euertant. exemploque suo regularum inducant neglectum, ac instituti denique totius contemptum: à cuius vniuersim placitis morum vanitate recedunt, cū nihil aliud quàm sæculum sapiant, sæculum loquantur. nam vt nihil minus cogitent; fit tamen vt vsu quodam, ac sæcularium morum consuetudine, tantum ab omni religiosa modestia ac disciplina recedant, quantum ad sæculi mores accedunt; tantumque religiosarum rerum neglectum inducant, quantum sæcularium morum adducunt. dum enim hos imitari discunt, amare etiam assuescunt, & in deliciis habere; vnde fit, vt religiosę modestiæ mores fastidio incipiant esse, nausęamque pariant animo sæculi moribus imbuto: maximè si à frequentatione, vt fit, altius infederint, & quasi in naturam abierint.

Iniuriam deinde Deo non leuem irrogare videtur qui linguam ipsi sacratam Jo-
cis verbisque non satis castis polluit. tan-
quam

quam si quis nobilissimam gemmam sterquilinio contegat. cumque viuum Spiritus sancti templum Religiosus omnis sit, peculiari illi voto sacratum, quid arbitramur facturum, cum dicata sibi membra ad seculi mores transferri viderit? Angelos sanè super vno peccatore pœnitentiâ agente gaudere docemur. quid facient super degenerare à maiorum institutis Religioso, sæculi moribus implicito? magno profectò aduersarius, qui circuit quærēs quem deuoret, gaudio repletur, qui sciat viam per hæc ad quæcunque crimina sterni, solètque se colloquiis hisce medium miscere, cum piis cordatisque se misceat Deus. vbi enim duo congregati sunt in nomine Domini, ibi ductor ipse auctórque colloquiorum horum est.

Signum verò hæc colloquia sunt tepentis & languentis in amore Dei. nam quis amans non vltro lubensque prorumpit in amatum? imò omnis amans perpetuus in amantis laudibus est. nam cum ille pectus vniuersum occupauerit, non potest nō verbis effundere ignem, amorem suum, corde clau-

clausum. in illo eloquens est, in aliis infans; verborum in reliquis inops, hîc diues est; parcus in aliis, in his prodigus. quanto verò ardentius amat, tanto promptior in illius laude frequentiorque est. neque vnquam amanti materia deficit. mare magnum amor est: nauigat illud quicumque amat. deesse nauiganti aqua non potest, nec amanti laudes: vt non laudasse, non amasse; adeoq; de amato siluisse, non amasse sit. Certè sola ego illum veste Religiosum arbitror, qui parcus in Dei, prodigus in seculi moribus ac laudibus est. parcus non esset si amaret, & Religiosus esset si amaret. quare cùm parcus in illis sit, nec amat, nec Religiosus est. iam cùm verba sæculum loquantur, veste Religiosus, animo non est. cùm hunc alium verba prodant. dictum olim Matth. 12. *Ex verbis tuis iustificaberis, ex verbis tuis damnaberis.* nec potest animus religiosus esse in ore non religioso.

Et ferè quicumque in sæculi mores verbaque effusiores fuerunt, exuta tandè Religionē, totum sæculum induerunt. nec mirum. induerant antè animo. nec poterat nō

totum se aliquando effundere animus talis, neque diu habitu solo mentiri Religionem. quod si qua necessitate commodique suadentibus in Religione perstet; monstrum, non Religiosus est, tanquam si quis capiti equino hominis adnectat pectus, Religiosę nimirum vesti animum, verba, moręque sæculares.

Remedia.

EX intenta Superiorum in omnium mores vigilantia peti debent, vt in semine suo occidantur hi mores, cū nulla re maiora incrementa sumant, quàm Superiorū incuria & neglectu. Serio in accuratam regularum omnium obseruationem incumbat, qua vel sola mores componuntur, domesticamque disciplinam fortiter tueatur. Describit eam Bernar. Epi. 113. ad Sophiam. *Disciplina virtus est, qua corporis & mentis habitum componit, ceruicem submittit, ponit supercilia, componit vultum, ligat oculos; cachinnos cohibet, moderatur linguam, gulam frenat, iram sedat, format incessum.* Accuratè Religiosum instruit Hugo de disciplin. Monachor. *Temperan-*

peranda est etiam facies, & modificanda in gestu suo, ita ut nec proteritè exasperetur, nec molliter dissoluatur. Sed semper habeat rigidam dulcedinem, dulcēque rigorem, secundum illud Ecclesiastici, Ex visu cognoscitur vir, & ab occurſu faciei cognoscitur sensatus. Motus corporis, & risus dentium, & incessus hominis enuntiant de illo qualis sit. quia per illud quod foris, siue benè, siue malè agitur, interior animi qualitas intuentium oculis patenter indicatur. Idem: Disciplina honestæ conuersationis ex quatuor perpendi potest, ex gestu, motu, affatu & conuictu. gestus autem reprehensibilis est, si est aut mollis, aut dissolutus, aut tardus, aut incitatus. mollis significat lasciuum, dissolutus negligentem, tardus pigrum, citatus siue impetuofus inconstantem.

Iuuabit in primis, si Præfectus spiritus fortiter insistat componendis suorum moribus ad modestiæ regulam.

Proderit etiam, si iunioribus, & ad sæcularem profusionem propensioribus, miscantur in recreationibus potillimum viri graues; nec permittantur iuuenes à seniorū se conspectu proripere. habeant semper quem obseruent, cuius oculum vereantur,
cuius

cuius exemplo ad modestiam componantur, cuius quando necessum monitis comprimantur.

Quòd si quis post varia ante nequidquā tentata, maiore remedio egerit, semouendus ille ad tempus à reliquorum recreationibus ac consuetudine fuerit, vt assuescat modestiæ, alijque hac seueritate mores temperent. Neque enim amor tantum, sed verecundia & merus magnum in Religione momentum afferunt.

Spiritualibus etiam exercitijs extra consuetum tempus assumptis & imperatis iuari talis poterit, vt sæpius ea etiam per annum peragat, donec se reducat ad eam morum maturitatem, quam iure suo Religio postulat.

Proderit vehementer, ante omnem recreationem fortiter animo Religioso dignam recreationem proponere, post singulas verò breuissimè eas animo percurrere, cogitareque illud, *Marth. 12. Omne verbum otiosum quod locuti fuerint homines, reddent rationem de eo in die iudicij.* Simul etiam tacitum secum cogitare altam animi pacem tranquill-

quillitatemque post religiosè tranſactam
recreationem, inquietudinem verò à vana
recreatione inſurgentem, malaque plurima
quæ ferè recreationes has ſequitur; illudq;
// magnorum virorum, Verbum leue in Reli-
// gioſi ore blaſphemiam eſſe, non quòd talis
// ſit, ſed quòd paullatim eò Religioſū ducat.

Vtile etiam fuerit, præſentem nobis
Deum proponere, inſpectorem, iudicem,
præmiatorem. eoque modo recreationes o-
mnes peragere, quo non illo ſolùm, ſed &
externis ſpectatoribus peractas vellemus.

Denique conſultiſſimum fuerit ſemper
aliquem è maturioribus domus iuniorum
recreationibus intereſſe: ipſumq; adeò Su-
perioſiorem, quantum occupationes ferunt,
eo loco eſſe, è quo moderari illas poſſit.

C A P V T XXV.

Conuiuiorum frequentatio.

Sive illa domi noſtræ, ſive apud externos
inſtituantur, noxia in primis ſunt. inte-
peſcit enim his paullatim Religionis ſpiri-
tus, qui cibi potuſque magnam moderatio-
nem

nem exigit, & ferè ieiuniis pascitur. Ita omni sæculo, quotquot arctiùs se Deo deuouerunt, ab insigni victus potùsque moderatione initia duxerunt: quotquot verò laxata maiorum institutione, ad lautiores se mensas profuderunt, spiritum, quem ciborum continentia imbibebant, exuerunt, & ad maiorum demum extrema delapsi sunt.

Et ferè pari, quo frequentantur conuiuia a idore, pari spiritus, aut tanquam flammis exeditur, aut tanquam flumine aut spongia eluitur; vt quantum accessit creuitque mensarum, tantum decesserit. decreueritque genuini spiritus. ita augmenta decrementaque à cibo potùque, spiritus iam inde à primordio mutuatur. neque vnquam in benè pasto saginatòque corpore, & escis vndique stipato, religiosam mentem, & solius Dei cupidam reperies. Non possunt simul stabulare Deus & mensæ. quantum concesseris vni, tantum necesse detrahas alteri. quare si quem videris in mensas proniorem, eum in spiritu comperies retractiorè: quòque plùs quisque cibo potùque maduerit, hoc plùs spiritu exaruit. vt deliciis emedul-

lari

lariac eneruari spiritale robur deprehēdamus . Nam cū ciborum potusque copia, tanquam oleo libidinum crescant flammæ; perfacile quivis videat, retingui his æstibus internarum fluēta gratiarum . neque alia potentior libidinum materia, quā saginatum fartūque cibus corpus . ut validissima voluptatum incentiua à cibo potūque nascantur . Et ferè videmus eos qui victus moderatione spiritu incepterunt, eiusdem libertiore consuetudine carne consummasse : & ut nullus lapsus sequatur, minùs tamen castæ narrationes, quales inter pocula nasci proclive est, potentibus tentationibus materiam in omnem ætatem suggerere solent : ut taceam ad illas illecebras femineum cōpositum ornatum, mollia verba, lasciuientes oculos, quarū vel in medijs orationibus recordatio ingentes animo parit molestias .

Sequitur hunc ciborum affectum, laborum fuga, otij amor . languescit enim ad labores corpus cibo fatigatum . colloquia deinde venatur & fabulas, risus, iocos, lusus, & quidquid sæculum de mensarum ac conuiuiorum apparatu promittere solet . sternitur,

turque his via ad mutuas detractiones, quas ferè ex otio tanquam è fonte flumina promanare videmus. profiliuntque tandem ex his liberiores locutiones, carnem & sanguinem redolentes, castitatis omnisque puritatis hostes. inde etiam minùs provida oculorum custodia, blandiorque prospectus, quàm religiosam castimoniam, maturamque severitatem deceat. itur demum ad verba libidine natantia, parùmque castas libertates, ac demum ad malorum profunda. Nec mirum si duobus his ignibus substructum corpus accendatur, & appetere discat quod ignorabat. neque sanè quidquam promptius quàm duabus his potentibus flammis inardescere.

Plenas etiam ex his videas Religiosas domus amularionibus, dum paria concedi sibi quisque contendit. &, vt ingeniosa cupiditas est; modi excogitantur & inveniuntur, quib. impetremus quod volumus. quòd si præclusa via est, murmurationes nascuntur, cum enim quæ prona hæc cupiditas implacabili aviditate poscit, negantur, aut minùs quàm vellent prodigè largiuntur;

exurgunt querimoniarum & oblocutiones, in quas reliquos etiam facile propellunt, eosque maxime, qui non inferiore propensione in cibum potumque feruntur. plena etiam conuiuia reperias detractionibus, cum familiare sit inter mensas poculaque in alios incurrere, liberiusque effutire silenda, aliorumque mores carpere, dicta factaque improbare, damnanda laudare, laudanda damnare. à quibus si Religiosus sibi temperet, domum tamen ea refert quæ aliis narret: nec crimen agnoscitur quod palam inter pocula acceptum. nihil deinde tam sanctum tamque reconditum quod non deuomat vinum, impatiens secretorum: publicanturque per sæpe ea à quibus fama vitæque pender. nesciunt secretum vina: adeoque publicasse illis gloria est, & candidi pectoris symbolum. etiam domestica suæque retinere mala, pulcrum.

Offensiones deinde externorum sequi proclive est: qui si Religiosos videant in hæc proniores, & supra religiosam continentiam in cibum potumque effusiores; non immerito offenduntur, contemnuntque non delin-

linquentes tantum, sed vniuersam Religio-
nem, cum ex paucorum horum affectu re-
liquos metiantur. magis etiam, cum liberio-
ra, minusque religiosa insonuerint verba,
moreque seculum potius quam pietatem
loquentes viderint. quod ferè inter pocula,
in omni mensali deliciarumque profusione
vfu venire videmus, vt immemores sui, reli-
giosaeque modestiae, cibo potuque impellē-
te, plus longè de mundi vanitate, quam de
religiosa referant maturitate. quae res & scā-
dalum parit, & nominis aestimationem mi-
nuit, & proximorum in primis salutem aduer-
satur. Et sanè prodigium sit in tanta prouo-
cantium ciborum copia, vinoque prodigè
propinato, modum statuere, ac se intra mo-
destiae ac continentiae limites continere. dū
prouocati veremur ne neglexisse videamur,
aut honori detraxisse, aut amicitiae minus
concessisse, aut denique non satis affectui
indulxisse.

Estque hoc huic vitio inditum, vt nulla
moderatione exsatiatur, maioraque semper
concupiscat: nec expleatur, donec insigni a-
liquo lapsu se nomenque suum dehonestat.

nerit, sed neque hinc finis : ut oculis priuatos arbitrare, ita nec mala quidem, licet graua, in quæ inciderunt, vident, rapiunturque in dies ad deteriora, adeò difficile est modum in his statuere, ut etiam post præcipitia nouam quarant ruinæ materiam. Periclitatur deinde in his vehementer paupertas, cum in tanta rerum varietate, immemores illius, multa profundimus verius quam vtamur, & appetere discimus religiosæ tenuitati ignorata, desipiuntque domestica, & religiosæ mensæ quibus antè delectabamur fastidium pariunt gustata nimirum copia inopiam detestatur, nauscatque iam animus super tenui cibo, qui per conuiuia lautioribus assuescit.

Neque domestica in hoc genere mensæ, minus quam externorum, noxiæ sunt, maximè cum ad eas vocantur externi. nam cum dignitatum illorum rationem habere volumus, fit plurimum ut religiosos transgrediamur limites, pulso modestiæ rigore, effundimurque in apparatus sæculo magis, quam Religione dignum. Nec hoc non rarò cum offensione etiam conuiuarum,

Accedit talibus alios ad paria excitari, & Superiorum exemplo ambire his similia, & imitari. Inde frequentantur domi conuiuia, & repetuntur mensæ ab instituto alienæ. dumque his externorum gratiam venamur, fit iusto Dei iudicio, vt illa excidamus: neque enim per conuiuia beneuolentiam captare religiosum est.

Disciplina deinde domestica soluitur, dum protrahuntur mensæ, Religiosi que his occupationibus distinentur. Iam dum in assueti talibus indulgent, & valetudinem lædunt, & religiōsæ obliuiscuntur modestiæ, & in latentes ignes excitant, vitiaque aliquando eruptura, latèque crescente consuetudine damna datura.

Illud etiam in his non caret incommodo, quod lautius habitari externi, domesticis exin suis, aliisque mensarum apparatus referant, augeant etiam: ac præ se nonnquam liberaliorem tractationem vultu voceque referant. quæ res & Religione indigna, & meritam offensionis materiam præbet, & plurimum æstimationis detrahit, & proximorum salutis, ac diuinę glorię propa-

gationi non leui impedimento esse solet.

Neque in vno alteroue stare hæc conuiuia possunt : nam cum plurimi sint, quibus aut obstringimur beneficiis, aut quorum opera nouè semper egemus ; multi qui dignitate, opibus, nobilitate, amicitia pares videri velint, pares etiam inuitatione esse volūt. Concedis omnibus? quid non iure metuendum? negas vni, concedis alteri? sequitur de prærogatiua hac indignatio, quæ etiam ad odia transit : vt aut omnibus concedendum, aut negandum sit omnibus. omnibus concedere, indignum Religioso. omnibus ergo negandum. & sanè quocunque te veritas, vix reperiri temperamentum potest. vnum enim admittere, altero neglecto non possumus. frequentanda proinde ac repetenda conuiuia erunt. verùm quis finis euntibus in orbem amicis, beneficiis, conuiujs? crescentibus etenim illis, hæc etiam crescere necessum est. quæres incommoda quanta secum trahat, nemo paullò prudentior non videat : cum & vniuersam domesticam soluat disciplinam, modestiæque ac religiosæ castimonie mores, in vanos sæcularesque ver-

vertat; vt non iam vltà religiosam, sed eternam domum præferat.

Tolliturque ex his pars maxima, in monendo ac suadendo, libertas. nam cum de iunctum te teneat conuiuator tuus, fit vt nõ parum de libertate decedat. veremur enim offendere cuius beneficio obstricti tenemur. displicere nimirum nolumus à quo mensale beneficium accepimus, & erubescimus etiam in delictis monere, cuius munificentiā experti sumus. Misera conditio, pro tam vilibus libertatem vendere, imò pro tam leuibus æterna proicere, nam cum ferè conuiuia remunerationis ac quasi mercedis cuiusdam loco instituantur, meritam hîc mercedem accepisse videbimur priuandi æterna. & plurimùm conuiuio vno omnem se gratitudinis obligationem exsoluisse sæculares arbitrantur. noui nos Esau facti, pro pulmento primogenita videntes. vt meritò ab Apostolo 1. Pet. 5. moneamur, *Sobrijs stote & vigilate, quia aduersarius vester diabolus tanquam leo rugiens, circuit, querens quē deuoret.* Sanè inter vicia ac lautiores mentas per facile illi est exarantam aduersarium fer-

rire. ita cadit Amnon, Simon, Holofernes
 etiam muliebri manu: quo magis nos arma-
 ra inferorum dextera. Et quam tentationem
 superabit qui deliciis succumbit? qui tam
 mollibus frangitur prosterniturque, quo-
 modo inter rugientes leones & hostiles a-
 cies stabit interritus? Indignum viro, magis
 etiam Religioso, vinci à vino; à tam molli,
 generosum pectus, Christi toties sanguine
 delibutum, sanguine pastum, & terret nos
 Sapiens Prou. 23. Cui va? cuius patri va? cui ri-
 xa? cui fovea? cui sine causa vulnera? cui suffusio o-
 culorum? nonne his qui commorantur in vino, &
 student calicibus epotandis: ne intuearis vinum quan-
 do flauescit, cum splenduerit in vitro color eius: in-
 greditur blande. sed in nouissimo mordebit vt co-
 luber, & sicut regulus venena diffunder.

Remedia.

MOderanda conuiuia erunt, & tan-
 quam iniecto fræno reprimenda, vi
 etiam coërcenda. sapiusq; versetur animo,
 quare te Religioni dederis, sacraueris Deo.
 & illud Hieronymi: Epi. ad Nepotian. Facile
 contemnitur clericus, qui saepe vocatus ad pran-
 dium,

dium, ire non recusat. Consolatores nos potius in
mœroribus suis, quàm conuiuia in prosperis noue-
rint homines.

In solidum si conuiuia amoueantur, tu-
tissimum erit. nam moderationem agrè re-
peries, neque facilè ad mediocritatem de-
duces: inexplibilis enim quædam conui-
uiorum fitis mentem occupat, quæ semel se
ei dederit. Nec satiatur hæc audivas con-
cessis, nec expletur modicis. & tanquam
sphærica corpora, quæ supernè labuntur,
non antè finem voluendi, quàm præcipitiij
faciunt: ita animus semel hoc malo possè-
sus, nullum pronitati suæ finem statuit, do-
nec ad extrema deuenerit, vt finis illi sit, ce-
cidisse.

Seriis pœnitentiis, monitisque grauiori-
bus delinquentes auocandi sunt. Superio-
res etiam à functionibus amouendi, quo-
rum exempla eo nocentiora sunt, quo sin-
gula eorum facta, domesticis posterisque
non rarò documenta & prouocamenta in
imitationem sunt.

Proderit, exemplis eorum qui omni sæ-
culo à conuiuandi pronitate ad graua de-

lappi sunt, reliquos detertere. nec exempla deesse poterunt in omni Religiosorum Ordine ; domestica tamen plus ad motum & terrorem poterunt ; quanquam & externa in hoc genere iuuabunt.

Iuuabit considerare sapiùs, quàm paucis natura contenta sit, quàm modico satietur. quanto etiam paratiores è tenui mensa ad magna surgamus, ad studia, consilia danda, imperia, virtutum exercitia, cœlestium cogitationes, tentationum victoriam, hostium proculcationem. Benè Hieronym. libr. 2. in Iouinian. *Grandis exultatio animi est, cùm paruo contentus fueris mundum habere sub pedibus, & omnem eius potentiam, epulas, libidines, propter quæ diuitiæ comparantur, vilibus mutare cibis, & crassiore tunica compensare : citò enim expletur natura necessitas. frigus & sames, simplici vestitu & cibo expelli potest. addit: Sapientiæ operam dare non possumus, si abundantiam mensæ cogitemus, quæ labore nimio & cura indiget. & monemur à Sapiente Eccle. 7. Melius est ire ad domum ludus quàm ad domum conuiuij. causam addit: In illa enim finis cunctorum admonetur hominum, & viuens cogitat quid futurum sit.*

CAPVT XXVI.

Munerum acceptatio, largitio.

NON magna hæc res cuipiam videatur, maximè in rebus non magnis; grande tamen malum est, eoq; nocentius, quo sub amoris ac beneuolentiæ testatione mollius animo illabitur. antè nimirum venenum præcordia occupauit, quàm bibisse nos sciamus: neque enim ad animorum obstrictionem potentius quidquam in humanis reperias; vt vinculis iam tanquam validissimis compedibus cōstrictum teneas, quem munerib. quasi retibus implagasti. Et verò certius etiam beneficiis hostem, quàm armis fregeris, faciliusque inimicam mentem muneribus sub iugum, quàm ferro miseris. Ingens omnino vis munerum est; quæ seuerissimos etiam iudices, nulliusque minis, purpura, ac ne propinquo quidem sanguine à recto bonoque flectendos, ab innata seueritate & æquitate dimouit. vt munus in iudice accepisse, propè vicisse sit. expugnauit nimirum arcem quamuis præualido præsidio infessam, qui aurum immisit; perdidit,

qui accepit. hinc illud Sapientis Pro. 15. *Conturbat domum suam, qui sectatur auaritiā; qui autem odit munera, viuet. & illud Eccl. 20. Xenia & donaria excæcant oculos iudicum, & quasi mutus in ore auertit correptionem.*

Et exemplis docemur omnium sæculorum, vt nesciam an validius aliud ad expugnationem in omni hominum genere reperiri possit. hoc prudentes sapientia exuuntur, prouidi circumspeditione spoliuntur, docti eruditione destituuntur, continentes castimonia nudantur, fidentes spe sua frustrantur; amicitia labascit, deferuescit zelus, in tepeſcit pietas, succidit fiducia, exarmatur exercitus, emedullantur robora, & quidquid terris magnum est, ad humilem descendit arenam. Ita quidquid in vnaquaque re summum est, si accesserint munera, deflorescit, vt exaruisse virtutem omnium credas ab horum tactu. quid? quod longè etiam posita improbo quodam afflatu venenent, vt vel vidisse noxium sit. bene Cassianus, *Oblatio muneris, tinea est regiminis.*

Si à Superiorib. hæc nascuntur, nescio quo modo in mores vitamq; illius nos trahant:

vt

vt etiam damnanda laudemus, imitemur.

Si ab inferioribus, credas tanquam falce præcisos disciplinæ neruos: ita intepescit rigor, & correctionis succiduntur genua. succedit simulatio, dum offendere nolumus, quorum beneficijs tenemur, aut à quibus maiora speramus.

Si à paribus, mutua marcescit correctio, dum indignum censemus Superiori in benefico socio nocitura prodere. quid? quòd perfacilè etiam in illorum mores eamus, ne videamur à benefactoribus degenerare? aulicos referunt mores? imitatur. obloquuntur? addimus aliquid de nostro. detrahunt? probamus. in cibum potumque feruntur? iungimur socij. in risum, & sæculares iocos soluuntur? reddimus paria. liberaiora, minusque casta proferunt? arridemus. nimirum ne silentio nostro dicta factaque illorum improbare videamur, decurrimus ad paria vitia: neque displiceamus quorum beneficijs irretiti tenemur, mores restituingimus, & induimur iisdem malis, vt dictorum factorumque similitudine placeamus.

Si ab externis beneficium accipimus, perit

in monendo, consulendo, corripiendo libertatis pars maxima: nam & pretio illam benefactor emit, & nos vendidimus. minuit deinde veneratio auctoritatem, offensionisq; timor magnam libertatis partem adimit, dum veremur ne monitione nostra eclanguescat benefica manus, & exarefcat donorum fons, monitis tanquam aëtib; repressus.

Quid? quod ab eodem offensionis timore, & placendi studio, non rarò improbanda probemus, probaq; respuamus; vitia si non laudamus, extenuamus, placituraq; etiam in sceleribus consilia damus. nimirum displicere nolumus, ne beneficiorum spe excidamus.

Quod si à femina veniant munera, in priuatum maximè vsum vertèda, maius etiam periculum est. quoq; hic sexus mollior teneriorq; est, hoc maiora etiam damna metuenda sunt, & nescio quid etiam seuerissimis ac castissimis mentibus afflent tenerioris affectus. solaq; non rarò muliebrium donorum memoria, valentissimi ac religiosissimi viri pectus tanquam molli, sed potèri

tamen iaculo transfadigit. & dum munera placent, incipit placere donatrix. Ludit deinde in muneribus, tãquam in amoris quodam symbolo, mollior affectus. & illa antè mens, multorum sepe annorum spiritalibus exercitationibus roborata, ac quasi in ferrum chalybèmq; versa, muliebrium donorum malleis concussa, fatiscit, succiditq; paulatim, donec suauioris huius elementi frequenti stillicidio exesa & euigorata, in vagum puluerem cinerèmq; dilabatur: & quæ nullis antè minis territa, nō armis fracta, inuicta mundo & inferis steterat, molliissimis hisce femineis vinculis, omni ferrea compede firmiùs tenetur. credas Samionis capillum vniuersi roboris germen, muliebri manu demessum.

Huc accedit, non vna nos experientia doctos, aliquid aliquando in his muneribus diabolicæ latuisse fraudis; nec antè animo quieuisse qui acceperant, quàm à se dona propulsaissent, tãmque diu tanquam immanissimis saeuissimisque iactatos æstibus, ac quadam quasi flamma ac fornacibus inæstuaſſe, atque adeò arsiſſe totos, quãdiu mulie-

liebria hæc manera circumferrent : quibus
ut primùm sese exuerant , resedisse tempe-
states, restinctas flāmas, & ad pristinam ani-
morum rediisse malaciam & tranquillitatē.

Accedit, munera hæc familiaritatis ac fi-
ducie cuiusdam maioris prænuntia quædā
esse, nec puder præeuntem sequi , neque ad
colloquia iam illius erubescimus, cuius do-
nis inhiamus. transitque iam talis aut in ma-
trem si senior, aut in filiam si iunior est. inde
licentior exurgit consuetudo , nec pecca-
tum in tanta propinquitate veremur. liber-
riora hinc exuto pudore nascuntur imperia:
neque ea dicere nunc veremur, ad quorum
antè memoriam erubescibamus. Benè Hie-
ronym Epist. ad Nepotian. *Crebra munuscu-
la, & sudariola, & fasciolas, & vestes ori applica-
tas, & oblatos ac degustatos cibos. blanda sq; & dul-
ces litterulas sanctus amor non habet. Hæc sunt in-
citantia vel amoris retinacula.*

Exurgunt denique ex his domesticorum
æmulationes, externorum offensiones , v-
trorumque obloquia & murmuraciones: &
imitari delectat , quod damnari non vide-
mus. trahimur enim commodorum spe, &

rapimur in nocitura exempla nec precipitia
sentimus, nisi in ipsis, serò in medio lapsu
tutiora cogitantes. antè oportuit.

Ingens prærogatiua apud Isaïam mune-
ra detestatum meritò mouere nos debeat,
& calcar addere, ad seriam illorum dete-
stationem Isaïæ. 33. *Qui ambulat in iustitiis, &
loquitur veritatem, & proiicit auaritiā ex ca-
lumnia, & excutit manum suam ab omni mune-
re, iste in excelsis habitabit, regem in decore suo vi-
debit.* Armemus pectus hoc robore. quò
sub his spongiis ferrum, sub hoc fauo inla-
tentia venena vitemus. mollia licet iacula
sint, & feminea sæpe dextera mīla, tin-
cta perimente toxico sunt: vt tetigisse in mor-
tem satis sit. Et sane vel sola diues illa Pro-
pheta sponso meritò mouere nos debeat,
Habitabit in excelsis, regem in decore suo videbit.
quid vel sperari aut voueri poterat maius?
alterius sæculi felicitatem omnem com-
plexus est. habitatio æternitatem designat,
visio in decore diuinam fruitionem. vt om-
nia consecutus fuerit qui munera excusserit.

Re-

Remedia.

Resecanda omnia hæc munera priuatis collata, maximè à mulieribus & pœnitentibus: quæ non vni noxia fuisse, experientia edocti sumus. dandæque opera, vt pœnitentes intelligant religiosi moribus verita hæc munera esse, ac si quæ dederint, Superiorum iudicio pro cuiusque necessitate distribuenda. consultumque fuerit, alteri potius, quàm cōfessario hæc concedi. vt si materia ad vestes, similiæque corpori necessaria donantur, ea alterius necessitatibus impendatur. cōfessario verò, si egerit, aliunde prospiciatur. ingentes alioqui hæc res, præter recensita pericula, excitabit aemulationes, & ad paria à suis impetranda dona prouocabit alios. vel sanè abundabunt hi, egrebunt alij; quæ ingens materia dissensionum est, & à paupertate, quam Religiosi profitentur, aliena, cuius nitorem non parum obfuscat.

Iuuabit non infrequenter secum reuoluerere verba D. Hieronymi ad Marcel. *Nescio quomodo etiã ipse qui deprecatur vt tribuat, cùm acceperis, viliorẽ te iudicat; & mirum in modum*
fi

si eum rogantem contempseris, plus te post venerabitur.

Proderit in primis si Superiores exemplo suo reliquis præcant, excludantque à se quantum fieri poterit, omnem omnino munerum largitionem, aut in priuatum vsum acceptionem.

Pœnitentiis etiam prouiores in hanc rem terrendi, si quando in horum aliquo peccauerint: nec parcendum hîc ætati, ne concessio eat in exemplum.

CAPVT XXVII.

Adulatio.

INdignum in Religioso vitium, cuius omnes cogitationes debent esse cælestes, omne studium placendi vni Deo. degeneres sane à vera Religione animos ostendit, quicumque se ad humana studiosius quàm par est conuertit. facit hoc omnis adulator, qui in aliorum se effundit beneuolentiam; quam vt consequatur, in omnem se vertit formam. virtute non potest? virtutem mentitur. satis enim illi placuisse est. adeò si vitiiis
pla-

placeat, vitia induet: & totum se in illa immerget, si nataſſe in illis, placuiſſe ſit.

Quo magis vitandum malum Religioſo eſt qui aliquid Chriſtiani ac virilis animi pectore clauſum tenet. quid enim tam indignum Chriſtiano ac Religioſo quàm mētiri, line quo nulla diu ſtare aduſatio poteſt? cūm omnis illa mendacio veſtiatur. detrahe veſtes, mendacium, & informis apparebit nuditas, ridenda, non admiranda. neque enim aliud eſt aduſatio quam perpetuis propè oratio veſtita mendaciis. aut enim infra aut ſupra fidem adulantis verba ſunt. dum enim placere ſtudet, ſi laudibus aliquem capi videat, auget illas longè etiam ſupra verum, vt placeat magis, ſi nihil quod laudem mereatur repererit, è ſuo cerebr: o noua cōminſcitur. quid? quòd non raiò, cūm nihil præter vitia repererit, etiam illa ipſa in laude ponat, & damnanda probet. quo fit vt in maiora impellat ſcelera. laudaſſe enim hæc, ad paria aut maiora impulſe eſt.

Ingens vitium, quando in Principes & Superiores incurrit: quorum crimina improbamque vitam moresque laudaſſe, ad ſimi-

milia calcar addidisse est, & natura aut educatione ad illa properantes, grauius etiam propulisse est. tanquam si quem præcipitio vicinum iniecta manu protrudas, quò facilior proniorque lapsus sit. vt dictum verè. Tolle laudatores; & magnam scelerum materiam sustuleris. neque quisquam facile improbata omnibus aut aggreditur aut iterat. laudem & propugnatorem crimina possunt vt reperantur. tolle hæc fomenta, ligna ignibus; & partem longè maximam ademeris. Vera nimium Magni Gregorij verba sunt 4. Mor. ca. 25. *Incessanter crescit culpa* **Ab.** *fauoribus nutrita. curari autē vulnus negligitur,* 11 *quod dignum premio laudis videtur. vnde bene per* 11 *Salomonem Pro. 1. dicitur, Fili mi, si te lactauerint* 11 *peccatores, ne acquiescas eis. peccatores enim* 11 *lactant, cum vel perpetranda mala, blandimentis* 11 *inferunt, vel perpetrata fauoribus extollunt. an non* 11 *lactatur de quo per Psalmistam dicitur, Quoniam* 11 *laudatur peccator in desideriis animæ suæ, & cum* 11 *iniqua egerit iniquus, benedicunt.* 11

Suspectum proinde omni viro probo hoc hominum genus esse debet: neque enim illi tam animi sui sensus exprimunt, quàm

quàm voluntatibus aliorum subseruiunt ac obsecundantur. mores ingeniumque cuiusque obseruant, & quod cuique auditu iucundum referunt. vera an falsa pro eodem habent: satis illis dixisse, placuisse. quin adeò, ferè aliud sentiunt, dicunt aliud: vt probasse adulatoris improbasse, laudasse damnasse sit. si quem proinde videris in os laudantem, mète damnare cogita. aliud nimirum reclusum habet anima, aliud depromit ore. ac sanè malè de te sentit quisquis coràm laudat; arbitratur enim te gloriæ nominisque quadam scabie teneri. profundit proinde laudes, eo copiosiores, quo maiori te harum prurigine titillari arbitratur. non faceret si te virum putaret, si res diuino iudicio metientem, si eterna cogitantem, si reposita celo pramia, si non ab humano doloso ore, fallaci dictione, sed ab omnium confcio Deo falliq; ignaro mercedem sperantem videret. Laudat? mollem censet, & ad praconia insurgentem, aqueum nimirum, facilem in bullam, in ventum, & ad omnem flatum vela pandentem. ludit proinde inter hæc amica ac votiua carbala, & in omnem par-

partem molli Fauonio impellit hanc ratem
ignaram sui, discriminumque suorum. quæ
cò periculis propior est, quo securior indor-
mit his ventis, ludibrium paullo pòst futura
fluctibus serà pœnitentiâ.

Comparari deinde meritò assentator o-
mnis proditori potest, qui blandis & ad do-
lum compositis verbis, diuite sponfione, in
inîdias & fraudes improuidos impellit: me-
dico etiã qui inani & falsâ spe ægrum la-
ctat, plusque bonarum valetudinum spar-
git, quo vicinior morti est. Facit omnis as-
sentator, e mentitis incautos laudibus in ve-
rarum virtutum opinionem trahit, damna
regit, pericula minuit, aut vnîuersim tollit,
eoque magis cautiusque, quo viciniore illis
sunt. Magnus Gregorius Mor. 3. c. 20. adu-
latorum linguas locustis comparat, quòd o-
mnem virtutũ virorem adulatione sua cor-
rumpant. Augustinus in Ps. 59. verò, duo ait //
esse genera persecutorum, vituperantium &
laudantium; plùs tamen persequi aduato-
rum linguam quàm persequētium manum.
Plenis etiã faucibus politicissimum adu-
lator combibit, quem in eos maximè deuo-
mit,

mit, quorum gratiam venatur. cum enim virtutibus destitutus, factorum claritate nomen parare non possit; decurrit ad fraudes, commune improborum subsidium, ut quod probitate desperat, dolis consequatur. cum enim benevolentiam alicuius sibi suisque rebus persuaferit commodam aut necessariam esse; quacunq; illam via parare studet. veris nudatur? protrudet falsa. satis illi si optata consecutus fuerit, quocunque demum flumine deducatur ad hunc portum.

// Noxium in primis Religioni genus, cum Superiores eos deliberationibus admouet, consiliorumque ac secretorum participes faciunt. cum enim rei non est mente sua, sed est Superiorum voluntate sententiam dicant, fit ut non pro veritate, sed proponentium affectu consilia explicent, in eam partem prolabendi, in quam Superiorem viderint propensum. ita fit ut dum captandæ illorum benevolentiae insudant, sola placitura depromant. unde fit ut malis remedia nulla admoveantur, ac nec nocitura quidem & in interitum ductura Superioribus indicentur, displicendi metu. Hinc paullatim

zizaniorum more serpunt neglecta mala, & moræ vires sumunt, donec sera eradicationis spe terram latè occupent.

Accedit plurimum tales quæ hîc laudant, alibi damnare; quæ apud hos probant, apud illos improbare, siue innata quadam nature inconstantia, siue omnibus placendi studio, unde fit vt nihil stabile finiri que sperari ab his possit, nihil illis tutò credi: prodituri commissa quæcunque si è re sua futurum arbitrentur. nulli deinde ex vero amici, sed fortunæ cumique sunt, omnium se successibus expandentes, omnium subseruientes: tam faciles in proditionem, quàm faciles in assensum, vt nulla illis fides adhiberi, nulla verbis fiducia possit.

Remedia.

Consultum erit suspectos assentatores omnes, ac pro hostibus ex insidijs insurgentibus habere, familiaritate sua excludere, consuetudinem fugere. si inferiores sunt pœnitentiis moniti que frequentibus ab hoc vitio, indignitate ac fœditate huius proposita, arcere: per domesticum
etiam

etiam confessarium, aliosque viros cordatos ab irreligiosa hac consuetudine auocare. quæ omnia si concurrant, non magno negotio euelleretur hoc malum. vbi enim viderint serios vbique Superiores, qui assentationem omnem improbent, qui candorem ament, adulationem auersentur, qui sinceros & regia inambulantes via, familiaritate tibi astringant, reliquos negligant, facile se ad illorum mores component. quod si deferi se à reliquis viderint, optimorumque quorumcunque familiaritate destitui, alia longè consilia moresque induent.

Inuabit etiam tales si subditi fuerint loco mouere, & iis Superioribus subdere, qui ab omni assentatione alienissimi sunt: si Superiores sunt, à gubernatione amouendi, & aliis occupandi erunt. ne horum mores reliqui imitentur, & incipiat placere quod in capite ac ductore suo vident, & pro virtute vitium habeatur.

Proderit etiam frequens cogitatio incommodorum quæ ex hoc vitio nasci consueuerunt. Frequentata deinde cælestium cogitatio, vnicumque studium placendi

Deo.

Deo. sicut enim vilescit humana, nec gratiam aut beneuolentiam captabimus hominum solius Dei contenti.

CAPVT XXVIII.

Politica agendi ratio.

QUæ res ingentem diffidentiam parit, mutuæque alienationis vel inter primas causa est; maximè ubi hæc ratio innotescit, quam diu celare in tam variis dictorumque factorumque obseruatoribus impossibile est. atque hinc perpetua quadam nascitur diffidentia, ut in illo quasi iusto metu, dum seu Superiores, seu inferiores detinentur, nihil sperari possit boni.

Nam si Superior hoc malo laborat, frustra genuinam conscientiae rationem sperabit. nemo ad hunc ut ad patrem & medicum recurreret. omnes ut minus sincerum, & cui fidi non possit, aut secretiora credi, auersabuntur, contingitque illis, ut dum affectu plano sinceròque res tractant, fidem tamen non inueniant: quòd resecta semel politica agendi ratio perpetuam ingeneret suspicionem

nem nulla arte eluendam. Agit seuerè? seueritate sua displicet. molliter & benignè? seueritatem his tegi arbitrantur, animumque alieniorem, & fraudibus dolisque vicinum. tegitur nimirum hoc cinere ignis, paulò post in flammam & incendia erupturus; integunturque pulchro hoc velamine nocitura venena, si quis propius tangat.

Iam adulationibus omnia plena videas, exulat candor, & è politico Superiorum ingenio, reliquorum finguntur mores: vt secularis iam Principis aulam, alienissimam à religiosa familia reperias.

Atque hinc in Superioribus imperia nascuntur secularia; in inferioribus seruilis obsequentia. dolis interim fraudibusque plena sunt omnia; & ille iam prudentissimus habetur, qui solertissimè socium circumuenit. veris falsisque rebus, aut calumniis etiam ac criminationibus, iuxta habetur; res modò votis respondeat. solertia proinde, ac quadam seculari agendarum rerum dexteritate, simulataque beneuolentia, ac clementia sæpius pietate tota Religio continetur. verba amorem præferunt, intus aluntur odia.

externa beneuolentia animorum dissension-
 nes, improbæque & Religiosis indignas æ-
 mulationes regunt, dum suis singuli com-
 modis student, & per aliorum emendatas
 extrinsecus amicitias, gradum sibi ad optata
 struunt. inanibus plurimos pollicitationi-
 bus, vanæque spe ludentes; solis ferè verbis di-
 uites, nisi qua parte aliorum promotiones
 votis cogitationibusque suis subseruiunt. Ha-
 bes in hanc rem illud Grego. Palt. pa. 3. c. 12.
*Est speciale duplicium malum, quia dum peruersæ
 & duplici actione ceteros fallunt, quasi præstantius
 ceteris prudentes se esse gloriantur: & quia distri-
 ctionem retributionis non considerant, de damnis
 suis miserè exultant. audiant quomodo super illos
 Propheta Sophonias vim diuinæ animaduersionis
 intendat dicens, Ecce dies Domini venit magnus
 & horribilis, dies illa, dies ira, dies tenebrarum &
 caliginis, dies nebula & turbinis, dies tuba & clan-
 goris super omnes ciuitates munitas, & super om-
 nes angulos excelsos. Quid enim per ciuitates mu-
 nitas exprimitur nisi suspectæ mentes, & fallaci
 semper defensione circumdata? Et quid per excelsos
 angulos, nisi duplicitas mentis intelligitur? Dies igitur
 Domini, vindicta atque animaduersionis plena,*
x 2
super

super ciuitates munitas & super excelsos angulos venit, quia ira extremi iudicij humana corda defensionibus contra veritatem clausa destruit, & duplicitatibus inuoluta dissoluit.

Si inferior vitio hoc tenetur, omni apud Superiorem fide caret. nihil illi tutò certoque credet. verebitur omnia, nec vera dicenti fidem adhibebit, omniaque eius dicta factaque, licet à virtute profecta, in deteriorem partem interpretabitur.

Quòd si vtrumque, malum hoc posse dedit, nusquam fides, dolis verò mutuisque adulationibus plenissima reperias, conspirationibus etiam, fallacibusque in optimos non rarò machinationibus, quæ ad euertendos maximos etiam viros sufficiant. Neque interim inter eos qui politico hoc spiritu aguntur, certa aut fides, aut animorum coniunctio consistere potest: cum enim è suo iudicio metiantur alios, timoribus referta sunt omnia, verentur dolos quales animo se suo fouere sciunt, neque diutius externæ huic coniunctioni inhaerent, quàm commodis eam suis vtilem sibi fore persuaferint: quæ ubi consecuti fuerint, in aper-

ta mentitus hic amor abit odia.

Signa in his vides animi, sibi ac virtuti diffidentis. qui si virtute excultus foret, non descenderet ad has fraudes artificiâq; : cum sit multa domi suæ nata ornamenta ad maiora haberet. quibus dum se destitutum videt, confugit ad hæc externa, & à sæcularibus mutuatur, quò se consiliâque sua tueatur. quo fit vt sola iam vestis Religionem, reliqua sæculû loquantur. exulat exinde omnis candor sinceritasque religiosa, charitatis custos: succedunt fucata, pulsaque veritate è perpetuis mendaciis intertexta verba. laudant, assentiuntur, ampla promittunt; alia omnia cogitanda sunt, & sponsonibus aduersantia: vt laudasse, damnassee; sponpondisse, negasse sit.

Iam quid indignius viro Christiano, Religioso, (cuius vniuersa professio habitusque simplicitatem candoremque loquitur) quam continuis contexta oratio mendacis? parui hæc animi sunt, sibi que virtuti que suæ diffidentis. generosa mens antè vitam ponit, quam illam mendacio commaculet. nescit magni animus mentiri, pusilli & mu-

SIO MEDICI RELIGIOSI

liebris pectoris mendacia sunt.

Et meticulosos ferè hos, immites ac crudeles reperies, vbi rerum potiti fuerint, neq; in vltos magis insurgunt ac sæniunt, quàm quos paribus fallacis ad maiora conniti vident, concij fallaciarum animi què sui, veriti ne paribus aliorum dolis circumueniantur & corruant, quibus ipsi iam antè non vnum in fraudulenta præcipitia impulerunt.

Scinditur hinc vniuersim mutua charitas: qua vna Religio omnis stare consuevit. nam vbi fiducia, candor, veritas exulât, mutuam etiam charitatem exulare necessum est. Hinc dura illa Sapientis Eccli. 28. imprecatio: *Susurro & bilinguis maledictus: multos enim turbat pacem habentes.*

Nascuntur demum partium studia, & dum politico magis spiritu, quàm Religionis amore feruntur, solerti singuli prudentia illis adherent & abblandiuntur, quos conatibus suis vtilis fore arbitrantur: reliquos negligunt ac contemnunt. è quorum neglectu ac contemptu parem in aliis neglectum, ac contemptum sequi proclive ac quasi necessum est: vt iam in partes toti descendant,

in

in mutuas animorum alienationes, mutuo-
rum consiliorum ac conatuum subuersio-
nes, in sociarum amicarumque sibi partium
promotiones, alienarum depressiones. de-
nique tanquam in aduersaria ac inimica a-
cie pro se quisque pugnat, ferturque in a-
lios tanquam in iuratos conatuum suorum
hostes; ex insidiis tamen plurimum, quod
proprium atque adnatum huic spiritui est:
quæ si non successerint, ad aperta etiam ar-
ma odiaque decurritur. nec iam ultra Re-
ligio, sed inimica stant in vna domo, ac sub
eiusdem Religionis signis agmina, eo no-
centiora, quo magis domestica. nam ab
extraneis non magno fors se quis negotio
conatuque tueatur, à domestico hoste dif-
ficile, ac propè impossibile est, cum mu-
tuus conuictus, mutua colloquia, nihil pro-
pè rectum patiantur, mutuaque consilia
priuati retegant parietes; vt omnia, etiam
tutissima suspectissima sint, secretissima pe-
riculis plena, vt vix iam sibi ipsi quis credat.
oculata arbitrantur omnia, ac in cubiculi
sui pariete thalamoque aduersarios veren-
tur oculos. Sanè in vultu, mutuoque prospe-

ctu profutura, aut nocitura legunt, tantum in omnem indagandorum consiliorū partem solertissima hæc valet improbitas: Pro. 18 *Verba nimirum bilinguis quasi simplicia, & ipsa perueniunt vsque ad interiora ventris.*

* Misera planè Religionis conditio, cū spiritu hoc semel imbuta, ac quasi possessa, veteri pulsa charitate, simplicitate, candore; politicis hisce flatibus, tanquam fluctibus in profundum, ac interitum sui rapitur. quo magis fugienda ac detestanda hæc pestis est, ingentibusque animis in hæc mala insurgendum. nec supersedendum labori, donec stirpitus grande hoc malum euellatur, vt ne vestigia quidem spiritus huius remaneant. quod si euellendi mitior clementiorque delit via, ferro etiam sæuiendum, & partium sectionibus. ingens pietas est secare & vrere, nec noxiæ parti parcere, vt vniuerso periclitanti corpori succurras: noxiæque è contra & crudelis clementia est, perituræ & noxiæ parti parcere, qua reliquum pereat corpus.

// Exurgit demum ex his ambitio: nam vbi semel à politico hoc spiritu genuinus
&

& primogenius subactus ac depressus spiritus est, ac tanquam in languido quodam sopore conscriptus iacet; nil reliquum est, quam ut singuli ad prima quæque magis quæque illustria in Religione munia contendant: ad quæ ut aliquando pertingant, captanda eorum gratia est, quorum fauor operaque utilis ad propositum sibi finem esse queat. quæ res ad indignissima quæque tales impellit, dum se variorum moribus ingenii quæque & à Religione alienis accommodare coguntur, plurimaque; seruilis planè ingenij munia obire, voluntatibusque etiam aliorum non raro parum religiosi morem gerere, ne nimirum alienos aduersariosque patiantur, quorum opera studioque in votorum suorum desideriorumque consecutionibus egere se arbitrantur.

Inconstans omnis politicus est, nulli certe personæ aut rei inherens. si commoda ferant, ad contraria prioribus vita propellitur, damnabit probata, iterumque laudata damnabit. idque in æterno quodam metu. Isa. 58. *Possedit enim timor hypocritas.* cum iisdem artibus circumueniri metuat, quibus

alios in fraudē impulit. Accedit perpetuus timor ne fors in apertū doli erumpant, quos in tanta mutuo conuiuentium sibi ingeniorum varietate & solertia, diu regere impossibile est. Et iusto sanē Dei iudicio, suis ferē politici capiuntur artibus, retibus implantur suis, politicis suis, tanquam veneno, ense, fune suo. neque diu tales in alta pace esse possunt. Iob 20. *Gaudium enim hypocrita ad instar puncti.* nec potest ibi solidum esse gaudium, vbi perpetuis ventis fluctibusque perpetuæ coguntur tempestates.

Similes politici sunt purpurissā & stibio formam mentientium. eumentia enim verborum beneuolentia humanitatem amicitiamque mentiuntur, quibus crudelitatem & infidos tegunt animos: vt meritò quis dicat sepulcra dealbata, monumenta marmore tecta. retege, intus latent sordes, quæ pedore suo vicina remotaq; compleant. Hinc grauis illa Sapientis Eccl. 2. interminatio: *Vt duplici corde, & labiis scelestis.* Scelesti sanē politicoꝝ labia sunt, quæ sub melle & saccharo venena tegunt, sub molli sponsia nouaculam premunt, sub roseo ore & labris vi-

rus

rus iaculantur, sub lilio & viola toxica recō-
dunt. à quorum ore cadunt barbara illa ver-
ba, Si violanda fides, regnandi causſa vio-
landa est. Et sanè nihil tam sanctum, quod
mens politicis imbuta opinionibus nō vio-
let, si proposito sibi fini aduersari putauerit.
suus enim cuiq; politico honor, emolumē-
tum suum, pro summo bono est: minúsque
veretur offensam magni Dei, quàm propo-
sitæ sibi rei frustrationem. vt iure detesterur
hos Sapiens Pro. 8. *Arrogantem & superbum &
os bilingue detestor.* quæ ergo poterit esse spes
hypocritæ? Iob 27. *Nunquid Deus audiet clamo-
rem eius, cum venerit super eum angustia? aut pote-
rit in Omnipotente delectari, & invocare Deum o-
mni tempore?* Fortiter Sapiens Sap. 1. *Spiritus
sanctus disciplinæ effugiet fictum.* neque habita-
re in eo pectore sapientia potest, à quo sa-
pientiæ mater veritas exulat; neque Reli-
gionis in eo spiritus, à quo Religionis abest
candor, veri amoris symbolum. & verum il-
lud Eccli. 3. *Cor ingrediens duas vias, non habe-
bit successus.* Grauiſſima in omnem politicum
communitio Prophetæ Ierem. 17. est: *Male-*

carnem brachium suum, & à Domino recedit cor eius. Erit enim quasi mirica in deserto, & non videbit cùm venerit bonum: sed habitabit in siccitate in deserto, in terra salsuginis, & inhabitabili. Benedictus vir qui confidit in Domino, & erit Dominus fiducia eius. Et erit quasi lignum quod transplantatur super aquas, quod ad humorem mittit radices suas: & non timebit cùm venerit aestus. Et erit folium eius viride, & in tempore siccitatis non erit sollicitum, nec aliquando desinet facere fructum. Præsumptum est cor hominum & inscrutabile: quis cognoscet illud? ego Dominus scrutans cor, & probans renes: qui do unicuique iuxta viam suam, & iuxta fructum adinventionum suarum. Qui ponit carnem brachium suum, nisi qui prudentiæ solertiæque suæ fidens, remedia à diuina fiducia non mutuatur, sed à rebus prouidè callidèque à se excogitatis: quibus innixus blandòque linguæ ac oculorum lusu, reliquos in suam sententiam subdola inescatione pertrahendos arbitratur? cùm ipse ferè iisdem artibus cadat, à diuina manu temperatis: neque enim permittet Deus altis illum radices agere. Iob 8. Spes namque hypocrite peribit. Iob. 15. & cogitatio illius sterilis:

Sap.

Sap. 4. & si in ramis in tempore germinauerint, infirmiter posita à vento commouebuntur, & à nimietate ventorum eradicabuntur. confringentur enim rami inconsummati, & fructus illorum inutilis, & acerbi ad manducandum, & ad nihilū apti.

Remedia.

Nihil in humanis sperare, nihil vereri: hinc probamus & laudamus passim quæ vel placent vel displicent iis, quorum aut potentiam veremur, aut beneficia speramus.

Nullius gratiam ambire, ne placendi studio à vero rectoque deflectamus.

Deum, & vocationis suæ bonum, animarumque salutem in omnibus dictis factisque præ oculis habere: reliqua contemnere. hæc qui fecerit, stabit interritus, nec ceruices linguamue gratiæ flectet: nec à vero bonoque minis aut purpura terrebitur, aut præmio trahetur. Cogitet, maiorem se esse Christi sanguine, hereditate, præmio, quàm vt tam illustrem animam assimilata Deo, aliorum complacentiæ mancipet. à Deo solo mercedem speret æternitate commensurandam.

talem se esse qualis illo iudice censetur, nec alium. nihilque ad demeriti meritq; mensuram humanam censuram addere.

* Iuuerit in primis harum rerum studiosos
 // ab omni nobilium consuetudine arcere.
 // quod horum serè familiaritate crescat ma-
 // lum: & ad ea loca muniâq; destinare, in qui-
 // bus talium materia negata est. nec parcen-
 // // dum si quando in hoc vitio deprehensi fue-
 // rint. omnisque omnino talium familiaritas
 // vitanda est. & ab ipsa adè Religionem tan-
 // // quam pestes ressecandi, quotquot huic vitio
 // obnoxij sunt. si Superiores fuerint; remouën-
 // di in solidum ab omni munere erunt, & aliis
 // minùs noxijs occupandi.

Proderit recordatio monentis & inter-
 minantis Sapientis Eccle. 1. omnem duplici
 corde: Ne fueris hypocrita in conspectu hominum,
 & non scandalizeris in labiis tuis. attende in illis,
 ne fortè cadas, & adducas animæ tuæ inhonoratio-
 nem, & reuelet Deus absconsa tua, & in medio sy-
 nagogæ elidat te: quoniam cor tuum plenum est dolo
 & fallacia. Et imprecatio magni Regis Psal.
 11. Disperdat Dominus vniuersa labia dolosa, &
 linguam magniloquam. addit minas Psalm. 51.

Di-

Dilexisti omnia verba precipitationis, lingua dolosa. propterea Deus destruet te in finem, euellet te, & emigrabit te de tabernaculo tuo: & radicem tuam de terra viuentium. Monétque omnes Apostolus 1. Pet. 3. Qui vult vitam diligere, & dies videre bonos, coërceat linguam suam à malo, & labia eius ne loquantur dolum.

Admonendos vult Gregorius Magnus in Pasto. par. 3. c. 12. Vt quàm grauis sit, quem cum culpa sustinent, duplicitatis laborem agnoscant. dñi enim deprehendi metuunt, semper improbas defensiones quarunt, semper pauidis suspicionibus agitantur. Nihil autem est ad defendendum, puritate tutius, nihil ad dicendum veritate facilius. nam dum falsitatem suam tueri conatur, duro cor labore fatigatur. hinc namque scriptum est, Labor labiorum suorum operiet eos. hinc per Ieremiam dicitur, Docuerunt linguam suam loqui mendacium, vt iniquè agerent, laborauerunt. audiant quod scriptum est, Qui ambulat simpliciter ambulat confidenter. fiducia enim magnæ securitatis, est simplicitas actionis. audiant quod Scriptura testatur, Cum simplicibus sermocinatio eius. Deo enim sermocinari, est per illustrationem suæ præsentia humanis mentibus arcana reuelare. Cum simplicibus igitur
ser-

sermocinari dicitur: quia de supernis mysteriis illorum mentes radio sue visitationis illuminat, quos nulla vmbra duplicitatis obscurat.

C A P V T XXIX.

Aulici mores.

DUlce Religionis venenum. Influunt hi ciuilitatis & vrbauitatis pretextu. vt inurbani inciuilesque iam habeantur, ac rusticis moribus, qui aulica illa aspergine non sunt tincti, Religionis nimirum toxico, quo quidquid est genuini ac primigenij Religionis spiritus, suffocatur. Hinc illæ aulicæ compellationes, salutationes, scriptiões, relegatâ in vniuersum, ac quasi in exilium pulsâ religiosâ maiorum simplicitate, candore, veritate: in quorum locum succedunt simulationes, fraudes, politica agendi ratio, & è meris contexta oratio mendaciis, ad gratiam verba composita, putidîsq; narrationibus confertæ narrationes. præsentēs laudamus, mordemus absentes; venientibus magna beneuolentiæ ostentatione occurrimus, amplexamur, stringimus, ad genua

nua decrescimus, intus æmulationibus, in-
uidencia, odio natamus. rogati non tantum,
sed vltro spondemus; nos nostraque omnia
aliorum obsequiis deuouemus, ac tantum
non in seruos & mancipia sacramus, cum a-
nimus liuore stipatus, alia omnia cogitet,
hostilitatemque magis dolosque damnaq;
quam obsequia meditetur, aut vt quam mi-
tissimè, nihil eorum quæ dicit cogitet: offi-
ciosis nimirum hisce mendaciis aures alio-
rum locupletamus. quæ res, cum hominem
dedeçant, cui vultum erectum, verba mē-
tem exprimentia natura dedit; tum minùs
Christianum decent, qui Christi nomine
insignitus, etiam verba illius morésque no-
minis professione imitandos sibi proposuit,
longissimè ab aulica oratione dissidentes;
minimèque in Religiosum cadere illa de-
bent, qui habitu reliquòq; vitæ genere can-
dorem ac veri studium profitetur.

Hosce mores siue Superior, siue inferior
induat, grande malum est; nili quòd in Su-
periore grauius: faciliùs enim ad alios dela-
bitur, & trahitur in exemplum. Inde diffi-
dencia nascitur: nã quis fidat hisce moribus
im-

imbuto, cuius omnia propè verba aliud volunt, quàm oratione promittunt? quis illi conscientiam vulneraque detegat? quis decurrat vt ad patrem, quem verba resque aulicum loquuntur, non patrem? quis volens lubensque obsequetur imperanti, cuius imperia non à Religionis amore, sed à despotica aulicaque ratione nata videt, ac in eiusdem finem tendere?

Si inferior his moribus tenetur, caret omni apud Superiorem fide, nec quidquam tutò illi credet.

Si vterque mutuis fraudibus adulationibusque plena sunt omnia, nec iam vltra Religiosa domus, sed mendaciorum officina exurgit; omnisque omnino Religionis spiritus aulica hac spongia vniuersum deletur; nec quicquam iam illius, præter habitum reperies rebus inanem: ac demum, pulsus virtutibus, aulica succedunt vitia; ambitio, adulatio, doli, detractiones, aliorum contemptus, odia, commodorum & dignitatû procuratio, otij amor, laborum fuga, vltimumque malorû caro & sanguis: neque illû diu castitas tutabitur, quem aulici possederunt

runt mores, castimonie hostes, omnisque libidinis administri.

Et ubi semel religiosus spiritus non elan-
 guit, sed aulicis hisce moribus pulsus, ac tan-
 quam flumine extinctus est; quid nisi caro,
 & quæ illi coniuncta timenda sunt? nec po-
 test in illo pectore diutius religiose puritatis
 instituti que sui amor residere, quod aulici
 occuparunt mores, castis piisque Religio-
 num moribus è diametro ^{re}pugnantes. Quos
 Greg. past. p. 3. c. 36. rectè sepulera dealbata spe-
 ciosa exteriùs, sed mortuorum ossibus plena interiùs
Veritas vocat. quia vitiorum mala intus cõtegent,
humanis verò oculis quorundam demonstratione
operum de solo foris iustitiæ colore bland. untur. ad-
monendi sunt vt considerent, quia dum prauos se in
occultis exhibent, sed tamen exempla de se publicè
in bonis operibus præbent, ostendunt sequenda quæ
fugiant, clamant amanda quæ oderunt; viuunt po-
stremò aliis, sibi moriuntur.

Tota deinde conceptæ probitatis opinio
 perit. neque hi mores latere diu possunt: in
 oculos incurrunt omnium iudicijs feriendi.
 Et quis iam externorum talibus se familia-
 rem, liberos, conscientiamque suam cre-
 dat?

dat? quis Principum, nobilium, aulicorúm-
que virorum, se suáque committet illis, cum
è suis moribus merientur hos Religiosos? è
sua fide illos? vt omnis omnino speratus a-
nimarum fructus depereat, cum similes sibi
arbitrentur animo, quos oratione moribús-
que similes perspexerint.

Remedia.

INter prima, aulæ aulicorúmque fuga est.
neque enim fieri potest, quin ex assidua
illorum frequentatione non plurimum et-
iam aulici adhæreat pulueris: nam & non
cogitantibus aliquid aspergitur, & nolenti-
bus quædam ex continuo vsu adrepunt. tã-
tum familiaritas potest. Idem accidit in ve-
nenis. tange, & damna expecta. in vitiis om-
nibus idem reperies. ne vita; & obrepent
quali dormienti, magis etiam si frequenta-
ueris, aut lateri illorum diu latus adiunxeris.

Si natura aliquem trahat ad aulam, impe-
rio arcendus erit, pœnitentijs etiam, & seue-
riore disciplina, si contraherit. ac ni emē-
datio accesserit, ad remotissima ab aulis lo-
ca destinandus, omnéq; illi litterarum cum
auli-

aulicis commercium interdendum erit.

Si Superior fuerit, nec post frequentata monita destiterit, functione sua exuendus erit, & ad ea loca ablegandus, in quibus nulla nec ipsi, nec ipsius exemplo aliis aulica damna timeri possunt.

Exemplis terrendi eorum, quibus aulae aulicorumque consuetudo morésque omni propè sæculo exitio fuerunt, latamq; ruinæ causam dederunt; ut vix quinquagesimus quisque eum in Religionem retulerit spiritum, quem in aulam attulerat, domoq; extulerat. quod in omni Religiosorum hominum genere reperies.

Exemplis etiam magnorum orbe toto virorum, qui aulam omnem, ut certam Religionis pestem, totis conatibus animisque auerſati sunt. quod si illos necessitas ad aulicorum frequentationem aliquando coëgit, subduxerunt se tamen, & aulicis hisce fluctibus eripuerunt ratem, non ignari in eumentita hac malacia, tempestatum. Nec mirum: sciebant enim ubi primùm pedum alterum aulae intulissent, præcipitio alterum proximum esse. ut mirum sit, tot magnorum

exem-

exemplis edoctos, venari tamen Religiosos aulas, aulicorumque imitari mores. Prudenter, quicumque hac prurigine titillatur, dum aulam cogitat, præcipitia indiuiduo illi nexu coniuncta meditatur; dū mores prouocant, damna prospicit; dum externæ inuitant venerationes, animos intuetur liuore & odio graues, & in sociorum ruinam paratos. Principum allicit fauor? scit dictum verè, Si benefeceris, leuior plumā est gratia: verbo si deliqueris, plumbeas iras gerunt. vt semel excidisse, æternum sit; & plurimum sanguine, aut ingenti dedecore error lauandus est.

Denique quicumque Religiosus aulicis hisce moribus tangitur, pulsaturque in sequelam, secum familiæ suæ non postremos viros recenscat, qui se aulicorum consuetudini moribusque dederunt; videatque an vigesimus quisque integra salute, nominisque æstimatione pedem retulerit: memoretque illius, Quia me vestigia terrent, perhorrescat ad aulæ nomen, fugiatque illius mores, vt ensem iugulo inhærentem, vt præcipitia lapsa bunda pedi, vt venena propinata labris, vt
in-

infelici propè omnium exitu signatos.

Proderitque magnorum ruinas recreati-
onum tempore frequenter recensere, qui
ab aulicis moribus, ad calamitatum extre-
ma deuenerunt, & inglorij vitam finie-
runt, vocatione plurimum deserta, in ex-
emplum miserando exitu posteritati dati.

CAPVT XXX

Clancularia agendi ratio.

QUæ ubi innotuit, vt eiusmodi res diu
latere non possunt, ingentem in Supe-
riore ingenerant diffidentiam, suspiciones-
que præbent in omni genere varias, ad eò vt
nec in apertis quidem, & quæ nulla fraude
teguntur, fidem adhibeat. Hinc animorum
insequuntur alienationes, cum etiam sub-
ditus obseruat Superiorem hac diffidentia
laborare.

Iam qui assuescunt talibus, non procul
à ruina sunt: crescit enim hoc studium ce-
landi res omnes Superiorem, & à leuibus in-
itiis, & ab vnius generis rebus itur ad ma-
gna, & omnia: atque hinc machinationes
clanculariæ, subdolaq; consilia sua tegan-
di

di ac explicandi rationes; & vt Superiorum oculos fugimus, ita paulatim etiam sociorum, à quorum conspectu nos nostrâq; subducimus. quę res plurimùm infelici exitu finiuntur.

Neque ferè quidquam aut Superioribus, aut socijs magis ingratum euenire solet, quàm callide hęc circumuentiones, ac simulata agendi rationes, fraudibûsq; tanquam nebula intectæ, cùm alia omnia, quàm agimus, simulamus.

Nec quisquam facilè cum eo coalescit, quem deprehendit occultis molitionibus inhærere; vt non iam Superioribus tantùm, sed omnibus omnino incipiat talis esse grauis, fugiantque huius familiariorem consuetudinem: cùm ferè tales quo magis consilia sua tegant, eo in aliorum vitam morésque diligentiores scrutatores, grauiorésque censores sint. omnibus proinde ingrati, sibi etiam cum perpetua hac tegendi sollicitudine graues, periculûq; innumeris expositi, quid expectent, nisi inter hæc discrimina infaustum exitum?

Neque vlli maioribus aut fraudibus, aut
peri-

periculis obnoxij sunt, quàm qui consilia
resq; suas tãto studio ac molimine Superio-
res celât. Nec erit hoc difficile in omni rerũ
genere ostendere, maximè vbi variæ tenta-
tiones animum pulsauerint, & non leuia à
talibus vulnera aut expectentur, aut data
acceptaque fuerint; nec Superiori tanquam
parenti & medico morbũ retegimus. Quid
enim hîc timeri aliud potest, quàm è proxi-
mo interitus? Et tales serè fidentiùs cum
externis, quàm cum Superioribus agunt; „
consilia sua aperiant illis, celant Superio- „
res; ac proinde magis iuncti sæcularibus, „
plus etiam referunt sæcularis quàm religiosi „
spiritus.

Accedit, studium hoc vnum esse diabo-
li, qui in id vires, quas habet, exerit, vt ce-
lentur nocitura, morbus tegatur, vulnera
non explicentur, discrimina, & quidquid
meritò timeri malorũ potest, alto prematur
silentio. illud nimirum illi sequedi commo-
dissimum tempus est, cùm quasi alto som-
no consopitis custodibus, nudata iacent
castra, propugnatoribus viduata: quod fit,
cùm Superiores fiducia pleni, periculorum,

subditorum sibi, ignari, malis indormiunt.

Et sanè Superiorum etiam vigilantiam fallere perfacile est humani generis hosti, quando inferiorem ad noxiam taciturnitatem, priuatáque consilia induxerit. quæ res in vnius capitis discrimine non consistit: quærent enim ferè tales, & inueniunt eos, qui paribus tenentur malis; crescitque exinde è communicato noxio consilio morbi malignitas, ac in manifestam tandem erumpit pestem: sequunturq; toti nonnunquam
 // Ordini erubescenda. Ita à non magnis initijs
 // ad maxima damna decurritur, & ad machinationes in instituti euersionem natas descenditur.

Signum verò celandi hoc studium, inglorij & vilis animi est, cùm per fraudes quærimus quod per virtutem qua caremus negatum est. sequitur familiare vitium, virtutibus suis diffidentium, mendacium, viro indignum; quo magis Religioso: ingens. deinde inconstantia, iuxta illud Apostoli: Iac. I. *Vir duplex animo inconstans est in omnibus viis suis.* qualem necesse est esse omnē illum qui per occultas machinationes res suas stabili-

re cogitat, serpentum more, qui se prius in latebras condunt, quàm cogitatum virus explicent. Fugiet hæc vir Religiosus, metuens illud Sapientis Eccli. 5. *Deuoratio pessima super bilinguem.* vt meritò talis destituatur à Domino, & in peccati pœnam, in interitum relinquatur. cumque infelici euentu callida consilia sua claudi viderit, mœroribus obrutus contabescat, miserrimamque per æumnas vitam trahat. Et certè quicumque hoc vitio tenetur, cum necesse est, aut pertinacissimi ingenij esse, aut de virtute sua præfidentis, aut de aliorum prudentia integritateque diffidentis, aut insigni fastu & arrogantia, aut aliquid machinari improbandum, quod latere vult alios, & in quo testem erubescat. quare & in perpetuo versatur metu, continuaque pulsatur sollicitudine, ne consilia prodantur, ne profoliant in apertum fraudes, ne retegantur doli. Sanè non nisi à Diabolo occultatio hæc consiliorum venit. tenebrarum ille & anfractuum auctor est, vt in fraudem incautos ignarosque malorum trahat: Dei consilia in luce versantur, noctem oderunt,

dici amica, inimica tenebrarum sunt. amabit hæc quicumque Deum amat; certus ab illo nihil posse in fraudem & interitum nasci: fugiet illa quicumque salutem amat, certus à Diabolo nil posse in salutem proficisci, nihil sperari.

Remedia.

Seria in omnem partem excubatione in Superiore opus est, ut si quid deprehenderit clanculariæ molitionis, ad radices excindat, quin adeò cum semine illas ipsas euellat. si quæ etiam secreta frequentiaque colloquia, & ab aliis semota, aut intempestiuis horis & locis habita; reseceat ut noxia, mutueque animorum coniunctioni aduersantia; eliminetque è domo sua quidquid clandestinas conuentiones sapit, quidquid à publico candore abducit.

Frequens cogitatio incommodorum, quæ ex hoc vitio nascuntur, maximè cum exempla nobis proponimus illorum, quibus hæc agendi ratio infeliciter successit.

Ex nostro dein iudicio si metiamur aliorum, facilis victoria erit, cum ob oculos

posuerimus aliquem hoc malo tactum, dā-
nabimus indubiè, fugiemusque illā consue-
tudinē perpetuas veriti fraudes. idē proin-
de nobis euenturum si cogitamus, facilè ab
hisce semitis pedem retrahemus. magis, et-
iam iuuabit infelices horum exitus cogita-
re, damnaque ingentia ex hoc malo nata.

Iam si considerauerimus, quantis discrimi-
nibus hæc res obnoxia sit, cum proprijs
consilijs fidentes, vias decurrimus minus
tritas, & Religioni aduersas, obediencię ini-
micas; non magno negotio malum hoc vi-
tabimus. Neque enim in humanis quidquā
ad fugam, vitationem & horrorem certius
est, pericul^{orum} & incommodorum com-
memoratione. Quid enim grauius Religio-
so, quā semper in metu esse, ne consilia,
quæ recta desiderat, innotescant alijs, aut
Superiori? quod vbi euenerit, ingens diffi-
dencia in omnibus enascitur, quę nulla post
arte, aut candore eximi potest. Semel enim
concepta huius rei opinio, propè perpetua
est: vt ferè necesse sit loci mutationem co-
gitare, vnicumque adeò propè remedium
hoc est, quod à Superiorum, locorum so-

fociorumque mutatione sumendum est.

Fortibus deinde pœnitentijs insistendum erit Superiori, vt & delinquentes iuuentur, & reliqui à similibus terreantur.

Cogitandum deinde sæpe, quid sperari ex hac re possit, quid timeri. minimarum rerum spes, ingentium timor est. tutiora certioraq; prudens eliger.

C A P V T XXXI.

Simulata amicitia. Occulta odia.

Sapientis verba sunt: Prouer. 29. *Homo qui blandis fictisq; sermonibus loquitur amico suo, rete expandit gressibus eius.* Indignum homine, ac multò etiam magis Religioso vitium hoc est, & aulicis moribus adnatum, nec aliud, quàm proditorium nomen meretur. execrandum omnibus, ac in vltimas terras ablegandum. neque enim parcat vlli, ac ne parenti quidem, quem hæc humanæ associationis fœderisq; pestis occupauit. indignissimus Christiano nomine, dignissimus quem omnes præsentissimis venenis nocentiorum detestentur ac fugiant. nam quis huius fidei se suauē credat? & opatior hostis est.

est, qui aperta bella mouet, à cuius ferro tutare te potes. arma namque armis contineas, & ensen ense reprimas. à domestici hostis insidijs quis nos defensabit? maximè dum sub amico vultu hostilem tegit animū, fella vino miscens, & electilibus quibusque cibis venena temperans. Cuius tanta prudentia est, vt in explicata benignaque fronte, ore ridente, blandè ludentibus oculis, inimicam mentem videat? Etiam sapientissimus capietur his lachrymis, nec effugiet insidias mentientis amici, & vita hæc longè omnium miserrima est, cum nescias cui fidas. plena hinc omnia suspicionibus. nusquam exporrectus animus, & regia gradiens via. timoribus natant pectora perpetua anxietate grauida. nam aut inimicum præferunt ora verbaque, & iusta timoris causa est: aut loquuntur amicum, & terrent te hostiles animi, amico velamine tecti. ita dum nusquā fides, in æterno versamur metu: pendula semper dubiaque mente, vnde mœrores & melancholia quædam enascitur. Fraudibus deinde replentur omnia, mutuisque cadimus insidijs. euanesceit vniuersum Re-

ligionis spiritus, candidus & simplex, & in aperto ad lucem habitans: succedunt doli, aulici mores, incerta consilia, nebulæ ubique & densæ noctes, & nouacula spongiâ recta. Et sanè verissimum illud Sapientis est, Prou. 27. *Meliora sunt vulnera diligentis, quàm fraudulenta oscula odientis.* illa in salutem, hæc in mortem eunt.

Si inferior morbo hoc laborat, præcipitia sibi, damna Religioni parat: neque enim talis egritudinem suam explicabit Superiori, aut agram reteget mentem ruinæ proximam. vnde fiet, vt imperaturus sit illi Superior, in interitum illius, & in Religionis totius dedecus itura. quòd si in latentium sub benigno vultu odiorû cognitionem Superior venerit; ingens animorum nascitur alienatio, auersaturque hunc vt familiæ pestem, vt Religionis portentum, vt domesticæ pacis turbatorem, alienæ virtutis osorè.

Si Superiorem malum hoc occupaerit, misera inferiorum conditio est. non tu tò illi quidquam, aut tanquã patri committipoteat. & quis sua creder hosti? suspecta deinde illius verba, consilia, imperia, dictaque

que facta que sunt omnia. consequiturque
ut ne quidem cum verum dicat, sinceroque
patrioque suos prosequatur affectu, fidem
inueniat; cum semper vereantur, ne verbo-
rum blanditiis odia, & hostiles integantur
animi.

Plurima deinde mala ex hac simulata &
ementita amicitia profiliunt: mutuorum
hinc dictorum factorumque nascuntur ob-
seruatores, grauesque censores, occulti nomi-
nis boni famaeque detractores, secretorum
violatores, domesticæ quietis turbatores, o-
diorum seminatores, infidarum mentium
auctores, oblocutionum & in Superiores
conspirationum propugnatores, ducesque
ad illa, alienæ virtutis improbi æmulatores,
ingritudinis principes & ductores. Inde
fit, ut omniū à se animos alienent, odia pro-
uocent; nec minùs hos quàm certam Reli-
gionis pestem & venena auersentur; fugiant
ut mutuae charitatis hostes iuratos, ut amici-
tiæ proditores, ut violatæ coniunctionis in-
centores, inuidentię impulsores, ut Religio-
si roboris fallaces substructores & euerfo-
res, omniumque propè malorum causam.

Grauiterin hos insurgit Sapiens Prou. 3.
*Ne moliaris amico tuo malum, cum ille in te habeat
 fiduciam: quia abominatio Domini est omnis illu-
 sor, & cum simplicibus sermocinatio eius. Fortiter
 in hoc vitium quod Israëllem occupauerat,
 insurgit Ieremias c. 9. Vnusquisque se à proximo
 suo custodiat, & in omni fratre suo non habebit fi-
 duciam: quia omnis frater supplantans supplantat-
 bit, & omnis amicus fraudulentem incedet, & vir
 fratrem suum deridebit, & veritatem non loquen-
 tur. docuerunt enim linguam suam loqui menda-
 cium, vt iniquè agerent, laborauerunt. habitatio e-
 ius in medio doli. sagitta vulnerans lingua eorum,
 dolum locuta est in ore suo: pacem cum amico suo
 loquitur, & occultè ponit ei insidias, nunquid super
 illis non visitabo, dicit Dominus, aut in gente hu-
 iusmodi non vlciscetur anima mea?*

Remedia.

A Seuera in tales punitione petenda
 sunt. Nihil hîc parcendum. functioni-
 bus omnibus excludendi, vilissimis occu-
 pandi; seriò monendi, proposita delicti hu-
 ius fœditate. ablegandi ad probationis do-
 mum, vt nouum à Tironibus spiritum hau-
 riant,

riant. A familiaritate illorum reliqui deterrendi, iuniores maximè, quorum molliores animi facilè hac contagione capiuntur: dàdaque opera ne quis illis familiaritùs adhaereat. irrepunt suauiter, nec antè venena sua iaculantur, quàm alterius obstrictam sibi mentem teneant. initiis proinde resistendum, & præscindenda omnis consuetudo est.

Qui verò malum hoc ab alio patitur, si decurrat cum magno Iob ad Dominum, sequaturque in omnibus consilium illius, errare non poterit, habet enim magnum ex se doctorem. Iob 12. *Qui deridetur ab amico suo sicut ego, inuocabit Deum, & exaudiet eum: deridetur enim iusti simplicitas.*

Iuuabit priuatis monitis prouiores in hoc malum seriò seuerèq; monere; minis etiam adhibitis, grauiusque in transgressores poenitentiis, quò & emendentur præuicaciores, & reliqui terreantur.

Quòd si eruperit malum, & in reliquorum domesticorum cognitionem venerit, arcendi ab aliorum familiaritate erunt, excludendi que à reliquorum consuetudi-

ne. palàmque grauiter in hoc vitium insurgendum, damnis propofitis.

C A P V T XXXII.

Secretorum violatio.

INimica hæc omni bonæ gubernationi est, ad quam necessaria est tenacissima secretorum obſeruatio: cuius violatione res ferè maximæ, regnaque perierunt integra: vt meritò quis dixerit, euertendis imperiis rebusque natum malum. Ita hostilium consiliorum cognitio inter prima feliciter imperandi documenta meritò ponitur. hinc etiam secretorum violatio inter maximè imperiis noxia, & inter læsæ maiestatis crimina adnumeratur.

Neque potest diu feliciter gubernatio consistere, nec fortunato terminari exitu, quæ tacenda prodit: planè vt nihil sit tam inimicum bonæ gubernationi, tam pestilēs, quàm silēda vulgare; cū vna sepe agenda-
rum rerum prosperitas à silendorum tenacitate dependeat. Vulgasti: periit benè gerēdi rei occasio; & elapsa non rarò manibus præ-

præda est, verbo vno aut altero intempesti-
uè prolato: imperiaque non postrema iacēt,
ad cineres in ludibrium magnorum impro-
uida secretorum violatione deducta.

Neque vllō modo ad gubernacula ad-
mouendus, qui femineo hoc vitio laborat.
Viri est frēnos linguę iniicere, laxare mulie-
ris. & antè vitam ponere, quàm concredita
retegere, viri est imperio nati: effutire com-
missa, muliebris ingenij est, & ad colum &
acum nati. Nam quid ab eo speres, cui nihil
tutò credi potest? qui consilia in fronte &
manibus ferat? parēre fōrs poterit, imperare
non poterit. Verum nimis illud Sapiētis est:
*Prouer. 25. Sicut vrbs patens, & absque murorum
ambitu, ita vir qui non potest in loquendo cohibere
spiritum suum.*

Nulla deinde sincera reddendæ cōscien-
tiæ ratio sperari potest: à qua tamen vna, ma-
gna pars bonæ gubernationis pender, vt si-
ne qua prudens tutaq; gubernatio non diu
consistere possit.

Nemo deinde cuiquam tutò quidquam
credet, nemo vulnera, pericula, morbos,
malaque sua aperiet. nam quis arcana cre-
dat,

dat, animique vulgandos morbos? quis quæ
sæpe pudor vel cogitare erubescat, vt quo-
rum vel memoria sine rubore non transeat,
euulgatori committat? vt iam in omnium
oculis versetur, quod proprios etiam ocu-
los pertimescebat. & imprudens meritò ha-
beatur, qui abdita mentis pectorisq; illi
credat, de cuius silentio merita saporiri du-
bitatio potest.

Sed neque solida vlla amicitia stabit, nul-
lus amor vitio hoc imperante: cum omnem
mutuæ benevolentiaë fiduciam tollat, cui a-
mor omnis innititur.

Occasio deinde non vltima, secreti viola-
tio est, politicè agendi, aliudq; verbis, aliud
inclusum pectore tenendi: cum violationis
huius metus aliorum verba cogat flectere:
nam quæ sinceritas sperari potest, vbi perpe-
tuis refectionis adstat timor?

Grauis etiam hinc turbarum causa, cum
sæpe ob uoua aliqua enata, aut minùs ante
prouisa, minùsque nota, cogantur Superio-
res sententiam mutare. quod, vbi res prodi-
ta, aut non sine vitio quodam inconstantia,
aut cum aliorum ingenti turbatione neces-
sum

sum est fieri: aut sanè necessitas quèdam Superiori imponitur in minùs tuta prolabendi, ne aut externos aut suos offendant, aut animorum in se alienationes prouocet.

Accedit, tales vsu quodam & quæuis effatiendi consuetudine, externis etiam intima quæque domus aperire. hic penitenti sibi mulierculæ, ille familiari sibi viro; quæ domos denique peruagantur & oppida: quin & defectus animorumque variæ propensionēs, delicta vitiæque, si quæ sunt, seu vero, seu falso non rarò adscripta, Superiorum decreta, monita, & quidquid demum priuatis æternùm claudendum parietibus erat, ostiatim ac plateatim decurrit. tantum potest praua consuetudo; vt quæ vel sanguine firmanda forent, spargamus ac propalemus primi; actanquam semen Chanaan, & deteriores etiam filij. dedecorantes matrem, prospectandam ridendàmque præbemus aliis. quæ res eo grauior est, quo minima etiam Religionis, maxima apud externos habentur: eò magis, quòd in immensum res illæ crescant, nec per vnius ora, sine insigni aliquo augmento transeant;

Sequuntur deinde ex hoc capite detractiones plurimæ, nulla postea poenitentia aut lacrymis eluendæ; adhærentque adeò constanter firmiterque, vt nullis virtutibus eruere conceptam semel de se opinionem queant, qui passi sunt hæc linguæ mala. Nimirum vt videamur fidere externis, vt amari se sentiant, vt in mutuam illos fiduciam affectumque impellamus, vt sentiant se hæc narratarum rerum prærogatiua donari, effundimus etiam in virgines & matronas beneficas domestica propè omnia, mores omnium. ea interim fiducia sumus, vt celanda hæc arbitremur. fallimur, nulla est, quæ non vnam pluresque amicas habeat, in cuius sinum muliebri more profundat omnia, vel hoc etiam solo nomine, vt sentiant aliæ, quo apud confessarium loco sint, quibus domestica omnia tanquam domesticis credantur. Sanè quisquis prudenter vitam instituit, certò sibi persuadeat, nihil adeò grande & perenni silentio premendum, etiam in ipsa confessione, cuiusq; committi mulieri, quod non aliquando vulgandum sit. vt ille prudens sit, qui nihil illis credit, ne in secretiore qui-

quidem sanctissimæ confessionis tribunali, quacunque præcautione sponfionibúsq; firmatum, quod non certò sibi persuadeat, tanquam tympanis actubis decantandum aliquando in foro & compitis. Illa proinde dicet vir prudens, ad quorum propalationem non erubescat: neque enim talis facile labetur in pœnitenda, aut se noménq; suum animúmq; periculis exponet grauioris mali, aut committet quæ vel leui quadam indignatione, vel innata naturæ inconstantia, vel alterius solertia, vel noua veteriúe amicitia & familiaritate pellecta mulier profundet: quæ nec mala quidem sua delictáq; diu premere didicit, maximè si ab alia paribus fiduciæ narrationibus prouocetur.

Remedia.

GRauis punitio illorum, qui in hoc muliebri vitium cadunt: qualis est, remotio ab omni munere, nulla consiliorum agendarumq; rerum communicatio, ablegatio etiam ad alia loca minùs cognitioni cōmoda, ac proinde minùs etiam secretorum violationi obnoxia.

Seriæ pœnitentiæ, etiam publicæ, quando res in aliorum cognitionem venit, publicæque reprehensiones acres.

Frequentia & seria monita, quotiescunque vel in minimo peccatum est: ita ut nunquam in hoc vitio parcat, aut dissimulatione delictum prætereatur. Sciat se observari qui hoc malo laborat, & nunc amore, nunc pœnis, nunc proposita rei indignitate terreatur.

Consultum fuerit, si alij horum consuetudinem fugiant, sentiântque hoc qui huic se vitio dederunt. pudor & verecundia magnum incitamentum victoriæ est. Sciant hoc malum latere non posse. prodit se ipsum, & propalatione sui improbitatem aut imprudentiam ostendit. Monemur hinc à Sapiente Prou. 12. *Qui ambulat fraudulentè, reuelat arcana: qui autem fidelis est, celat amici commissum.* ut arcanorum reuelatio, à fraudulenta & infida plurimum mente proficiscatur: fidelis enim commissâ concreditâque sibi alto premit silentio: qua enim fide ab amico rem accepit, eadē seruat. credit ille, & in huius finem reposuit? non faller si amat, si committen-

tis affectui respondeat. si prodit, amicus nō est. fallit. infidus est. nihil illi proinde credendum, nam vt inimicus non sit, ingenti laborat imprudentia, pettulo similis vasi. quis sapiens vina sua huic committat? quis consilia proditori? proditor omnis commissorum violator.

CAPUT XXXIII.

Susurro. Proditor.

Infidus animus. Alieni explorator, & delator.

Vicinum Superioribus vitium, & ferè à placendi studio natum. deterius est, quando à nocendi libidine nascitur. primum ab amico aut patre gratificandi desiderio prouenit. cum enim vident aliquid inter amicum & alium æmulationum, aut mutuarum suspicionum intercedere, idque è muneris siue iam parti, siue sperati quadam corruualitate; miscet se hi medios, amicitiam simulant, gratiam venantur. inde vbi se in illam sinuauerint, partis maximè oppositæ delatione, gratiſque quibusdam detractionum relationib. perfacilè ab animo verborum his aculeis exulcerato extorquent

quent ea quæ non iucundum sepe audire est
priori illi amico aut patrono; maximè si cõ-
filia propositosque menti fines subdola hac
benevolentia ostetatione intellexerint, aut
si quid in aliũ dictum scriptumue acerbius.
quarum rerum omnium explorator ille &
dux & auctor fuit, fallaci quadam maledi-
centia, simulatãque calumniatione alterum
in paria prouocans; maximè si patroni illius
sui hunc criminationes falsò licet recen-
siras, & à se excogitatas retulerit. quo tan-
quam stimulo in indignationem primũ
illum impellit, inde etiam in conuitia, simu-
lata semper inimici in altero, amici verò in
hoc persona.

Et ferè vsu venit, vt deteriora referant,
plurinãque de suo misceant, ad prioris illius
pectus potentiũs exacerbandum. validam
odiorũ causam subministrãtes, conceptasq;
prius animis scintillas, in ingentes ignes no-
xiis his infidissimi oris flabris excitantes.

Sic non tam placendi vni, quàm nocen-
di alteri studio hæc retia tendantur, detestã-
di etiam magis sunt, vt quos solum odium
ad has fraudes impulerit, quod non tam hu-
ma-

manæ mentis, quàm diabolicæ crudelitatis vitium est; maximè cùm in innocẽtem, nullaque illius hostilitate prouocati, effera nocendi libidine, in aliena damna rapimur, idque beneuolentiæ quodam mantello tecti, tâquam saporato pulmento toxica miscentes, ad quod præiectissima scelera nemo Religiosus venit, nisi omnem antè Religionis spiritum exuerit, vindicisque Dei timorem excusserit, factus sibi ipsi improbitatis dux & magister.

Sequuntur ex his initijs mala innumera. ac inter prima lethale Religionibus omnibus detractionis vitium, non fortuito, aut linguæ quadam incontinentia, aut à prauo habitu natum, aut aliorum narrationibus prouocatum; sed ab insigni maleuolentia & præcogitatione, ac præmeditata improbitate profectû. quæ res veniam nullam meretur, nec sat graui pœna puniri potest: soluit enim omne humanæ coniunctionis commercium, omne mutuæ charitatis vinculum, omnem fraterni affectus necessitudinem, omnẽ Religiosæ domus tranquillitatem, omnẽ spiritualis amoris nexum, omne fiduciæ robur.

Sac-

Succeduntque illorum loco, nullo ingenio, aut arte reparanda damna: in verbis fatiſque pulſa ſecuritate trepidatio: in omni etiam familiari collocutione, candore fugato, fraudum anxia ſollicitudo; ac tanquam inter inimicas acies verſanti, attonitus quidam timor: quaqua parte inſidiis ſepro, hoſtilis quidam metus. nulla hñc læta dies, nullum gaudium explicatum: ponderantur tanquam in trutina verba ſingula, & in omni oratione retia & compedes circumſpectamus. iam & inceſſus ipſe & inambulationes neſcio quid metuendum cõtineant. dũque omnis fiducia fidẽſque exulat, taciti contabescunt animi; ac quaſi in faxa ac rupes congelascunt.

Miſera omnino vita, & non hoſtium acerrimis vouenda: vt extrema præeligenda pauperies, vincula ſint & carceres inter lætum hilarẽmq; panem & aquã, quàm inter orbis delicias ac diademata ad omnem cõgreſſum verbaque mens attonita, dubia, inſidijs beneuolentiam mentientium circumſepta, perpetuiſque ſuſpicionum æſtibus, tãquam decumanis fluctibus iactata, vt infelicis-

cissima in continuis tempestatum harum
circumuolutionibus omniq; acerbior mor-
te censerī vita debeat. Tales sunt quorum
meminit Ecclesiasticus ca. 12. In labiis suis in-
dulcat inimicus, & in corde suo insidiatur vt sub-
uertat te in foueam. In oculis suis lacrymatur ini-
micus: & si inuenerit tempus, non satiabitur san-
guine: & si incurrerint mala, inuenies eum illis
priorem. In oculis suis lacrymatur inimicus, &
quasi adiuuans suffodit plantas tuas. Caput suum
mouebit, & plaudet manu. De inimico amici-
tiam simulante hæc verba. cuius cū distil-
lent labia fauum, mellaq; fundant, lacry-
mæq; amorem testentur, hostilitatem fa-
cta loquuntur. de quo illud verè Prou. 25.
Dens putridus, & pes lassus, qui sperat super infidelē
in die angustie, & amittit pallium in die frigoris.
Sicut enim eramentū eruginat nequitia illius: &
si humiliatus vadat curuus, adijce animum tuum,
& custodi te ab illo. Non statuas illum penes te, nec
sedeat ad dexteram tuam: ne fortè conuersus in lo-
cū tuum, inquirat cathedram tuam. talis etenim
(Eccli. 6.) est amicus secundū tempus suum, &
non permanebit in die tribulationis: est amicus qui
conuertitur ad inimicitia: & est amicus, qui odium
¶

*Et rixam & conuitia denudabit: est amicus socius mensa, & non permanebit in die necessitatis. Excitabit etiam tribulationes, nec parcat animæ morienti, nec iacentis sanguini. impinguetur namque aduersis, & ridebit in interitu aliorum, omni bellua crudelior. Prou. 16. Lactat amicum suum, & ducit eum per viam non bonam, viam insidiarum & mortis. & dum amicum simulat, hostilia in incauto exequitur. bis sceleratus, simulatione & fine Prou. 6. Et sicut noxius est qui mittit sagittas & lanceas in mortem: ita vir qui fraudulenter nocet amico suo: & cum fuerit deprehensus, dicit, Ludēs feci. nimirū ludit in amico sanguine. hoc solo iudicio suo infelix, quod cogitata ad optatum animo suo exitum deducere non potuerit. nec finem tamen improbitati, nisi in suo aut alieno sanguine statuet. Hic exitus infidæ mētis perit, aut perimit: & miserando exitu amici, aut infelici suo, infidū animū signat, Deo hominibusque iuxta inuisus. de quo illud Prophetę Isaiæ 29. dici potest: *Va qui profundi estis corde, vt à Domino abscondatis cōsilium: quorum sunt in tenebris opera, & dicunt, Quis videt nos, & quis nouit nos? peruersa est hæc vestra cogita-**

gitatio. quasi si lutum contra figulum cogitet, & dicat opus factori suo, Non secisti me: & figmentum dicat fictori suo, Non intelligis. Profundi cordis omnis infidus est, alieni observator & substructor. ac licet fraudulenta consilia sua apud homines tegat, Deum habet cordium scrutatorem, qui educet e tenebris infidias in proximorum perniciem structas. quem si cogitarent inspectorem & vindicem, non descenderent ad noxias has fraudes, tanquam si machinationum harum nullum aliquando habituri essent discussorem, nullum iudicem. audiant Sapientem cap. 1. Benignus est enim spiritus sapientiae, & non liberabit maledicum a labiis suis: quoniam reum illius testis est Deus, & cordis illius scrutator est verus, & linguae eius auditor. quoniam spiritus Domini replevit orbem terrarum: propter hoc qui loquitur iniqua, non potest latere, nec praeteriet illum corripiens iudicium. In cogitationibus enim impij interrogatio erit. sermonum autem illius auditio ad Deum veniet, ad correptionem iniquitatum illius. Custodite ergo vos a murmuratione, quae nihil prodest, & a deratione parcite linguae. quoniam sermo obscurus in vacuum non ibit. os autem quod men-

atur, occidit animam.

Remedia.

A Virij huius fœditate & grauitate pendenda: quam à communi mortalium omnium sententia mutare possumus. qui licet proditores nō rarò bono suo venentur & probent, & pretio etiam parent, proditores tamen execrantur: quorum infame omni retrò ætate apud omnes nationes, omnique sæculorum memoria nomen est. quoque vnaquæq; generosior gens est, hoc proditoris nomen maiore in horrore habet. venalia nimirum alieni honoris, gloriæ & commodorum mancipia, indigna quæ hominis nomine censeantur, quo magis ab omni Religione eliminanda. Monemur sic à Sapiente Eccli. 37: *Noli consiliari cum eo qui tibi insidiatur, & à zelatibus te absconde cōsiliū.* & Pr. 20: *Ei qui reuelat mysteria, & ābulat fraudulenter, & dilatat labia sua, ne commiscearis.*

Fouendus contrā fidus animus, qui nec proposita morte alieni proditor fiet. talem quicumque nactus fuerit, inter verticis sui gemmas primam statuatur, colatque vt calo datum, obseruet vt oculi pupillam, bene-
fa-

faciat ut animæ suæ, intimaq; sibi familiari-
tate iungat. rarissimus enim horum usus, ac
inter millia vnus aliquando, aut alter. quo
studiosius quærendi, fouendi, tutandi sunt.
ut videant qui contrario virtuti huic tenen-
tur vitio, quanta sit fidei pectoris prærogati-
ua. omnibus hoc opibus regnisque præstat:
parari enim hæc industria laboreque pos-
sunt; animus fidus, secreti tenax, nulla mer-
cede aut tormentis vincendus, à solo celo
sperari debet. amicus fuit in prosperis? ma-
gis etiam erit in aduersis. stetit inter secūda?
non cader inter aduersantia: quin fortius
firmabit gradum, & ostendet se non purpu-
ræ aut fortunæ, sed amico natum, eum quo
per aduersantia lætior ibit, quàm sine illo in-
gloria. Serpens nimirum, sitis, ardor, arena,
dulcia amori sunt. propone diademata: cō-
temnet, si prodendus amicus est. opes &
honores: ridebit, si alieni explorator dela-
torq; esse iubeatur, sponde plena manu vo-
luptates: nulla illi maior voluptas est, quàm
pro fidei firmitate ac tuitione vitam proij-
cere. deinceps functionibus omnibus, exue-
muneribus, ad extrema terrarum populo-

rumque relega, indue compedibus: gaudebit, si pro fide, & negata prodicione patiatur, & dulce ducet pro tam bona causa patiri: modo si destituatur ab amico, & hostem patiatur ex amico; stabit tamen in gradu, nec semel datam fallit fidem; & hostilitatem hanc errori tribuet, commiserabiturque amico tanquam e febribus phrenetico & mente capto: morboque inimicum hunc ex amico animum, tribuet, non homini. ac nec iniuriis quidem damnisque; prouocatus, aliud quam commiserationem reponet, qualem solemus mania laborantibus. Beatus qui hunc nactus fuerit: non enim quidquam in hac vita voueri aut concedi potest optatius aut maius, quam si nactus aliquem fueris, in cuius sinum tuto reponas quidquid animo habes male, quidquid bene, securus de fide, certusque de custodia. Bene Sapiens Eccli. 6. *Amicus fidelis, protectio sortis: qui autem inuenit illum, inuenit thesaurum. Amico fideli nulla est comparatio: & non est digna ponderatio auri & argenti contra bonitatem p[ro]p[ri]i illius. amicus fidelis medicamentum vite & immortalitatis. qui metuit Dominum, inueniet illum.*

CAPVT XXXIV.

Ingratus animus, beneficiorum immemor.

DEo hominibulque inuisum malum: quod cum in omni hominum genere detestandum sit, tum multò maximè in Religioso, & mitior longè aperta hostilitas est. Nam quid magis cū ratione pugnat, quàm cur benefeceris, pati inimicum? & omni hoste acerbior, ingratus est. nam inimicum æmulum suum auersari nihil nouum; odio etiam prosequi, cum mutua sepe damna data & accepta, sat ampla odiorum causa intercurrent, nemo metetur. at post beneficia accepta dataque in beneficium largitorem insurgere, & pro beneficiis odia detractio- nelque reponere, belluæ ueritas, quàm hominis est.

Ingratitudinem verò vitia plurimùm reliqua sequi, experientia nos docet. neque enim illa intra solius nudaque ingrati- tudinis limites se continet: profilit **R**ec ad odia, fama que ac bonæ alturationis diminutio- nem, dictorum factorumque sigillationes.

Semel enim verecundia exuta, ne ingratitudinis ab alijs damnemur, decurrimus ad acceptorum beneficiorum extenuationem. inde etiam damnamus donatorem, merita nostra extollimus, dona deprimimus. quòd si magnitudine sua celari dona & beneficia non possunt, aliò donatoris mentem torquemus, & suis illum commodis, non nostris dona contulisse contendimus: vt cum rem non possumus, mentem damnemus. ita sagaci ingratitudine inuolamus in amicos. Inde iam in apertas dilabimur detractiones ac hostilitates: ac primò apud vnum alterum ué, tandemque pudore exuto palàm in omnium oculis.

Fœdum in Religione vitium. & ferè reperiens pari hos ingratitudine ab alijs percuti, quàm Superiores benefactores suos se uierunt: plerumque etiam mœroribus opprimi. ac melancholia quadam exedi & extingui. nam cum benefactores à se auerterint, nec quisquam se illis suaque credat, fidat nemo, imò quisque consuetudinem familiaritatemque fugiat; fit vt contabescant malis, sibi aliisque graues.

Qui

Qui si Superiores sint, non facilè suorum animos possidebunt: neque quisquam tali duce ad pericula decurret, nemo ultro labores suscipiet, nemo gaudēs sudorem fundet, quem scit ingratitude munerandum. nulli ad ardua mens stabit, aut ad generosa manum porriget, quam didicit non vacuā tantū remittendam, & nullo dignandam præmio, sed insigni aliqua ingrati animi testatione feriendam. hinc pro laudibus, & benevolentix signis, sicciora inferior pumice, satyroque quodam dente pronuntiata verba referet, aut indignantem etiam orationem, factaq; , clara & illustria licet, deprimentem. quibus modis etiam probissimorum, & ad labores promptissimorum animos exasperant. Ingrato enim benefacere durum, sudoremque ingratitude siccanti ac detergenti profundere graue est. inuitos proinde ac reluctantes suos ad ardua quæque reperiunt.

Si inferiores hoc malo tenentur, omnium à se Superiorum animos auertunt, alienissimosque experiuntur, ac diffidentia plenos, nec quidquam laude aut gloria dignum

magnumque committentes: nullorum etiam consiliorum participes faciunt, nullaque familiaritate dignantur: nulla præmiorum munerumque prærogatiua condecorant, nã quis ingrato aut se, aut sua credat, aut beneficijs obstringat, quem nulla munificentiã vincit, nulla liberalitas molliat? obduruit nimirum frons illius, & durior ferro beneficia repellit, & in auctorem pro munere conuitia retorquet.

Nulla deinde apud ingratum secreti firmitas. abditissima quæque propalabit. nihilque tam sanctum, à quo veneratione tactus abstineat. gaudebit etiam concreditorum sibi refectione, & inuidia duce, ad recondita quæque protendet manum, felicemque se aestimabit, si quid muneratoris sui erubescendum vulgauerit. hostem credas in inuidiæ scelere latibundum, ac tanquam parta ex inimico victoria triumphantem. vt, si delectus detur, hostem longè præ ingrato diligas. nam vt ille acerbissimus sit, sanguinisque tui sitientissimus, beneficijs tamen vinces. nec vlla re magis crudeles inimicaque mentes, damnisque & odio effe-
ratas,

ratas, quam beneficijs mitigabis & molles. pergit illa exasperato furere? perge benefacere. epellit ab hostili manu munera? duplica, & vinces, sed bisque tandem sanguineam hanc sitim, frangesque inimicos animos furore licet ebrios, deducisque ad placidam quietem, inde in admirationem, in factorum suorum detestationem, tandemque in laudem & amorem, & cum nolit beneficijs vinci, paria conatur reponere. quique generosa mente inimicitias fouit, odiaque sparsit; eadem mentis generositate victus, beneficia tanquam missilia iaculabitur.

Ingrato verò quanto plus benefeceris, tãto magis exasperaueris, beneficia enim illi materies odiorum sunt, non secus ac ligna olcúmque flammaram materia. Nec domandi hoc peccatus remedium vllum. subtrahere beneficia, liuore & mœroribus quidquid interni in illo roboris est, emedullabis; cõfer, insurget in benefactorem, tanquam si arma furenti præbeas; nega, in se sæuiet, nulli, ac ne sibi quidem amicus.

Contrà verò animo grato, ac beneficiorum memore nihil cuiquam iucundius gra-

tiusque euenire potest. Pulchrum sanè, & caelo dignum certamen, animi grati cum munifici largitoris beneficentia: cum nec gratitudine hic se vinci patitur, nec beneficiis ille. gaudet benefacere generosus animus, & beneficium existimat, dona posse conferre grato. & prouocat quasi nolentes in beneficia gratus. cui etiam renuenti plena manu generosior omnis munera largitur. Ingenti deinde fiducia in talem fertur quisquis animo erecto est, ambitque vltro amicitias, & felicem se consuetudine illius arbitrat. nec quidquã tam magnum est, quod non in gratiam illius lubens profundat, vitam etiam positurus, si qua grauior necessitas postulauerit. Nec minor in animo grato magnitudo est; se suaque sanguinemque lætus profunderet in benefactoris sui causa, nec fortunam huius, sed animum sequetur, ac in adueris, iuxta ac secundis fidem tenebit. Ingruunt tempestates? vltro se illis pro benefactore inuoluet. petitur huius pectus? latus opponet suum. audit detrahentes? laudes opponet. delicta videt? excusabit, si potest, aut certè mitigabit verbis. si lenimè rei grauitas

uitas non patitur, ingenti animi sensu miserabitur benefactoris sui, & ad preces apud Deum, lacrymasque decurret; gratâque interim memoriâ in quacunque fortuna benefactorem suum prosequetur:& vbi se occasio dederit, virtutes enarrabit, delicta humanæ fragilitati tribuet.

Remedia.

FVge ingratos animos, consuetudinem deuota, contubernio repelle, nihil crede, ne te obstrictum teneant.

Nihil quod laudem mereatur committe, vilioribus destina, magnorum familiaritatibus subtrahe, à publicis functionibus exclude.

Frequentatis sæpe per annum spiritualibus exercitiis, piorum librorum assiduis lectionibus, fortibus Præfetti spiritus monitis, adiuuandus erit.

Proderit etiam si in ualitudinis tempore pronam in se paternamque senserit Superioris mentem. quæ res si ingratum illius animum non flectat, à solo Deo remedia poscenda & speranda sunt. cuius sunt

non aliena abs hac re apud Lucam verba:
 Luc. 6. Diligite inimicos vestros. benefacite, &
 mutuum date. & eritis filij Altissimi: quia ipse be-
 nignus est super ingratos & malos.

Vitij etiam huius magnitudine terreri
 quisque meritò debeat. describit eam pau-
 cis sed fortibus verbis D. Bernardus Ser. 51.
 in Cant. Ingratitudo ventus est vrens, siccans sibi
 fontem pietatis, rarem misericordie, fluens gratie.
 & de ingrato Sapiens cap. 16. Ingrati spes tan-
 quam hibernalis glacies tabescet, & disperiet tan-
 quam aqua superuacua. & monet Augustinus,
 de verbis Apost. Serm. 16. Grati sumus ex eo
 quod habemus, vt addatur quod non habemus, &
 non perdamus quod habemus. Solet enim Deus
 eadem ingratias animis inferre, quæ seruo
 nequam suffodienti talentum domini sui:
 Mat. 25. Tollite ab eo talentum, & date ei qui ha-
 bet decem talenta. omni enim habenti dabitur, &
 abundabit: ei autem qui non habet, & quod vide-
 tur habere, auferetur ab eo. & inutilem seruum ej-
 cite in tenebras exteriores: illic erit fletus, & strid-
 or dentium.

CAPVT XXXV.

Nimia ad externa diffusio.

Sive illa à quadam naturæ inquietudine, & necdum in plenum domito sæculari affectu proueniat, siue ex tædio ariditatis interioris, dum in externis mens solatia quarit, quibus interiùs caret; non leue utrobique malum est. Eucnire enim solet, ut, dum se totum animus in externa profundit, adhærescat etiam non cogitanti non parum sæcularis & mundani pulueris, quibus obtenebratur spiritualis oculus, nec ea deprehendat, quæ & ipsi & Religioni noxia sunt, quæque illum paulatim à genuino & primæuo vocationis spiritu abducunt. ita à tam paruis initiis mens tota obtegitur: minimarum nimirum arenarum congestio crescit in montem, fertilisque etiam agros infæcunditate & sterilitate sua contegit. Bonau. de 6. alis. c. 7. Cum enim propter temporis breuitatē. & diei malitiam rix necessariis sufficiamus disponendis. si superuacuis & alienis volumus occupari negotiis, negligimus utiliora & meliora: cum distractus animus ad plura, sit minor ad

singula provide peragenda. Inde fit aliquoties, cum Prælati & Ecclesiastici nimis se exterioribus occupationibus implicant, ædificiorum, agrorum & vinearum & similium, quibus fructuosius carerent, ut non solum meliora interim negligant, sed etiam conscientiam sapius inquinent, & ex usu exteriorum tenebrescat mentis oculus ad cōtemplationem spiritualium & interiorum, & tepescat ad desiderium supernorum. Sicut enim humores noxi affluunt, ubi fuerit in corpore læsio, nisi cautè removeantur, ne fiat ibi tumor vel vlcus: ita & negotia crescunt ad extinctionem spiritus, qui se ijs acquieuerit occupari. Super omnia verò debet semetipsum rector circumspicere, ne alijs providens, seipsum negligat, neque alios saluans, seipsum in periculum demergat. Matt. 16. quid enim prodest homini, si vniuersum mundum lucretur, anima verò sua detrimentum patiatur?

Desipiunt etiam in dies magis magisque interna, dum delectamur externis, nec potest animus his obsessus, cælestia sine pugna admittere. Multis deinde, licet magna cautela & circumspeditione utatur, necessum est se homo implicet, quæ aut minùs vocationi consona, aut ab illa etiam aliena: labiturque ali-

aliquando in pœnitenda, corporique vni-
uerso nocitura.

Et incredibile est, ad quanta damna è le-
uibus initiis decurratur. Guttæ nimirum &
stillicidia tenui licet filo desudata excauant
rupes. à tam molli raroque lapsu vincuntur
multorum sæculorum opera, & quæ decu-
manos vicerunt fregeruntque fluctus, gut-
tatim depluente lymphæ sedibus pelluntur.
Idem vñ venire videmus in Religioso. ste-
terat quaquæ parte irruentibus tentationi-
bus, dum se domesticis contineret parieti-
bus, & superior etiam omnibus inferiorum
conatibus stabat interritus; vt primùm ve-
teres egressus limites, plusculum se in sæcu-
lum diffudit, cœpit labascere, & dissimilis
iam esse sui. Nec mirum. cum enim Religio-
nis clauderetur terminis, perpetua quadam
interni spiritus pascebatur alimonia, tan-
quam cœlesti manna, firmabaturque dome-
stico orationis propugnaculo aduersus pro-
cursantes hostiles acies; at postquam desti-
tutus his præsiidiis, nudum exposuit latus i-
nimico ferro, quid nisi vulnera expectet cœ-
demque?

Nec

Nec pessima quæque primo ingruunt
prolapsu. pedetētim ad præcipitia duemur,
coarctatē passū, quo ad externa discedimus.
à minimis, scilicet initiis, ad latius eleui-
na descendimus. Et trahimur paulatim ad
quadam cupiditate: & videri Religiosus a-
mat, quisquis secularibus se rebus immis-
cet, aut iam eleui quadam fastidientis ani-
mi nausea, ac spiritalium lassitudine, pro-
fundius se ad externa, tãquam nauis aut in-
uoluerudini suæ remedium aut solatium que-
siturus. Interrumpendus nimirum spirita-
lium ille cursus erat, ne aut contentione
frangeretur animus, aut eiusdem spiritalis
cibi fastidio teneretur. infelici commuta-
tione à celestibus ad secularia decurritur,
quali in medicinam ac solatium. Ex quo fit,
vt quo mens profundius perituris illis im-
mergitur, hoc potentiùs eripiatur æternis:
pari ferè passu, vt quantum illis accessit,
tantum his decedat.

Neque diu tales Deo coniunctos vide-
as, cum disjungantur per externa. patiun-
tũq; difficultates maximas, vt ad statuta ora-
tionum tempora se recipiant, & vt cona-
tum

tum adhibeant, effunditur statim omnis
in iis collectus fructus, quasi si demessam
messim dispergas in ventos. inde arescunt
animi, spolianturque ac nudantur opibus
internis omnibus, ut nec suæ, nec propagā-
dæ proximorum salutis aut Dei gloriæ ido-
nei sint. contingitque illis, quod validis flu-
ctibus ac tempestatibus iactatis, ut stoma-
chi pariantur fastidia, nauseentque super o-
mni spiritali cibo, vniuersis destituti. transi-
unt deinde ad carnem & corporis commoda,
illiique vicina. cumque narrationibus im-
pleantur ingentium passim detractationum,
facile in easdem domi forisque effunduntur.
assurgunt exinde animi. & quo pluribus
miscentur, maioremque externarum rerum
cognitionem consequuntur, plus etiam fa-
ctus induunt. hinc domesticæ exurgunt æ-
mulationes, pariaque in imitationem stu-
dia. quæ res ad parum sæpe affinia religiosæ
modestiae ac moderationis consilia impel-
lit. Nec res regi diu potest. decurritur ad ex-
ternos, & æmulationum semina latè spar-
guntur, damnanturque in Religiosis sæcu-
lares mores, partiumque studia, plurimum
que

que de sanctitatis ac maturitatis opinione
 decedit: è quo sperata multorum salus vni-
 uersa propè collabascit. Bene Antiochus
 hom. 102. Laquei & pedice sunt aspirantibus ad
 salutem secularium congressus, ac proluxa eorum
 confabulationes inuentem prorsus auocāt à Dei glo-
 rificatione & spiritali letitia. & magnus Gre-
 gorius lib. 3. Dial. c. 15. Valde difficile est, vt lin-
 gua secularium mentem non inquinat quam tan-
 git: quia dum plerumque eis ad quaedam loquenda
 condescendimus, paulisper assueti hanc ipsam locu-
 tionem, qua nobis indigna est, etiam delectabiliter
 zenemus: vt ex ea iam redire non libeat, ad quam
 veluti ex condescensione deducti venimus inuiti. sicq;
 fit, vt ab odiosis ad noxia, à leuioribus ad grauiora
 verba veniamus: & os nostrum ab omnipotēte Do-
 mino tanto iam minùs exaudiatur in prece, quan-
 to amplius inquinamur stulta locutione.

Quòd si que necessitas ex obedientia na-
 ta cogat ad illa, meminerit vocationis, Dei-
 que sui, & properantis aeternitatis: ad illum-
 que quoties per interualla licebit, eo arden-
 tius euolabit, quo minus temporis conce-
 ditur; assuescatque in medijs etiam externa-
 rum rerum occupationibus cælum inam-
 bula-

bulare, frequentib; usq; imo ductis pectore
 suspiriis communem omnium parentē pul-
 sare, in illum densas immittere preces, tan-
 quam telorum syluam; calentia iaculari vo-
 ta, tanquam nubibus cōtorta fulmina; per-
 ennes profundere lacrymas, tanquam euri-
 pi fortunata maria, beata negotiorum & la-
 crymarum reciprocatione. Felices occupa-
 tiones, tam beatis permistæ animorum con-
 dimentis: sicut enim fiet, ut nec cariem sen-
 tiant, nec putredinem metuant, nec viam ad
 ruinam domino sternant. At Superiorem
 prudenter in hac re Gregorius in Past. p. 3. c.
 7. monet: *Sit rector internorum curam in exte-
 riorum occupatione non minuens, externorum pro-
 uidentiam in internorum occupatione non relin-
 quens: ne aut exterioribus deditus ab intimis cor-
 ruat, aut solis interioribus occupatus, quæ foris de-
 bet proximis non impendat.*

Remedia.

O Rationis studium, considerationis in
 Superiore hora seriò impensa: exami-
 na conscientie non perfunctoriè adhibita:
 adspirationum ad Deum frequens vsus, etiã
 in mediis sæcularium rerum tractationibus.

Fre-

Frequens etiam piorum librorum lectio, actionumque sæcularium per spiritualia exercitia interruptio.

Superfluarum rerum resectio, maximeque speciosarum, & quæ plus habent externi decoris, quàm animarum fructus.

Colloquiorum & visitationum rarior usus, quæ si quando per alios non minori fructu peragi possè sperare licet, in alios potius transferantur, quòd liberiùs ipse interno homini suo vacet.

Sæcularium occupatiõnum fuga, quæ eo difficilior erit, quo mens semel tota illis immersa, altè in religiosa toga sæcularem imbibit succum. Quare nisi talis validè se ipsum reprimat, propensionem domet, affectum potenter comprimat, non facillè victoriam sperabit.

Amandatio ad alias habitationes & munia, in quibus minus periculum est externæ effusionis, spēsque maior spiritualis collectionis, solitudo maior, occupationes rariores, populus infrequentior, minor cognitio.

Iterata per annum spiritualium exercitio-

tiorum recollectiones plurimum hic iuuantur in quibus si metucunda damna periculæque, exemplæque non postremorum in Religione virorum, infelici exitu signata seriò & non cursim examinentur, ingentia sperari emolumenta possunt. Frequens etiam cogitatio verborum horum, Ad quid venisti? quid sæculum moribus factisq; reperis sæculi desertor? multum per omnem partem proderit; minæque intentantis Dei Luc. 9. *Nemo mittens manum suam ad aratrum, & respiciens retro, aptus est regno Dei.* & illud Mat. 6. *Nemo potest duobus dominis servire. aut enim vnum odio habebit, & alterum diligit: aut vnum sustinebit, & alterum contemnet.*

Proderit etiam nullam rem aggredi, sine prævia secum recollectione, seruumque dictorum factorumque re peracta examen instituire, sic vbi erratū, aut à religiosa modestia, a primorum parentum maturitate, ab instituti regula decessum. proderitque in primis, si diebus singulis quadrans vnus sub noctem seponatur, quo diei illius cum externis peracta recolamus. nullamque vniuersum omnino rem in scio Superiore susci-

cipiamus, ac nec vltro nos negotiis immergamus. Quod si frequentes externorum accedant interpellationes, assuescat eas Religiosus piis interspergere colloquiis; vt si pergant molesti esse, aliquid semper referant boni: aut tædio piarum rerum affecti interpellare desinant.

Excitatio in se diuini amoris, diuinarumque rerum, multum in hoc genere valet. neque enim talis facile se patietur ab illis deduci, ad externa duci. nã qui ad hæc se trahi permittit, amorem in hæc suum testatur. nõ raperetur si non amaret. rapitur: amoris indicium est. exuat hunc amorem, diuinum induat, & vicerit: memineritque verborum D. Gregorij 4. Moral. ca. 30. *Qui ad appetenda eternitatis atria accenditur, dignum profectò est, vt ab hoc temporalitatis amore lassetur, vt tanto frigescat à studio seculi, quanto surgit ardentior in amorem Dei. quem scilicet si perfectè arripit, mundum etiam plenè derelinquit. & eo funditus temporalibus moritur, quo ad supernam vitam altius afflatu eternitatis animatur. & eodè capite: Qui in auctoris sui amore roborantur, quo magis in concupita Dei fortitudine conualescunt,*

es à propria virtute deficiunt : & quo robustius æterna appetunt, eo à temporalibus salubri defectio-
ne lassantur.

CAPUT XXXVI.

Castitatis neglectus.

C Vin aut fiducia nostri, aut aduersario-
rum contemptu, aut periculorum ne-
glectu in præcipitia ruimas improuidi, dam-
næque non reparanda accipimus. hîc ocu-
lorum liberiore iactatione ludimus; ibi au-
rium curiosiore aucupatione vellicamur; a-
libi lasciuiori inuoluimur lectioni. succedit
familiaritas sexus alterius, diuturniora col-
loquia, captata solitudo, prolixiores repeti-
tæ & frequentatę confessiones, spirituales in-
structiones familiares, munerum mutue
acceptationes, secretorum vtrò citròque
consiliorum communicationes, ingens per-
amica silentia commissorum fiducia, offi-
ciosæ & sæculum redolentes salutationes,
scriptiones comitate & beneuolentia ple-
næ; nec qualis inter patrem filiãque vene-
ratio, sed qualis inter sponfas sponsosq; ho-
norum præuentio,

Inde

Inde iam profiliunt nociturae libertates, mutuus aspectus, exporrectae frontes, hilaritates, verbarisum prouocantia, gestus leuior, minusque religiosa corporis compositio, membrorum iactatio, narrationes similitudinésque è matrimonio petita, quibus paulatim & pudor ponatur, ac tota demum verecundia exuatur: succedunt faciliores manuum contactus, & qui antea ad vestes ac vestigia propè pedum erubescibat, nunc constanti vultu & oculos intuetur lasciuientes, & labia oraque legit ridentia, & prouocantes amicat genas, nec exhorrescit ad nudatum pectus magni lupanaris antecubulum, omnisque omnino libidinis prouocatorium. Cypr. de sing. cleric. *De camini nimirum scintilla profiliunt, de ferro rubigo nutritur, morbos aspidēs sibilant: & mulier fundu concupiscentia pestilentiam: in risum aliquando dissoluitur, nunc blanditias exhibet, & quod est venenosius super cuncta, psallere delectatur aut cantare, cuius cantu tolerabilius est audire basiliscum sibilantem.*

Augmenta sumunt haec per interualla; neque quisquam repentè fit pessimus: quin
imò

imò sub pietatis pallio, sub spiritalis instructionis prætextu latent & teguntur hæc nocitura, & in mortem pedetentim abitura, ac quodam quali perenni stillicidio excavantur & exteruntur religiosa pectora firmissimæ quondam rupes, & tot antè dæmonum machinationibus, tot inferarum legionum valido procursu superiores, femineo cadunt oculo; tam molli, vt ita dicam, elemento chalybe fabricata corda, ferro circumcincta. ita virorum primi & maximi, & stellæ solesque futuri cælo, muliebri corrumpunt manu, Samsones Dalile, Dauides Bersabee, Salomones plurium blanditia.

Ac supina omnino opus negligentia ac spiritaliū neglectu ac tepore in eo qui post annos in Religione decursos in carnē labitur, cum enim experientia doceamur nouitios à sæculo recentes, vix ex altissimo vitiorum oceano ereptos, madentes adhuc & criminum fluctibus non semel insepultos, ægreque caput attollentes, aut è media etiamnum prauarum affectionum fornace calentes & ambustos, necdū degustata virtutum pulchritudine, orationum robore,

mortificationum firmitate, in magna animi puritate primos Religionis annos decurrere; rara oculorum auriumq; custodia, celeriq; quarumcumque occasionum fuga, ingentiq; omnium quæ ad voluptatem quoquo modo ducunt horrore ac detestatione; mirum planè videri debet post variorum annorum in Religione educationem, labi viros religiosos, meditationum orationumq; præfidiis excultos, post variarum virtutum documenta, post exercitam & ad arma spiritalia paratam mentem, post continentia callum, post corpus pœnitentijs difficultum, post tot hostiles acies, tot inferorum agmina superata, protritam & calcatam nõ semel carnem, nobilissimos deniq; à mûdo triumphos actos; mirum planè & prodigio simile labi in muliercula Religiosum, hunc lasciuia oculo captum, illum feminea voce delusum, alium leui contactu tanquam cõpede constrictum, quin & petulantioris penicilli conspectu tanquam à Babylonijs ignibus arsisse non neminem; plurimos etiam tanquam niuem sole medio, muliebribus colliquatos radijs, aut ad domesticas illarum

flam-

flam
dul
do i
bitr
V
præ
ab v
psus
man
Sacr
tatio
libro
anim
gleb
fui, re
liebr
ti cap
tione
corpe
ad in
prola
mens
nam f
leui li
robur

flamas, tanquam à potente fulgure emedullatos, multosq; à solo petulco & ludibundo in femina calamo iacuisse prostratos, arbutreris Herculea claua aut cestib; prostratos.

Verùm si altiùs principia legamus, & præcipitij causas propiùs intueamur, non ab ultimo illo immanis ac miserandi prolapsus momento, sed à semitis longa ad illum manu ducentibus initia sumenda erunt; à Sacramentorum nimirum, orationis, meditationis, examinum conscientie, spiritalium librorum, pœnitentiarum, manifestationis animi morborum, sobrietatis ac modestie neglectu ac contemptu, à præfidente fiducia sui, regularum violatione, frequentatis muliebribus colloquiis, sociorum fuga, secreti captatione, otij amoris, laboris declinatione, cibi potulque commodorumque corporis prosecutione, alijsque his similibus ad infames femineos scopulos paulatim prolapsos reperiemus. Non vna hora, die, mense cecidit veteranus: anni viam ad ruinam strauerunt, & tanquam blattæ & tineæ leui licet corrosione, vniuersum paulatim robur emedullarunt. A tam paruis initiis ad

malorum extrema inuictus ille, dum Religionis amor regularumque observatio staret, veterani animus prolapsus est: stillicidia hæc nimirum incauto annorum prolapsu sana exederunt. tam suaui elementigutta mollities tanquam leui spongia, aut amico osculo, quidquid erat saxeiroboris, extriuit, ita à scintilla vrbes iam nullæ, & à modico veneno Herculeæ iacent vires ignibus pabulum.

Vitabit hæc modica quisquis salutem amat, quisquis præcipitia, quisquis exempla cogitat.

Remedia.

A Superioribus partim, partim ab inferioribus petenda sunt. proderit, si Superior in omnem occasionem intentum oculum teneat, nusquam operam suam in hac materia deesse patiatur, nusquam etiam in minimis in hoc genere parcat. parcere hîc odisse ac perdisse est. excubet seridè ne qua parte regularum observatio infringatur, ne in tepe scat in orationis ac mortificationis studio spiritus, ne primus languescat

ardor. iniitijs ante omnia occurrat, nec medicamenta differat in validiorem morbum, ne curationem in ferrum & ignem reijcere cogatur: occasiones omnes ad viuum rescindat, etiam ense non damnanda, si ad dānanda quoquo modo ducant, reuellat: queratur eger, laudabit periculis ereptus, neque prudens sublatas ægritudinum causas dolebit. peritissimus ille medicorum est, qui præprouida cura anteuertit mala. nec iustā querimoniam causam habet, quem ad exactam regularum ac constitutionum obseruationem, vigilans Superioris sollicitudo cogit. arguat in Superiore inferior diffidentiam & inanium suspicionum seriem: consultius est illum Superioris diffidentia circumuallatum stare, quàm minima illius fiducia non reparanda præcipitia pati.

Qui roborauerit ac obduruerit animum diuinarum meditationū ac orationum studio, qui conscientiam suam latebras bis per diē diligens non perfunctorius scrutator excuserit, qui quidquid quacunque via irrepserit malorum celeri pœnitentia deleuerit, qui spiritualium librorum lectione nullo

non die pectus firmauerit, qui frequentibus per diem aspirationibus mentem ab humanis abduxerit, ad diuina sustulerit, qui se suaque omnia, animorū in omnem partē affectiones, irruentiumq; tentationū fluctus ac procellas Superiori non minū cādide quā integrē, vt medico, vt patri, vt matri referauerit, non facilē ad erubescendā labetur.

A nocituris deinde magna cura animus auocandus, à quacunque feminea familiaritate, à muliebri uisitatione, à colloquijs quocunque prætectu prolixioribus, ab eorūdem personarū confessionibus frequentioribus, à munerum vltro citroque erogationibus, à mutuis scriptionibus, à molliori cura, & patrocinijs subsidijq; tenuioribus procurandis, à lasciuientium calamoꝝ lectionibus, à liberiorum penicillorū circumspeditione, ab uida blandiorum verborum captatione, à diuturniore alterius sexus presentia & fermocinatione, à curiosiore rerum verborumq; non castorum inuestigatione, Neque enim quacunque demum ex causa Religioso immorandum talibus, neque alijs vestigia parum castis semitis imprimenda;

da; celeri potius hæc volatu quam gressu transcurrēda, & vt per ardentes prunas, per inimica agmina, per aduersariū ferrum, per interimentia venena præpropere cursu saltuque transilirenda sunt: etiam in medijs abditissimarum confessionum disquisitionibus, ne aut ignorata discantur, aut explicata amburant, aut à penitiorè agnitione altius imprimantur animo, quam vt valido post conatu excuti possint. Credi enim non potest, quam immania pectori incendia è minima scintilla suboriantur, quantaque vniuersam mentem è tenuissimis initijs flamma depascat; vt semel curiosiores oculos coniecisse, semel aures præbuisse, vix multorum postmodum annorum lacrymis elui possit: quin imò non rarò non nisi cum vita, lucta è tantilla re nata deponitur.

CAPVT XXXVII.

Nimia fiducia sui in rebus agendis, seminarumque consuetudine.

CVm etiam sæculi prudentes moneant, prouidi esse, aliorum potius in causa
 bb 4 sua

sua consiliis, quàm propriis niti. ferè enim labimur in nostris, & affectu trahimur potius quàm ratione: neque magis obuium ac familiare est, quàm probare quæ placent: euenitque in his, quod nebula tectis, quibus verarum rerum prospectus omnis intercluditur; quod per rubrum vitrum obiecta intuentibus, qui res omnes rubro colore tinctas arbitrantur, nec errorem hunc, nisi amouerint vitrum, deponunt. Vitrum hoc priuatus affectus cuiusque est, qui rem omnem colore suo tingit, nec patitur veritatem detegi.

Quantis verò periculis fiducia hæc nimia expolita sit, facillè videbit, qui innumeras errorum in rebus humanis causas cogitaerit, maximè in rebus arduis, & quæ rempublicam, quæ Principes viros, quæ Religionis vniuersæ nomen bonum tangunt, in quibus semel errasse, ferè perpetuum est. Ita nulla arte reuocari error ille potest, qui vniuersam rempublicam traxit in ruinam. Grauis error, & ab ambitione natus, & plurimum lapsui vicinus.

Audire, in deliberationem vocare, nunquam

quam non à magnis & prudentibus probatum, è quibus qui deliberationem instituit, optima feligat ac tutissima. Scio primum illum locum in prudentia tenere, qui in pectore suo senatum ac consilia, fugiendaque sequendaque reperit: proximum illi, qui ex aliorum consiliis sanissima deligit. at quanti priores sunt? vix è millibus vnum aut alterum inuenias: & vt talem nactus fueris, sensum tamen aliorum explorasse, obesse non potest, prodesse potest. vt prudenter Sapiens PROU. II. *Vbi non est gubernator, populus corrumpet: salus autem vbi multa consilia.*

Nec diffiteor in subitis audacissima aliquando, tutissima consilia esse; sed perraro ad hæc extrema compellimur, & tutiora sequimur, dum res locusque permittunt. qui peritos audit, & rationum illorum momenta serius indagator excutit: nam vt nihil aliud, hoc sanè qui alios in deliberationem admouet, consequitur, vt tot propugnatores ferè habeat, quot consiliarios; si negligat, tot oppugnatores referat.

Neque quisquam propè est, qui non aliquid aliquando suggerat rei bonæ; vt non

rarò etiam in infans non pœnitenda re-
perias. Accedit alta quædam quietudo
mentis, cùm mens deliberationis conscia,
nihil temere, aut propriæ libidinis impulsu
aggressam se nouit; cùm contrà in vario me-
tu sint omnia, solusque, si quid aduersi inex-
pectatum aduenerit, damna, variorumq; iu-
dicia ferre cogatur, protectore destitutus.

Neque facîle quicquam antè neglectus,
re ad extrema, aut vltimam desperationem
deducta, manum admouebit, ne in tam du-
bio exitu honoris nihil, dedecoris referat
plurimum. quin imò reperias non paucos,
qui quòd in consilio capiendo neglecti vi-
deantur, non improbent modò, sed & variis
substructionibus subdolisque machinatio-
nibus probatissima etiam euertere conen-
tur, & miscere damnanda, qui sententiam
rogati, probassent. Non quòd omnes velim
in cõsiliu adhiberi, sed peritissimos quos-
que ac primos, quibus vel longa experien-
tia, vel muneris ratio, vel ingenij iudicijque
bonitas lucem ad varia præfert.

Nulla verò in re magis elucet hoc ma-
lum, vulneraque non medicanda infligit,
dam-

damnaque non reparanda dare consuevit nimia hæc fiducia sui, quàm ubi de castitate agitur: & ferè cecidisse reperies, quos nimia fiducia sui longiùs à littore prouexit, & maria hæc multorum mortibus infamia tentare suasit. Fiducia hæc inter hos scopulos & breuia nauiganti naufragio proxima est. enauigauit qui timuit, quiq̃ue non suo solius consilio fluctibus hisce domesticam commisit ratem.

Præcipitia demum hîc sunt. Caueat quisquis salutem amat. vno leui flatu aut prolabantis in hoc lubrico vestigij lapsu, salus continetur. Ne fide quisquis salutem amas. præcipitio fiducia hæc omnis proxima est.

Et sanè in labili admodum figit pedem, quicunque hunc campum impavidus calcet. Syrtes & breuia cogita, scopulos & decumanos fluctus, cùm à tirone Oceani in experto nauigantur. tot omnium ætatum naucleri peritissimi in hoc profundo naufragium fecerunt, & in extrema senectute, post enauigata maria, torrentem non rarò repererunt, in quo perirent. tot veterani milites, post innumeros triumphos, & ho-

flum cædes, post campos cadaueribus fati-
gatos, ludem inuenerunt, quo caderent: tot
prudencia & eruditione clari, cano iam ca-
pite ludibrium facti sunt, & mundo fabu-
la. & sperabit nescio quis ingenti plenus fi-
ducia sui, medios inter femineos fluctus, ta-
bula salutem? inermis inter armatas has mu-
lierum acies illasum corpus? effugia deni-
que ac tuta recepracula adolescens inter il-
lius sexus insidias laqueosque compedesque;
medius? ingens error est, post tantorum
naufragia, cædes & vulnera, meliora sibi fa-
tua fiducia spondere.

Et sanè quisquis non timuit, aut iam lap-
sus est, & prostiata iacet victima infami mu-
liebri manu iugulanda; aut lapsi proximus
est. vt meritò stolidum illum dixerim, qui
post orbe toto magnorum strages, inermis
victoriam sperat, & audet iratos hos pro-
nuocare fluctus palmari scaphæ confusus,
quos tot armatæ rates nequidquam integra
carina tentarunt.

Et verò monent prudentes, à solo timo-
re & fuga salutem in hac lucta sperari posse:
nec quemquam in hac pugna periisse, qui
non

non plurimum à nimia fiducia sui, viam sibi
ad ruinam struxerit. Venena cogita, nullus
illa, valida quamuis manu, prudens contri-
git. nemo serpentem, frigoribus licet tor-
pentem, impunè deliniuit. Hercules, & Sā-
son, & quidquid firmum, roborisq̃ ple-
num, hīc cadit. superant venena robur: at
nocentior omni veneno mulier est: ludus
basiliscus est, & nulla iam hyana est, si cum
illius oculis & voce conferatur. Timebit
proinde hæc toxica, quisquis iudicē Deum
timet, & inferni pœnas; quisquis salutem a-
mat, & reposita cælo præmia: nec erubescet
audire timidus, vt securè infidum hoc ena-
tet mare, tãtorum submerſionibus infame,
vt tutò venena hæc effugiat, tot magnorum
luctuoso exitu nobilitata; vt integro de-
mum corpore, femineo se huic gladio eri-
piat, tot primorum orbe toto sanguine &
cædibus ebrio.

Prudenter Cyprianus monet, & fidentes
instruit De singul. Cleric. *Aduersaria est confi-
dentia quæ periculis vitam suam pro certo com-
mendat, & lubrica spes est quæ inter fomenta pec-
cati saluari se sperat. incerta victoria est inter ho-*

Stilia arma pugnare, & impossibilis liberatio est flammis circumdari, & non ardere. & alius: Expedi multo, bene timere, quàm malè fidere, & utilius est vt infirmum se homo cognoscat vt fortis existat, quàm fortis videri velit, infirmus vt emergat. cuiusdem illa sunt: Nemo de suo corde presumat quando profert sermonem, nemo de suis viribus confidat quando suffert tentationem. quia vt bona prudenter loquamur, à Deo est, non nostra sapientia; & vt mala fortiter perferamus, ab illo est, non nostra patientia. & Sapiens Prou. 3. Habe fiduciam in Domino ex toto corde tuo, & ne inuitaris prudentia tua. & Apostolus 2. Cor. 1. Non simus fidentes in nobis, sed in Deo.

Remedia.

AB exemplis tutissima sunt. felix ille qui alieno periculo doctus, neminem suo docet. Percurramus humanarum propter rerum omnia. Imperatores, dum nimia fiducia roboris sui, hoste contempto, ardua petunt, vniuersam gloriam infami exitu macularunt. Peritissimus quisque nautarum, dum nimium elemento suo filius, alius prouehitur, naufragium passus est. Et non lummi natatores, pugiles, torrentibus sorbentur,

tur, & imbelli ac rustico ferro cadunt? Eadem in omni hominū genere reperies: quo magis timore armandum pectus, metu cingenda latera; tutum te hīc comites præstabunt, & inrer pericula prouidum & securum.

Cogita deinde, quanti in carnem delapsi; & disces ab hac fiducia in præcipitia hæc turbatos, dum robori virtutiq̃ suæ fidunt: &, dum non firmant illecebris aures, non frenant oculos, linguam, manus, nec tanquam compede stringunt domesticas has feras, in medio felici cursu, ludibrium facti sunt orbi, & in exemplum iam aliorum positi. Audet Religiosus quocunque prætextu diutiùs colloqui? familiaris, liberioREQ̃ deinde aspectu & cachinno, metuq̃ ac verecundia exuta? etiam in contactum ibit, inde ad extrema malorum.

Vtile fuerit, nihil in eo genere aggredi inconsulto Præfecto spiritus, & aliorum potius, quàm suæ sententiæ niti, actuta quæque vereri. Prudens Imperator in alta pace bella cogitat, adeoq̃ & bella parat, ne imparatum hæc improuidumq̃ opprimant.

Pa-

Paret etiam spiritalis athleta in pace bellamuniat pectus lorica timoris Domini : armet caput caelesti, non sua fiducia plenus: & quo minus se bellorum ostentat, hoc praesentior sibi magis etiam timeat, & à magna malacia magnas tempestates expectet. hoc propinquior periculo, quo mollius hoc elementum ludit. Ne fide huic tranquillitati. maiora sub hoc ridente vultu damna latet, voragines & scopuli teguntur hac serenitate. Nihil proinde inter omnia remedia praesentius, quam nulli fidere, vereri omnes; etiam in sorore feminam cogitare, & in fratre virum. Deum denique omnibus praesentem, praemiatorem & iudicem, etiam cogitationum reconditissimarum.

Monemur vniuersim à Sapiente Prou.3. *Habe fiduciam in Domino ex toto corde tuo, & ne inmitaris prudentiae tuae, in omnibus viis cogita illum, & ipse diriget gressus tuos, ne sis sapiens apud te metipsum.*

C A P V T XXXVIII.

Feminarum familiaritas quocunque prae-textu, confessionum, instructionum spiritualium, boni temporalis, aegritudinum. }

Et

ET sanè magis periculum adit, qui dolo circumuenitur, quàm quem hostis aperto aggreditur marte, & palàm. in fraude nulla ferè virtus, aut robur iuuat, cùm incauti in insidias labamur, & antè cadamus, quàm periculum senserimus. Et familiaritates tales minùs sunt suspectæ, minùsque ti-mentur, cùm sub ratione boni mala tegant. Ita cadunt primi parentes, & Amasà, & Abner dolo Ioabi ferro, & hominum pars magna.

Et quis inter tripudia, & lætitiæ signa fer-
rum vereatur, & caput Ioannis in disco, &
inter oscula Iudæ Magistrum prodi? sub tã
pio nimirum velamine nocitura, & peri-
mentia latent venena. Iam in omni Reli-
gione, omniumque hominum genere,
quàm grauibus multorum laplibus strata
ad ruinam via est!

Familiares in hoc malo est, excusationes
prætendere, Res levis est, quid periculi è tan-
tilla re? Sed & scintilla res levis est, & tamen
quam latam non vno sæculo decit flam-
mam? flamma, non scintilla, mulier omnis
est, adeoque ignis est, quo orbis non semel

con-

côflagrauit. Et venenū modicum, non venenum est? quā multi vitā modico illius haustu finiuē ūt? nullum muliere venenum potentius est: frons, oculi, genæ, labra, vox, risus, manus, vestes toxico plenæ sunt. & non magna pars hominum cadit hoc veneno? Vidit ille, audiuit, leuiter & fortuitò tetigit alter, & captus est. Quare monet Sapiens Eccli. 9. *Virginem ne conspicias, ne fortè scandalizeris in decore illius. auerte faciem à muliere compta, & ne circumspicias speciem alienam. propter speciem mulieris multi perierunt: & ex hoc concupiscentia quasi ignis exardescit.* ita à paruis, ab vno nimirum oculorum iactu, ad magna dilabimur.

Et non leuia sæpe sunt bellorum initia, quibus totus propè non semel exarsit orbis?

Grauiora in omni muliere reperiēs, & instinorum, tanquam ciuiliū bellorum causas maximas, plenæ historiæ sunt. Nulla deinde res leuis dicenda, quæ ducit ad interitum, & qua primi maximique, omni historia teste, ex omni hominum genere ceciderunt. hinc illud Cypriani: *Quantos leones domuit vna muliebris infirmitas delicata! quæ cum sit*

vilis & misera, de magnis prædam capit.

Non sentio, & roboris sãt videor tot annis collegisse, quibus nullo nocumento inter illas versor. Non minimus morbus, & sine sensu irrepens, initio neglectus, interitum parauit etiam valētissimis, & annorum numero per aspera & dura firmatis non minima vulnera, & sine sensu accepta, ad sectionem & vltionem & mortem ducunt? Noli ante actę probitati fidere. peritissimi ferē gladiatores ignauo cadunt terro. primi natatores post tranata flumina & maria torrentibus obruuntur. Prudenter Hieronym. ad Nepotian. *Nec in præterita castitate confidas. Nec Samsone fortior, nec Damiæ sanctior, nec Salomone potes esse sapientior. Iamque semper, quoddam paradisi colonum de possessione sua mulier eiecerit.* Et ut te concedam vacare periculo, altera fors pars non vacat. & tot exemplis docti sumus non vacasse. Benē quidam mulierem virumque sali comparat & aquæ. sal ex aqua est. iniice aquæ, redit ad amicum sibi elementum. Oleo alius molli mulierem comparat, ignibus virum: adde oleum ignibus, an extingues flammam? Tertullianus omnem

mnem virum mulieri, omnem mulierem viro gladium ait esse. Et ut vtrunque desit periculum, scandalo non vacat hæc familiaritas, & exemplo præimus iunioribus ad libertatem, inde ad interitum.

Soror est, neptis, sanguine iuncta. At quoties in talibus ludit error? quàm multi perierunt propinqua hac flamma? quoties natarunt campi consanguineo ferro? non minus periculi à consanguinea muliere. Lot magnus vir in filiabus cadit: Amnon in Thamar sorore: Ruben, &c.

Verùm prudens & proba matrona, aut virgo est, annis prouecta, instituti nostri amans. Eo magis metue: nam hæc natura sua trahunt in fiduciam, dumque minùs timentur, occultius illabuntur. Dum silet mare, ac quasi ignauo sopitum iacet somno, tunc peritissimus quisque maximè inuigilat. mentitur hæc serenitas, ac de propinquo minatur. Periculosior omni Oceano mulier est: dum blanditur, sæuit, dum ridet, venena iaculatur. Ne fide iacenti huic elemento; sub hac consanguinea nube imber, grando, fulmina latent perimentia. Si instituti nostri

amans, & benefactrix: magis etiam honori illius & famæ & salutis consulendum est, ne hac familiaritate pericliterur.

Nulli timor & fuga noxia, omnibus propè familiaritas & fiducia exitio fuit in hoc agone. Et sanè alterum è præcipitio pendentem pedem habet, quicumque sub hac specie boni fidetiùs ac familiariùs versatur. Illabitur hoc venenum incogitanti, & virus infundit incautis: eo nocentiùs, quo cautius: miraturque ruinam, vulnera, mortem, qui nec præcipitia, nec ferrum, nec venena senserat. Ille prudenter rem instituit, vitamque moreque ad aliorum exempla componit, qui quæ facta olim, euenire posse arbitratur sibi, aliorum periculo edoctus.

Et verò nulli ætati tutò has necessitudines credi posse, tot in cano vertice pudibundi nos lapsus docent: ut ausim dicere, plures me vidisse post quadragesimum adeò & post quinquagesimum annum, quàm ante illum infami & miserando exitu prolapsos; dum annis credunt, nec damna metuunt ætatis prærogatiua suffulta. Neque nouum, post sexagesimum castimonie annum in utroque sexu

sexu erubescenda vidisse; ut tunc inciperent ardere, cum corde fibrisque gelatis capulo proximi alterius vitæ prænuntiis premerentur.

Misera conditio, post tot annorum integritatem, ad æternum descendenda venire. Tantum potest familiaritas, & amica muliebris veneni consuetudo: ut etiam glaci flammam iniiciat, & arentia exhaustis medullis ossa inuerecundo impleat igne. Cauebit quisquis priorum sæculorum exempla metuit, quisquis posteritati exemplum in se statuere non vult. nulla ad peccandum ætas grandior. Quid? quod non pauci in illa ætate peccatum amarint, cum peccandi emortua materies esset: ignes spirarunt, cum nullis fornacibus accendi viderentur posse. Vitabit proinde familiaritatem omnem, quisquis alterius vitæ inemor, æternitate proposita, Deum sibi statuet inspectorem, accusatorem, iudicem, præmiaque & flammam nullo ævo finiendas.

Scrupulositas prætenditur Superiorum. ita vigilantiam ipsorum in inuidiam vocamus. Nemo nimis timuit in re salutis. Cauius

riū
fusp
xim
les e
neci
etia
arde
C
lis in
stren
nesci
nimi
nior
mod
In
fcele
amar
metu
rius p
pleni
re eti
liebri
sed p
demu

rius ambulat, rariusque cadit, cui etiam tuta suspecta sunt. Præsumptio omnis ruine proxima est; & prudentiæ comes timor est. Tales excusatores similes iis videntur, qui phrenesi laborant, morbum non sentiunt, sanos etiam se esse arbitrantur, cum ingenti intus ardeant flamma, & ferè morti proximi sint.

Corporalis demùm aliqua necessitas, qualis in inualetudine euenire solet, à non potestremis quarundam regionum Religiosis & nescio qua veteri consuetudine adducitur. nimirum in auxilium ferendū sexus ille propior, agrisq; fouendis curandisq; accommodatior, ac natura quasi in solatiū factus.

Ingeniosa omnis improbitas est. causas sceleribus inuenit, & dum periculum suum amat, damna minuit, necessitatem auget, metum seponit; eo malo vicinior, quo securius propiusque inter flammam ambulat.

Certè si qua res alia, hæc periculorum plenissima est. virum Deo sacratum, sanctiore etiam castimonie voto obstrictum, muliebribus non tantum deliniri colloquijs, sed pudore posito, manibus cõponi, foueri, demulceri? & prudens credet virile ignem, fe-

femineo hoc oleo iniecto non exurgere in flammam? credet veneno tangi, & innoxium illæsumque abire? aut virum morbo sexum omnem deposuisse, ac in feminam degenerasse? credet mulierculam non æstuarè hoc contactu, aut hanc etiam virum factam? aut vtrumque in marmora & chalybem abiuisse, vt sine sensu ludant oculi & manus, & in mediis flammis congelascant membra saxa de carne nata?

Et vt pericula taceam, vbi pudor castimonie comes? nam quis nesciat multa in egritudine intercurrere, quæ propiores liberioresque manus & oculos poscunt; & salutem castitate integris oculis, manu, pectore, in quemquã in alienos contactus & aspectus toties poni componique non iam lectum & stragulam vestem, sed membra & corpus, & lapidem semper esse, sensusque expertem?

At senior aliqua matrona est, ætate moribusque matura. quasi non liberius in senectutis vteri metu peccetur: & dum timore pulso, minus metuitur, celerius non labamur? & fors senior illa iuenculam sibi sociam adiunget, vt quæ vno igne non potuit, duobus

bus in viro exurgat flāma. Vna videlicet nō
 satis erat ægro, & senior à valentiore iuuan-
 da, vt mutua vicissitudine mutuos labores
 leuarēt, & somno oppressa seniore, aut qua-
 cunque ex causa absente, vicarias & auxi-
 liares iuuentula, viridi adhuc robore & æta-
 te, manus ægrotanti viro præberet, ac in ex-
 tremis etiam necessitatibus, mater esse inci-
 peret, quæ virum ignorabat; & materna ac
 sponsæ libertate, ægrienti manus admoue-
 ret, nec viriles tamen æstus sentiret, nec se-
 xuum discrimina disceret, nec è virgine sua
 egrederetur, aut pudorem exueret. Nollem
 hæc miracula temerario ausu sperare; maxi-
 mē cū aliud omni historia sæculorum o-
 mnium doceamur. etiam in fuga pericula,
 quo magis in liberiore aspectu & contactu?
 aut eminus ignes exurgunt in flammās, de
 propinquo in glaciem? & in vastā eremo,
 Hieronymus & Nazianzenus, & tot olim
 magnorum millia per tot maria, & imma-
 nia terrarum spatia, absentes, in longa ma-
 cie, vigiliis, pœnitentiis exeso & emarcido
 corpore, hostiles hosce alterius sexus ignes
 sentierunt. sed & è prima iuuenta, post qua-

draginta annorum conscripta libidinis funera, in extremum senium, post tot intervalla, improbi ignes exsurrexerunt, idque valentius sæpe quam in ipsa adolescentia: & de propinquo glaciem promittent? non veniunt hæc à cælestium amore, non ab anima diuinis ignibus calente. ab humani generis hoste veniunt: qui subdolis his insidiis quos aperto Marte non potuit, in cautos, nimiaque fiducia sui laborantes trahit in interitum sempiternum.

Remedia:

AB exemplis petenda sunt, Sanctorumque monitis. Inter tot mulieres suas, solo aspectu alienæ cadit David, & addit homicidium; ita non solet in vno crimine libido stare. Salomon addit voluptati idolatriam. Samson post tot fraudum exempla, sola ruina docetur. Ioannes & Paulus post quadragesimum & sexagesimum eremi annum miraculis clari in virgine cadunt, alter etiam eadem addit. & plenæ sunt omnes historiae.

Fuga in his, & occasionum omnium vir-
ratio,

tatio, certissima & tutissima victoria est.

Parcitas in loquendo, ac maturitas, ac ad seueritatem magis, quàm ad suauitatem cōposita conuersatio, laudata semper à viris prudentibus fuit; & inutilium, ac non necessariorum colloquiorum resectio. priuatorumq; munerum acceptationes aut donationes, magna & prudenti circumspectione instituendę sunt: trahunt enim hæc sola memoria sui, & affectus mutua hæc donaria afflant, altiùs nō rarò, quàm vt modica cura & laboribus eruantur, imprimēda.

Suspectissima omnia habere quęcunque hunc sexum tangunt, & minima etiam pro maximis arbitrari, leuissima pro periculo proximis, tutissimum genus est.

Nulli fidere, nulli te tuaq; credere; nihil committere, ad cuius euulgationē erubescas: nihil dicere, ne quidem inter confessionum secreta, quod non dictum velis, & aliquo etiam ornatu & mendacio vestiri.

Hostem si in omni muliere cogitaueris, si venena, si flammæ; non facilè te huic sexui credes: tange, & tanquam pice & toxico contaminaberis: intueri, tantum non

peristi. nam siue vultum, oculos, vocem, or-
natum, compositionem totam cogitaueris,
insidias & dolos & compedes & retia repe-
ries incautis improvidisq; tenfa, quibus
simplices animæ, & tantum columbæ in
fraudem inducantur, vt antè se captas vi-
deant, quàm pericula cogitauerint, & serò
priorem libertatem circumspiciant parietibus
clausæ. Tantum metue, & hostilia om-
nia cogita, & fraudibus periculisq; superior
cris.

In Superiore maiore etiam opus est cir-
cumspeditione, quo huius exemplum abijt
ad plures, cum licere sibi arbitrentur infe-
riores quidquid in illo viderint.

In morbis maior etiam cautio adhiben-
da, quo sub necessitatis prætextu ad nocitu-
ra descendimus. amputanda, ac tãquam no-
uacula ac falce omnis in his præscindenda
muliebris familiaritas, consuetudo, visita-
tio, colloquia. Plus enim in his periculi, quo
minus timoris est. ille non facilè labitur, qui
etiam in plano, aliorum infortunio doctus,
scit se posse labi. temerarius ille est, & ruinæ
proximus, qui inter pendula præcipitia tan-
quam

quam in humili decurrit. vir proinde viro decumbenti inuigilet, auxiliatricesque manus, famulamque dexteram admoueat mulier nulla, ac ne soror quidem propius corpori ancilletur. quin & verecundia in Religioso matrem subueretur, & vulgandi in illa pudoris sui testem veretur.

Et sanè indignum Religioso & viro est, mollissimis muliercularum manibus foueri. verùm mortis metus ad quæ non cogit? at consultius longè mori, quàm his flammis ardere. & non deteriore morte cadit qui femineis ignibus decineratur, quàm qui estuantibus febribus animam cōditori suo reddit?

Si inferior fuerit, fortiter resistendum, muliebriaque hæc noxia subsidia validè neganda. dolet? mitius est dolere quàm muliebribus flammis exuri. mœrore obruitur? clementius hoc integitur, quàm ignibus inspelitur. constanter proinde arceat hunc sexum, nec vllis se precibus vinci flectiq; permittat Superior, rationem de concredita sibi anima Deo redditurus. & non melius est modicum hîc ingemiscere, quàm in æternis ignibus, nequidquam medicam diuinâ ma-

num inclamare, olim mitem, olim etiã patris ac matris, nunc post muliebria hausta venena, solius in vindictam iudicis, & seueri, flectique æternum nescij iudicis? Pius sanè per omnia ille Superior, amantissimusque suorum est, qui momentanea hæc feminea solatia æternum nocitura negat. durus ille est, qui peritura hæc solatia æternum peremptura admittit.

CAPUT XXXIX.

Frequentes & proluxa feminarum confessiones.

Ingentium non in Religione tantum, sed in omnibus qui excipiendis confessionibus occupantur, malorum origo. è qua propè quidquid excogitari potest vitiorum nascitur, maxime cum eadem frequentius audiuntur, plurimumque in ijs temporis impenditur. crescit enim è consuetudine familiaritas, è familiaritate libertas; & qui prius ad mulieris vocem erubescere, nunc pudore seposito, etiam intueri & arridere non reformidat, & ad liberiora etiam verba, risum iocosque prouocare. sequitur di-

cto

etorum factorumque narrationes prolixiores, & ferè secularibus permixtæ: ac tandem è tam crebra frequentia, domestica quasi quædam licentia; nec iam tantum patris, sed & fratris, & per familiaris amici personam induit. inde metus, omnis pudicitiae custos, exulat: & dum pulso timore, maliq; suspitione deterfa, tanquam cum filia pater, aut veriùs tanquam cum eiusdem sexus amico versatur, ferè incautus antè cecidit, quàm muliebria hæc præcipitia prospexit; antèque in feminea retia, & insidias prolapsus est, quàm pericula prouideret.

Scio sub prætextu spiritualis necessitatis colloquia primò ferè trahi, & non rarò etiam affectu pio: sed qui impruidos, zeloq; minùs prudenti ducat in ruinam. & plerumque pulchra hæc velamina improbæ rei prætexuntur. nebulae hæ sunt, quæ diuinum solem mentium oculis excludunt, præripiuntque meliores diuinæ lucis radios, quibus & amoris & timoris diuini verio. lux animis prælucebat; qua subducta, tãquã per incertum noctis medias inter tenebras mens cõuoluitur, ignara iã sui, periculorũq; suorũ

Nam vt quis credat tam crebra proluxa-
que in illo sexu colloquia de Deo, de que sa-
lute sola esse, integraque hæc castimonix &
modestix fama stare, stolidum potius, quàm
vanum est. magis etiam si credat, in tãta fre-
quentia primam verecundiam, cautelam,
providentiam, metumque consistere. nam
quæ primis congressibus modicis & rariori-
bus hærebat mens dubia, pendula de cuen-
tu, nec sibi satis fidens, adeoque & tuta om-
nia timens, ea assiduitate & consuetudine,
damna nec videt, nec veretur. familiaria e-
nim sibi, ac quasi domestica pericula cùm
fecerit, ne sentit quidem: arbitreris occaluisse
ad hæc venena, quæ quo minùs timentur,
nocentiores aculeos figunt, nulla post-
modum arte medicandos, nulla refrigerandos.

Accedunt aliorum in similes familiarita-
tes æmulæ propensiones, cùm singuli sibi li-
cere arbitrantur, quod vni permittitur. hinc
frequentissima nascuntur colloquia; & cõ-
fessionum sedes, narrationum & fabularum
fiunt sedilia: vt tales videas ab his sedibus
redire plenos nouarum rerum, dictorumq;
factorumque aliorum; illas etiam domum

referre domesticas propè res omnes. ita mutuis narrationibus, quasi mutuæ beneuolentiæ tesseriis mutua necessitudo firmatur, in intimæ cuiusdam fiduciæ testationem. narrantur deinde vtrimque audita domi; illæ quæ à Confessariis acceperunt, profundunt in sociarum sinum: Confessarij in sociorum. & ne desit quod dicant, eidem singuli insistent semitæ: nec pericula plurimis aut omnibus iam cōmunia timēt, nisi post lapsum.

Plurimorum deinde tam externorum, quàm domesticorum suboriuntur offensiones, qui tam crebra ac diuturna earundem muliercularum intuentur colloquia, & deteriora cogitant: & res ipsa grauem non bonarum cogitationum materiam suggerit.

Iam cū non omnibus eadem familiaritatum officia præstentur, exurgunt reliquarum æmulationes, obloquia, suspiciones prauæ: quæ ex suo ingenio cū alias metiatur, perfacilè vident, ex his lignis & ignibus non nisi metuenda incendia nasci. cūque non ignorent necessitudinum harum pericula, quæ ipsæ fortè non semel passæ, eadem in alijs carpunt: & vt naturâ in omnem de-

terrimarum rerum suspicionem pronæ sunt, factæ ex seipſis magistræ; peſſima quæque & ominantur & narrant, non ſine grauis Confeſſarij talis dedecore. quod etiã in vniuerſum corpus redundat, & vnius iam delictũ abit in omnes; cùm vniuerſim Ordini, quorundam delicta tribuuntur. neque quiſquã ſibi perſuadet, Ordinis non eſſe, quæ aut annuentibus Superioribus, aut non emendatibus eueniunt.

Grauiſſimum verò eſt, ſi ipſi Superiores hoc malo laborent. quorum facta documẽta, ac propè præcepta reliquis ſunt, ac quaſi ad imitandum imperia. neciam delictum putant inferiores, quod Superiore duce faciunt, nec pericula metuunt illo præeunte.

Et ferè quidquid vnquam in Religione malorum, quidquid lapſum natum eſt, ex hac crebra diuturnaꝗue, confeſſionis, aut ſpiritualis documenti prætextu, cum iſſdem mulierculis colloctione ortum eſt. Vt maxima eorum pars, qui deſerta vocatione ſacculum petierunt, ac in ſcelera antè, aut non multo poſt prolapſi ſunt, ex his initiis ad extrema illa malorum deuenerint, paucique
adco

adeò non tantùm ad carnem & sanguinem, sed ad reliqua vitia & scelera deuenerunt, qui non ex hac frequentia ad præcipitia hæc descenderint. nam & munera hinc originem ducunt, & variarum detractiõnum ingens vltro citroque materia enascitur. euulgantur domestica omnia, necquidquam tam reconditum sanctumque, quod mulierculæ non committatur, & inter hæc, pœnitenda non rarò, ac nulla in posteritatem arte eluenda: sequuntur feminarum visitationes, & sociorum in ijs fuga & vitatio: sæculares deinde mores, nimiaque in delationibus credulitas, & his non inferiora plurima. quæ omnia ex hac frequentata confessionum prolixitate noxia fœcunditate pullulant, infelicis feminis infelicia germina, in Religionis interitum nata.

Et sanè indignum viro docto, religioso, & ad maiora nato, paucis mulierculis tantum temporis vitæque impendere, tot horas malè locare; ne aut destituamur illis, aut plures conciliemus, ipsi antè illaqueandi, & sub pulcro hoc spiritualis auxilij velamine, muliebribus retibus implagandi. maximè

cum alliciendi placendique hoc studium, sine domesticorum offensione non transeat: cum mutuae hinc nascantur æmulationes, metus, mutuæque ad se has illasue pellicendi conatus. quas res non infrequenter contemptus Confessariorum sequitur. neque enim fieri potest, quin inter hos conatus, prolixasque sermocinationes, aliquid minus prudens, minus religiosum, minusque generosum ac virile elabatur, vicatim postmodum non sine rubore effundendum.

Remedia.

A Superiorum vigilantia, & solerti industria petenda sunt: qui si in omnem partem excubauerint, non magno negotio mala hæc discutient, maximè si seria accesserint monita, atque in delinquentes poenitentiae.

Si post secundam tertiãque monitionem emendatio non successerit, tentanda erit loci mutatio. quòd si nec mutatione mores mutauerit, ab omni faminarum confessione arcendus erit.

Proderit etiam tales variis occupari, & aliis

lijs potiùs, quàm excipiendis cōfessionibus distineri; aut sanè tot negotijs muneribùsque obrui, vt vel tempus desit prolixioribus hisce colloquijs.

Per Præfectum etiam spiritus tales iuuandi erunt, ac per frequentes spiritales annuas recollectiones.

Consultum etiam erit aliquoties hos in anno aliorum negotiorum prætextu ad alia loca destinare, vt aliorum moribus paulatim assuescant pœnitentes, & desuescant illius, à quibus etiam, captata occasione, pericula docenda erunt, damnâque, quæ ferè crebras diuturnasq; confessiones sequuntur.

Vniuersim etiam iuuabit, si à Superiori familiari aliquando colloquio, aut recreationis tempore exempla narrentur eorum, quæ & plurima & grauiâ sunt, qui è talibus initijs in grauissima quæque, ac demum ad Religionis desertionem delapsi sunt.

Iuuabit etiam cogitatio præsentis Dei, omnia intuentis, & ad iudicium adducentis. finem etiam prolixarum harum confessionum examinare. si spiritalis est, cogitet plus semper periculi his annexum, quàm spei

bonæ, maioraq; vtrinq; damna quàm bona data relataq; esse. si temporalis alicuius commodi, meminerit Deum se habere patrem, qui vigilēs seriosq; regularum obseruatores non destituet in inopiam: cogitetq; plus semper maturitate morum, paucorumque religiosorum verborū pondere, quàm prolixis mollibusque colloquiis parari.

C A P V T X L.

Feminarum visitationes.

QVocunque demum prætextu illæ fiāt, noxiæ in primis Religioso sunt, ac omnium etiam maximè confessario; cui modis omnibus expedit plurimum verecundiæ pœnitentibus suis ac venerationis inhærere: vt eum nulla pœnitens mulier sine rubore audeat intueri, aut sine verecundia extra confessionis tempus adire, aut loqui: vt quæ eam rerum, quas in confessione tractauit, memoria, perenni quadam verecundia ac veneratione, à Confessarij familiari congressu terreat. eueniet alioqui, vt familiarioribus colloquiis & pudorem paulatim & ve-

ne-

nerationem exuat: ac ubi quædam in Confessario, quod perfacile in familiari consuetudine fieri consuevit, minùs aut religiosa, aut infia conceptam æstimationis spemprehenderit, incipiat contemnere, quem antè venerabatur vt patrem.

Nec rarò cuenire solet, vt familiaritas hæc visitationibus parta libertatem confitenditollat, maximè si quid grauius, aut verecundum intercesserit, cuius memoria præsentiam Confessarij vereantur; aut sanè inuerecundiam quandam ingeneret: vt quæ antè non nisi ingenti rubore in ipsa confessione, nunc etiam in familiari colloquio inuerecundè exprimant, vt meritò moneat Ecclesiastes c. 9. & ab omni familiari congressu, in quo ferè liberiùs excurrunt oculi, tereat: *Speciem mulieris aliena multi admirati, reprobi facti sunt: colloquium enim illius quasi ignis exardescit.*

Visitationes deinde illæ, quid nisi ingentium malorum materies sint, ego non video, miscentur verò vltro citròque colloquia, ridetur etiam, & liberiore decurrunt oculi, omnisque paulatim pudor detergitur;

tur; gestus solutior, cachinni, ioci, narrationesque subsequuntur minùs religioſe; pedetentim deinde ſocios teſtesque dictorum factorumque fugimus, & ſolitudinem amamus, ambimus etiam. proſiliunt ex hinc colloquia familiariora: nō qualia inter patrem & filiam reuerentem & pudicam, ſed qualia inter maritum & cōiugem, vt nullus iam pudor verbis, ac non multò poſt nec factis. ſemel verò pudore pulſo, quàm graua metuenda ſint nemo non videt: quæ enim primò ad Confellarij, tanquam ſerij ac grauiffimi parentis, vocem expaueſcebat; nunc in illius oculis & vultu, tanquam in mariti, aut fratris, aut ſororis ludit, iaculaturque non rarò, etiam ignara, potentia fulgura, oſſium medullas exedentia, hauritque viciffim non caſtos ignes: & antè vtrimque flammæ exurgunt, quàm ſcintillas ſenſerunt. prudenter Sapiens Eccli. 42. *In medio mulierum noli commorari: de veſtimentis enim procedit tineæ, & à muliere iniquitas viri.* & Baſilius de vera virgin. *Cum femina ſemper eſſe, & feminam non cognoscere: plus eſt quàm mortuos ſuſcitare.*

Neque in vnus viſitatione ſiſtitur. plures

res adeundæ, ne exurgant inter non impares æmulationes, ne se desertas querantur; ne postpositæ, ad alium Confessarium animum adiiciant. Ita cùm plurium visitationibus Confessarius distinetur, plurium paulatim ardet flammis, plurium percussus vultu, oculis, gestu, voce.

Offensiones ex his nascuntur externorū sanè graues, & grauiores offensionibus suspiciones: ingentiaque exurgunt scandala oblocutionesque, & deteriores factis narrationes. nec auctoritati tantum multum de- cedit, sed vniuersa tanquam spongia deter- gitur, & quidquid antè collectum boni no- minis, tanquam flumine deletur: vt nulla iā verbis fides, nulla monitis auctoritas, fidu- cia nulla sit. omni probitatis, sanctimonix, castimonix opinione depulsa.

Domesticorum etiam aut offensiones, aut, quod deterius, imitationes subsequun- tur. ita proni omnes ad deteriora sumus. & delectat sequi, ad cuius cogitationem sine exemplo perhorrescebamus. erubesceba- mus antè, & timore septi, nec verbo visita- tionem aut colloquia sustinebamus: accef-
sit

Sit exemplum, & proni in illa ruimus; laudemque etiam venamur, ad cuius antè nomen rubore suffundebamur. tantum dux potest & exemplum, maximè in iunioribus, quibus necdum per ætatem, rerumque periculorumque; experientiam aduersus has illecebras robur inualuit. Nec quidquam facilius, quàm teneras ceruices, ac quali de matris etiamnum lacte, flectere in quamcunque partem, rapereque ad hæc mulierum mollia & blanda, non vno magnorum etiam & primorum orbe toto virorum naufragio infamia. vt nihil mirandum, si in illos scopulos imperiti naucleri, & tempestatum fluctuumque inexperti illidunt ratem.

Serpit dein hæc visitationum frequentia ad reliquos, ac tota iam domus effunduntur ad illas, pietatis ferè aut commodi aliquis prætextu ita ferè electibilibus venena miscentur; nemo illa absinthio aut felle miscuit: quæ gustui in primis amica, toxico ab inimica manu natant. facit idem diabolus, spe spiritualis emolumenti ad hæc muliebres visitationes inhortatur, ad epulas reuera basilisci, ad venena molli sibilo tecta.

ne fide, quisquis Deum amas. altè hic serpens habitat. iaculabitur toxica opportunitate nacta. & vbi incautus fiducia tui extra omnè metū fueris, altiùs venena hauries, quàm vt illa vlla medica manus depellat; seroq; ingemisces, & nihil profuturas lacrymas, irritaque suspiria dabis, cū intima depasta senties, ac nō nisi cū anima nocitura deuomes.

Neque consistere hoc malum in vno potest. prouocata enim vnus alteriusue proritamento reliqua, ac quaedam amulatione sociarum, eadē concedi tibi à Confessariis suis poscunt. quę aliis euenire vident. negat aliquis? deserto hoc negatore suo, decurrent ad liberalem illum visitatorem, à quo paria sperent ac consequantur. à quibus iniitiis ingentes animorum nascuntur dissensiones, ac in tacita quædam, ac aperta tandem odia abitur.

Remedia.

IN solidum omnes omnino visitationes muliebres secare, consultum erit, nisi aut certa agritudo, aut grauis aliqua necessitas aliud deponat.

Propendentes in eiusmodi quàm monitis,
ma-

magnorumque non in vna Religione lapsibus, ammirandisque in omnem posteritatem ituris exemplis, quæ pœnitentiis coërcendi, loco et iam mouendi, audiendisque confessionibus excludendi.

Transgressores in aliorum exemplum & terrorem graui pœna mulctandi, nullique quacunque prærogatiua fulgeat, eruditionis, pictatis, ætatis, dignitatis in hoc genere parcendum. neque vlla nimia hîc seueritas esse potest. vt ille clementissimus cenferi debeat, qui fortissimè punit, scuitque in noxium membrum, ne contagione huius vniuersum corpus periclitetur.

In necessariis ægritudinum visitationibus, si perpetuus fidus Religioni socius claudat latus, oculoque in omnem partem intentos habeat, magno in omnibus securitatis adiumento erit.

Iam vt frequentior mulierum visitatio, tanquam venenorum attrectatio, noxia est, ita sæpius ab iisdem visitari non minori periculo subiacet. Quare non inferior in hac re Superiorum prouidentia, vigilansque cura quàm in priore necessaria erit.

Sociorum fuga & vitatio.

Via hæc est ad ruinam multorum, magnorumque lapsibus infamis in Religione scopulus, maximè cum de mulieribus agitur: in quarum consuetudine ac familiaritate, qui sociorum vitat præsentiam, hunc ruinæ proximum esse, necessarium est. Multis hoc in omni Religione exemplis, veteribus recentioribusque doceri potest. Iam, si proba, si casta, si timore Domini munita conuersatio nostra est, quid sociorum veremur oculos? Amare potius debemus socios dictorum factorumque, & innocentiae nostræ testandæ, ac vitandorum periculorum, scandalique & suspicionis in aliis auertendæ causâ. Securos enim tutioresque nos reddunt ab improbis callidisque mulierum illecebris, & ab æmulorum, inuidorum, ac odio etiam Religionem persequentium liuoribus & malignitate. Quas enim non possunt, inuidia, aut nominis nostri odio flagrantes, aut alicuius priuati viri magni, calumnias struere? quibus nō criminatio-

tionibus obruere, si innocentiae testes ab-
sint? & quomodo innocentia contra im-
probritatem se tuebitur testibus destituta?
Optare proinde prudens omnis actionum
suarum testem debet; & erubescere ac exhorres-
cere, quoties solum se quocumque locorum, mu-
liercula, sponte an fortuito deprehenderit.

Iam cum nusquam aduersarius desit que-
rens quem deuoret, omnemque occasio-
nem capiet; magna illi à socio remora iniici-
tur. nam ut flammam, & medicata libidine
rela iaculetur, accendatque non casto pe-
ctus igne; non erumpit tamen flamma: cum
sociorum vigilantia, tanquam iniecto flu-
mine restinguitur hic ardor, & quasi obie-
cta rupe repercutitur, foras fors erupturus
nisi repercussionem reperisset.

Quid? quod ipsa non raro forma, & se-
creti securitas nimis magna incitamenta
sint ad reconditas multorum saepe annorum
flammas excitandas. Incredibile enim dictu
quantum momentum ad scelera secretum
adferat; ut, si publicationis timorem injicias,
maxima facinorum pars corruat. neque
quisquam facile ad vulganda decurrit: se-

cre-

cretum crimina amant, quæ tamdiu appetuntur, quamdiu celanda sperantur. ut primum vulgationis metus incussus, tanquam iniecta frigida cor gelascit.

Cumque in omni hominum genere plurima exstent exempla non vltimorum virorum, qui ex incomitata hac fiducia, aut periculis & præcipitio proximi fuerunt, aut nulla prouidentia, ac pœnitundine reparanda damna acceperunt, nemo paulò prudentior illorum exemplis edoctus ad ultro nea hæc discrimina se abiiciet, magis etiam cum cogitauerit, non vnum ardentis mulieris fraude circumuentum non semel, ad Iosephi illius magni necessitatem adactum fuisse: cum etiam mentita corporis inuacitudine animi morbum mulier proderet, & alliceret non ignotis huic sexui illicibus prouocamentis, in omnem molitiæ cōpositis, cadentibus calidè crocodilæis lacrymis interitum fusis, trahereturque reluctantem, & ad periculum suum admirabundum, ac ad solitudinem suam serò propè trepidantem.

Et plures omnino spectatissimæ probitatis vidimus, quos non vnæ muliebres infidias

fidia cautiore, & tuta omnia timentes de-
derunt. quid? quòd intentata non semel
fraudes ab iis, quarum castimonia nulla vn-
quam vel tenui suspicionis umbra notata
fuerat? Quòd cautiùs hîc procedendum: nec
ætati, nec probitati, nec sanguini, ac propin-
quitati fidendum. Vbicunque solitudo est,
damna metue, subducralem, sequentur tẽ-
pestates: portumq̃ue pete, dum integra navi
potes; ne dum voles, insurgentibus indigna-
bundis femineis fluctibus, excludaris litto-
ribus, & frustra tetram spectes, irretitus ma-
lis, vndisq̃ue immane voluentibus delassat-
us, & ab inenatabili hoc profundo absor-
ptus, sera ô nimium pœnitundine. Prudens
nauclerus subducit nauem tempestati; fatu-
us immittit, & in medio cursu, fluctibus lu-
dibrium factus, sorbetur nequidquam opẽ
sociosq̃ue circumspectans. retulit nimirum
audaciæ præmium, exemplum posteritati
factus, temerarij ausus. nec est periti medici
curationem ad extrema reiicere, dubio plu-
rimum euentu, certo periculo: præcauere
cùm potest morbum, medicæque antè cur-
rere manu prudentis est. non est generosi
mili-

mili-
discr-
infel-
plica-
ta si f-
pum-
tudin-
præm-
rerin-
pone-
non
mulie-
tius s-
nitate
est co-
lum v-
ras fra-
roque
rer me-
delam
præm-
riamq̃
P
Super-
nihil i-

militis, per ludum risumque, in vltronea se
 discrimina conijcere nulla spe gloriæ, dubio
 infelicis successus metu. & quis prudens ex-
 plicabit vires, vitam, sanguinem, emolumen-
 ta si subtrahas, solaque damna miniteris? cā-
 pum virtus desiderat, non indignum ampli-
 tudine sua. vltro non accersit pericula sapiēs
 præmio frustrandus. si se obtulerint, si incur-
 rerint; fortiter excipiet, doctus antè animam
 ponere quàm cedere. Imitabitur Religiosus.
 non committet animæ suæ ratem infidis
 muliebris oceani fluctibus: nunquam cer-
 tius sorbent quàm dum ludunt, dum sere-
 nitatem mentiuntur. auxiliaribus hīc opus
 est copiis. nemo se fluctibus committit so-
 lum vitæ suæ prodigus, socias adiungit ope-
 ras frangendis illis domandisque: euentu-
 roque eminusq; licet minitabundo, occur-
 ret morbo, nec vulnera expectabit in me-
 delam: nec periculis se temerarius obiciet,
 præmio nullo, damno in interitum, inglo-
 riamque mortem ruituro.

Præbet sanè sociorum desertor iustam
 Superiori causam ingentis diffidentiae. vt
 nihil iam illi tutò credat, qui post magnorū
 d d in-

incauta præcipitia eadem aggrediatur. fr-
 gnumq; omnino est aliquid ipsum moliri,
 quod secretum postulat, publicari timeat
 non potest hoc à virtute nasci, quæ nec te-
 stem, nec proditorem suum veretur. & serio
 monemur ab Apostolo Ioan. 3. *Omnis qui
 male agit odit lucem, vt non arguantur opera eius:
 qui autem facit veritatem, venit ad lucem, vt ma-
 nifestentur opera eius, quia in Deo sunt facta.* non
 erubescit manifestari veritas, amat lucem.
 Fortiter idem Apostolus: i. Ioan. i. *Quoniam
 Deus lux est, & tenebra in eo non sunt vlla. Si dixe-
 rimus quoniam societatem habemus cum eo, & in
 tenebris ambulamus; mentimur, & veritatem non
 facimus: si autem in luce ambulamus, sicut & ipse
 est in luce, societatem habemus ad inuicem.* Hanc
 societatem altè imbibimus, cum illā sociorū
 præsentia testamur. neq; certè talis aut of-
 fendit in tenebris; aut per nocturna præci-
 pitia delabitur incautus, cū diem secum ha-
 beat sociū. sol enim cuiq; diesq; socius est.

Et vt periculum ab sit, non consulitur so-
 cij integritati: cum non vnus exclusus à so-
 cio pericula adiuerit, damnaque tulerit, nec
 quam innocentiam domo sociatus extu-
 le-

lerat, desertus à socio retulerit. vt meritò hîc illud Prophetæ dici possit: Ezech. 33. *Si speculator viderit gladium venientem, & non insouerit buccina, & populus se non custodierit, veneritq; gladius, & tulerit de eis animam: ille quidem in iniquitate sua captus est, sanguinem autem eius de manu speculatoris requiram.* Speculator omnis socius est: à cuius manibus deserti interitum socij animam iure deposcet Dominus. Neque tot exemplis doctus ignorare pestiferum solitariae mulieris gladium poterat. Et vt periculum vtrunque absit, mali tamen suspicio abesse non potest, quæ sola famæ lædendæ sufficit. quam quisquis sapit fugiet, memor plurimos hostium calūniis oppressos, ignauo exitu vitam finiuisse. neque se tantum sociumq; sed Religionem vniuersam in nominis discrimen vocat, cum vnius delictum transeat in omnes. quid? quòd iniusta semel macula, ferè æternet, nec vlla temporis aut eternitatis spōgia deleatur. Plurimū deinde propagandæ proximorū saluti obesse hæc res solet: cum ex captata solitudine, sociorumq; fuga, in plurimorum animis nascatur non castarum co-

gitationum opiniones: hinc fuga, à non castæ consuetudinis timore, vt minùs iam audenter se suaque fidei talium committant.

Remedia.

A Seria periculorum consideratione petenda erunt: ab exemplis etiam nō postremorum virorum, qui pedetentim his initiis ad malorum extrema deuenerunt. Neque potest desiderata hæc cum mulieribus solitudo, ac sine teste collocutio aut carere periculis, aut ab alio animo, quàm lapsui proximo proficisci: nam qui testem refugit, aliquid necessum habeat, quod ignorari desiderat, quòdque vulgari metuit. qui enim sua omnia non veretur propalari, nec magis oculos humanos timet, quàm omnia videntis Dei; is gaudebit etiam testium multitudine, eo magis extra periculum & calumniā futurus, quo plures habuerit dictorum factorumque suorum inspectores ac cēsores.

Denique sociorum hæc associatio prodesse, non obesse potest; vitatio obesse, non prodesse potest. ac tuta semper in re salutis, dubijs, periculòque plenis præponenda sunt,

sunt. In rebus huius sæculi fortunæ se fors exponere aliquis possit; in animæ & salutis, stolidum est, intuta dubiaque sequi, tutioribus neglectis.

A Superiorum deinde vigili cura remedia petenda sunt, vt nullum incomitatum dimittat; non ætati, non eruditioni, aliisque donis præfidens sine teste quemquam patiat: tutissima deligat; neque aut suos, aut Religionem in æstimationis discrimen adducat. Quod si quem in hoc genere deliquisse deprehendat, det operam vt non impunitus abeat, maximè ne exemplo vnus, reliquis ad audēda paria strata videatur via.

Consultum etiam fuerit amouere tales munere & loco, neque permittere, vt diutiùs in aliqua sede pedem figant, ne dum aliqui diutiùs affiguntur loco, consuetudo & familiaritas enascatur, quā non rarò secreti captatio sequi solet, maximè in iis, quos in hanc rem propensiores experientia docuit: quo magis illis inuigilandum, & ignibus his materia subtrahenda temporis est, ne ad remedia decurramus, cū flamma domū occupauerit, ac possederit vniuersam. Princi-

pijs leui manu malis occurritur. quòd si in-
ualuerint, nec toto restingui flumine, nec vl-
la aut arte, aut scientia auerti possunt, vt à
sola demùm sectione medela sperari & pos-
sit & debeat.

Amorem in se excitet vocationis salutis-
que suæ, nec magno molimine femineos
hos vitabit scopulos, nec allidet ad hæc bre-
uia salutis suæ ratem. solaque integritatis in-
stituti fama, omnem Religionis amatorem
ab his cogitationibus auocabit: maximè si
sibi periculorum vndique circumstantium
magnitudinem seriò proposuerit. in quibus
à socio destitui idem est, ac si quis ingenti
vndique hostili exercitu obsessus, armis ac
propugnaculis se exuat, nudumque ferro la-
tus obijciat, cùm socius cuique pro armis
ac propugnaculis sit. Timeat proinde, dif-
fidat exarmato robori suo. Eccli. 25. à mu-
liere enim initium peccati, & per illam omnes
morimur. non se suaque credat illi quisquis
sapit, memor Sapientis Eccli. 9. *Ne des mulieri
partem anima tua, ne ingreditur in virtutē tuā,
& confundaris*, nulla verò maior certiorque
occafio in virtutem ingrediendi, ac tanquā
sub

sub iugū mittendi, quā cū solitudo amplum illecebrarum campum præbet. cū semotis testibus, liberiùs illices excurrunt oculi, mollia natant labia, frons in dolū exporrigitur, tot compedes, laquei, retia, quot verba, magis etiā si fluāt tanquā à crocodilo lacrymę. Pr. 5. *novissima enim illius amara quasi absynthiū, & acuta quasi gladius biceps, pedes eius descendunt in mortē, & ad inferos gressus illius penetrant.* Careret omni hoc periculo, si non careret socio. & ipsa sæpe solitudo è casta, non castā dedit; nec permisit quę intrauerat innocuā innocentia exire. Cauebit proinde serio quisquis Deum, vocationē, se, socium-que amat, ne vel momēto insociatus mulieri adhareat: cogitet nullū propè lapsū sociato euenisse, omnem insociatis accidisse. Et iā olim monet Hieron. *Si propter officium clericatus, aut vidua visitatur aut virgo, nunquam domum solus intro eas. & Solus cum sola secretò & absq; arbitro vel teste non sedas.* & Augustinus Epist. 109 *Vbicunq; ergo simul estis in Ecclesia: & ubicunque feminae sunt, inuicem vestram pudicitiam custodite. Deus autem qui habitat in vobis, etiam isto modo custodiet vos ex vobis.*

CAPVT XLII.

Indeliberata agendorum resolutio, & executio.

QUæ ferè præcipitio proxima est. lapsum
 sanè de propinquo minatur: neque enim
 prævideri res omnis tam subito, aut illarum
 circumstantiæ possunt: quarum neglectu labimur
 frequenter in poenitenda. Prudens omnino seriò res, &
 quidquid illas circumstat, discutit, propinqua
 scrutatur & remota, nec præsentia modò, sed & futura,
 & quidquid è talis similisue rei delectu, tanquam
 principiis semel positis, sequi consuevit, aut
 probabile secuturum est. quæ qui negligit, rei
 nominisq; sui adibit discrimina nò leuia, cogetur
 que sententias suas ingenti sæpe rubore, famæque
 non vulgari iactura retractare, faterique errorem
 suum: non fuisse nimirum hæc aut illa à se præcogitata,
 negligentem discussionem, præproperam executionem,
 & vetus illud imprudentiæ, Non arbitrabar, non putabam.

Grauis hic error in Superiore est, qui & iudicis & medici personam præfert; grauiorque ex hoc
 damna tam vniuersim, quam
 fin-

singillatim dari solent.

Exempla in omni hominum genere reperies, militiæ Ducibus, Regibus, viris magnis: quorum plerique præcipiti hoc consiliorum delectu, se rempublicamq; vna ruina sepelierunt. Nec desunt exempla in Religionibus domestica, non tantum temporalium rerum damno, sed magnorum virorum etiam præpropere exitu, dum in ferendis sententiis præcipites Superiores, innocentes, magnosque, & Religionis gloriæ natos, vno propè momento euerterunt.

Fugiet proinde prudens Superior hos temerarij ausus scopulos, & indeliberata præcipitia. Si accusator aut delator accesserit, perpendet singula, nec intactum quidquam à discussione relinquet: disquiret num quid humani hîc intercurrat affectus; num quis proprius ludat amor; num quæ inreret æmulatio; acceptane, aut data iniuria; verbone, aut facto læsus; num audita tantum, & ab aliis narrata. ingenium etiam vniuscuiusque tacitus secum discutiet; num pronus in credulitatem, in delationem, augendis rebus, etiam supra fidem extollendis assuetus,

d d s

præ-

pronus ad suspiciones: simul etiam quis ille, cuius nomē defertur, qua ante hoc tempus fama, qua integritate, quibus impræsentiarum moribus, qua fide in rebus verietur: qua apud domesticos externoſque exiſtimatione nec erit difficile ſingula ſingulis, confeſſendo, aliquid aut veri, aut probabilioris rei ſagaci indagatiōe cognoscere.

Illud in primis vtile, lentè in omni hac re progredi, nec quaſi vno filo rem exequi, ſed temporis aliquid intermedij concedere, ſi quo modo res moram patitur; ac per intervalla ad illam accedere. Matureſcunt ſæpe res mora, & conſeſſum tempus veritatem reteggit: cum multa frequenter intercurrent, quę deliberantem quaſi ducta manu ad deſtinatum veri ſcopum adducunt.

Habet hoc etiam locum in priuatis. & plurimum callida conſilia ſæpe noxia ſunt, maximè in rebus magnis, in quibus ſerè grauiffima incommoda altiùs habitāt, ac in imo latent, quę non facilè, niſi mora eruas. tempus depoſcunt, quę conſepulta profundius iacent, vt in ſolem lucemq; educantur.

Quare in omnire, quę quoquo modo
mo-

moram permittit, à præpropera sententia cauendum est, difficultatesque ac discrimina animo suo proponenda: & quidquid merus, prudentiæ comes, suggerere potest: plusq; semper aliquid timori, quàm nimia spei largiendum. minus enim plerumque merus, quàm confidentiæ peccatū est: facilioremq; timor veniam, quàm præsumptio meretur. ac sæpè quam timor culpam contraxit, diligentia emendari potest: confidentiæ delicta perquàm rarò emendes.

Bene Sapiens Prou. 26. *Vidisti hominem sapientem sibi videri? magis illo spem habebit insipiens.* Olim hæc verba D. Bonauentura de 6. alis, c. 7. *Stultus enim sibi non confidens, querit consilium à sapientibus, ne decipiatur: ille autem de re plus quàm debet, præsumit: etiam vbi errat, rectè se plerumq; sentire deceptus putat. Inter omnes autè tentationes, videtur ista periculosior cuique Christiano, scilicet proprio sensui nimis inniti. Cū enim nemo reperiatur ita perspicacis intelligentia, quin possit in aliquibus falli; qui hoc solum & totum reputat iustum quod ipse senserit, astuto aduersario ad varias seductiones sub specie boni, liberum auditū pādit. vnde cautum est semper rectori consilia*

libenter audire, & humiliter quarere. Et in hoc triplex utilitas consistit. Primò, si alij idem sentirent, quod & ipse, securior est quòd non decipiatur. Secundo, quidquid fecerit cum prudentium consilio, si aliquid inde euenerit contrarij, minus ei poterit imputari, quàm si de suo tantum sensu id fecisset. Tertiò, quòd saepe in merito humilitatis talis Deus dei agnoscere per se, vel alium, quod antè non intellexit. hinc Moyses, cui Deus facie ad faciem loquebatur, consilium Iethro soceri sui gratum habuit & seruauit. Sunt autem duo genera hominum, quorum consilia prudens rector non faciliè debet recipere, scilicet adulatores & detractores. primi istorum seducunt eum, vt magis de se, quàm expedit presumat, iuxta illud, Isa. 3. Qui beatum te dicunt, ipsi te decipiunt, & viam gressuum tuorum dissipant. Secundi inducunt eum vt peius quàm debet, de alijs suspicando sentiat, & saepe innocentes condemnet, priusquam veritatem rei plenè cognoscat, dicente Scriptura, Aures principum simplices, & ex sua natura alios aestimantes, callida fraude decipiuntur. Et malis quorundam suggestionibus regum studia deprauantur, vt eos, qui credita sibi officia diligenter obseruant, & ita cuncta agunt, vt omni laude sint digni, mendaciorum cuniculis conentur subuer-

te-

tere. Hest. 16. Cùm autem tribus de causis soleat
requiri consilium, scilicet propter emendationem, vt
discatur de quo dubitatur: propter auctoritatem, vt
magis habeat vigoris, quod per tales consultum fue-
rit: & propter pacem, ne habeant aliqui occasionem
murmurandi. propter primam causam consulendi
sunt prudentiores; propter secundam nominatiores;
propter tertiã, ad quos negotium pertinere videtur.

Quisquis proinde prudenter instituere
res volet, consilia in re sua aliorum scrutabi-
tur & sequetur. sic enim fiet

Primò, vt sententiæ suæ contra obrecta-
tores habeat propugnatores, quos fors ha-
biturus erat oppugnatores. ferè enim om-
nes in contemptum neglectum rapiunt; &
præteritos, spretos fuisse arbitrantur. quare
probissima licet consilia damnant, probas-
sent consulti, improbant neglecti. Quina-
dedò, quos aduersarios & sententiæ tuæ ho-
stes habes, si in cōsilium adhibueris, flectes,
& plurimùm quò voles, duces. tantum po-
test aliorum iudiciis detulisse. negligis? ho-
stes iuratos cogita. qui si aperto Marte aut
non audent, aut non possunt; ex insidiis, o-
ptima etiam ac laudatissima quæque, si alia

negata via est, structis variè calumniis sub-
uertere conabuntur.

Secundò, ne facile aliorum à vero cer-
toque labaris. cum oculatiores ferè plures
sint, resque è variorum iudiciorum concer-
tationibus fortius discutiantur, certiusque
cognoscantur. Nec nouum in humanis ma-
gnisque viris ab infimis profutura discere.
a nolle illis ab aliena manu accipere impru-
dentia summæ; solius ingenij sui viribus
præsidere, arrogantia maximæ est. semper
verò prudētes, aliena consilia in re sua pro-
barunt. Quod si in quibusdam, propria, &
in pectore cuiusque nata, alienis fortunatiora
fuisse deprehendas; non tã ratione illa pru-
dentiora, quàm euentu feliciora fuisse co-
gita. ab euentu autem res iudicare, dementi-
tiæ & plebeij per omnia ingenij est, quod
fortuitis potius casibus, quàm ratione res me-
titur. Fortunas aliquis suas, seq; ipsum, cum
posset naui, tabula in mediis furentis Ocea-
ni fluctibus commisit; ex ingenti hic præci-
pitio fortunata audaci que volutatione ter-
ram tenuit; imperitus natandi rapidissimis
alius se vorticibus immisit factus pila flucti-
bus;

bus; ille in vnū aleę iactū vniuersum patri-
moniū proiecit; inermem se non nemo ar-
matis quaquā hostibus obiecit; solus alter
temerario ausu, cum Magno Macedone, in
armatā hostilē urbem se coniecit; quidam
mulieri arcana capite luenda credidit. & fe-
liciter illis res omnes prospereq; succeffe-
runt. perierunt inter hac millia, & temera-
rios conatus infortunato exitu signarunt.
paucis admodū, felicioribus quā pruden-
tioribus, supra omne votū res illæ cecide-
runt. non tamen ideo aut imitanda hæc aut
probanda. neque laudem temeritas mereri
potest. felici aliquem euentu beare potest,
prudenti non potest. sed & fortunatus audi-
re temerarius potest, prudens non potest:
plus namque talis fortunæ quā virtuti aut
rationi debet, fortunataque illius felicitas
laudari, sapientia non potest. & quis neget
eximiam aliquando gloriam fortunæ po-
tius, quā virtutis beneficium fuisse?

Tertiò, vt in quocunque infortunato
rerum successu promptam excusationem
habeat. suo nimirum non stetisse iudicio,
secutum aliorum. fecisse quod sapientes in

re sua solent, aliorum sententiam suæ prætulisse. Neque alia facilior venia est, quam cum quis prudentum consilia secutus, euentus felicitate caruit. & magna ferè talis altaque pace fruitur quocunque demum successu res euenerint, cum habeat hūc domesticum testem, Feci quod potui, quod debui, quod assolent prudentes, sapientiæ legibus obsecutus aliorum consiliis mea postposui. aliter res cecidit? humana hæc sunt. nec præcaueri semper damna, nec anteuerti fortuita, consiliis possunt: maximè cum à libera subdolaque voluntate alterius, quam nec flectere, nec scire etiam possumus, non raro res pendeant. Nihil sanè facilius quam prudentissimè cogitata inuertere. ad euerlionē causa vna satis, ad stabilienda plurima necessaria sunt. cumque innumeræ improbitati pateant viæ, virtutis vna est. illa in plano, hæc in arduis sedem fixit, & euertere vni facillimum, quod vix plurimorum industria prudentiæque stabiliri potest. multis nimirum prudentia eget, temeritas paucis.

Nihil ergo inconsultò, maximè Superior, aggredietur, lubensque de minimis etiam
sen-

sententiam aliorum disquiret, gaudebit discere, & gloria, securitatis, tranquillitatisque suæ non vltimam partem ducet, aliena consilia prætulisse suis. ita enim & meritam reprehensionem vitabit, & tot propugnatores quot consiliorum auctores habebit, & tutius certiusq; res aggredietur, & in aduersis solatia opemq; experietur; & si quando infelix, nunquam tamen temerarius audiet.

Remedia.

A Nimum ad deliberationem adferre ab affectu liberum, vt nihil antè certò tecum statuas; plurima tamen in vtramque partem valitura tacitus tecum cogites. Seriam deinde proponendarum rerum deliberationem, si tempus patitur, instituas, cū moneat Sapiens Eccli. 32. *Omnia cum consilio fac, & post factum non pœnitebit.* Si negata mora est, ac quasi in arena consilia sumenda sunt, nec dilationem res concedit; ea tamen adhibeto, quæ præsens permittit conditio rerum: nec ab impetu aut fortuitis, sed à ratione feraris.

In consilium adhibere propositarum rerum non imperitos, & dandis consiliis assue-

suos: singula dein discutere, quæ obuia,
quæq; metuenda sunt, quæ speranda com-
moda damnaq; , in omnem denique par-
tem, propositam rem vertere. Benè Basiliius
Interr. 229. *Communicandum cum iis qui eius-
dem nobiscum animi sunt, fideiq; atque intelligen-
tia suæ certum documentum dederunt. ut intentio
nostra, si mala sit, corrigatur; si bona, confirmetur.*

Sanè ut alia omittam, consequitur serius
deliberator, ut consiliorum suorum habeat
patronos, parataque hac fruatur tranquil-
litate, Feci quod licuit; præter opinionem
res ceciderunt; adhibui, quod in humanis
solet, consilia prudentiam exitum, qui ferè
fortuitus est, damnare possunt; præpropere
ac indeliberata consilia non possunt, ubi
diligens seriaque consiliatio præcessit. Mo-
net è Sapiente Gregorius, past. p. 3. c. 16. *Sine
consilio nihil facias, & post factum non poenitebit,
& palpebra tua præcedant gressus tuos. palpebra
quippe gressus præcedunt, cum operationem nostram
consilia recta præveniunt: qui enim considerando
præuidet quid facit, gressus tendit, oculos claudit.
pergendo iter conficit, sed præuidendo sibi metipsum
non antecedit. atque idcirco citius currit, quia*
quò

quò pedem operis ponere debeat, per palpebram consilij non attendit.

Huc accedit, quod in præcipiti agenda-
rum rerum, & non deliberata resolutione,
licet non infeliciter res ceciderint, eleuent
tamen plerique si improbare rem non pos-
sunt, ac fortuitæ rei prosperos successus ad-
scribunt, non prudentiæ imperantis.

Exempla sibi proponere, quibus hæc a-
gendi ratio ingentia damna dedit, exitu fe-
rè infortunato. plenè his sunt omnium Re-
gū, Principū, Rerū publicarum, omni ætate
& populo historiæ; quæ è præcipiti ac inde-
liberato consilio, regnorum meminerunt,
quorū facilius est nomina quàm cinerè de-
signare. ita temeratio impulsu vno, tota to-
tis agris conssepulta iacent imperia, ignotif-
sima posteritati, ni proditor calamus fune-
sta nomina in exemplum prodidisset.

Remouenda denique ab omni guber-
natione erunt hæc præpropera & iudicij sui
ingenia, quæ magis ad obsequendum, ac
imperata exequenda, quàm ad imperan-
dum nata sunt.

CAPVT XLIII.

Diffidentia.

QUæ res vbi religiosam domum peruat, nihil magni sperari potest: nam siue Superior diffidat suis, siue Superiori inferiores, damna sola timenda sunt; aut sanè nulla in magnis arduisq; speranda progressio est. iacent proinde domus tales, ac quasi in ignauo sopore pereunt. nec quidquam præclarum spondebunt, quamdiu diffidentia locum suum tenebit: vt frustra excelsa, aut in posteritatem abitura, aut in salutem multorum, ab his animis expectes.

Ingens omnino languor diffidentiam committatur, ac spiritalis omnium rerum nausæa: nam siue subditus Superiori, siue hic illi diffidat, siue vtrosque diffidentia occupauerit; neglectus propè omnium è timore natus sequitur, ac secretorum plerumque consiliorum captatio: nam cum in apertos non profiliant campos, ex insidiis res aggrediuntur, dolisque, quod è virtutum plano non possunt, consiliorum studiorumque aliorum nascuntur eueriores, dum singuli indignan-

tur.

tur, clam se quædam fieri, & tacita iniri consilia.

Diffidentia hæc, Superioris si obsedit pectus, nulli quidquam credet, quod laudem mereatur. iam cum exequi ipse omnia non possit, aliis diffidat, fit ut angustissimis terminis fructus claudatur.

Decrescit deinde etiam animus inferioribus, nec se ad magna erigunt, aut conatum rebus admovent, cum Superiorem patiantur omnia etiam tutissima metuentem, nec se ad grandia extendentem, aut ad victura porrigentem manum.

Sed cum neque sua credant Superiori, fit ut tenuem Superior illorum cognitionem consequatur, iacetque in his omnis conscientie redditio: ac si qua necessitas eos cogat, superficiem tantum radunt, non descendunt ad pectus, aut ad mala corrodentia: quo fit ut Superiorem necesse sit in graues errores incurrere, cum committat ignoratione suorum non committenda, muniâque credat, quibus tutò credi non possunt, nec sine discrimine sepe suorum, nominisque boni corporis vniuersi.

Gra-

Graues deinde vtrunque nascuntur animorum dissensiones, mutuæ suspiciones, criminationes; clancularia deinde consilia mutuam gloriam, nominis apud domesticos externosque æstimationem, ad honoratiora promotionem, conatusque omnes, subdolis machinationibus euertendi.

Pessimum illud, quod ferè est suspicionibus ad aliorum damnationem decurrant, nam cum sibi quisque diffidentiae testis sit, fraudumque est diffidentia natarum; fit ut eadè de aliis sentiant, suo reliquos pede metientes: est quibus deinde suspicionibus non tantum ad iudicia ferenda descendunt, sed ad cogitationes suas opere exequendas, omne studium in eo ponentes, ut structis socium insidijs præueniant; metuentes ne paribus aliorum dolis circumueniantur.

Aperit diffidentia hæc viam ad politicissimum, cum tectis omnia dolis repleantur, socios simulato verborum lenocinio demulcent, candorem simulantes, quo facilius securiusque venena sua spargant. adulationibus plena sunt omnia, dum, amicitiam fiduciamque simulant, diffidentia pleni.

Nasci

Nasci hoc malum consuevit

Primò, ex ingenti fastu. quo qui laborat, nullum sibi prudentia, rerum experientia, ingenio, eruditione, probitate parè arbitratur: damnatq; in his reliquos, etiam Superiorè. quare cum prudentiæ illius virtutiq; diffidat, fit vt se suaq; illi non credat.

Secundò, ex nudis suspicionibus. cum de mutua in se voluntate affectuq; diffidunt, de mutua secreti fide, cādore, probitate. idq; è causis è sola suspicione desumptis.

Tertiò, è pusillanimitate quadam animi. cum non alijs tantum, sed sibi, virtuti, robori, ingenio, eruditioni, eloquentiæ, memoriæ, promptitudini, dexteritati, probitati, constantiæ diffidunt.

Quartò, è recondito & inlatenti malo. cum noxia quadam verecundiæ, ægritudinem suam Superiori inferior detegere veretur; aut sanè tacito quodam improbo metu, quo impedimentum timet à Superiore iniiciendum, si detecta consilia fuerint:

Quintò, è diffidentia quadam diuina. qui si Domini verbis, Luc. 10. *Qui vos audit, me audit; & qui vos spernit, me spernit*, fidem

ad-

adhiberent, perfacile se suaque Superiori crederent. unde fit, vt ferè tales Deus relinquat in manu consilij sui, destituatque cælesti sua gratia, ac ductrice manu sua in via spiritali, in qua errasse æternum est.

Quòd si labi tales contigerit, nec confulentem, nec eleuantem, nec propugnantem, adeoque nec miserantem reperient, sequiturque ex his initiis perpetua quedam inquietudo mentis. nulla enim ibi pax, malacia nulla, sed æternæ infelices tempestates ac iactationes sunt, æternusque naufragij metus. Miserrima omnino conditio, quibus nulli, & qui nullis amici. quales omnes illi sunt, qui hoc diffidentiae malo tenentur.

Contingit verò non rarò tales dum domestica diffidentia laborant, ad externa consilia decurrere, etiam ad muliebria: cum ita ferè natura comparatum sit, vt in alicuius sinum nostra diffundamus. diffidimus domesticis, imus ad externos. quæ res quanta secum trahat mala, nemo non videat. quòd si quem fors inter domesticos idem detineat morbus, mutua venena bibuntur,

mu-

mutuo toxico perituri, quo citius pereant.
nec res hæc tunc in paucis stare solet, plures
occupat, donec totam familiam lata diffi-
dentiâ occupauerit.

Remedia.

SI Superior vniuersim hac diffidentiâ in
omnes laboret, nec aut aliorum exem-
plis, aut rationibus erigere se potest; consul-
tius est talem aliis occupari, nec guberna-
tioni admouere: sin in vno alteroûe con-
sistit hoc malum, nec deponere potest, à
personarum mutationibus remedia pos-
cenda sunt.

Si laborat hac diffidentiâ inferior ex in-
nato quodam naturæ metu, ab omnibus o-
mnino Superioribus animandus erit aliorû
exemplis, quibus ea fiducia felicissimè ces-
sit, & cedit in dies. in qua re plurimum po-
test Superiorum exterior benignitas, fidu-
ciæ re ipsa ostentatio, familiaritas, affectus
verbis etiam adiutus, animatio rebus prof-
perè gestis, ad maiora etiam prouocatio &
incitatio, additusque animus laude.

Sinon vltrà vnum alterumûe Superio-

c e rem

rem diffidentia hæc protenditur, postquam varia frustra remedia tentata sunt, ad locorum mutationem decurrendum erit: plurimum tamen in hac re potest discreta Superioris charitas, fiduciæ ostentatio, blanda compellatio, animusque liberalis, & heroico similis: colloquia etiam interdum prolixiora, associatio in rebus arduis, in consiliū etiam nonnunquam magnarum rerum euocatio, si personæ qualitas patitur.

Proderit hīc diuinæ in se fiduciæ prouocatio: qui non patietur fidētem in se in fraudem impelli. nunquam proinde res humanā metiatur prudentia; metiatur diuina. falli hæc non potest, fallere non vult. stabit spōsionibus suis Deus: Psal. 90. *Super aspidem & basiliscum ambulabis: & conculcabis leonem & draconem.* mentiri non potest Deus. addit: *Quoniam in me sperauit, liberabo eum: protegam eum, quoniam cognouit nomen meum. clamabit ad me, & ego exaudiam eum: cum ipso sum in tribulatione: eriptam eum, & glōrificabo eum: longitudine dierum replebo eum: & ostendā illi salutare meum.* & antē: *Cadent à latere tuo mille, & decem millia à dextris tuis: ad te autē non appropinquabit.* Quæ
spe-

sperari possunt certiora, quæ maiora? audeat sperare homo, non patietur se vinci Deus, & maiora votis dabit; docemur hoc omnium atatum exemplis. erigat proinde se in spem magnam, & audeat sponfore Deo in Superioris sinum se suaq; profundere, posita noxia verecundia. vulnera retegat. retexisse sæpe curasse fuit. vt non tam sequatur, quam comitetur refectionem curatio. Et sanè magnæ hic candor consolationis mater est, tranquillitatis ac securitatis magnæ. facile hoc erit humili, & submissè de se sentienti. gaudet hic deprimi, & beneficium arbitratur posse latere. scit ille à solius Dei iudicio veram magnitudinem tenuitatemque pendere. incerta humana sunt, & innumeris ferè erroribus permista. ille errare non potest, decipi non potest. quare illi soli innititur, certus de euentu: securus de præmio.

CAPVT XLIV.

Dissensiones.

Certissima Religionis, licet optimè constitutæ, pernicies. nam cum mu-

tuo illam amore, tanquam vinculo colligari, tanquam glutino coniungi, tanquam propugnaculo roborari, nemo ignorare possit; sit vt qui illa dissoluit, quidquid in Religione firmum, solidum stabileque erat, euertat: vt nihil iam expectare debeamus, quàm vniuersæ ruinam. ita vno hoc malo mala omnia continentur.

Amore enim minima crescere, maxima dissensionibus decrescere norunt omnes: illo stare etiam per se imbella, ac aduersantium rabiem excutere vt pilas; hac validissima, etiam quæ sæculis steterant, momento propè corruere videmus. nulla sanè tam mollis manus, quæ non ad miraculum & prodigium, amore si constringatur, persistet inuicta, minis, furoribus, tempestatibus superior. Si ceciderit, hostem mole, veriùs quàm robore oppressa, non cadit inultra, non ingloria, hostili sanguini insputa: minitanti etiam post mortem aduersa ostentat vulnera, inimico cruore tincta, ipsoque adeò emortuo vultu nusquam animos defuisse ostendit.

Nulla contrà tam firma manus, tam ro-
bo-

boris plena, armata licet sæculorum ferro,
propugnaculis cincta, ingenio adiuta, exer-
citatione roborata, quæ non mutuis dissen-
sionibus diuulsa collidatur, & ruat nullius
alterius impulsu. etiam rupes & saxa si dis-
iungas, solis imbribus colliquescent; tam
molli elemento tã firma validaq; : adde cal-
cem, molle vinculum, sed vinculum tamen;
nec fluctibus, nec irato mari cedunt: infren-
deat licet, sæuasq; barbarasq; intentet mi-
nas; rident effera hanc rabiem, omnibus-
que superiora, augustum extollunt verticē
cedere nescia. tantum prodest colligari, in-
tuere paleam; quid fragilius? conuolue in
fasciculum, nulla Herculeæ dextera commi-
nuat. serico quid tenerius? conuolue in fu-
nem nauticum, quæ Samsonæa manus con-
fringat? vt iam facilius videatur columna-
rum elisio, ærearum portarum euulsio, tot
hominum afini mandibula cædes, totque
Herculei labores, quàm tenerimarum, si
singula spectes, rerum comminutio. vsque
ad eò constringi mutuoque innodari iuuat.

Sanè vt nihil in Religione nobilius amo-
re est, nihil quod in omnium animis ocu-

litque maiorem admirationem exciter, nihil quod illam validius firmet, nihil quod hostibus magis formidandam, & inuictam reddat, nihil quod ad æmulum etiam stuporem & cōfessionem magis exornet ac illustret: ita nulla illi perniciosior pestis obuenire potest, quàm quæ tanquam vna falce demerit hæc magna, vna diuulsione nudat hoc ornatum & roborem. euenire hoc mutuis animorum dissensionibus, etiam pueris decantatum. vt nil miremur in clamante in Sapientem Prou. 6. *Septimum detestatur anima mea, qui seminat inter fratres discordias.*

Surgunt denique ex hoc malo mutue emulationes, inuidentiæ, liuores, oblocutiones, risus, depressiones, contemptus, detractiones: nec quidquam sperari laude aut gloria dignum potest, cum plus solis his dissensionibus decedat depereatq; , quam singulorum labor & industria spōdere audeat: plusque dissidentes hæ linguæ deuenustent, quàm singulorum conatus collustrare possint. neque Religio iam vlla est, quæ solo amoris quodam nexu stare solet; hunc qui sustulit, illa de medio tulit: neque enim
diu

diu stare potest, quod nullo vinculo colligatur, quodque omni parte dissectum iacet, quod armis exutum, nudum ostentat latus inimico ferro, quod viduaturn clypeo & protectrice dextera iugulum præbet hosti, nouacula secandum. Habemus hæc confirmata à Domino Matt. 12. *Omne regnum diuisum contra se, desolabitur, & omnis ciuitas, vel domus diuisa contra se non stabit.*

Contingunt hæc Religioni, mutuo amore spoliata, quo vno inuicta stabat hostibus terror, minis omnibus altior, cedere nefcia, ignara commoueri, nulli ceruicem iugo, præterquam Christi edocta flectere, nulli potentia decrefcere, inferorum etiam potestatibus timenda; cum per ferrum & sanguinem, perque mille pœnarum genera, ludus illi esset, ire ad Christum suum: rosæ & violæ, ignis & flammæ, per quas purior iam animus euolabat in amati sui sinum, at ubi nudata amore, & per hunc spoliata armis, propugnaculis exuta, propugnantibus destituta, inarmatum præbuit corpus, facta est ludibrium hostibus, puerisque materia risus, feminisque adeò ingens diuesque fabularum

narrationumq; series. stabat amor mutuus, mutuo sociatus nodo? stabat Religio orbi miraculum: periit amor? iacet illa quocunq; plebeio proterenda pede. stat amor? quot hostes, tot admiratores; quot æmulos, tot imitatores; quot amicos, tot laudatores habet: euauit amor? tanquã leui spongia rustica manu delentur hæc magna. stat amor? mutuus fuit sudor, mutuo labore prouocatus: elanguit amor? concreuit sudor mutua ignauia constrictus. & quæ fluebant flumina, vicinaq; rigabant pascua, densa concreta glacie iacent. euenitque quod in amplâ hereditate, cùm dissidentibus animis, decurritur ad forenses rixas, certa perdendæ hereditatis breuia: vt, sicut ascititij sanguisugæ quidquid erat in latissima fortuna sanguinis boni, pestifero suctu hauriunt; ita alieni comedant robur nostrum, animi nimirum opes, mutua antè amicitia felici euentu partas, mutuis nunc dissensionibus tanquam leuissimam paleam dissipandas; vt qui fuimus terrori, ludibrium nascamur hostibus, & victoriæ illorū ampla materies, horreisq; illorū fœcūda nimium messis. Nulla iã propè

pè cura salutis proximorū, dum sibi student
singuli, laborant tibi, commodisq̃ue vacant
suis, insidiantur alienis, mutuosq̃ue euertūt
conatus, facti mutuo domestici hostes : à
quibus ne oculatissimus quidem, & in om-
nem partem annorum experientia præpro-
uidus se tueatur.

Ab externo non magno se fòrs negotio
quis defendat, ab eiusdem contubernij, pro-
pè impossibile est: maximè si foris inimica
oppugnet acies, qualis ab inferorum rabie, à
sèculi illecebris nunquam deest. semper ho-
stilia stant foris agmina: domesticæ si acces-
serint insidiæ, mutuis animorum dissensio-
nibus excitatæ; nulla iam spes super. & con-
cidit etiam valentissimi animus, vbi præter
externum ferrum, domestica patitur tela: cū
exsiccari sudores suos sentit inuidentię pan-
no, ne fecundo fluxu suo proxima rigent
præta rore suo destituta; cū non infortu-
natè sparsa locuplete manu sua semina in
plurimarum salutem animarum, exuri videt
æmulationis flamma; cū in seriorum la-
borum procursu ad viuum prosciendendo,
subdolas suorum perfert machinationes:

quibus tanquam domestica falce, latissimi culmi, diuite spica vestiti, in viridi etiamtum spe luxuriantes præscinduntur.

Et quis animus sit ad magna, aut cui tantum robur, qui, dum socios patitur hostes, in externum feratur hostem, & ad generosos ausus protendat dexteram? cum non tantum domestico destitutum se sentit auxilio: sed pati hostes, quos habere debebat propugnatores, & pro auxiliariis copiis procurantes inimicas acies sustinere. dura hæc res, & quæ morrales superet vires. Quare ut primum se prodit interna hæc animorum colluctatio, tanquam dissectis quaqua nervis, languescit omne robur, & generosior cuiusque mēs tanquā fulmine icta concinere scit, abitque in vagum puluerē ventorū lusum.

Iam ut primum ad externos animorum hæc dissensiones promanauerint, quid sperari potest, quid timeri non debet? nam ut silentio diu prematur, nec erumpant aliquādo foras, optari potest, sperari non potest. neque enim diu contineri hæc flammæ possunt, quin depulso cinere prorūpāt in apertum: hic verbis, ibi signis & factis, alibi con-

tra-

raris studiis; quanquam subdola primùm circuitione, inde plano quodam odio produntur: quæ res omnem omnino spem se-
mentis bonæ funditus euertit; cùm etiam eant in partes externi, singuliq̃ue suos tueã-
tur, facti suorum patroni: magis etiam quã-
do delabimur ad protectrices, & agmina
iam mulierum pro suis pugnant, insurgunt-
q̃ue pro innata sibi impotentia in æmulos
patronorum ductorũque suorum. vnde
ingentia prorumpunt scandala, nullo tor-
rente, ac ne lacrymarum fluminibus, aut
quacunq; posthuma pēnitundine diluenda.

Exulat deinde omnis pietas, cùm &
Christus exulet ab illa domo, à qua mutua
exulat caritas: neq; enim aut ille dissentien-
tium pater esse potest, aut hi eius filij. Matt.
5. *Beati nimirum pacifici, quoniam illius filij vo-
cabuntur.* nō sunt ergo filij animis dissentien-
tes. at vbi nulli filij, nec pater est. Infelix cō-
ditio, ac miseranda familiæ constitutio; quę
cùm ignoret Deum patrem, nec heredita-
tem sperare potest, solis filiis promissam, so-
lis largiendam. sed neque discipuli Domini
sunt. cùm ipse dicat Ioan. 13. *In hoc cognoscite*

omnes quod discipuli mei estis. si dilectionem habueritis ad inuicem. neque Deum diligunt, cum audeat discipulus quem diligebat Dominus: 1. Ioan. 4. Si quis dixerit, Quoniam diligo Deum, & fratrem suum odit, mendax est. neque (1. Cor. 14.) enim est dissensionis Deus, sed pax. & 1. Ioan. 4. Mandatum habemus à Deo, ut qui diligit Deum, diligit & fratrem suum. additque illud testatissimum amoris diuini signum: Si diligimus inuicem, Deus in nobis manet, & caritas eius in nobis perfecta est. Ut enim mutuae animorum dissensiones densam inter Deum & nos iniiciunt nubem, imò & noctem, quæ lucis illius prospectum omnem adimit: ita mutuus amor pulsas tenebris, discussâq; dissensionum nebula, prospectandum nobis Deum tradit: eo certius, quo potentiore mutuo ardemus igne, mutuaq; castiore ardemus flamma, diuinorum radiis excitata.

Fortiter Gregorius in Past. part. 3. cap. 24. in dissensionum auctores insurgit: Audiant iurgiorum disseminatores, Beati pacifici quoniam filij Dei vocabuntur. atque è diuerso colligant, quia si filij Dei vocantur, qui pacem faciunt, proculdubio Satane sunt filij, qui pacem confundunt: quia nihil

pretiosius est Deo virtute dilectionis, nihil est desiderabilius diabolo extinctione caritatis. Quisquis ergo seminando uirgia dilectionem proximorum perimit, hosti Dei familiaris seruit. & ibid. c. 23. alibi: Quod si zelum amarum habetis inter vos, & contentiones sunt in corde vestro: nolite gloriari, & mendaces esse aduersus veritatem. non est ista sapientia descendens de sursum, sed terrena, animalis, diabolica: quæ autem de sursum est sapientia, primum pudica est, deinde pacifica. pudica videlicet, quia caste intelligit; pacifica autem, quia per elationem se minimè a proximorum societate disiungit.

Remedia.

VAlidè secare, quicquid huic animorum coniunctioni cōtrarium est: nulli & nusquam parcere. sola pietas hîc est sequi ferro & ignibus. initiis tamen maximè insistendum, teriò in omnem partem inuigilando, secâdo graui admonitione; minis ac pœnitentiis etiam terrendi auctores: spiritualibus exercitiis domandi, priuatis publicisque pœnis. interdictione etiam consuetudinum ac familiaritatum aliorû, fortibus per hebdomadam exhortationibus, vt totis viribus

insurgatur in hoc malū. nec quidquā in hoc genere tam leue, quod non graue habeatur.

Iuuabit in primis seria sollicitudo Præfetti spiritus, qui acrioribus monitis, remediisque etiam seuerioribus sæuiat in auctores: nunc terrendo, nunc blandè etiam monendo, nihil eorum omittat, quæ ad excindendam hanc pestem valeant.

Quòd si pergat tamen, serpatque hoc malum, ad remedium vltimū, dimissionem veniendum erit. neq; vlli in hoc genere parcendū. Magno sanè beneficio Religionem affecerit, quicumque à reliquo corpore dissensionum auctores secuerit. sæuit, qui parcit; beneficiū, qui secat, præstat, bis clemens.

Qui verò in se has animorum alienationes sentit, pericula secum consideret, damna, infelicèsiq; auctorum talium exitus. quare si quid offensæ intercurrerit, nunquā noctem nocti superinducat, memor Apostoli Ephes. 4. *Sol non occidat super iracundiam vestram.* Expressit hoc versu Orientius:

*Pelle odium, contemne minas, deponerigorem,
Offensam teneant tempora nulla tuam:
Vt te sol blanda seruantem vincula pacis*

Deferat abscedens, inueniat rediens.

& Matt. 5. *Si offers munus tuum ad altare: & ibi recordatus fueris, quod frater tuus habet aliquid aduersum te: relinque ibi munus tuum ante altare, & vade prius reconciliari fratri tuo, & tunc veniens offeres munus tuum.* Complexus id vno versu Prudentius:

Nil placitum sine pace Deo, non munus ad aram.

Beneuolentiæ proinde studiis præueniat omnes: familiariusque cum iis agat quos alieniores expertus fuerit. digniores illis partes concedat, bene de absentibus loquatur, ac laudet etiam: peculiarēque pro iis ad Deum preces fundat; penitentia etiam quoties deliquerit, vltro sibi aliqua irrogata.

Neque interim cogitandum est, omnes semper, quocunque etiam studio conatūque adhibito, futuros iudicij nostri. imò stolidum est, omnium iudicia ad nostrum transferre velle: stolidissimūque dissentire voluntate, quia iudicio dissentimus. neque enim sperandum est, posse omnes in humanis ad eandem iudicij normam traduci. fatuusque illorū error est, qui cū aliquem viderint iudicio, & voluntate differre arbitren-

tur;

tur; cū amicissimi mutuis frequenter iudiciis, in maxima voluntatis coniunctione, dissideant.

luuerit verò plurimū potentem in se diuinum amorem excitare. quo tanquam ingenti supposito igne, ardentes in proximos amoris flammæ exuigant: omnesque dissensionum nubes, valido diuinorum vento pellantur.

C A P V T XLV.

Detractiones.

NAscitur hoc malum ex inuidia & odio, dum felicioribus aliorum successibus inuidemus, nec assequi possumus; atq; hinc odia, & animorum alienationes.

Ex æmulatione: dum pares esse volumus, aut etiam superiores. hinc mille cogitantur modi, paria aut etiam maiora consequendi; ac si probi probatique haberi non possunt, minus probatis, improbisque subsidia petuntur; & quod virtus non potuit, vitium reperit. scelera nimirum fertiliora sunt, & fecundam hisce cogitationibus viam sternunt;

ac quod non potuit pietas, improbi mores inuenerunt & dederunt, vt, si aditus omnes clausi sint probitati, tota improbitati pateat ostia: donec tandem decurratur ad illud notum, Sociorum detractio. vt his demum gradibus semitam insternant sibi ad commoditates & nomen magnum.

Ex habitu malo prauoque, cum maledicendi consuetudine altè hoc malum imbibimus: tunc enim etiam non cogitantibus elabitur nociturum telum, eliciturum sanguinem. grande malum, cum quasi per iocum in consanguineo ludimus iugulo, & ridentes barbara ferocitate in propinquo peccatore seuiamus. Efferum, & infra belluas id semper fuit, mutuo inter mensas ferculaque madere sanguine, & vulneribus coronata circumducere pocula, magis etiam sanguine potari. At ego nescio an immanius crudeliusque sit, inter ludicras narrationes cachinnis sæpe & salibus conditas, sociorum famam spargere, quæ vitæ ipsa honoratissimo cuique carior esse debeat. illa semel ponitur, semel morte vna finitur: fama cui semel calcatur, mille mortibus cadit, & ad singulos

gulos auditores noua cæde funestatur.

Ex iudicij solertiæque obtentu, dum ex dictorum factorumque alienorum solerti indagatione, iudicij famam venamur. hinc dicta sæpe factaque, quæ nec dicta, nec facta, nec cogitata vnquam; dubia pro certis, falsa pro veris, coniectanea pro compertis narrantur, singulique tales sunt, quales sibi prona fingit solertia: quæ dum vera non inuenit, falsa comminiscitur, contenta lætisse, certa incertaque pro eodem habentur, si cecidit, qui patitur, quacunque ex causa, parata victoria est; & triumphi materies est, socium præuenisse; eo ferè maior, quo innocentior cecidit: nam nocentem prostrauisse, nõ magnum, & vix in tali inuidiæ locus est. magnum sit oportet & illustre, quod in æmulationem prouocet; è qua postmodum tanquã è sæcunda matrice ingens detractionũ soboles nascitur, nulli magno paritura.

Ex zeli, & communis boni aut priuati allicuius p ætextu, iustitiæque, ac maioris etiam gloriæ Dei, sub boni nimirum specie, in fratrum sæuimus iugulo: nec crimen arbitramur, cui præfigitur nomen honesti, reue-

reuera proprij honoris & gloriæ aut com-
modi causa. tantum potest amor proprius;
scelera in virtutem vertit, & illius stola cri-
mina vestit, palla tegit, sanguinemque fu-
disse, percepisse est: nam cum crudele ha-
beatur in socium sœuire, prætexitur imma-
nitati virtus; ita tyrannidi iustitiæ præfigitur
nomen, & persecutor gladius inuenit in
Christiano sanguine quod damnet, con-
temptum legum & deorum. Neq; vnquam
crudelissimo cuique ferocitati suæ causi de-
fuit, nullusque in sanguinem propter ipsum
iuit: nemo in famæ alterius detractionem
propter ipsam; semper aliquid quod impro-
bitati suæ obtendat, inuidia proprij a-
moris soboles inuenit.

Mala, quæ hinc nascuntur, ingentia in o-
mni Religione sunt.

Primò, pacem turbant propriam: neque
enim potest in vera pace esse, qui internam
circumfert turbarum & inquietudinum
causam.

Secundò, alienam etiam pacem conuel-
lunt, cum causam præbeant aliis turba-
rum internarum, suspicionum, alienatio-
num,

num, ac in varia consilia & studia impellât: nâ ubi se quis sociorum inuidiis peti videt, exuit socialem animum, induit inimicum; & prætexitur hostilitati virtutis nomē, propugnatio nominis sui, è qua in alienam decurritur oppugnationem, tanquam propriæ tuitioni necessariam. Ex his initiis quantæ exurgant commotiones, nemo non videt.

Tertio, charitatem, mutuamque animorum coniunctionem scindunt: quæ consistit in benè de se mutuo consentientium concordia, ut idem sapiamus, idem sentiamus omnes.

Quarto, vniuersum Religionis robur enervant, quod in mutua animorum coniunctione consistit.

Quinto, minuitur deinde Dei & Religionis gloria: cum enim proximis detrahatur, redduntur minùs idonei Dei gloriæ aut Religionis propagandæ. nam quis se suaque illi credat, cui quidquid erat æstimationis bonæ (qua ferè sola mortalium plerique trahuntur in sequelam) vocatur in discrimen, omniſque profeminandæ virtutis (quæ fama plurimum continetur) ipſes linguarum
ita-

rum nouaculâ præscinditur?

Sextò, vulnorum etiam multitudine mali grauitas dignoscitur. quoties enim ad nouos semel iaculata detractio mittitur, toties pro delicti grauitate, aut vulnus retulit, aut cecidit proximus. ita omnium auribus aut cadit, aut vulnus accipit, cui detrahitur. Fortiter & verè in hac re Sapiens Eccli. 18. Flagelli plaga luorem facit, plaga autem lingue comminuet ossa. multi ceciderunt in ore gladij, sed non sic quasi qui interierunt per linguam suam. Beatus qui tectus est à lingua nequam, qui in iracundiam illius non transiit, & qui non attraxit iugum illius. & in vinculis eius non est ligatus. iugum enim illius iugum ferreum est, & vinculum illius vinculum arcum est. mors illius mors nequissima, & vtilis potius infernus quam illa.

Septimò, ex restitutionis dein difficultate delicti huius magnitudo crescit. semel enim opinio vagata, serpit ad plurimos, obambulat prouincias, ac non rarò Religionē vniuersam, vt notissimus iam sit omnibus, cuius nec plerique capillum norunt. Laudas quem antè vituperasti? nihil agis: prima enim validius inhaerent, & iam abierunt ad plu-

plures; maximè cum nocitura fecundius
serpant, profutura seriùs proueniant. Quòd
si contingat hunc deligi in Superiorem, quã-
ta gubernationem illius turbant præiudicia?
quàm diffidentes reperit subditorum ani-
mos, ac tuta etiam omnia metuentes? quid?
quòd non rarò infamia hæc eat ad externos,
cum pari inter eos facilitate, qua inter do-
mesticos parietes, euulgentur.

Octauò, auget magnitudinem mali, quòd
in absentes & ignotos seuiant hæ lingue; nec
tutioni locus, cum qui patitur non rarò vul-
nera sua ignoret: aut si sciat, nesciat aucto-
rem, ita incauti & ignari obruuntur.

Nonò, crescit criminis huius grauitas,
cum non in vno, aut paucis capitibus confi-
stat, sed ad vniuersum transeat corpus: hinc
vnius infamiã tanquam flammã, vniuersum
corpus amburitur. ita crudeles in omnes
sunt, quicunque in vnum seuiunt. nam cum
ea sit in Religione coniunctio, vt vnã ve-
riùs animam in pluribus corporibus, quàm
plures dixeris; sit vt vulnera in omnes e-
ant, ac per vnius latus contrudicentur o-
mnes.

Augetur improbitas, cum sub commiserationis cuiusdam velamento nocitura venena sparguntur. unde illud Bernardi Ser. 24. in Cant. *Detractores autem quodam simula-
ta verecundie fuce, conceptam malitiam, quam re-
tinere non possunt, adumbrare conantur. videas à
detractore alta premitti suspiria, sicq; cum quadam
grauitate & tarditate, voce mœsta, dimissis super-
cilijs, & voce plangenti egredi maledictionem, &
quidem tanto persuasibiliorem, quanto creditur ab
his qui audiunt sorde non inuido, sed magis condo-
lenti affectu quàm malitiosè proferri. Doleo, in-
quit, vehementer pro eo quòd diligo eum satis, &
nunquam potui de hac re corrigere eum. & aliàs
mihi quidem bene compertum fuerat de eo istud: sed
per me nunquam innotuisset. at quoniam per alte-
rum patefacta res est, negare non potui, reuera
ita est.*

Remedia.

A Frequenti examine conscientiae pe-
tenda.

A ferijs, ante omnem congressum & con-
fabulationem, propositis, tanquam in præ-
cautionem animo conceptis.

A

A certis statisque post omnem linguæ
lapsum vltioneis pœnitentiis.

A Superiorum vigili cura, grauibus et-
iam in delinquentes irrogatis pœnitentiis.
Neque diffiteri possumus, ignauâ Superio-
rum conuiuentiâ ea incrementa hoc malû
sumere, vt tandem à desperatione remedia
sumenda sint, duriora nimirum & acriora,
etiam refectione à reliquo corpore, ne vni-
uersum contagione hac periclitetur. Ita de-
latores falsos flagellis ac fustibus cædi, & in
exilium pelli Vespasianus imperauit; viuos
etiam exuri Augustus mandauit; neruis cæ-
di Mauritius Imperator, capitali pœna affici
M. Antoninus Pius mandauit. Et sanè nun-
quam in hoc delicto parcendum. omnis
hic pietas à seuitia nomen sumit. ille pius,
qui vt vniuersum prospiceret, seuiit in vnũ,
aut paucos huic vitio obnoxios, in exem-
plum aliorum, in medelam omnium.

Iuuabit etiam ex mente Sapientis Prou.
24. obnoxios huic vitio fugere, congressum
vitare. *Cum detractoribus non commiscaris, quo-
niam repente consurget perditio eorum.* quin et-
iam tales cum regio Propheta Psal. 100. per-
sequi

sequi. Detrahentē secretò proximo suo hunc perse-
quebar. vultuque displicentiam ostendere:
vt enim (Prou. 25.) *ventus aquilę dissipat plu-
uiam*, ita *facies tristis linguam detrahentem*. & v-
niuersim dicere cum nō vno hīc possumus.
Tolle auditores, non erunt detractores. vt
pari vtrosque sententia feriat D. Bern. in ser.
*Detractor & lubēs auditor vterque diabolū por-
tat in lingua. si pauper es, vilem & abiectū re-
putat; si diues, ambitiosum, auarum, cupidum; si
affabilis, dissolutum; si predicator vel doctor, hono-
ris & humani fauoris questorē; si tacens, inuti-
lem; si ieiunans, hypocritam; si comedens, voratorē.*

Cū verò detractiones frequenter nas-
cantur, ex aduentantium hospitem liberio-
re sermocinatione, curiosiore indagatione,
mutuāque in aliorum vitia moreſque ser-
uatione; omni conatu insudandum erit Su-
periori, vt non patiatnr tales impunitos ab-
ire. nec in hospitibus ipsis à seria maturaque
monitione abſtineat. In domiciliorum et-
iam mutationibus, cauendum sedulò ne
quacūq; è causſa in aliorum mores curio-
sius inquiramus; ne & narrantibus detra-
ctionum causſam præbeamus, & nos ipsi
ff va-

variis postmodum circa tales suspicionibus ac diffidentijs iactemur.

Cauendum etiam, ne quas quisque patitur difficultates, etiam cōsiliij & auxiliij prætectu, in aliorum promiscuè linum profundat, cūm ferè graues his rebus detractiōnes misceantur. quare siquæ nos necessitas premat, Superior consulendus erit, aut domesticus Cōfessarius, aut si quis vir grauis prudensque in ea familia sit, de cuius integritate, fide, secretique custodia nulla ratio dubitandi sit. in qua tamen ab omni detractiōnum genere abstinendum erit, maximè si Superior inuoluatur.

C A P V T XLVI.

Delationes è suspicionibus natae.

Sive illæ verbo, siue scriptis litteris fiant, noxiæ in primis sunt. ac nescio an res vlla perniciosior, dum è suo iudicio singuli metiuntur alios, & consequentias è mente sua nectunt è quibusdam aut visis, aut auditis, quas pro testatis verisque vendirant. immanis, planeque effera in Religione consue-

suetudo. audita plerumque ab alijs, nulla penitioris cognitionis examinatione præmissa, nulla narrantis ac deferentis fide, & credimus ipsi, & spargimus. nec auditis contenti, aliud ex alio inierimus: & quæ intulimus, tanquam dicta factaq; referimus. quæ si propius certiusque disquisuerimus, nec dicta, nec facta, ac ne cogitata quidem reperiemus. & faciles plerique ad has res sunt, parique qua credulitate sunt, facilitate ad scribendum sunt. indigna planè res religioso calamo, & quæ plus habet barbara teritatis, & gentilitiæ ac politicæ improbitatis, quàm religiosæ simplicitatis, aut zeli.

Neque ego video, quam in religiosa mente hæc res excusationem admittat. nimirum, Putabam, & verebar, ne Religio in hoc viro, dicto, facto, detrimentum pateretur. volui occurrere damnis venientibus. Excusationes ab odio, & impijs æmulationibus, vel ab insigni stolidaque impudentia natæ. Sanè in rebus potissimum grauibus, & quæ famam nominisq; existimationem tangunt, non nisi certa testataque dicenda esse, Christiana caritas monet. nam quis

ff 2

vel

vel Sanctorum innoxius habebitur, si è suspicionibus ad delationes procurrendum erit: & quisnam delatorum horum est, qui sibi hoc evenire gaudeat? inò quis non ad similes delationes suspicionibus natas perhorrescat? quis non inclamet, dignissimos hosce narratores scriptoresque omni pœna esse? & quam veniam merebimur, qui quod in alijs damnamus, concedendum nobis arbitramur? & qua conscientia audet Religiosus non antè certissima & compertissima sibi, vulgare? aut socij sui, ac non rarò Superioris tamam noménque in dubium vocare? imitantur hi religiosam vocem, hyanæ sunt, & omni adeo Bonasò venenoliores, qui fecundissimos sociorum agros, & horreo Dominico natos, fœda oris calamiq̃ue egerie sua, in steriles vertunt arenas, cineremq̃ue vento dispellendum.

Et hi non rarò sub sanctimonix quadam specie, boniq̃; communis, in falsissimas delabuntur narrationes & suspensiones. & impingunt alijs crimina, errores, mores, quos nulla sæpe ætas, nulla postera virtus eluet. coq̃ue magis nocent, quo speciem aliquam
san-

sanctimoniæ, ac religiosæ modestiæ præferunt. Hæc enim ea sunt, quæ fidem verbis scriptisq[ue] faciunt. pulchra nimirum velamina, quibus nocentissima teguntur venena, nunquam virus positura. dir[ect] Religionis pestes: quibus maximi quique viri, omni ætate, etiam in probatissimis Religionibus perierunt: cum fidem apud alios narrationibus scriptionibusq[ue] suis à suspitione promanantibus peperissent, maximè si apud Superiores.

Et sanè nullis hæ accusationes è tam dubijs incertisq[ue] initijs prognatæ, elui lacrymis aut pœnitentijs possunt. faciliorq[ue] in omni propè scelere venia, quàm in his delationibus esse debeat. fragilitate namque quadam humana reliqua propè perpetrantur; scriptiones narrationesq[ue] hæ, non nisi aut ex aperto; aut è tecto prosiliunt odio, æmulaq[ue] virtutis aut dignitatis alterius improbitate. nostra omnia probatissima vellemus; aliorum, nisi è mente sint nostra, damnamus. si quid factum inconsultis nobis, improbum est, aut sanè minùs probū, probissimum licet reipsa fuerit: si quid nobis

auctoribus, stolidissimū quamuis, ac minū
probum, prudentissimum ac probissimum
continuò erit. Vt ad probitatē sapientiamq;
satis sit, venire è mente nostra; ad fatuitatē
& improbitatem, venire è mente aliena.

Quæ res eo grauior est, quòd incertis fe-
rè auctoribus, ignoratis saltem, vulnera hæc
dentur: nec tueri se quisquam possit. nam si
auctor innotesceret, sæpe, imò plurimū,
ad calumniam detegendam, solius auctoris
cognitio satis foret. qui priuato non rarò e-
molumento, aut è re quapiam subtracta,
aut negata, è seriis aliorum monitionibus, è
suspicionibus neglectæ aut præteritæ digni-
tatis, è priuatorum commodorum frustra-
tionibus ducuntur, indeque ad narratio-
nes, & descriptiones profiliunt. Non vocasti
in consilium, ne secutus sententiam es, a-
lium prætulisti, inopinanti illi hæc, aut præ-
ter spem euenerunt, alia omnia sibi spopō-
derat, pollicebatur magna, excidit speratis.
hinc illæ animorum tempestates & fluctus,
quæ in illarum rerum auctorem tota deuo-
munt naufragia.

Infelix maximè Superiorum conditio.

Con-

Concedis quidquid hoc hominum genus postulat? grauis plerumque sequitur offensio multorum, & in omnem prudentiam peccasti. & nullo propè beneficio hos vinces, nisi omnia concesseris. omnia concedere nec tutum, nec Religio permittit. negas? fulmina tibi, & iaculatæ calamo rupes metuendæ sunt.

Infortunata etiam inferiorum ratio, si quando in Superiorem faciem ad suspiciones, aut delationes è suspicionibus natas, inciderint: qui nec narratores, nec scriptores hosce comprimit; nec antequam ad fidem & monita profiliat, accuratiùs rem disquir; aut facilis ipse ad suspiciones, inferiorum dicta & facta in deteriorem semper partem interpretatur. è qua re præter perpetuam mentis anxietatem, ingens diffidentia nascitur. è quo illud etiam prouenit, vt cum fidem apud Superiorem inferior non inueniat, animos ad magna properantes deponat, laborem fugiat, ignauumque otium sectetur, aliena que à Superiore mente, etiam in obedientia tepescat, amore omni ac reuerentia pulsa. vnde magna oblocutionū

porrigitur materia, indignationum, æmulationum, contemptus, odiorumq; tandem, ac immanium vbique detractionum, nulla habita ratione conscientie aut Dei. infidias nimirum, fraudibus, credulitate nimia, opinionibus falsis, e mentitis commentis structas, paribus artib. propulsare conatur.

E qua re omnium succedit turbatio, miscentur infima summis, ac quasi in domestico ferro ac veneno, intuta infidaque sunt omnia; metu, terroribus ac sollicitudine plena nulla quies animis, nulla fides ulli, trepidatio ac doli omnium mentes occuparunt; & ille iam solertissimus, prudentissimus ac felicissimus habetur, qui quacunque demum arte socium prostravit. veris an falsis, iuxta habetur. satis est vicisse, hostem stravisse. quod ubi evenit, non tam iam Religio, quam gentilitia quædam Principis aula est: in qua ille primus maximusque, qui per calcatos plurimos devenit ad summa, ipse fors non multo post calcandus; ea ferè in his dolis vicissitudo rei est. non perennant hæ machinationes. & plerumque socij talium in mutuam insurgunt per-

ni-

niciem. neque enim diu in malo stare societ-
tas solet: & quos coniunxit, disiungit im-
probitas, eadem vtriusque causâ.

Est autem hoc vitium eo deterius quo la-
tius patet. vt audeat Hieronymus in Epist.
ad Celantiam: *Pauci admodum sunt, qui huic
vitio renuntient: raroq; inuenies qui ita vitam suâ
irreprehensibilem exhibere velint, vt non libenter
reprehendant alienam. tantaq; huius mali libido
mentes hominum inuasit, vt etiam qui procul ab
alijs vitijs recesserunt, in istud tamen quasi in ex-
tremum diaboli laqueum incidunt. Tu verò hoc
malum ita effuge, vt non modò ipse non detrahas,
sed nec alij quidem detrahenti aliquando credas.*

Remedia.

A Superiore maximè pendent: quisi
difficilis ad fidem præstandam dela-
tionibus fuerit, non magna delatores hi
damna dabunt; minora etiam, si seriò narra-
tas res examinauerit, & vbi falsâ depichen-
derit, non patiatur impunitos abire aucto-
res. cuius rei si exempla aliqua illustria de-
derit, nemo facile è suspicionibus ad accu-
sationes deuolabit: at vbi viderit, non tan-
tum

tum impunitos, sed & premio quasi decoratos delatores hos abire, facileſq; illis aures animumq; præberi, fidemq; adhiberi, ac optimos quosq; falsis his delationibus circumuentos iacere inglorios; ad ea mentem calamumq; applicant, ad quæ serio, maturo, seuerorq; Superiore nunquam descendissent.

Quod si Superior ipse malo hoc laboret, naturæque feratur in suspiciones nulla ratione firmatas, fidat nemini, ac ne familiarissimo quidem, ipsæque iam illi probitas prospecta sit, iam etque ambiatque hos scriptores narratorésque; nihil reliquum est, quam ut tales aliis quam Superioris functionibus distineantur. quod si in supremo capite resideat hoc malum, ad preces ac Deum confugiendum erit, qui solus huic malo remedium adhibere potest.

Proderit in primis, si in omni delatione, tacitus apud se Superior consideret, eadem grauioræque è paribus initijs ac suspicionibus de se dici posse. se proinde si delati loco statuerit, cogitaueritque quid in simili causa concedi sibi veller, non magno negotio remedium malo reperiet.

CAPVT XLVII.

Credulitas nimia in delationibus.

INgens, maximè in Superiore, malum, cū facilis in delationes, credulus in narrata, descendit in executiones falsis sepe delationibus innitentes. præproperum vitiū, quo non pauci magnorum circumuenti, exercitus, respublicas, regna & imperia in vnam secum ruinam traxerunt, omnibus ipsi, ac vita demum exuti. Cadunt hoc malo primi exercituum ductores, primi in toga, primi in muneribus, & à purpura primi: cū faciles in criminationes Principes, antè perimunt, bonis fortunisque exuunt, exilio dānant, quā ex vero rem intellexerint; luuntque pòst ptæpropera consilia ex credulitate nata, sèra & non reuocanda, nec remedianda pœnitudine.

Eadem in omni hominum genere reperies. quod non in vno aliquādo resedit Religioso, viro magno. grande malum, & Religioni in primis noxiū: hoc enim vno primi non rarò virtute, ingenio, eruditione, rerumque agendarum dexteritate, ingloriam

riam vitam ducunt, & à quibus sperari poterant maxima, iacent neglecti, & ignavos tranſigunt annos, quos rara felicitate, & Religionis bono decurrere poterant. & ſecuta non raro mors in primis ingeniis, dum neglectum hunc è falſa denūciatione natum, credulitate forum, ſuperare non potuerunt, indignitate victi; maximè dum innocentia regeantur, animuſque ſibi conſtaret recti bonique conſcius: nec purgandi locum relictum viderent, Superioris animo delatione præoccupato & obſeſſo.

Comes deinde credulitati temeritas eſt, prorumpitq; quicumque illa tenetur, in temerarios plurimum auſus, ac nulli magis quam ipſi penitendos; vt nihil aberrauerim ſi præcipitio non tantum proximam, ſed è præcipitio pendulam credulitatem dixerò, minimo motu in præceptis agendam.

Malum ſupra quam credi poteſt, vt omni reipub. ſic Religioni noxium. neque magni quidquam ſperari iam poteſt, poſtquam animum credula hæc facilitas occupauerit. nam vt in omni propè contubernio non deſunt qui Superiorum venantur aures, in-
ge-

gerunt placentia; si propensos in delationes sentiant, prona iam ipsi ad hæc mala, totis viribus ruunt in gratas Superioribus delationes, & materiam credulitati suggerunt fecundi flammæ harum incentores, ab omni merito Religione eliminandi. nam quæ tuta innocentia erit, cum delatoribus Superiorum credulitate ultro ostia aperiantur, prouocenturque illorum facilitate in malefidas plurimum narrationes? aut quis cuique animus ad magna, si & hæc patere calumniæ viderit? continebit se quisque deteriorum metu, nec vires in apertum diffundet, stringet potius, quas plurimorum bono laxare poterat, habenas; & inter ignauas cogitationes vitam transiget, multorum alioqui salutis impendendam.

Cum deinde credulus omnis facilis sit in suspiciones, maximè sinistrae, & timoribus plenas, suspecta quæ habeat omnia, & in minimis maxima perhorrescat; sit ut inquietam vitam transigat, nulli fidus, nulli fidat: atque hinc perpetuis agitur animorum fluctibus, continuis tempestatibus iactatur: nulloque certo stabili quæ littore constitutus, in om-

nem partem pulsatur, ignarus cui stationi adhærescat, cui credat. quam rem longissimè ab omni Religionis tranquillitate, portuque illius abesse nemo non videat.

Neque tamen nimia in alios esse confidentia consultum est; sed neque diffidentia nimia. non obfirmet animum ad omnem delationem, non aperiat ad omnem; vt nec omnia, nec nihil credat: medius inter Charibdes Scyllasque has tutus enauigabit; tētabit vtrunque breuia prudentiæ suæ bolide, vitabitque prouida circumspectione sua, quidquid quaquā parte naufragio timendum. nam & nulli fidem adhibere, solisque oculis suis credere, pertinacis ingenij est, sibi que potiùs quàm publico nati; omnia credere, ingentis plena periculi res est, & imperio imprimis noxia. vt meritò dicat Sapiens Eccli. 19. *Qui credit citò, leuis est corde, & minorabitur. & Audisti verbum aduersus proximum tuum? commoriatur in te, fidens quoniam non te dirumpet. à facie verbì parturit fatuus, tanquam gemitus partus infantis.*

Remedia.

Moram dare, certumque sibi tempus præscribere, vtilissimum erit; ferè enim calida in his delationibus consilia pœnitenda sunt.

Nunquam ad sententiam, quacunque etiam in re descendere parte inaudita.

Reo porissimam semper aurem præbere, plûsque huic, quàm accusatori indulgere.

Suspectum omnem delatorem habere, ne qua auersionis, æmulationis, inuidentiæ, aut odiorum causa intercedat. Cōditio dein illius perpendenda, vita, mores, ingenium: num consuetudine, aut natura facilis ad delationem, pronûsque ad suspiciones, & res supra fidem augendas. examinandi etiam sigillatim si qui verbis factisue interfuerint, ponderandaque singula. circumstantiæ etiam accuratè dispiciendæ, & quidquid fidē facere ac derogare potest. considerandum etiam, audieritne delator, an aliorum ore referat, aliorum oculis, an suis: considerabit proinde prudens gubernator singula, audiet omnes, repellet neminem, credet paucis, ac non nisi longo vsu probatissimis:

dis.

discutiet narrata, personam intuebitur deferentis & delati; num quæ odia & æmulationes intercurret, num quæ animorum commotiones, aut nocendi studium; quibus rationibus delatæ res firmentur, quibus testibus, qua ex causâ dicta factaq; qua mente. vitam etiam intuebitur vtriusque præteritam, morelque præsentis; plusque semper reo tribuet, quàm accusatori, in rationum maximè personarumque paritate, aut non magna imparitate. Deo seriis precibus, tacitisque, etiam in rebus secretis, aliorum orationibus res commendanda.

In omni delatione cogitare, posse subesse falsum, posse falli delatorem, posse affectu in transuersum duci, posse aliud intercessisse, quod aut delictum minuat, aut vniuersum tollat; aliaque huius generis.

Prudenter monet Hieronymus in Epist. ad Celantiam: *Nec obtreçtatoribus auctoritatem de consensu tribuas, ne eorum vitium nutrias annuendo. Noli, inquit Scriptura, consentaneus esse cum derogantibus aduersus proximum tuum, & non accipies super illum peccatum. & alibi: Sepi aures tuas spinis, & noli audire linguam nequam.*
nihil

nihil enim tam inquietat animum. nihil est quod ita mobilem mentem ac leuem faciat, quàm facile totum credere, & obrectatorum verba temerario mentis assensu sequi. Hinc enim crebra dissensiones, hinc odia iniusta nascuntur. hoc est quod saepe de amicissimis etiam inimicos facit, dum concordēs quidem, sed credulas animas maleloqua lingua dissociat.

CAPVT XLVIII.

Nimia commendationes & depressiones.

SVspectum dicendi genus, & quod fidem verbis adimit, eleuatque omnia propè rationum pondera & momēta. nimis enim propensam in alterutram partem voluntatem ostendit. quare suspicionem non tam rationis, quàm affectus ingenerat; facitque vt etiam rationibus, alioqui solidis, non parum derogetur. priuata namque aliqua talem necessitudine, cæco quodam amoris affectu, aut speratis emolumentis, & dignitatum ac commodorum suorum accessionibus, duci auditores arbitrantur.

Inde grandia nascuntur præiudicia, a-
mo-

moris aut odij, & neutri fides adhibetur, utrique abrogatur, cum in illo rationem ab amore, in hoc ab odio vinci arbitrentur. temperabit proinde dictionem, & plus illi modestie, quam caloris intersperget quisquis apud viros rerum intelligentes fidem sperat. in populo plebeque infima, plus saepe potest calor, & verborum, tanquam fluctuum congeries & conuolutiones. cum impetu ferè potius, quam maturo rerum verborumque pondere ducatur; modestiam, compositosque ad maturitatem mores pro tarditate, & ingenita naturæ lentitate numerat: æqualitatem verò ac dictionis quandam malaciam in ignauo pectore, & ingloria mente ponit; ventis gaudet, & pleno gravidaris Austro velis; ut qui impetu, ac quali vorticibus magis feratur, quam ratione.

Hoc interim certum, non esse religiosi candoris, res verbis augere, & illarum tenuitatem Augusto ornari vestire, aut infra meritam laudem ponere; aut debito spoliata cultu, naufragas, ac tanquam fluctibus excussas in mediis arenis destituere.

Sed nec Christianæ simplicitatis est, mendac-

dacio amorem odiaque iuuare, & infra sumpraque; verum restollere, aut deprimere. Neque de bona conscientia veniunt hæc placenta verba, & ad gratiam mendacio vestita nascunturque; ex his maiora damna, quam quisquam prima fronte arbitretur. Sape enim Superiores in functionibus dispartendis fidem commendationibus adhibent: & dum sequuntur cæcos hosce laudatores & ductores, non raro in præcipitia scopulosque; plurimos impellunt. siue. o nimis depressionibus aures montemque adinuerint, in pœnitenda labuntur, dum idoneos in primis, & ad magna natos. muneribus exiunt, aut non adinuent, vano hoc metu, ex improbo commento nato, repellente. Ita fit, ut indignissimus quisque ad clauum sedeat, in Syrtes & breuia nauem daturus; arceanturque à gubernaculis, quorum industria tutò per decumanos etiam fluctus, fauientibus Austris nauigari poterat.

Quòd si Superior hoc malo teneatur, perit omnis illi apud suos fides. nam & dum verissima narrat, in neutram partem librato affectu, semper aliquid aut profusæ, ac supra

pria verum prodigæ laudis, aut infra verum
auaræ ac æmulæ tenacitatis subesse suspicā-
tur: neque fides iam tantum illi in augmen-
to aut decremento adempta, sed in omni
omnino re; cum tam facile illi esse arbitren-
tur, vniuersam rem, quam illius partem mē-
dacio aut tollere, aut eleuare. Imitatur ver-
bis paternum affectum? pulchris verbis a-
lternum animum regi suspicantur. promittit
solicitudinem diuino orationis fluxu, & v-
bera quedam ostentat matris? inopiam his
regi rerum, & mentiri vbera vterumq; ma-
trum putant. fidem addicit, & in fiduciam
suos locuplete sponsione pellicit? opes ex-
teriùs ostentari, egestatem intus habitare o-
minantur. sinceritatem & candorem ora-
tione spondet? plus etiam verentur, quo
plus spondet. Neque quisquam huic se tua-
que credet; verebitur secreti fidem: cum
ferè tales pronos ad quæuis effutienda re-
periamus. quàm enim faciles ad augmen-
ta ac decremента rerum sunt, tam pluri-
mum faciles in omnium narrationem re-
peries. continebit enim difficile rem ipsam,
qui intra veri terminos continere illas ne-
scit.

scit. inde iam illa nascuntur inferiorum de
Superiore dicta, Antiquum obtinet, ne
crede. crescit illius aut decrescit oratio ab
affectu, res alia est. facit more suo, & pro in-
ueterata consuetudine pulchra veste defor-
mem statuam induit, aut vili palla pul-
chram tegit. alius dixisset, crederemus: nam
verba rebus aptari, tãquam strictam vestem
corpori, à qua nullus huic decor, sed robo-
ris ac venustatis expressio est, arbitraremur.
at in huius ore & ornamenta & res figulan-
tur; & quæ nusquam sunt, esse incipiunt.
Omnis deinde veneratio in Superiorem
perit: nam cuius semel orationi fides detra-
cta est, etiam venerationi cultus omnis ad-
emptus est.

Multum deinde illi, quicumque hoc vi-
tio laborat, apud externos de fide, de sancti-
tatis opinione, adeoque etiam de sperato a-
ni morum fructu decedit: nam ubi semel
hec de illo opinio inualuit, quod ferè eue-
nire solet; omnia propè illius dicta, aut su-
pra aut infra verum esse, non immeritò su-
spicantur. laudat? crescere credunt rem di-
ctione. vituperat? detrahi fidem laudemque
re-

rebus, verbis arbitrantur. exempla adfert in terrorem, in diuini nominis amorem impellentia? pluriimum hinc addititij subesse coloris putant; nec tam rem ostendi, quam ornatum, remque ipsam cultu tegi. omnia denique eiusdem generis dicta illius esse, etiam dum testatissima, & ab omni furo alienissima narrat, sibi persuadent, è consuetudine nimirum illius more omnia metientes. Et dum prodesse aut obesse student pro vario suo affectu alijs; apud cordatos carent sæpe effectu sperato: cum nullam in laude fidem, nullam in vituperatione inueniant, & contrariam non raro aliorum animis opinionem ingenerant; ut quos laudant, vituperatione dignos; quos vituperant, laude dignissimos alij arbitrentur.

Remedia.

E Crebris ferè serijsque Superiorum monitis petenda sunt. ut quos viderint hac ægritudine teneri, quoties labentes repererint, toties seriò moneant.

Iuuerit, illis etiam aliquem è magis serijs maturisque Patribus designare, quem
non

non illibentes audiūt: qui si quid in hoc genere monitione dignum obseruauerit, non parcat. proderitque publicis nonnunquam monitis ab his terrere.

Sin ipsi Superiores obnoxij malo huic sunt: videndum an aliquem habeant, quem pro priuata necessitudine non grauātē audiant, cuique ad religiosē monendum non desit animus; si modo sperari prudenter emendatio possit.

Ipsa denique consideratio labantis apud omnes fidei, & Superiores & reliquos meritō terrere ab hac consuetudine deberet; eo magis quod semel imbibita hac ratio, ubi inter domesticos conualuerit, abeat etiā ad externos: ut qui his moribus domi fuerit, iisdem extra domum futurus sit, etiam in concionibus ad populum, in priuatis colloquijs, in ipsoque adeo sancto confessionum audiendarum munere. quod ubi sit, omnis necesse speratus spiritualis fructus collabascet. semel enim extincta protritāque fide, spei nihil reliquum esse potest.

Proderitque priuatum hac de re examen instituere, ac interum narrationibus, fami-

miliarique colloquio attentum in omnem partem animum habere, verbis que suis presentem, ac quasi monitorem sui. certis etiam sibi penitentiis in omnem manifestum lapsum propositis.

C A P V T XLIX.

Apprehensiones, suspiciones.

Periculis hinc omnia plena sunt, & magnorum etiam infelici & præpropere exitu comprobata. Hinc enim mærores cor exedentes, ipsa que adeo ossa emedullantes, sequuntur animorum alienationes, ac in ultimam sæpe desperationem vergentia mala: spiritualis dein quædam succedit nausea, & ab omni omnino munere auersiones, laborum fuga, piarumque exercitiorum neglectus; ac quasi quidam languentis animi contemptus, inquietudo insuper quædam mentis: & iam omnis illi locus, locij, munia molesta sunt, ac leuissima quæque grauissima, mollia dura, suauia acerba videntur: monita deinde, blandæq; Superiorum aut aliorum compellationes, dolo

& fallacijs plenæ. si benignè omnia pollicearis, rideri se arbitrantur; si maturius egeris, indignantur; si fortius, exurgunt in iras, ac vix nisi cum vita deponunt hoc malum, ubi semel inualuit, ac radices egit.

Accedit, tales in perpetua quadam mentis inquietudine vivere, in perenni nocte dieque animorum iactatione, ut nulla illis quies menti, nulla animo pax sit, sed æterna quadam lucta, & ærugo pectoris, cordis contortiones, ac intima quasi mentis euisceratio; dum continuis doloribus, tanquàm immanissimis furentis Oceani fluctibus in omnem partem iactantur, omni interiori malacia ac tranquillitate pulsà, ac quasi in exilium missa. Pro. 25. *Sicut enim tineæ vestimento, & vermis ligno, ita tristitia viri nocet cordi.*

Neque soli impotenti hac inquietudine aguntur, sed & alios in naufragij sui partem tecum trahunt, malorum maximè & Oceani illius inexpertes, qui fluctuum illius rabiem nunquam tulerunt: ut non mirum sit, in suspicionum aliquem scopulum illidi; illos maximè quos aliqua animorum scabies tenet; cum minimo affricu exaspe-

ratur malum, & vulneri locum præbet. Periculis planè res plenissima, quando mutuù exacuunt morbum, nam & in murmurationum, & latissimum detractionum campum excurrūt: dānant omnia; nec ingenio quifquam illorum facit satis, dum nulli fidunt, diffidunt omnibus, tuta etiā omnia timerantes; cū fraudibus dolisq; plena arbitretur omnia; nullius amicitiam veram, nullius fidem securam, nullius sponsiones certas sibi persuadeant. hostium illis loco omnes, & in omnium frontibus inimica legunt arma: in omnium verbis hostilia reperiunt agmina, in omnium oculis structas vident insidias: focia & amica illis consilia pro aduersantibus & perimentibus; auxiliares copiae pro oppugnantibus habentur. nusquam deniq; illis fides, nec in optimo, probissimo, sanctissimo. adeò remedium propè omne, malum hoc superat, cū medicam nullius admittat manum, aspernetur omnium, ac tanquam hostilem fugiat.

Si Superior suspicionibus hisce, teneatur, vniuersam domesticam gubernationē euertet, inuisus grauisque suis. neque apud

ta-

talem subditorum virtus probitasque annis plurimis testata, nec probata innocentia, nec ratio locum habent: sed ex altè impressarum suspicionū vmbriis, omnis inferior fit nocens, omnis reus, cumque perpetuò tanquam fluctibus mentis iactetur anxietate, mille se suosque cogitationibus rebusque cruciat, & vt ingeniosa suspicio est, in vna mille difficultates inuenit, quibus & se suosque inuoluat. Sed neque ad magna conatum extendet, & impedimento etiā erit alijs, ne generoso ausu ad magna tendant: causāque sæpe dabit ad præclara & illustria natis, vt in ignauo otio decurrant annos, excludanturque ab ijs muneribus, in quibus ingenti nominis diuini propagatione, proximorumque salute occupari poterant. Si inferior his laborat, omnia Superioris consilia etiam amicissima & à paterna manu profecta, vt inimica & hostilia auersabitur. Nascuntur inde subdolæ vtrinq;, in mutuam euersionem molitiones, cum perire cupimus, aut spe excidere, aut sanè ad maiora non contendere quos aduersarios arbitramur. hinc mutuarum offensionum validæ exur-

gunt caussæ, nulla arte & industria ponenda. eiumpuntque hæc facile ad externos, magno familiæ damno, & conceptæ opinionis bonæ graui iactura. Ingens malum. quod aut è putillanimitate profectum, aut è tacito fastu, aut alienæ virtutis inuidentia, aut ex indignatione, è negato aut frustrato munere, concepta, maximè si aliorum consiliis studioque impedimentum iniectum; aut sanè, fallis licet nixa principiis, suspicio talis, nata fuerit.

Tollitur denique domui libertas omnis, cum nemo tutò audeat illis præsentibus sermonem miscere, veritus ne quid sinistra opinionis nascatur, ne malignior interpretatio. fugiunt proinde talium consuetudinè, apud quos vident, non dicta factaque dicta factaque esse. è qua re ingens familiam turbatio occupat, quæ solo auctore semoto conquiescit.

Remedia.

QUòd si quis suspicionibus his agatur, & in aliorum moribus vitaque tanquam in Oceani fluctibus iactetur; cogitet quàm

quàm falsis aliàs suspicionibus, quàm ingeniosis, & ad fidem faciendam aptè excogitatis, certoque sibi persuasis, in errorem inductus fuerit: quàm fortiter saepe tanquam ab oculatis testibus narrata dies detexerit, & victrix simplex veritas subdolam improbitatem prostrauerit. eadem in præsentiarum aliisque suspicionibus euenire posse arbitretur. iam si quales in se reliquos insurgentibus ex quacunque causa suspicionibus esse oprauerit, talem se præbuerit aliis; non magno negotio, suspensiones reponet. cogitet quid incurstantibus illis statui in se vellet, quantam fidem adhiberi, quæ consilia iniri, quid decerni. eademque ipse in alijs statuatur. prudens regula est, quæ ab animo suo in paribus constituto, aliquid in aliis decernit.

Si è nulla certa causa natæ noxiæ hæc apprehensiones sunt; magis à medico quàm aliunde remedia poscenda, aut speranda sūt, & à locorum muniumque varia mutatione. forte enim hac quasi iactatione leuabitur æger, incidetque in Superiorem naturæ suæ convenientem.

Si mala hæc quis patiatetur ab alijs, quod

frequenter euenire solet, ex dissentientium iudiciorum varietate, vel ex sinistra aliorum de nobis opinionum formatione, ex muneris priuatione, ex neglectu, aut nominis detractiōe, falsò plurimùm irrogata; armandum pectus his similibusq; cogitationibus malum lenientibus erit: Chryl. super Matt. *Omnis homo ex se aestimat alterum. fornicarius neminem putat castum, castus de fornicario non facillè sufficitur: superbus neminem putat humilem, humilis neminem putat esse superbum.*

Libera hominum ingenia & iudicia sunt, & ferè tot in his discrimina, quot capita, quid te torques in non emendanda varietate, & quæ non est in manu tua? quæ Hecti imperio & voluntate possunt, tua sunt: in alieno speranda potius, quàm cogenda emendatio est: coactio in proprio valet, suasio in alieno. neque prudens sperare debet aut potest, aliorum omnium iudiciorum cū suo consensum; maximè cū pars maxima nudis plerumq; opinionibus à suspiciōe natis moueatur, à quibus ob innatam iudiciorum tenacitatem, nō facillè plerosque dimoueas. feret ergo prudens quæ emendare

aut

aut mutare non potest, nec mœrore se macerabit in ijs, quorum euentus ab alieno imperio & voluntate pender.

Cogita, si calumniator est, errore duci. quid faceres aberranti? non in viam reduceres? facies hoc in iudiciorum errore: reduc aberrantē factis è virtute natis, vt videat aliū te esse, quàm errore ductus arbitrabatur. & te ipsum intueri: vide quoties hoc æstu abreptus fueris, quam fœcundis ingeniosis-que in aliorum factis suspicionibus in errorem inductus. nec miraberis alios paribus iactari, tuo malo aliis mederi disce.

Cogita talem morbo laborare, & miseraberis potiùs, quàm indignaberis. quis indignatur febricitanti, & maledicenti ac cōspuenti? abstergit potiùs hæc spura beneuolentiæ etiam aliquando ostentatione, quasi ex iniuria beneficia acceperit, mulcetque eo magis ægrum, quo ille furit magis. febris, adeoq; phrenesis calumniatorem occupauit; comparere, & morbo calumniam tribue. Vis vinci? ad ima calumniam demitte, & tanquam ignauo mœrore prostritū te calumniator videat. Sed grauis calumnia

est, non melius innocentem, quàm nocentem pati?

Vis calumniam vincere? contemne. maior omni contumelia qui contempsit est: nec vlla re alia nobiliorem de calumniatore triumphum duces, quàm cùm te viderit generoso calcatu transeuntem hæc vt folia vento rapta, vt stillicidia vanè sparsa, vt grâdinem tecto illisam. nec grauior vlla vindicta est, quàm cùm se calumniator viderit solo contemptu superatum. Vis etiam triumphum illustriorem? beneficiis calumniatorem obstringe: nulla re magis etiam barbarum pectus franges. Monuit hoc olim Sapiens Prou. 25. *Si esurierit inimicus tuus, ciba illum: si sitierit, da ei aquam bibere. prunas enim congregabis super caput eius, & Dominus reddet tibi.* & Apostolus, 1. Pet. 3. *Non reddentes malum pro malo, nec maledictum pro maledicto, sed contrà benedicentes, quia in hoc vocati estis.*

Percurre quotquot orbe toto fuerunt magni, & intuere num quem à calumnia reperiēs immunem: neminem inuenies tanta innocentia, vitæque sanctitate, quem nō hac grandine, tanquam saxeo imbre videas

com-

complutum. & ferè quo quisque maior, eo pluribus fuit iactatus. Quanta regna iacent, è nudis suspicionibus calcata? quanti Reges ductorèſque exercituum hostibus inuicti, ad hos suspicionum scopulos illiſi, naufragium fecerunt? Magna etiam neceſſum eſt eſſe, quæ æmulationem & odia prouocant. humi iacentibus nemo inuidet, ad alta conſurgimus, & cùm non poſſimus paria, deiecta & proſtrata cupimus. Non egrediamur Religionem. quanta primi omnium Ordinum parentes tulerint, nemo ignorare poſteſt; vt audeã dicere, Da mihi virum in Religionẽ magnum, dabo tibi calumniis non ſemel tantum-non oppreſſum.

Cogita euenire hæc tibi à Domino ad expiationem culparum; & hilari oculo atque animo ſuſcipies, agẽſque ingentes Deo gratias, pro tam ſuaui pœnarum in inferno aut Purgatorio debitarum, in calumnias commutatione.

Cogita à Deo hæc immitti aut permitti, vt variarum calumniarum iactatione durioribus aſſueſcas: vt difficultatum harum conſuetudine, ac quaſi familiaritate diſcas mi-

nima dedignari, ad magna assurgere. ita leo vulpeculam, aut ouem contemnit: at si elephas contrà steterit, excutit generosas iuvas, tanquam lætitiæ imbribus de cælo perplutas: gaudet enim magnis magnus animus componi, vilia dedignatur. facit hoc mens omnis incommodis & aduersitatibus roborata, & quæ assiduitate ac frequentatione callum obduxit. Et sanè neglexisse, ac quasi ignauum trāsisse videtur Deus, quem non dignatus est durioribus ad maiora parare. de cuius virtute magna sibi promittit, illum audet componere magnis. ita militiæ duces ad difficillima quæque promptissimum quemq; vocant, ignauos in medium coniiciunt agmen, aut sarcinis destinant.

Permittit hæc Dominus, vt in animi submissione nos contineat, ne muneribus, ne felicioribus rerum successibus, populi fauoribus, ne cælestibus gratuitis donis, eruditione, prudentia, eloquentia extollamur.

Docemur hîc decurrere ad Deum, illi soli fidere, in eo spem omnem reponere, humana contemnere, vt incerta, intuta, infida, fraudibusq; etiam in fratribus obnoxia; cū

ab

ab vno vtero sæpe insurgunt calumniæ, etiam ab amicissimis. quare nemo paulò prudentior ad ea descendat, quorum propalatio noxia auctori esse possit. ille securus degit, qui nihil pœnitendum committit, qui quæ ea etiam coniunctissimo credit, ad quorum euulgationem non erubescit.

Plerumq; etiam Dominus, quos gubernationi destinauit, antè per aspera & aduersa roborat. nã quid faciet tempestatũ inexper- tus fluctibus insurgentibus? quæ consilia aut remedia dabit malis properantibus? eueniet illi quod militiam inexperto, pugna aggredi- enti, trepidabit ad omnem hostiũ occursum, & antè corruet, quã cõsilia explicabit.

Et ferè durissima, durioribus non assue- torum, imperia sunt: qui cùm non didice- rint pati, nec compati sciũt. ille suauius plu- rimũ imperat, qui in se aduersantium ra- biem expertus, periculo suo aliena didicit metiri, magnorumq; etiamnum vulnerum cicatrices circumfert: qui quæ non alieno tantũ exemplo, sed & suo didicit quid possint calumniæ. ille enim experientia di- dicit, quæ occurrentibus his malis remedia

admouenda sunt, inexpertus miscebit omnia; experiri in vnoquoque remedia volet, quid possint, aliorum nimirum edocendus malo. ille securus manum admouet, qui longa experientia vim mali didicit, & mitioribus primùm inualetudinem tentare, nec ad duriora, nisi in extremis, & quæ reliqua omnia aspernantur, descendere.

Cogita demum præmia cælo promissa, si forti animo calumniam tuleris. nulla re alia magis mitescit labor, adeoque dulcescit, ut & ipsa iam verbera mollescant, si præmia adiunxeris: quæ qui cogitat, hilari vultu calumnias & aduersantia quæque amplexabitur, ut semina fructuum cælo reponendorum, ut metsem Dominico horreo inferendam, ut diuinæ in nos benevolentiae signa. memores illius, Quos pariauit cælestis Pater Filio, laboribus, calumniis, verbere, sanguine; hos etiam, quantum humana celestibus componi possunt, pariabit & præmiis. nec certior in hac vita diuinæ in nos beneficentiae testatio est, quàm si variorum in hac vita iudiciis, linguis, calamis iactari nos permittat.

Iuuabit,

Iuuabit, se suspicionesque suas, pulsa simulatione, candidè Superiori, & domestico Confessario aperire. nihil deinde in hac vita ab humana manu ambire, nihil sperare. non timuit qui non sperauit: nec abreptus suspicionibus est qui non timuit. semper enim mistus suspicioni metus est, dux illi & perpetuus comes. humanas verò laudes negligere. cum deterrimi ferè ampla harum materia sint. sanè nec optimus, nec prudentissimus ad magna tollitur: vltima ferè in humano delectu prudentia est, fauor & propensio quædam animi primum locum tenent. beatus qui hæc rilit, & humanis omnibus maior sola cælestia sperauit, sola amauit: cōtempnit reliqua, vt indigna cælis Deoque, cui natus, & cui vni omnis viri prudentis, viri boni labor desudat, felixque fecundusque sudor profunditur.

CAPUT L.

Pusillanimitas.

VArijs è causis hæc nascitur: naturæ tamè plerumque vitium est, omnia me-

tuentis, omnia viribus maiora arbitrantis. hinc in ignauo quodam timore consenescit animus, nec ad magna aut ardua, extendit manum, semper pavidus; generosa & excelsa nec auribus quidem admittit vilissimis se pascēs. siquid in aliorum gratiana agat, contentus rem proposuisse est: vt si excitet, & ad grandia prouocet ac inflammet, viroque ac posteritate digna meditetur; frustra speres. vt verò difficultates perfringat, obices repellat, arma armis pulset, ferroque ferrum excutiat, sudorem fundat, sanguinem gloriæ in posteros semen spargat; ne quidquam exspectes. amat infima cū desperet magna, deligitque sordescere in illis, ne in his laborum miles vias patiatur. hinc etiam viribus suis non rarò inferiora, ne attingit quidem, & oblata ac vltro obtrusa magna negligit, desperans de consecutione, omniaque tuta timens, ad sola ignobilia, timoriquē suo inferiora, aut vt summum paria dexteram extendit.

Prouenit sæpe pusillanimitas hæc ex innato quodam fastu & arrogantia. dum enim aut nomen venamur, quod non consec-

qui-

quimur, aut dignitatibus inhiamus negatis, aut anhelatum alium cernimus, aut speratis frustramur opibus, aut à cogitato munere repulsam patimur, aut denique à quo laudem expectabamus, dedecus referimus; labimur animo, succiduntque tanquam lassato genua, & aut ab indignatione non consecuti voti, ab ignominia relata, à concepta acerbitate, à reportata verecundia, ab ipsa denique desperatione, similibusque à superbia natis, totis animis corruimus; vertunturque desiderata in timorem, incerorem, suspiciones varias, temeraria iudicia, animorum alienationes, in quoddam mentis frigus, vt tanquam glacie constrictus, aut quodam pigro torpore perfusus, totus ignauescat animus.

Exoritur sæpe eadem è melancholia quoddam altiùs impressa & fota, quàm vt leuibus remedijs discuti possit; dum quædam præter spem obuenientia, aut opinionibus nostris aduersantia, aut cum iudicio nostro pugnantia profundius demittimus: & nudis sæpe mœrores illi opinionibus innituntur, quæ maximarum intus turbarum caus-

causſam præſent. videmus tempeſtates & pluſquam decumanos fluctus pectori obuerſantes, & cauſſa nulla, totque procellarum fluctuumque cælo propè minitatum, ſola è ſuſpicionibus opinio nata cauſſam dedit. nec eximendi illam ſpes vlla, niſi qui patitur iactationum ſuarum cauſſam prodar, & ferè ſeriùs ſe retegir, malaque quibus opprimitur & ſorbetur. antè nimirum oportuit, & principijs occurrendum fuerat. fruſtra medicina extremis ſeruatut, cùm inualluit ægritudo, & intima depaſta eſt.

Nec rarò hæc à concepta quadam animi indignatione originem ducit. benefecit aliquis amico, quantaq; potuit in eum beneficia contulit, vt natatè poſſit in immenſo quodam beneficiorum Oceano; & poſt tot benefacta ex amico inimicum patitur. Alius pectoris ſui intima alterius commiſit fidei, vt nihil celauerit, nihil clauſerit, recluſerit omnia, & tanquam cū mente ſua prolocutus omnia reſerarit clauſtra; & pòſt patitur infidum, & ſanctè commiſſorum violatorè. Tertius eduxit, ac quaſi manibus ægenibus ſuis alumnatus eſt aliquem, parens

illi & mater, nec non nisi multorum invidia protrusit ad magna; consequitur deinde hunc Superiorem & simul hostem. Dura omnino conditio, & quæ satis sit ad valentem & robore plenum deturbandum & enervandum.

Sunt harum rerum innumera passim exempla, & subita sæpe morte, aut lenta ac miseranda tabe confirmata: è quibus initijs in vnoquoque hominum genere cecidisse vidimus primos in omni fortuna viros, meliori exitu dignissimos: quos concepta mentis ægritudo, dum ad repellenda procurstantia, aut calcanda aduersa non satis fuit animi, præpropere casu, infelici fine, vitam robore adhuc & annis plenam intempesta morte præcidere fecit, totasque familias inexpectato lapsu funestauit.

Expectari ab his magna poterant, & ingeniorum prudentiæque raræ dotes summa spodebant: gratia & eloquentia, totiusque corporis habitus, ac in agendo solertia dexteritasque indefesso studio coniuncta, nihil non promittebat. accessit animi quidam mœror, è quacunque causa vera an
fal-

falsa natus, & tanquam vna falce vniversam spem secuit: aut tanquam venenaria pruina, aut inimicum frugibus gelu, diuitem messem fecundo solo ridentem penitus decoxit, solaque expectatione sua locupletem dominum frustratus est. Et ille non vna in aduersis victoria illustris animo fractus corruit, tantaque spes ad summa surgentes, momento protriuuit, fabulaque iam factus orbi est, qui miraculum fuerat. & cadit ille non raro totius Religionis damno, totius familiae interitu, secumque trahit vna mirum ruina domum totam. crederes Philistæa agmina roboraque vna columnarum concussione corruisse, cæcoque Samlone pusillanimitate è mœrore quopiam nata, tantam caelo surgente mole vno impulsu decinerate.

Innumera propè rerum harum causas sunt: Superiorum imprudentia, seuerior correctio, credulitas à falsa delatione nata, diffidentia, amicus infidus, dolosa circumuentio, obtrectiones, suspiciones altius depressæ, inopinata infeliciū euentuum successio, inexpectata secundorum in aduersam commutatio, è digniore gradu deiectio, ini-

mi-

mici ad maiora cuectio, maximè si illius potestati submittatur ; innocentia calumniis petita, fides criminationibus habita, defensionis locus negatus, inauditi damnatio, ingratus animus, beneficiorum immemor, qui pro benefactis hostilia reponat; cùm remunerare debuit, & grata beneficia prosequi memoria, inimicum ostendit pectus: secreti criminis insperata reuectio, innumeræque propè, pro cuiusque ingenio alia atque alia: quæ cùm in animum non omnino prævalidum inciderint, aut in pectus aduersantibus inassuetum, aut secundo lætòque perpetuò prosperioris fortunæ successu elatum & assuetum: facilè ad mœtiores & pusillanimitatem mœroribus comitem propellunt, inde in malorum ultimum desperationem.

Languet in talibus primò animus, tepètque, vt arbitrari possis alto quodam sopore depressam mentem iacere, putes lethargo oppressam; fastidit deinde omnia, ac spiritali quadam nausea delassatus, dormienti, somnòque è diuturna vigilia prægrauato similis, in supina quadam ignauia procumbit: abhorret à lætioribus, delectatur tristis-

stibus, amœna refugit, sectatur horrida, cōgressum aliorum auersatur, amat solitudinem, labores refugit, captat otia mœroribus amica: mille suspicionibus diem noctēque fatigat, nulli magis quàm sibi grauis. si quid benefeceris, fraudem veretur: si serias admonitiones adhibueris, hostem arbitratur. lata narras? rideri se putat. tristitia? ab inimico pectore profecta credit; vt à solo propè Deo remedia speranda sint.

Si Superiorem pusillanimitas hæc tenet, miserationibus vbique digna res est. ferè enim talis concreditum sibi munus vniuersum negliget, & è timore fastidio plenus, nauseabundoque in omnibus similis, ingenti in res omnes fertur displicentia. nihil ferium magnūque aggreditur, nullamque rem posteritate laudeque dignam, nihil denique quod animos generosos præferat, cum omnia viribus suis maiora arbitretur. quare nec ad ardua aut victura dexteram audet extendere. similis illi quem Sapiens mittit ad formicam.

Ac licet dignissimus munere sit quod obit, nec quidquam illi necessariarum rerum
ad

ad magna desit; minùs tamen idoneum metus facit, & conceptus semel animo timor, & diffidentia sui, vt vix quidquã à tali sperari possit: tanquam si quis viribus diffidens, abiectis armis, inermem se nudumque imbelli aduersario obiciat. facit hoc omnis pusillanimus, præsidii licet maximis suffultus, omnibus vltro se exuit, spoliaturque.

Quin & nescio quid diffidentia in Deum pauido semper pectore circumferat quisque hoc malo tenetur. neque enim fieri potest, vt qui spem suam in illum coniecit, tot vndiq; timoribus circumsepiatur; cum dubitare nec prudenter nec christianè, de illius potentia, ac in nos omnes affectu post tot diuites sponsones, totque testatissima amoris signa, tot pro vberibus vulnera, prodigumque pro lacte sanguinem, quisquam possit. iam cum post tot tantaque perisset in vano Superior metu, perpetuoque timore pulsetur, plurimum necesse de diuinarum sponsonum fide, deque fiducia in numeris Deo nominibus debita, remisit. aut sanè occulto aliquo quicunque hoc malo possidetur, fastu rapitur. cum enim res viribus tan-

tantum suis metiatur, videaturque has impares rebus magnis; de felici executione desperat, spemque omnem abiicit, torporique indormiens, in ignavo imperio consenescit, vitamque in inglorio otio transigit, omnium domi forisque libertatum, dissolutionum, morumque à Religione alienissimorum causa. qui si tot diuinis spersionibus oneratus, tot maximorum omnium exemplo prouocatus, Domini potentiae innixus ad imposita sibi dexteram protenderet; non magno negotio, fortunatissimo successu concredita sibi perageret. nunc prostrata miserè iacent omnia. nullus, pulsa in solidum vigilantia; discipline vigor, nulla regularum observatio, nullaquam amula piarum exercitationum se ostendit cupiditas, frigent omnia, calor nullus, pulsoque pio interiorum aestu, congelascit animus, & in Superioris tepore ignauescunt domestici, in illius metu timoribus pulsanter, & ad solum magni nomen cum duce suo perhorrescunt; quasi si quem fulmine percusseris, aut immani rupe oppresseris, arbitreris in Superiore suo mente destitutos: ita inter ignaua animae il-

lius

lius deliquia, fastidio metuque plenam vitam trahunt, lentoque infamique concharum more vestigio terram signant, pigra vique post se signa ignauissimi pectoris relinquentes, ad omnem magnitudinem pauidi, ad omnem illustrium molitionem trepidi; è quibus ignauissima Religioso vitamoresque vomitum Domini prouocantia nascuntur. ac tandem è religiosa disciplina, in perpetuum spiritualium neglectum prolabimur, infelici plurimum exitu bene inchoata, æternum deueniunt taturi.

Remedia.

Superiorum industria plurimum in hac re iuuabit. credi enim vix potest, quātos animos suggerere valeant, quā validè iacentem mentem erigere, dum magnis ipsi animis audaciæ viam sternunt, lætōque hilarique vultu suos ad magna prouocant. etiam tirones & bellorum inexpertes, inassueti armorum, veterana perferunt arma, ferrum, impetum, duce præcunte. audax nimirum ductoris animus, metum trepidantibus excutit; & experiri cominus iuuat, cuius vel solum nomen latè terrorem incunebat.

Pro-

Proderit deinde, si in Superiori patrē sen-
serint, matris viscera, si sollicitam vigilem-
que in suorum necessitatibus, in ægritudine
potissimum curam: si liberalem manum,
si vltro suos in fiduciam prouocantem, si
expandentem pectus, si remotam à politi-
ca & aulica rationem, si plura rebus præ-
stantem, quàm verbis spondentem.

Occupandi tales ac varijs distinendi, ac
à minoribus paulatim ad maiora audenda
propellendi, laudandi, factaq; eorum me-
diocritia in maius extollenda, consiliis vltro
admouendi, magnanimis adiungendi, vt
horum consortio audere incipiant, timere
desinant.

Spiritualibus exercitationibus, piorumq;
librorum lectionibus iuuandi, locorum et-
tiam ac munium mutationibus, maximè si
in familiam aliquam munusque propen-
deant, è quo meritò dāna timeri nō possint.

Gregorius Magnus modum ingenia hæc
pertractandi præscribit Past. p. 3. cap. 9. Pu-
sill inimes amplius ad iter bene agendi reducimus,
si quedam bona illorum ex latere requiramus, vt
dum in eis alta reprehendēdo corripimus, alia am-
pli-

plectendo laudemus : quatenus eorum teneritudinem laus audita nutriat, quam culpa increpata castigat. plerumque autem utilius apud illos proficimus, si & eorum gesta memoramus; & si qua ab eis inordinatè gesta sunt, non iam tanquam perpetrata corripimus, sed quasi adhuc ne perpetrari debeant, prohibemus. ut & illa quæ approbamus illatus fauor augeat, & contra ea quæ reprehendimus, magis ad pusillanimes exhortatio verecunda conualescat.

Ingens in hoc malo certumque remedium à diuinæ bonitatis ac potentiae consideratione, ac à validis illius promissis, & testata omnibus retrò sæculis in. sperantes in se munificentia, adeoque à prodiga illius in fidentes manu, peti potest. audeat proinde sperare homo, maiora largietur Deus. nescit enim ab homine vinci Deus, omni humana confidentia & spe maior. prouocabit ergo se quisquis malo hoc tenetur, diuinæ bonitatis ac potentiae immensitate, profusaque in supplices fidentesque sibi largitate.

In Superiore verò fortiter iuuabit, si certò sibi persuaferit, munus sibi à Domino impositum, errare autem, aut fallere, aut

h h

falli

falli non posse in delectu suo Deum, nec in
interitum sed in salutem imponere, rātum-
que semper virium concessurum, quantum
oneris imponit; nec munificam antè dexte-
ram contrahere, quàm benignitatis ac po-
tentiae suae diffidentia laborare viderit ho-
minem. quod ubi senserit, auxilia retrahit,
quibus indignam diffidentem mentem, &
de diuina potentia, aut promissorum certi-
tudine dubitantem, tanquam aut non pos-
sit Deus, aut datam fidem fallat, arbitrat.
cùm vtrumque alienissimum à bonitatis ac
potentiae infinitate sit, quo fit vt iustam il-
lius iram, auxiliorumque destitutionem
merito prouocet. medebitur huic malo pu-
sillanimus, si in magnam se spem potentiae
ac diuinarum sponſionum erexerit, tam
certus de consecutione, quàm fortis de fi-
ducia fuerit.

Dicet fors ex hoc numero Superior ali-
quis, cùm se vndique senserit innumeris
propè difficultatibus circumfessum, ac tan-
tū-non insepultum, Quis tantis vno tem-
pore occurrentibus, cùm noua veteribus
fecundo malorum germine innascentur,

suf-

sufficiat : mille modis temporalium sollicitudine discrucior , mensque spiritalibus intenta in diuersum & ad orationum alienissima, rapitur. additur comparandarum facultatum sollicitudini, amittendarum maior etiam metus. sed & domesticæ non raro angustiae implexam mentem tenent, semper dubiam, semper incertam, pendulam, & ad non pauca minus religiosa impellunt. potes suada necessitas, fortis orator inopia est, nec minor egestatis metus . Accedunt priuatæ difficultates : multorum à recto bonoque, veterique instituto, moribusque, & à primæuo maiorum spiritu deflexio. hic iudicem ingnemque ferrumque etiam in extremis & perimentibus perhorrescit: ille medicam omnem Superioris manum auersatur: iste nō tantum medicam, sed & clementissimi patris dexteram indignabundus repellit, non vinum, non oleum à Samaritano propinatum admittens. alius nec matris quidem vbera solo lacte manantia suscipit. sunt qui mansuetudine iuxta ac seueritate indurescant. exasperantur nimirum in his à quacunque manu vulnera morbi que.

Quid agat Superior tot vno tempore
 malis obsessus, cum in triginta inferioribus
 triginta diuersorum morborum genera nu-
 meret? quis vnus tot mutuo aduersantibus
 medebitur, aut in tam pugnantes se formas
 vertat? hic hilaritatem, ibi moerorem, alibi
 maturitatem, seueritatem, & exinde amœ-
 nitatem ac lepores præ se ferat? mollia du-
 ris, lata tristibus, calida frigidis, amara sua-
 uibus, mella nimirum felle, quis docta ma-
 lis mederi manu misceat? aut adeò inuicem
 aduersantium quis vnus vno non raro die
 horaque conditiones induat? quis verò nō
 indignetur tot sæpe laboribus, vigiliis, mo-
 nitis, studiis, precibus, lacrymis, optatos spe-
 ratōque non respondere euentus? è semen-
 te bona tot zizaniorum acervos, tot è cul-
 tissima vite labruscas, tot è fecundo ger-
 minis boni trunco spuria vitula mina non a-
 ctura radices, nec in posteritatem itura, sed
 & infortunato ferè exitu suos labores clay-
 dii & ingratisima sponsia detergi? nullūq;
 spiritualium emolumento annos annis
 tanquam infelicitis matris infortunatam so-
 bolem succedere? & cum in orbem recur-
 rant

rant labores, frustrari semper optatis? toties eadem inculcari, mollibus, acribus, lenibus, fortibus nec meliorem euentu, quam si Æthiopas laues? Adde, post hæc omnia, promesse horreo Dominico inferenda, pro laude, & gratiarum actione, pro gratulatione, & mutui amoris ac beneuolentiæ redhibitione, oblocutionum ac detractionum plena plaustra, animumque ingratum, odioque, dolo ac maleuolentia plenum, inuidiæque narantem.

Gravia hæc sunt, si se viresque suas Superior intueatur. ut non immerito desperet de euentu, & post nequidquam tentata remedia, deponat ægri sui curam, committatque fortuitis naturæque morbum, nec ultra manum extendat in curationem: seque etiam adeò, si alia omnis elabendi via desit, in alta recondat cremo, ut sibi Deoq; viuat.

Verum si oculos coniecerit in Deum, pudebit illum cogitationum harum. conferat proinde sudores, lacrymas, Christi sui sanguinem cum suo. videat quàm prodigè illa Christus fuderit, quoties calcata ingrato humano pede, quot millibus frustra fluxe-

rint, quoties totis regnis irrita crucis vuln-
ra steterint.

Seipsum deinde Superior intueatur, ad-
lescentie, ac fors maturioris etiam ætatis cri-
mina, teporem, ignauam negligẽtiam, pro-
stratamque ac supinam socordiam; quoties
pulsantem monentemque Dominum ne-
glexerit; quàm male innumeris in se nullo
suo merito collatis beneficiis responderit;
quoties illius immemor sanguinis per varia
vitiõrum genera volutatus, nequidquã mi-
nitante, increpante, inuitanteque ad melio-
ra Deo, promissis etiam nouis vetera dona
sua onerante, surdas aures præbuerit; & erũ-
bescet ad ingrati animi sui, celo territque te-
stata documenta. & non mirabitur suorum
ad monita sua ignauum neglectum, qui du-
ra toties ceruice Dei monita excullerit.

Cogitet etiam nihil libi de labore deperi-
re. sequantur, impugnẽtue monita interio-
res; manet Superiori celo merces reposita
magna nimis, tantoque; manet maior, quanto
difficilius colluctatur. neque enim ab
euentu, sed à voluntatis & amoris magnitu-
dine merita donaque metiri sua solet Deus.

De-

Denique magnam se in spem erigat bonitatis diuinæ, certus pro fidei ac spei magnitudine cogitationes cessuras. gaudet humana fiducia Deus, & complacet etiam sibi in illa, delectaturque prouocari in dona, & munificentia suæ nubes magnæ fiduciæ impulsu concuti, quò illas resoluat in imbres, & lata liberalitatis suæ maria.

CAPVT LI.

Impatientia in aduersis.

Sive è laboris tædio, ex innata ignauia & torpore, siue è mali magnitudine, aut è desperatione profectus ac felicioris exitus, aut victoriæ consequendæ, siue è fiducia in diuites Dei sponſiones languore; aut virium denique suarum, aut cælestis auxiliij diffidentia nascatur; non vltimum malorum est. Hinc enim indignationes exurgunt, odiaque siue in eos quos scimus, siue quos auctores arbitramur, & sæpe innocentiam impetimus, & ea in innoxia capita fruiſimus, quorum meritò æternum pœniteat. qui error nulla plerumque industria corrigi potest.

test, cūm damna ea data sint, in quibus sera omnis emendationum cogitatio est, quæque nulla pœnitundine ac lacrymis elui, nullo pretio reparari possunt.

Iam si damni illati auctor innotuit, grauius etiam insurgimus. nec iure an iniuria acceperimus, examinamus; satis in vindictâ, & fouenda odia est accepisse. ita ferè omni ratione viduata impatientia est. atque hinc temerarij profiliunt ausus, pericula damnaque nulla sunt, si vindictæ locus cōceditur. etiam per latus proprium, quisquis hoc malo tenetur, gaudebit alterius peti posse: & suaue illi ferrum est, si eodem cadat hostis; molle telum, si vtriusque configat pectus.

Quid? quòd furori proxima omnis impatientia sit, & belluarum veriùs more quàm humano fertur in præceps, vt præcipitia & surgentia caelo saxa planities illi sint, si hostē in valle viderit; maria, torrentes, si in litore aduersarius steterit. ita non suo ducitur, sed alieno rapitur impetu: neque talis in aduersarium it, sed ventorum more cæco proruit impetu.

Accedit impatientiæ non rarò comitem esse

esse pusillanimitatem. cum enim aut mali magnitudine vincitur qui patitur, aut ignoratus damni illator, aut vindicta maior, aut nullus vindictę modus; labimur ferē in mērorem & languorē, in vitę tedium, in mortis cupiditatē. mori enim delectat, cum viuere pigeat: hinc morbi intima quęque & robustissima depascentes. sed neque ferro parcimus, bis impij. aut sanē contabescit homo, & nullum iam corpus, sed corporis sui vmbra quędam est.

Perpetuis deinde cor pulsatur anxietatibus, hærētque ad omniā pauidus animus, & ad turissima quęque contremiscit. nec sibi satis fidit: carissimos quosque & antē amicissimos inter hostes numerat: vt nusquā tuta sit illi fides, nulli se credat, cum in omniū oculis fraudes legat, in omnium ore venena, in omnium manibus ferrum, in omnium fronte hostem.

Perit ex hinc illi omnis meriti corona, omnis præmij brauium, omnis triumphij gloria. æterna an peritura proponas, iuxta habet. mercedem sponde; mercedis omnis contemptor est, æterna natura propone gau-

h h s dia;

dia; somnium illi gaudia sunt, & omnes celestium diuites sponſiones: cùm nihil videat præter malum suum, nihilque cogitet præter vindictæ modum. quin adeò, propone Deum; credes maioris illum facere gravitatem qua premitur mali, quàm aut illius offensam, minas, pœnas; aut præmia & gloriam. Imò cùm è re nulla aliâ maior honor quàm ex aduersantibus paretur; quod illi in salutem cœlitus concessum erat, vertit in interitum, medicamenta in venenum. misera omnino conditio, cùm quæ in vitam diuite Dei manu porrecta erant, in mortem commutantur.

Omnis etiam se talis prudentia spoliât, prouidentia nudat. neque enim statui prudenter prouideque aliquid potest, quàm diu impatientia occupauit mentem; nō anteueri mala, non præsentia executi, non futura præcaueri possunt. quare in mille se talis conijcit discrimina, quorum fuga & euitatio compositam præsentemque sibi animum iactationibus vacuum deposcit.

Re-

Remedia.

PRoderit in primis frequenter secum meditari, magna illum sperare aut promittere non posse, quem aduersa non erudierunt. lecto, puluinibus, mollibusque assuetus, mollia dabit, nec manum ad magna extendet. ardua virtus poscit, & extritum per aduersa pectus. vis viro & caelo digna? duris, inamoenis, difficilibus assuesce. callum nimirum antè per aduersantia obducatur, quis aeterna natura cogitat. adeoque quisquis pacatam vitam desiderat, durioribus antè mentem exerceat, ne fortuitis turbetur, ne incurrentibus obteratur, ne cedat malis, sed contra audentior eat, ut nimirum animos ab aduersis mutuetur, audeatque vtrò provocare fortunam, ab amica illa, aut inimica manu veniat. nam quid refert ad gloriam & laudem, hostis oppugnet apertus an tacitus? qui inimicitiam factis verbis; , an qui amicitiam verbo, hostilitatem rebus profiteretur? utrimque vulnera sunt, fluit ab utroque ferro sanguis. nisi quòd grauiora ex insidijs, & amica manu cadant; quia inopinata, & inermi ferè pectore accepta. eo laudis & me-

riti materies maior. Nam illa, Non putabam, non expectabam ab hac manu, post tot amicas dexterarum inimica exurgere arma, hostilia tela ab amica pharetra; ab ignavo pectore & ore veniunt. & quid refert à qua manu veniant mala? animum antè para, & cogita ab omni posse euenire quod ab hoste venit, posset tibi accidere quod Amasæ Ioabi ferro. & quot iam inde à Iudæ osculo in Domini iugulum surrexerunt?

Quid si Superior sit qui infert, quid si inferior? à patre in filium, à filio in patrem? & quoties à primordio creaturæ in creatorem insurgunt? quoties tu in Dominum, Iudicem, Regem, Patrem? in Conditorem, Redemptorem, in Deum: te ipsum proinde intueri, post tot beneficia creantis, cōseruantis, redimentis, sanguinem fundentis, amantis, adoptantis, cælorum hereditatem spondentis Dei: post omnibus retrò sæculis pœnas minitantis, & æternum inter perennantes flammæ minitantis Dei. post cælorum excidia, ignium sæuitiam, dæmonum carnicinam nullo æuo ponendam, nullo mitigandam. & insurgis tamen, & ferrum audes strin-

stringere, & iterum flagra, columnam, spinas, crucem, clauos, vulnera intentare. facit hoc quisquis calcata Dei voluntate, per peccato spreto, letali se scelere inuoluit: & toties facit quoties se illo inuoluit.

Quid si Superior sit qui patiatur, à quacunque manu; cogitet illud Bonauenturae de 6. alis. c. 5. *Per has aduersitates Prælatus à puluere peccatorum purgatur, quem contraxit ex humana infirmitatis surreptione.* Iac. 3. *In multis enim offendimus omnes; & in pluribus negotijs, plures negligentie sæpe fiunt, à quibus necesse habent hic purgari Prælati, ne illic durius puniantur; iuxta illud: 2. Re. 7. Si iniquè aliquid gesserit, corripiam eum in virga virorum, & in plagis filiorum hominum: per has etiam dum deprimitur, à tumore superbiæ custoditur: quæ potentibus periculosius insidiatur, dum & sublimitas officij, & libertatis licentia, & boni operis placentia, facile mentem eius extollerent; nisi aduersitatis iugum collum presumptionis eius humiliaret, & sic à superbiæ voragine defensaret.* custos enim salutis & profectus boni rectoris est humiliatio aduersitatis, sine qua eum successus prosperitatis citò eleuasset in ventum presumptionis. Vnde David secundum cor Dei electus,

quando premebatur aduersis, deuotissimus fuit & humilis; quando autem extollebatur prosperis, incidit in culpam elationis, ipso attestante, cum dicit, Psal. 112. Bonum mihi quia humiliasti me, ut diffam iustificationes tuas.

Si inferior est qui impugnatur, cogitet Primò, per hæc viam sterna ad magna. Secundo, parari animum in aliorum subsidium & mœrentium solamen, iacentium ac prostratorum erectionem. Tertiò, magni meriti materiam subministrari. Quartò, magnam animo tranquillitatem ac malaciam parari, dum per has iactationes roboratur, & afuescit duris, & vsu ac consuetudine quædã paullatim familiaritas cum aduersantibus intercedit. Quintò, crescere his tacitè spiritum ac roborari, iuxta illud Mat. 4. Sic est regnum Dei, quemadmodum si homo iaciat seminem in terrã, & dormiat, & exurgat nocte & die, & semen germinet, & crescat dum nescit ille.

Iuuerit verò plurimum, Christi, Dinæ Virginis, Sãctorum cælo ascriptorum mores vitaq; sæpiùs repetita. hæc enim animos firmabit, & aduersantibus maiores dabit. sperata etiam promissaq; cælo præmia.

qua-

quare cū aut aduersū aliquid intercurrerit, aut impatientiæ motus insurrexerint, Christi tui tūm pro te sanguinem, verbera, vulnera crucemq; cogita; & non magno negotio sæuientes animorum fluctus compesces: maximè cū ab orbe toto delectam sibi gentem tot beneficiorum prærogatiuis, iam inde ab exordio cumulatam, crudelissima pati videris. quin adedò, post tot beneficia in te manu collocata, vt opprimi ac inspeliri beneficijs potueris, non cessas diurnis diuinorum mandatorum transgressionibus, vindicem in te Dei dexteram prouocare; & parcit ille tamen, & perfert scelera, nec iudicem statim manum extendit. miseretur potius, & meliora exspectat parcere facilis, ac maioribus etiam post seriam pœnitudinem bonis exornat.

Consultum fuerit sapiùs illud memoria repetere. Paral. 15 *Confortamini, & nō dissoluātur manus vestre: erit enim merces operi vestro. Quæ manus, Bonauen. de 6. alis, c. 5. teste, instantia sunt in agendo, & patientia in sufferendo quod grauat. quæ si non dissoluantur per desidiam seu intolerantiam, merces æterna ei cumulabitur.*

† Re-

† *Referendum hoc caput ad librum secundum post
caput 2. folio 190.*

*Curiosior inuestigatio imperfectionum Superi-
riorum.*

QUæ res magnam animi inquietudinem
ingenerat, ingentium turbarum caus-
sa; cum curiosior hæc inuestigatio, tanquã
validis aduersantibusq; ventis, mentis ma-
laciã ac tranquillitatem euertat, perpetu-
isq; quibusdam flatibus fluctibusq; se-
renitatem turbet, ac è sede sua depellar, ne-
que enim stare in illa mente tranquillitas
potest, quæ perennibus iactatur motibus,
curiosioreq; inuestigatione continua iac-
tatione concutitur. vt taceam contemptũ
paullatim Superiorum nasci. Neque enim
fieri potest, quin aliqua nonnunquam mi-
nùs per omnia laudanda, quædam fors etiã
damnãda solers disquisitio, ingeniosa sem-
per in malum, repertura sit. neque enim ad-
deò numeris omnibus quemquam absolu-
tum reperiãs, quin aliquid emendandum
deprehendas. vt nulla fuerit ætas, quæ non
in maximis etiam viris aliquid semper pu-

tauerit ignoscendum, tanquã in medio die
pertenuem subterlabentem soli vaporem
qui nec illius repercutiat radios, nec lumen
obnubilet. Nam illam omnium perfectio-
num accuratorem quæ nullam veniam
mereatur, nulloq; nãuo aut puluere asper-
sa sit, vouere possumus, sperare prudenter
homines non possumus, & alterius illa, non
huius vitæ exempla sunt.

Iam ita ferè natura comparatum est, vt
cùm è curiosiore indagatione, in intima Su-
periorum adyta assidui scrutatores deuene-
rimus; plus possint ad contemptum mo-
dica vitia, quàm magnæ ad venerationem
virtutes: cùm ferè deterrima quæq; fortiùs
oculos repercutiant, altiusq; in animum
dimittantur.

Ac primò, aliquid antè conceptæ vene-
rationis deponimus, inde augustissimæ pri-
ùs laudata, tenuiter ac quasi per capillum
tangimus: ad aliorum exinde laudes silencio
mentem prodimus, damnamus denique, &
in apertas prorumpimus detractiones. ita
non contenti sumus improbanda vidisse,
spargimus, adeoq; sub lingua calamisq; cre-
scit

creſcunt vitia, & in elephantem culices ab-
eunt, in gigantes exurgunt pygmei. Vnde fit
vt omnis Superiorum auctoritas corruat, &
pro veneratione contemptus ſequatur, pro
obſequendi ſtudio, quod plurimum opi-
nionibus innititur, obedientiæ neglectus
ſuboriatur. cumque nihil tam potentes o-
bedientiæ ſtimulos addat, quàm altè imbi-
bita animo Superiorum veneratio; hanc au-
tem nihil adeò minuat, atque curioſior ab-
diſſimarum imperfectionum perſcruta-
tio; fit vt hac vna obedientiæ nerui penitus
ſecentur, vtq; ſua iam cuique voluntas pro
maiorum imperio ſit. quod vbi fit, quidquid
in Religione ſummum erat, & obedientiæ
viventis, in mutuum robur contra procur-
ſantes inimicas acies ſtringebatur ac firma-
batur, dilabitur, & magnum illud Religio-
nis propugnaculum, tanquam diſruptis ag-
geribus, diſſluit. Sed neque domeſticis hæc
parietibus continentur, cum nihil pronius
elabatur, quàm ſi quid imperfectionis in
Superiore notatum fuerit: & gloriatur et-
iam interdum, tanquam ſolertes vitiorum
quæ alios laquerant, repertoſes. præmuni-
que

que noxiæ huius indagationis, euulgatio
vitiatorum est: quæ vniuersæ familiæ quan-
tum damnorum adferat, nemo paullo pru-
dentior non videt. cum æstimationis famæ-
que in Superiore diminutio, omnia simul
metuenda secum trahat. Nam vbi quæ late-
bant, aut magnarum virtutum vmbra vitia
tegebantur. produntur, & in omnium ore
calamoque incrementa sumunt; nequid-
quam magna speraueris, cum opinionibus
fere humana peragantur: quam qui fuissele-
rit, proditor factus secretorum, omnem be-
ne feliciterque agendæ rei occasionem a-
demerit; cum fidem, auctoritatem, venera-
tionem, prosperioris imperij fulcimenta, tã-
quã vna falce demerat, ipemq; in his omnẽ
non in herba tantũ, sed in radice præscindat.

Huc accedit quædam in Superioribus a-
nimorum deiectio ac pusillanimitas. cum e-
nim minutissima abditissimaque sua solis-
que parietibus nota obseruari studiosiũs vi-
dent, ac in ingentes montes tenuissimas at-
tollunt verrucas, virtutes tegi, aut æmula simu-
latione transiri, ingentiaque naturæ ac Dei
dona amulationibus liuoribusque in-
sepeliri,

sepeliri, minima vitia in immensum supra
 verum tolli, perque omnium linguas char-
 tasque spargi, infelicibusque augmentis in-
 densa nemora, noxiorum zizaniorum mo-
 re, raros frutices succrescere; cadunt ani-
 mis, concreditaque sibi domestica externa-
 que negligunt, ac in ignauam quandam, ex
 alacri accensaque degenerant vitæ ratione
 sibi iam ipsis dissimiles: vt prior ille ignis pe-
 ctoribus clausus, magnarumque cogitatio-
 num succentor concrescat in densam gla-
 ciem, in Noricum quoddam frigus: & prior
 illa animorum alacritas, fortes ausus, men-
 tis erectio, generosi pectoris flammæ, in ig-
 nobiles delabantur cineres, in languidum
 teporem, in umbras, in fumum, & pro dig-
 nissimis posteritate cogitationibus, ingens
 animi meror & melancholia succedat, illu-
 strium inimica moliminum, qua quidquid
 generosioris erat mentis emedullatur, ac
 tanquam succis ad vitium neruis delum-
 batur.

Grauiæ hæc sunt, & ad vltima vltimæ de-
 sperationis recta via impellentia. è tam re-
 nuibus initij, tam magna, tam Religionibus

noxia

nox
dan
par
& v
sem
mic
rugi
stab
rup
pug
plæ
nut
rob
San
bus
ius,
nat,
côte
con
ocu
nis
tus
scio
piac

noxia, tam nulla postmodum arte emendanda. nihil hîc nouum. nam & vulpeculæ paruulæ demolîunt vineam Dei Sabaoth, & validissimarum fundamenta vrbium nō semel à muribus euersa legimus, etiā à fornicis. & tineæ quanta robora exedunt? ærugine sanè ferrum exeditur quod ignibus stabat illæsum. ita à minimis maxima corrumpunt. à molli stillicidio ingentes fatiscunt rupes, à tam lenta mollitudine Oceani propugnacula & claustra. quis credat, ni res ipsæ loquantur? quare nisi curiosiores hi minutissimorum in Superiore scrutatores, in robustissimum inciderint, & Hercule aut Samsonē natum pectus, quod aduersantibus indurescat, roboretur, ac seipso fiat maior, quodque in non postrema felicitate ponat, tales nactum se fuisse, ac uendis viribus cōtes; quod deniq; ita mores vitamq; omnē composuerit, tanquā in solis inimicorum oculis, ac inter hostilia arma viueret; omnis omnino magnarum rerum spes funditus euanesceret. Tales verò quanti sunt? nescio an centesimus quisque cōtemnat scorpīacas has caudas, viperarum ex insidijs dē-

tes;

res; aut arborum instar aquilonibus hisce
firmetur; aut præualidarum rupium more i-
rata hæc contemnat maria, & procurstantes
fluctus, cogatque inerritus iras minasque
suas bibere. rara è nimium in humanis pe-
ctora, chalybe aut adamante nata! cum
plerumque omnes æmulis his observationi-
bus, prostratis prolapsisque in solidum viri-
bus, corruant, ac animam etiam mœroribus
tanquam torcularibus expressam, per igna-
ua vestigia ponant. adeò nec robore pleni,
viridi etiamnum iuuenta, aut ætate & pru-
dentia firmati, his optimorum quorumcun-
que blattis ac tineis diu resistere possunt, aut
stare incolumes; ac inambusti, integraque
fama & pectore per calcatas hæc venena-
rias curiositates vitæ tolerare. eo magis quo
curiosi hi disquisitores plerumque de corde
& cerebro suo mutuuntur quod Superiori
adnectant. premuntur occultis vitiis? iisdem
teneri Superiorem quia vellēt, arbitrantur:
innatant abditis animorum imperfectioni-
bus? iisdem innatare fluctibus quia vellent,
putant Superiorem. infelices natatores so-
cios sibi quis vouent, inuenisse credunt: at

in nullos magis quàm in Superiores feruntur; excusatione nimirum digni, si suis vitijs Superiores inuoluerint. Et cum non raro quæ præferuidè valideque facta vellemus, euenisse credamus; fit vt vitia nostra in Superiorum frontibus legamus. non quòd insculpta illi sint vestibulo, sed quòd è nemore nostro decerpta, in alienum agrum zizaniorum talium inassuetum, noxia hæc semina transferamus. quod si quæ externa in Superiore licet tenuissima vitiorum quorundam domestica nobis signa vidisse in animum induxerimus; à decem passuum millibus damnanda euocamus, & è nostro illos ingenio moribúque metimur. quid? quod frequenter in sinistram omnino partem & alienissimam ab auctoris mente verba resque flectamus. ita in alieno ore, manu, sanguine, vita, fama ludimus, & quidquid vel capillo vitia nostra refert, in testatissimam alienorum vitiorum seriem transcribimus. Grauis omnino res, molestiarumque ac periculorum plenissima, quæ ingentes deponcat animos, ac humanis propè maiores, ac non nisi præualida Dei manu sustinentos.

Re-

Remedia.

Non hominem in Superiore vitij obnoxium, sed Dei cuius vices gerit personam intueri. hanc in illo venerari, & hanc solam. Quam in re imitandi seculi mores. neque enim in regio legato priuata vitia quidquam de veneratione adimunt: cum in hoc non Petrum aut Paulum domesticis vitij inuolutum, sed Regem intueamur, cuius vicarias vices cum obeat, regio illum cultu & obsequijs dignamur.

Hominem illum cogitare, errare posse. neque dignitates vitia minuunt aut tollunt, augent magis & ostentant quæ antè latebant. nam quæ priuata vita tegebat tanquàm abdita aut altè recondita terris, ea publica omnium oculis prospectanda proponit. quin imò ipsa munia applà vitijs terijs suppetunt: & quæ in semine suo mortuis similia torpebant, aut ignauo quodam sopore elisa iacebant; accedente dignitate exurgunt in herbam, in frutices, in arbores, in plenam patulamque vitam.

Ad omne Superioris vitij, sua propiùs
in-

intueri. grauiora diligens seriusque disquisitor reperiet domi suæ: quæ fors si composuerit cum illius, festucas in illo, trabes in se reperiet.

Statuat apud animum suum vnusquisq; in Superiore, quod ab alijs in re sua veller. ignosci vitijs suis desiderat: eadem vtatur regula in Superiore: maximè cum maior dignitas ac potestas maiorem malorum materiam suggerat. ferè enim plus potuisse, plus fecisse fuit.

Nisi apertissima in Superiore viderit, nunquam firmet iudiciũ, ac illa ipsa in benigniorem semper partem interpretetur. cum plurima in humanis occurrant prima si õte damnanda: quæ si penitiùs deposito in alterutram partem affectu introspectantur, probanda non rarò erunt, aut sanè clementiore longè censura notanda; si non crudè dicta factaque, sed auctoris mentem intueamur. quod si res excusationem non admittat, ad humanam naturam pronam ad vitia decurrendum, & è nostra ad varios lapsus facilitate, aliquid indulgendum alijs: dignissimi futuri cui reliqui ignoscat, si nos erro-

746 MED. REL. LIB. II. CAP. III.
ribus ignoscamus aliorum.


In testatis Superiorum vitis, ad Deum per frequentatas calidasque preces decurrendum, vltioneis etiam sibi irrogatis penis illi placendo, vt pulsus vitiorum errorumque tenebris, veris solidisque mentem illius virtutibus ornet illustretque, totumque hominem zizanijs in plenum radicitus euulsis, melioribus caloque ac munere quod tueretur dignis instruat.

Cogitet deinde quanta Superior in illo perferat, quanta molli spongia eluat, quanta prudenti simulatione transeat, quanta leui manu tangat, quanta mitiget & eleuet; cum hominibus imperare se sciat non angelis. maiore etiam facilitate in Superiore vtatur: cum æquius sit filium parentum ignoscere erroribus, quam parentes filiorum indulgere vitijs.

F I N I S.

Errata sic corrige.

~~p. 10 v. 7. obiectum lege abiectum. p. 75. v. pen. qua
lege quæ. p. 84. v. 1. ordinatur l. ordinatum. p. 117. v.
7. malis l. mali. p. 147 v. 5. à fine Sgargitur l. spargi-
tur. p. 194. v. 11. via l. viæ. p. eadem v. 3. à fine infe-
rior l. inferiori. p. 278. v. 6. Celentiam l. Celantiam.
p. 195. v. 4. à fine reluctantur l. relucantur. p. 392. in
titulo deest &. p. 396. v. 1. audiat l. audcat. p. 490. v.
4. à fine noxiam l. noxium. p. 508. v. 3. lege solius. p.
533. v. 15. periculum l. periculorum. p. 557. v. 3. à fine
rerè pro fere. p. 572. v. 4. refectio l. refectio. p. 638. v.
9. ille l. illa. p. 648. v. 8. diffidentia l. diffidentia. p.
656. v. 13. amplo l. ampla. p. 712. v. 1. probent l. præ-
bent. ibid. v. 6. à fine fides l. fidei.~~






Biblioteka Jagiellońska



stdr0028498



Asiat. Lat.
No 41.